

Siunnersuut

uunga

Kalaallit Nunaanni sullivimmi avatangiisit pillugit inatsisip

allanngortinnissaa pillugu inatsit

(Sullivimmi tarnikkut avatangiisit, suliffeqarfinni isumannaallisaaneq peqqinnissarlu pillugit suleqatigiinneq, sullivimmik nalilersuisarnermut piunasaqaatit nukittorsarneri, Sullivimmik Nakkutilliisoqarfiup qisuariaateqarnermut periarfissaanik annertusiineq, paasissutissanik katersuineq, suliaqarneq ingerlatitseqqiinerlu, suliffeqarfinnik isumaqatigiissusiornerup ingerlanneqarnera, akiligassiinerup qaffannera il.il.)

§ 1

Kalaallit Nunaanni sullivimmi avatangiisit pillugit inatsimmi, tak. nalunaarummi nr. 1048, 26. oktober 2005-imeersoq, inatsisitigut nr. 1382 23. december 2012-meersukkut aamma § 1-mi, inatsisitigut nr. 461, 15. maj 2017-imeersukkut allanngortinneqartumi, uku allanngortinneqarput:

1. § 1, nr. 1-mi ikkunneqassaaq »peqqinnartunillu« kingorna: »timikkut tarnikkullu«
2. § 2, imm. 1-mi, »sulineq« kingorna ikkunneqassaaq: », ingerlanneqartoq«, aamma »sulisitsisumi« kingorna ikkunneqassaaq: », taamaattoq tak. imm. 2 aamma 3.«
3. § 2, imm. 2, nr. 1 aamma 2-mi, allanngortinneqassaaq: », taamaattoq tak. § 45 d« imaalillugu: »§ 45 d-mi inuusuttut 18-it inorlugit ukiullit pillugit killersuinernit malitseqartut.«
4. § 2, imm. 3-mi, allanngortinneqassaaq »Aalajangersakkani makkunani aamma pineqarput sulineq, sulisitsisumi ingerlanneqanngitsoq, aamma imm. 2-mi taaneqartut sulineq:« imaalillugu: »sulineq, sulisitsisumi

ingerlanneqanngitsoq, kiisalu sulineq sulisitsisumi ingerlanneqartoq imm. 2-mi taaneqartutut, taamaattoq aalajangersakkat makkua atuupput:«.

5. § 2, imm. 3, nr. 1-mi, ikkunneqassaaq »suliffigisaq« kingorna: »§ 15 a sanaartortitsisup pilersaarusioneranut killilersuutaanut, ataqatigiissaarineranullu siunertarisaminnut naapertuuttumik sunniuteqarnissaat pillugu sulisitsisoq qulakkeerinneqataassasoq«.

6. § 2, imm. 3, nr. 4-mi, »38 aamma 39« allangortinneqassaaq imaalillugu: »38-39 b«.

7. § 2 -mi ikkunneqassaaq imm. 3-p kingorna, immikkoortoq nutaatut:
»Imm. 4. Piumassutsimik sulineq, sunngiffimmi sammisatut isikkulik, sullivimmi isumannaallisaaneq peqqinnissarlu pillugit suleqatigiinneq kiisalu sullivimmi avatangiisit pillugit aaqqissuussaaneq pillugit §§ 4-10-ni aamma sullivimmik nalilersuineq pillugu § 11 a-mi pineqanngilaq.«
Imm. 4 kingorna imm. 5-inngussaaq.

8. § 2-p kingorna ikkunneqassaaq:

»§ 2 a. Suliffeqarnermut ministeri malittarisassorsinnaavoq, kapitalini 2-4 aamma 12-14-imi aalajangersakkami ataatsimi arlalinnilluunniit naleqqussaanerit pisariaqartut ilanngullugit, sulisitsisumi sulinerup atuunnissaa pillugu, sulisut innuttaasunik sullissinermi sulinerup avataani suliffimmut tunngatissutilimmik nakuuserfigineqarnissamut, sioorasaarfigineqarnissamut aamma allatut kannguttaatsuliorfigineqarnissamut aarlerinaateqartuni.

Imm. 2. Suliffeqarnermut ministeri sulisitsisup pisussaaffia pillugu malittarisassorsinnaavoq, imm. 1-mi pissutsinut ilaatinneqartunut najoqqutassanut sulisunillu ilitsersuussinermut aamma sulinerup avataani suliffimmut tunngassutilimmik nakuuserfigitinnerit pillugit politiinut nalunaarutiginninnermi sulisut ikiorneqarnissaannik neqerooruteqarnermut.

Imm. 3. Suliffeqarnermut ministeri ilanngullugu malittarisassorsinnaavoq, kapitalini 2-4 aamma 12-14-imi aalajangersakkami ataatsimi arlalinnilluunniit imm. 2 malillugu malittarisassanut atuutsinneqassasut.«

9. Kapitali 2-mut *qulequtaq* imatut allanneqassaaq:

»Kapitali 2

Isumannaallisaaneq peqqinnissarlu pillugit suleqatigiinneq«.

10. Kapitali 2-mi § 3 a-p kingorna ikkunneqassaaq:

»*Suleqatigiinneq*

§ 3 b. Suliffeqarfinni ataasiakkaani isumannaallisaaneq peqqinnissarlu pillugit sulineq sulisitsisup, sulisunik aqutsisut sulisullu akornanni suleqatigiinnikkut isumagineqassaaq.«

11. § 4 sioqqullugu *qulequtaq*, imatut allanneqassaaq:

»*Sullivimmi avatangiisit pillugit aaqqissuussaq*«

12. § 4 imatut allanneqassaaq:

»§ 4. Suliffeqarfinni ataatsimiit qulingiluanut amerlassusilinnik sulisulinni, sullivimmi isumannaallisaanikkut peqqinnissakkullu suleqatigiinneq sulisitsisup, sulisut sulisunillu aqutsisoqarpat toqqaannartumik ataavartumillu attaveqatigiinnikkut ingerlanneqassaaq. Suliffeqarnermut ministeri sullivimmi aaqqissuussinerup annertusarnissaa pillugu erseqqarinnerusumik malittarisassiorsinnaavoq, assigiiaanik suliaqarfinnut imaluunniit suliffeqarfinnut aalajangersimasunut.«

13. *Qulequtaq* § 5 sioqqullugu atorunnaarsinneqassaaq.

14. § 5, ima allanneqassaaq:

»§ 5. Suliffeqarfinni quliniit 34-nut amerlassusilinnik sulisulinni, sullivimmi isumannaallisaanikkut peqqinnissakkullu suleqatigiinneq, sullivinni avatangiisit pillugit aaqqissussineq sulisunik aqutsisunik ataatsimik arlalinnilluunniit, sullivimmi avatangiisit pillugit sinniisutut toqqakkanik ataatsimik arlalinnilluunniit sulisitsisumik taassumunngaluunniit sinniisumik inuttalerneqartoq. Sullivimmi avatangiisit pillugit aaqqissuussinermi isumannaallisaanermut peqqinnissamullu tunngasut ulluinnarni pingaarnertullu suliassat isumagineqassapput.«

15. § 6, imm. 1, imatut allanneqassaaq:

»Suliffeqarfinni 35-nik amerlanerusunilluunniit sulisulinni, suleqatigiinneq imatut aaqqissuunneqassaaq, sullivimmi avatangiisit pillugit aaqqissuussinerit marlunnik qaffasissusillit pilersinneqarlutik:

- 1) Suleqatigiissitamit ataatsimit arlalinniilluunniit isumannaallisaaneq peqqinnissarlu pillugit ulluinnarni suliassat isumagineqassapput. Suleqatigiissitaaq ataaseq sulisunik aqutsisumik ataatsimik sullivimmilu avatangiisit pillugit sinniisumik ataatsimik toqqaasoqassalluni.
- 2) Ataatsimiititaliap ataatsip arlallilluunniit isumannaallisaaneq peqqinnissarlu pillugit pingaarnertut suliassat isumagissavaat. Suliffeqarfimmi suleqatigiissitamik ataatsimik arlalinniilluunniit pilersitsisoqarsimappat nr. 1 malillugu, suleqatigiissitami suleqatigiissitaniluunniit toqqaagasut ataatsimiititaliami ilaasortaassapput. Suleqatigiissitanik marlunnik amerlanerusunik pilersitsisoqarsimappat, sullivimmi avatangiisit pillugit sinniisut akornanni ilaasortat marluk aamma sulisunik aqutsisut akornanni marluk ataatsimiititaliamut toqparneqassapput. Ataatsimiititaliami siulittaasoq sulisitsisumit taassumunngaluunniit sinniisumit isumagineqassaaq.«

16. § 6, imm. 2, oqaaseqatigiit siullerni, allanngortinneqassaaq

»isumannaallisaanermut sinniisut« imaalillugu: »sullivimmi avatangiisit pillugit sinniisut« aamma »isumannaallisaanermut eqimattat aamma isumannaallisaanermut ataatsimiisitaliami sinniisut« allanngortinneqassapput imaalillugu: »sullivimmi avatangiisit pillugit suleqatigiissitat aamma sullivimmi avatangiisini ataatsimiisitaliami sinniisut«.

17. § 6-p kingorna ikkunneqassaaq:

»§ 6 a. Sulisitsisoq, sulisut sulisunillu aqutsisut suleqatigalugit, sullivimmi avatangiisit pillugit sinniisut aamma sulisunik aqutsisut amerlassusaannik aalajangiissaaq, § 5 imaluunniit § 6 malillugit pilersinneqartoq,

suliffeqarfik sullivimmilu avatangiisit pillugit pissutsit mianeralugit. Amerlassutsinik aalajangerneqassapput sulisut sullivimmi avatangiisit pillugit aaqqissuussami sullivimmi avatangiisit pillugit sinniisut aamma sulisunik aqutsisut sulinerup nalaani sullivimmi avatangiisit pillugit pissutsit oqallisiginissaannut periarfissaqartissallugit. Sullivimmi avatangiisit pillugit aaqqissuussami sullivimmi avatangiisit pillugit sinniisut amerlassuseqassapput minnerpaamik sulinermik aqutsisut amerlaqataannik.

§ 6 b. Sulisitsisoq ukiut tamaasa sulisut sulisunilu aqutsisut suleqatigalugit ukiumut tulliuttumut isumannaallisaaneq peqqinnissarlu pillugit suleqatigiinnerup imarisassai aaqqissuunneqartassapput, tamannalu qanoq ingerlanneqassanersoq aalajangiiffigineqarluni. Suliffeqarfinni sullivimmi avatangiisit pillugit aaqqissuussiffiusuni, taanna suleqatigalugu aaqqissuussineq pissaaq.

Imm. 2. Sulisitsisoq ukiut tamaasa sulisut sulinermilu aqutsisut peqatigalugit, suliffeqarfinni sullivimmi avatangiisit pillugit pisariaqartumik piginnaasaqartoqarnersoq pillugu oqallisigineqartassaaq.

Imm. 3. Suliffeqarnermut ministeri imm. 1-2 malillugit kiisalu tamatuminnga naammassinninnermut uppersaatinik sulisitsisup pisussaaffianut erseqqarinnerusunik malittarisassanik aalajangersaasinnaavoq.«

18. § 7, imm. 1 aamma 2 atorunnaarsinneqassapput, taarsiullugulu ikkunneqassaaq:

»*Imm. 1.* Suliffeqarnermut ministeri erseqqarinnerusunik malittarisassiorsinnaavoq, suliffeqarfinni sullivimmi avatangiisit pillugit aaqqissuussaaneq qanoq annertusarneqarnissaanut atuunniissaanullu, sullivimmi avatangiisit pillugit aaqqissuussinnermut ilaasortat amerlassusaat qanoq aalajangerneqarnissaannut, sullivimmi avatangiisit pillugit sinniisut toqqarneqarnissaannut aamma sullivimmi avatangiisit pillugit aaqqissuussinnermi sulisunik aqutsisunik toqqaanissamut kiisalu sullivimmi avatangiisit pillugit aaqqissuussaaneq suliaasaanut aamma sullivimmi

avatangiisit pillugit aaqqissuussami ilaasortat pisinnaatitaaffiinut pisussaaffiinullu tunngasunik.«

Imm. 3-8 tamatuma kingorna imm. 2-7-nngussapput.

19. § 7, *imm. 3*, *oqaaseqatigiit siullerni*, allanngortinneqartoq imm. 2, oqaaseqatigiit siullernut, »Isumannaallisaanermik aaqqissuusseqatigiit« allanngortinneqassaaq imaalillugu: »Sullivimmi avatangiisit pillugit aaqqissuussap«.

20. § 7, *imm. 4*, *imm. 3-nngortinneqartumi*, »isumannaallisaaneq peqqinnissarlu pillugit sulinerat« allanngortinneqassaaq imaalillugu: »isumannaallisaaneq peqqinnissarlu pillugit suleqatigiinneq«.

21. § 7, *imm. 4*, *imm. 3-nngortinneqartumi*, »§ 5 aamma § 6, *imm. 1*« allanngortinneqassaaq imaalillugu: »§ 5, § 6, *imm. 1*, § 6 a aamma § 6 b, *imm. 1*«.

22. § 7, *imm. 7-mi*, *imm. 6-nngortinneqartumi*, »isumannaallisaaneq« allanngortinneqassaaq imaalillugu: »isumannaallisaaneq peqqinnissarlu pillugit suleqatigiinneq«, »1,«-p kingorna ikkunneqassaaq: »§ 6 a, § 6 b, *imm. 1*,« aamma »imaluunniit pissutsit immikkut ittut malillugit sakkukillileriviginnaalluni.« atorunnaarsinneqarpoq.

23. § 8, *imm. 1*, »isumannaallisaaneq pillugu ataatsimiititaliami« allanngortinneqarpoq imaalillugu: »sullivimmi avatangiisit pillugit ataatsimiititaliaq«.

24. § 8, *imm. 2*, »isumannaallisaaneq pillugu suleqatigiissitaliani aamma ataatsimiititaliani« allanngortinneqassaaq imaalillugu: »sullivimmi avatangiisit pillugit suleqatigiissitaliani aamma ataatsimiititaliani«, »isumannaallisaaneq pillugu ataatsimiititaliaq« imaalillugu allanngortinneqassaaq: »sullivimmi avatangiisit pillugit ataatsimiititaliaq« aamma »isumannaallisaaneq pillugu sulissuteqarnerminni« imaalillugu allanngortinneqassaaq: »sullivimmi avatangiisit pillugit sulinerminni«.

25. § 8, *imm.* 3-mi, »isumannaallisaaneq pillugu ataatsimiititaliami aamma suleqatigiissitaliani« allanngortinneqassaaq imaalillugu: »sullivimmi avatangiisit pillugit ataatsimiisitaliami aamma suleqatigiissitami«.

26. § 8, *imm.* 4-mi, »isumannaallisaaneq pillugu suleqatigiissitaliat« allanngortinneqassaaq imaalillugu: »sullivimmi avatangiisit pillugit suleqatigiissitaliat«, »isumannaallisaaneq pillugu ataatsimiisitaliaq« imaalillugu allanngortinneqassaaq: »sullivimmi avatangiisit pillugit ataatsimiisitaliaq« aamma »isumannaallisaaneq peqqinnissarlu« imaalillugu allanngortinneqassaaq: »sullivimmi avatangiisit«.

27. § 8, *imm.* 5, imatut allanneqassaaq:

»*Imm.* 5. Sullivimmi avatangiisit pillugit suleqatigiissitaliat aamma ataatsimiisitaliaq suleqatigiinnerup ataqatigiissarnissaanut sulisitsisup periarfissaqartissavai.«

28. § 9, *imm.* 1, *oqaaseqatigiinni siullerni*, »isumannaallisaaneq pillugu sinniisup« allanngortinneqassaaq imaalillugu: »sullivimmi avatangiisit pillugit sinniisup«, »isumannaallisaaneq pillugu sinniisop« imaalillugu allanngortinneqassaaq: »sullivimmi avatangiisit pillugit sinniisop« aamma »isumannaallisaaneq pillugu pikkorissarnerit« imaalillugu allanngortinneqassaaq: »sullivimmi avatangiisit pillugit pikkorissarnerit«.

29. § 9, *imm.* 1, *oqaaseqatigiit aappaanni*, »isumannaallisaaneq pillugu pikkorissarnerit« allanngortinneqassaaq imaalillugu: »sullivimmi avatangiisit pillugit pikkorissarnerit«.

30. § 9, *imm.* 2-mi, »isumannaallisaanermut aaqqissuussaanagerup« allanngortinneqassaaq imaalillugu: »sullivimmi avatangiisit pillugit aaqqissuussami«.

31. § 9, imm. 3-mi, allanngortinneqassaaq »isumannaallisaaneq pillugu aaqqissuussaaneq« imaalillugu: »sullivimmi isumannaallisaaneq pillugu aaqqissuussaaneq«.

32. § 9-p kingorna ikkunneqassaaq:

»§ 9 a. Sullivimmi avatangiisit pillugit aaqqissuussamut ilaasortat, sullivinnik avatangiisit pillugit ilinniarsimasuunissaat, sulisitsisup isumagissavaa.

Imm. 2. Sullivinnik avatangiisit pillugit ilinniartitaanerup pinngitsuugassaangitsup imarisassai, peqataanissamut nalunaarneq, neqerooruteqarneq naammassinninnerlu, aamma sanaartornermut suliaasaqarfiup iluani isumannaallisaaneq peqqinnissarlu pillugit ataqatigiissaarisunut immikkut sullivinnik avatangiisit pillugit ilinniartitaaneq, sullivinnik avatangiisit pillugit ilinniartitaanerup pinngitsuugassaangitsumut aamma ataqatigiissaarusunut immikkut sullivinnik avatangiisit pillugit ilinniartitaanerup tunngatillugu ilinniartitsisut piginnaasaat kiisalu akuersissuteqarneq pitsaassusaannillu qulakkeerineq pillugit suliffeqarnermut ministerip erseqqarinerusumik malittarisassiussaaq.«

33. § 10 imatut allanneqassaaq:

»§ 10. Suliffeqarfimmi isumannaallisaaneq peqqinnissarlu pillugit sulinerup paasisimasanut pisariaqartunut tunngatillugu sulisitsisumit isumagineqarsinnaangippat, sulisunut sullivimmi avatangiisit tamakkiisumik illersorneqartuarnissaat qulakkeerniarlugu sulisitsisoq avataaniit suliamik immikkut paasisimasalimmik pissarsissaaq. Tamatuminnga suliffeqarnermut ministeri erseqqarinnerusumik malittarisassiorsinnaavoq.«

34. § 11 a, imm. 2, oqaaseqatigiinni siullerni, »qanorlu iliornikkut tamakkua aaqqiivigineqarnissaannik« kingorna ikkunneqassaaq: » sullivimmi avatangiisit pillugit inatsimmi pitsaaliuinerup tunngaviusut mianerineqassapput.«

35. § 11 a, imm. 3-mi, »isumannaallisaaneq pillugu aaqqissuussineq«
imalillugu allanngortinneqassaaq: »sullivimmi avatangiisit pillugit
aaqqissuussaaneq«.

36. § 15-p kingorna ikkunneqassaaq:

»§ **15 a.** Sulisitsisut sanaartorfinni sulianik suliaqartitsisut,
sanaartortitsisup pilersaarusiortnera, killiliinera ataqatigiissaarineralu
siunertaq malillugu ingerlanneqarnerannut sulisut eqqarsaatigalugit
isumannaallisaanermut peqqinnissamullu tunngatillugu annertusaanermut
qulakkeerinninnissamut peqataassapput. Tamatumunnga sanaartortitsisut
ataqatigiissaarisuannit innersuussutit sulisitsisup pingaartissavai.

Imm. 2. Imm. 1 malillugu suliffeqarnermut ministeri sulisitsisup
pisussaaffii pillugit erseqqinnerusumik malittarisassiorsinnaavoq.«

37. § 16, imm. 1, oqaaseqatigiinni siullerni aappaannilu aamma § 16, imm.
2-mi »isumannaallisaaneq pillugu sinniisut« imalillugu
allanngortinneqassaaq: »sullivimmi avatangiisit pillugit sinniisut«.

38. § 16, imm. 1, oqaaseqatigiit siullerni »taaneqartutut« kingorna
ikkunneqassaaq: »aalajangiinerit aamma«.

39. § 16, imm. 1, oqaaseqatigiit aappaanni, »allanut,« kingorna ikkunneqassaaq:
»aalajangiinernik imaluunniit«.

40. § 16, imm. 2-mi, »malillugit« kingorna ikkunneqassaaq: »aalajangiinernik
aamma«.

41. § 17-mi ikkunneqassaaq oqaaseqatigiit aappaattut:

»Sullivinnik Nakkutilliisoqarfiup piumasarisinnaavaa, misissuineq
nukingertumik piffissaliussarluunniit atorlugu ingerlanneqassasoq.«

42. § 17 b imatut allanneqassaaq:

»§ **17 b.** Suliffeqarfimmi napparsimaneq peqqutaalluni
sulinnitsoortarnerit appartinnissaat siunertaralugu suliffeqarfimmi

isumannaallisaaneq peqqinnissarlu pillugit suliffeqarfiup sulineranut napparsimalluni sulinngitsoortarnek ilanngutitinniarlugu, sulisitsisup pisussaaffia pillugu suliffeqarnermut ministeri erseqqinnerusumik malittarisassiorsinnaavoq.«

43. § 17 b-p kingorna, qulequtaq sioqqullugu, § 18 sioqqullugu ikkunneqassaaq:

»Suliffeqarfinni aqutsisut il.il.

§ 17 c. Sulisitsisup pisussaaffii pillugit inatsimmi aalajangersakkaniittut, suliffeqarfimmi aqutsisumut aqutsinermiluunniit peqataasumut aamma atuupput.«

44. § 21, *imm. 2-mi*, »isumannaallisaaneq pillugu suleqatigiissuni« allanngortinneqassaaq imaalillugu: »sullivimmi avatangiisit pillugit suleqatigiissitat«.

45. § 28-p »aarlerinaateqarsinnaasunik« kingorna ikkunneqassaaq: »imaluunniit ajornerulersitsisinnaasunik«.

46. § 33, *imm. 1, nr. 2-mi*, »pillugit,« kingorna ikkunneqassaaq: » tassunga ilagitillugit taakkununga aningaasartuutit kimit isumagineqassanersut«.

47. § 33, *imm. 1, nr. 3-mi*, atorunnaarsinneqassaaq »amma«.

48. § 33, *imm 1, nr. 3-p* kingorna, normut nutaat ikkunneqassapput:

»4) timikkut tarnikkullu ikiueqqaarneq pillugu suliniuteqarnissat pisariaqartut pillugit,

5) inunnik timikkut tarnikkulluunniit innarluutilinnik sulisoqarnermi, ajutoornissamut sulinermiluunniit nappaateqalernissamut annertunerusumik ulorianartorsiornermik kinguneqarsinnaasunik,

6) sulisut kisimiitillugit sulisitsisinnaaneq pillugu killiliinernut tunngasut kiisalu«.

Nr. 4 tamatuma kingorna nr. 7-nngortinneqassaaq.

49. § 35, imm. 1 -mi, oqaaseqatigiit siulliit kingorna, oqaaseqatigiit nutaatut ikkunneqassaaq:

»Tamatumunnga tunngatillugu suliffeqarnermut ministeri malittarisassiorsinnaavoq makkununnga

1) sullivimmi isersimaartarfik, ilanngullugit qilaamut portussuseq, qilaani init, natit, iikkat, qilaat, qaammaqutit, kiassuseq/nillissuseq, silaannarissarneqarnera nipiliornerlu,

2) atugarissaarnermut suliniutit il.il., ilanngullugit isersimaartarfik nerisarfillu, atisaasivik, atisaajartarfik, perusersartarfiit, errorsisarfiit uffarfiillu kiisalu siniffigisinnaasat issiaviillu, aamma

3) anisarfinnut tunngasut, ilanngullugit aqqusernit, majuartarfiit anisarfiillu.«

50. § 35-mi, immikkoortoq 2-p kingorna nutaatut ikkunneqassaaq:

»Imm. 3. Imm. 1 naapertorlugu illuutunik, ininik, nunaminertanik il.il. attartornermut atuuttunik malittarisassiortoqarsinnaavoq.«

Imm. 3 tamatuma kingorna imm. 4-nngussaaq.

51. Kapitali 6-mut qulequtaq »Teknikikkut atortut« kingorna ikkunneqassaaq: »il.il.«

52. § 36, imm. 1, oqaaseqatigiit siullerni, »Teknikikkut atortut« allanngortinneqassaaq imaalillugu: »Maskiinat, maskinat atortui, immiussiviit, sanaartukkat ilusilersoriikkat, atortorissaarutit, sannatit, sanaartornermut atortunik pisiassat, teknikikkut atortut allat inummullu illersuutit«.

53. § 37, imm. 1-mi »teknikikkut atortut« kingorna ikkunneqassaaq: »il.il.«

54. § 39-p kingorna, kapitali 7-imut ikkunneqassaaq:

»**39 a.** Sulinermi peqqinnissamut ajutoornermilu ajoqusernissaq pitsaaliornissaa naammattoornissaalu siunertaralugu, atortussianik atortunilluunniit nioqutissiortumiit eqqussuisunilluunniit misissorneqareersunik misissuisoqarnissaanik imaluunniit

uppernarsaatinik pisariaqartinneqartunik pissarsinissaq nalunaarutiginninnissarlu pillugit suliffeqarnermut ministeri malittarisassiorsinnaavoq. Ilanngullugu atortussianut atortunullu tamanut, atortussianut atortullu ataasiakkaanut, atortussianut atortunullu aalajangersimasunut imaluunniit atortussianut atortunullu immikkut atorneqartussanut malittarisassiorsinnaavoq.

Imm. 2. Malittarisassiortoqarsinnaavoq nalunaarutiginninneq imaqartinneqassasoq:

- 1) Atortussiap atortussalluunniit piginnaasai sunniutaanillu nalilersuinermit pingaaruteqartunik pissutsinut paasissutissat, ilanngullugu taakkua piginnaasaat isumannaallisaaneq peqqinnissarlu eqqarsaatigalugit ulorianarsinnaanerininik imaluunniit ajorseriaataasinnaanerinik.
- 2) Immikkoortiterinermit, poortorneqarnerinut meqqilerneqarnerinullu siunnersuutinik.
- 3) Isumannaallisaaneq peqqinnissarlu eqqarsaatigalugit sulisut ajornerulernissaannut pitsaaliuinermit suliniutigineqartut patajaatsumik qulakkeerinninneq pillugu paasissutissat.

Imm. 3. Ilanngullugu malittarisassiorsinnaavoq atortussiat atortullu nutaat nalunaarutigineqarneraniit siusinnerpaamik qaammatip ataatsip qaangiunnerani atuisoqarsinnaanerininik. Piffissaliussa q sivitorneqarsinnaavoq, nalunaarutiginninneq amigartumik kukkusumilluunniit imaqarpat, taamaalilluni nalunaarut paasissutissanik imarisassaanik imaqartoq tигuneraniit qaammatip ataatsip qaangiunnerani, atortussiaq atortorluunniit aatsaat atorneqarsinnaalluni.

§ 39 b. Atortussianik atortunilluunniit nioqqutissiortunit eqqussuisunilluunniit teknikikkut allatigullu paasissutissanik saqqummiinerini, atortussiap atortulluunniit sullivimmi avatangiisini isumannaallisaanermit peqqinnissamullu sunniutai pillugit paasissutissanik pingaaruteqartunik tamanik imaqartussaeneri pillugit suliffeqarnermut ministeri malittarisassiorsinnaavoq«.

55. § 42, *oqaaseqatigiit aappaanni*, »nakkutilliinermut allattaavinnut allanneqartassaaq imaluunniit allatut taamatulli uppersarsaaserneqartassaaq« allangortinneqassaaq imaalillugu: »allaganngorlugu uppersarsarneqassaaq«.

56. § 49 a, *imm. 2-mi*, »atuarfimmi nakorsaq« allangortinneqassaaq imaalillugu: »peqqinnissaqarfik«.

57. § 50, *imm. 1, nr. 2* aamma *3-mi*, aamma § 51, *imm. 1-mi*, qallunaatuani allangortinneqassaaq »landsstyret« imaalillugu: »Naalakkersuisut«.

58. § 51, *imm. 1, nr. 5-mi*, »Kalaallit Nunaanni Sulisitsisut peqatigiiffiat (GA)« allangortinneqassaaq imaalillugu: »Sulisitsisut«.

59. § 51, *imm. 1, nr. 6-mi*, »Kalaallit Nunaanni Kommuneqarfiit Kattuffiat (KANUKOKA)« allangortinneqassaaq imaalillugu: »Kalaallit Nunaanni Kommuneqarfiit Ataatsimoortut«.

60. § 51, *imm. 1, nr. 7-mi*, qallunaatuani »Grønlands landsstyre« allangortinneqassaaq imaalillugu: »Naalakkersuisut«.

61. § 55-mi, *imm. 2-4-tut* ikkunneqassapput:

»*Imm. 2.* Sullivinnik Nakkutilliisoqarfik paasissutissanik katersuisinnaavoq suliaqarlunilu, ilanngullugu oqartussaniit allaniit ataatsimut ingerlatsitsineq, nakkutilliisoqarfiup suliaminik ingerlatsinissaa eqqarsaatigalugu pisariaqarpat, ilanngullugu Sullivinnik Nakkutilliisoqarfiup nakkutilliinermi aamma misissuinermini kiisalu misissueqqissaarinermini, pitsaaliuinermini naatsorsueqqissaarnerminilu anguniakkaminik tunaartassatut atugassamik suliffeqarfiit suussusersinissaannut.

Imm. 3. Sullivinnik Nakkutilliisoqarfik paasissutissanik nammineq pigisanik paasissutissanillu, *imm. 1-mi 2-milu* ilaatinneqartuni, oqartussanut allanut, oqartussat suliaminnik ingerlatsinissaat

eqqarsaatigalugu pisariaqarpat, ilanngullugu nakkutilliinermik misissuinermillu suliassat, ingerlatitseqqiisinnaavoq.

Imm. 4. Sullivinnik Nakkutilliisoqarfiup paasissutissanik imm. 2 aamma 3-mi malillugit katersineranut, suliaqarneranut ingerlatitseqqiinermullu tunngatillugu suliffeqarnermut ministeri erseqqinnerusumik malittarisassiorsinnaavoq, ilanngullugu paasissutissanik katersukkat sularineqarnerini qaqugukkut, siunertarlu sorleq suliassallu, qaqugukkut paasissutissanik piiasoqassanersoq aamma teknikikkut aaqqissugaanikkullu suliniutaasut pillugit suliaqarnermut mianerineqartussat.«

62. § 59, *imm. 4*, *oqaaseqatigiit aappaanni*, »tamatuminnga ilisimatinneqartassaaq, tak. § 17 b aamma § 18.« allanngortinneqassaaq imaalilugu: », tak. §§ 17 c aamma § 18, tamatuminnga ilisimatinneqartassaaq.«.

63. § 59-mi, *imm. 5* aamma 6-tut ikkunneqassaaq:

»*Imm. 5.* Sullivinnik Nakkutilliisoqarfimmi sulisut nakkutilliinermut atasumik sulisunik allanik peqateqartinnagit oqaloqatigineqarsinnaapput.

Imm. 6. Sullivinnik Nakkutilliisoqarfimmi sulisut nakkutilliinermut atasumik sulisunik eqimattanik oqaloqateqartoqarsinnaapput, taamaaliorneq sullivimmi avatangiisinut tunngassuteqarpat. Sulisut eqimattaatillugit oqaloqatigineqarneranni, sulisitsisoq tassunga sinniisoq, tak. §§ 17 c aamma 18, sulisitsisumilluunniit inuk toqqarneqartoq peqataanissamut pisinnaatitaavoq, Sullivinnik Nakkutilliisoqarfimmi sulisunit eqimattanik oqaloqateqarnermut siunertaasup asuliinnartinneqannginnissaanik nalilerneqarpat.«

64. § 60, *imm. 1-mi*, allanngortinneqassaaq »peqqussutigisinnaavaa« imaalissaaq: »aalajangiiffigisinnaavaa« aamma »inatsit naapertorlugu« kingorna ikkunneqassaaq: »aamma ilanngullugu peqqussutigisinnaavaa, pissutsit«.

65. § 60-p kingorna ikkunneqassaaq:

»§ 60 a. Sullivimmi avatangiisit pitsanngorsarnissaat aamma sullivimmi avatangiisit pillugit ajornartorsiummik ataatsimik arlalinnulluunniit aalajangersimasunik piffissap isumaqatigiissutaasup iluani aaqiiviginissaat pillugu Sullivinnik Nakkutilliisoqarfiup sulisitsisoq allaganngorlugu isumaqatigiissuteqarfigisinnaavaa.

Imm. 2. Isumaqatigiissut pisinnaavoq,

1) Sullivinnik Nakkutilliisoqarfimmit paasineqarpat, pissutsit inatsimmut malittarisassanulluunniit imaluunniit inatsit naapertorlugu aalajangiinernut akerliusut, piffissaliussap iluani aaqiivigineqartussat, aamma sulisitsisoq sullivinni avatangiisinut tunngasumik ajornartorsiut sullivimmi arlalinni aaqiiviginiarlugit kissaateqarpat, imaluunniit

2) Sullivinnik Nakkutilliisoqarfimmit pasitsaassippat, pissutsit inatsimmut malittarisassanulluunniit imaluunniit inatsit naapertorlugu aalajangiinernut akerliusut, aamma sulisitsisoq pissutsit pasitsaassutaasut aaqiiviginiarlugit kissaateqarpat.

Imm. 3. Imm. 1 amma 2 malillugu isumaqatigiissusiortoqarpat, sullivimmi avatangiisit pillugit aaqqissuussaq imaluunniit, suliffeqarfimmi sullivimmi avatangiisit pillugit aaqqissuussamik pilersitsinissamik pisussaaffeqanngitsoq pineqartillugu, sulisut isumaqatigiissusiorneq pillugu ilisimatinneqassapput, sullivimmilu avatangiisit pillugit aaqqissuussaq sulisulluunniit pissutsit aaqiivigineqarnissaannik sulinermut peqataatinneqarnissallutik.

Imm. 4. Isumaqatigiissuteqarneq Sullivinnik Nakkutilliisoqarfimmit nakkutilliinikkut malitseqartinneqassaaq.

Imm. 5. Isumaqatigiissut sulisitsisumit imaluunniit Sullivinnik Nakkutilliisoqarfimmit atorunnaarsinneqarsinnaavoq, pissutsit isumaqatigiissummut aallaaviusut pingaarutilimmik allanngorsimappata.«

66. § 61 imatut allanneqassaaq:

»§ 61. Sulisitsisoq Sullivinnik Nakkutilliisoqarfiup aalajangiineri pillugit allakkatigut akissuteqassaaq, tamanna Sullivinnik Nakkutilliisoqarfiup qinnutigippagu.

Imm. 2. Aalajangiinerit pillugit akissuteqarnermi sulisitsisup qulakkiissavaa, sullivimmi avatangiisit pillugit aaqqissuussaq imaluunniit

suliffeqarfinni, sullivimmi avatangiisit pillugit aaqquissuussamik pilersitsinissamik pisussaaffeqanngitsoq pineqartillugu, sulisut sinniisaat, akissuteqarnissamut piffissaliussap naatinngu, akissutaasup imarisaanik ilisimatinneqarnissaat. Tamatuminnga sulisitsisoq uppersaammik tunniussissaaq.«

67. § 62, *imm. 1*-mi, allanngortissaaq »kapitali 10-12« imaalillugu: »kapitali 10-13« aamma »§ 29« imaalillugu allanngortissaaq: »§§ 50-54«.

68. § 62, *imm. 2*-mi, »taassumaluunniit sinniisuanut« allanngortinneqassaaq imaalillugu: »allat«, aamma »naapertorlugu nakkutilliisoqarfiup misissuiartornissaanik« imaalillugu allanngortinneqassaaq: »Sullivinnik Nakkutilliisoqarfimmit tiguneqartoq«.

69. § 63-mi, allanngortinneqassaaq »landsstyret« imaalillugu: »Naalackersuisut«, aamma »ministerip susasaqartup« allanngortissaaq imaalillugu: »naalackersuisup susasaqartup«.

70. § 64, *imm. 1* aamma *2*-mi, *imm. 3*, *oqaaseqatigiinni siullerni* aamma *imm. 4*-mi, »suliffeqarnermut ministeri« allanngortinneqassaaq imaalillugu: »Sullivinni Avatangiisit pillugit Naammagittaalliuteqartarfik«, aamma *imm. 3*, *oqaaseqatigiinni siullerni* »sulinermit ministerip« allanngortinneqassaaq imaalillugu: »Sullivinni Avatangiisit pillugit Naammagittaalliuteqartarfiup«.

71. § 64, *imm. 2*-mi, *oqaaseqatigiit pingajuattut* ikkunneqassaaq: »Sullivinni Avatangiisit pillugit Naammagittaalliuteqartarfimmut naammagittaalliut nassiutinnginnerani, Sullivinnik Nakkutilliisoqarfik Suliffigissaasuniit oqaaseqaammik pissarseqqaassaaq.«

72. § 64, *imm. 5*, atorunnaarsinneqassaaq.

73. § 65, *imm. 1*-mi, »§§ 14-17« allanngortinneqassaaq imaalillugu: »§§ 14-17 c«

74. § 65, *imm.* 2-mi, »kinguneqarsimappat« allanngortinneqassaaq imaalillugu: »kinguneqarpat«.

75. § 65, *imm.* 4-mi, »taaneqartut« allanngortinneqassaaq imaalillugu: »allanneqartut«.

76. § 65, *imm.* 5, imatut allanneqassaaq:

»*Imm.* 5. Immikkut ittumik sukannerulerulersitsissutaasutut isigineqassaaq,

1) inuusuttut 18-it inorlugit ukiullit ajutoormik kinguneqarsimappat inuup ajoquserujussuarneranik imaluunniit toquneranik nassataqartumik, tak. *imm.* 2,

2) inuusuttut 18-it inorlugit ukiullit inuunerat peqqissusaalluunniit ajoquserneqarpat imaluunniit ajoquserneqarnissaa navialisinneqarsimappat, tak. *imm.* 4, nr. 2,

3) inuit arlallit inuunerat peqqissusaalluunniit ajoquserneqarpata imaluunniit ajoquserneqarnissaat navialisinneqarsimappata, imaluunniit

4) pineqartoq inatsisitigut pisinnaatitaasoq pisussaatitaasorlu ukiut sisamat iluini sullivimmi avatangiisit pillugit inatsimmi ataasiarluni arlaleriarluniluunniit sakkortuumik unioqutitsisutut pineqaatissinneqarnermik eqqartuussaasimappat.«

77. § 66, *imm.* 1, *oqaaseqatigiinni siullerni*, »sulisitsisoq« allanngortinneqassaaq imaalillugu: »sulisitsisuusoq«.

78. § 66, *imm.* 1, *oqaaseqatigiit pingajuanni*, » § 91, *imm.* 4« allanngortinneqassaaq imaalillugu: »§ 128, *imm.* 4«.

79. § 67, *imm.* 1, *oqaaseqatigiit sisamaanni*, »§ 91, *imm.* 4« allanngortinneqassaaq imaalillugu: »§ 128, *imm.* 4«.

80. § 67 a-mi, »§ 17 b« allanngortinneqassaaq imaalillugu: »§ 17 c«.

**81. § 70-mi, allanngortinneqassaaq »Nunatta Eqqartuussisuuneqarfia«
imaalillugu: »Nunatsinni Eqqartuussivik«.**

§ 2

Imm. 1. Inatsit 1. juli 2023-mi atuutilissaaq.

Imm. 2. Kalaallit Nunaanni sullivimmi avatangiisit pillugit inatsit naapertorlugu, malittarisassanik atuutsitsineq, tak. inatsit nr. 1048, 26. oktober 2005-meersoq atuutsinneqaannassapput, malittarisassat atorunnaarsinneqarnissaat imaluunniit inatsimmi matumani tunngaveqartumik aalajangersarneqartut taarserneqarnissaat tikillugu.

Imarisai

1. Aallaqqaasiut

2. Inatsisissatut siunnersuutip pingaarnertut immikkoortui

2.1. Inatsisip atuuffii

2.1.1. Sullivimmi tarnikkut avatangiisit, piumassutsimik

suliaqarneq inatsisillu allanneqarnerisa erseqqinnerulernerat

2.1.1.1. Inatsit atuuttoq

2.1.1.2. Suliffeqarnermut ministereqarfiup isumaliuutersuutai

2.1.1.3. Aaqqissuussineq siunnersuutigineqartoq

2.1.2. Suliffiup avataani suliffimmut tunngassuteqartumik nakuusertoqarnera

2.1.2.1. Inatsit atuuttoq

2.1.2.2. Suliffeqarnermut ministereqarfiup isumaliuutersuutai

2.1.2.3. Aaqqissuussineq siunnersuutigineqartoq

2.2. Suliffeqarfimmi isumannaallisaaneq peqqinnissarlu pillugit sulinerup eqaannerulersinnissaa

2.2.1. Isumannaallisaaneq peqqinnissarlu pillugit

suleqatigiinneq

2.2.1.1. Inatsit atuuttoq

2.2.1.2. Suliffeqarnermut ministereqarfiup isumaliuutersuutai

2.2.1.3. Aaqqissuussineq siunnersuutigineqartoq

2.2.2. Suliffeqarfiit isumannaallisaanermik

aaqqissuussiffiunngitsut

2.2.2.1. Inatsit atuuttoq

2.2.2.2. Suliffeqarnermut ministereqarfiup isumaliuutersuutai

2.2.2.3. Aaqqissuussineq siunnersuutigineqartoq

2.2.3. Suliffeqarfiit isumannaallisaanermik aaqqissuussiffiusut

2.2.3.1. Inatsit atuuttoq

2.2.3.2. Suliffeqarnermut ministereqarfiup isumaliuutersuutai

2.2.3.3. Aaqqissuussineq siunnersuutigineqartoq

**2.2.4. Sulisitsisumut isumannaallisaanermullu aaqqissuussami
ilaasortanut pisinnaatitaaffiit pisussaaffillu allat**

2.2.4.1. Inatsit atuuttoq

2.2.4.2. Suliffeqarnermut ministereqarfiup isumaliuutersuutai

2.2.4.3. Aaqqissuussineq siunnersuutigineqartoq

**2.3. Sulisitsisup, pilersuisup, attartortitsisup pisussaaffii il.il.
allannguutit**

2.3.1. Sullivimmik nalilersuineq, pitsaaliuinermilu periaatsit

2.3.1.1. Inatsit atuuttoq

2.3.1.2. Suliffeqarnermut ministereqarfiup isumaliuutersuutai

2.3.1.3. Aaqqissuussineq siunnersuutigineqartoq

**2.3.2. Sanaartortitsisup pilersaarusionera, killiliinera
ataqatigiissaarinalu siunertarisamut naleqquttumik
ingerlanersut sulisitsisup peqataaaffiginissaanut
pisussaaitaanera**

2.3.2.1. Inatsit atuuttoq

2.3.2.2. Suliffeqarnermut ministereqarfiup isumaliuutersuutai

2.3.2.3. Aaqqissuussineq siunnersuutigineqartoq

**2.3.3. Isumannaallisaaneq peqqinnissarlu pillugit sulinermi
napparsimanikkut sulinngitsoornerit ilaatinnissaanut
sulisitsisup pisussaaitaanera**

2.3.3.1. Inatsit atuuttoq

2.3.3.2. Suliffeqarnermut ministereqarfiup isumaliuutersuutai

2.3.3.3. Aaqqissuussineq siunnersuutigineqartoq

2.3.4. Suliffeqarfinni aqutsisut il.il.

2.3.4.1. Inatsit atuuttoq

2.3.4.2. Suliffeqarnermut ministereqarfiup isumaliuutersuutai

2.3.4.3. Aaqqissuussineq siunnersuutigineqartoq

2.3.5. Nakkutilliinermut allattaaviup

piumasaqaatigineqarneranik taamaatitsineq

2.3.5.1. Inatsit atuuttoq

2.3.5.2. Suliffeqarnermut ministereqarfiup isumaliuutersuutai

2.3.5.3. Aaqqissuussineq siunnersuutigineqartoq

2.3.6. Sulisitsisup aalajngiinerit pillugit akissuteqarnera

2.3.6.1. Inatsit atuuttoq

2.3.6.2. Suliffeqarnermut ministereqarfiup isumaliuutersuutai

2.3.6.3. Aaqqissuussineq siunnersuutigineqartoq

2.4. Ikiueqqaarneq, inunnik timikkut tarnikkullu atukkatigut ulorianartumik kinguneqartumik sulisitsineq kiisalu kisimiillutillu sulineq pillugit malittarisassiorsinnaaneq

2.4.1. Inatsit atuuttoq

2.4.2. Suliffeqarnermut ministereqarfiup isumaliuutersuutai

2.4.3. Aaqqissuussineq siunnersuutigineqartoq

2.5. Suliffeqarfiup ilusilersugaaneranut, teknikikkut atortunut, atortussianut atortunullu il.il. piunasaqaatit

2.5.1. Suliffeqarfiup ilusilersugaanera

2.5.1.1. Inatsit atuuttoq

2.5.1.2. Suliffeqarnermut ministereqarfiup isumaliuutersuutai

2.5.1.3. Aaqqissuussineq siunnersuutigineqartoq

2.5.2. Inummut illersuutinik sulinermilu immikkut atisanut aningaasartuutit

2.5.2.1. Inatsit atuuttoq

2.5.2.2. Suliffeqarnermut ministereqarfiup isumaliuutersuutai

2.5.2.3. Aaqqissuussineq siunnersuutigineqartoq

2.5.3. Taaguut teknikikkut atortorissaarutit

2.5.3.1. Inatsit atuuttoq

2.5.3.2. Suliffeqarnermut ministereqarfiup isumaliuutersuutai

2.5.3.3. Aaqqissuussineq siunnersuutigineqartoq

2.5.4. Atortussianik atortunillu pilersuisut il.il. pisussaaffii

2.5.4.1. Inatsit atuuttoq

2.5.4.2. Suliffeqarnermut ministereqarfiup isumaliuutersuutai

2.5.4.3. Aaqqissuussineq siunnersuutigineqartoq

2.6. Sullivinnik Nakkutilliisoqarfiup sakkuinik allanngineq

2.6.1. Misissuinerimik peqqussuteqarnermut piffissaliussaq

2.6.1.1. Inatsit atuuttoq

2.6.1.2. Suliffeqarnermut ministereqarfiup isumaliuutersuutai

2.6.1.3. Aaqqissuussineq siunnersuutigineqartoq

2.6.2. Paasissutissanik katersineq, suliaqarneq

ingerlatitseqqiinerlu

2.6.2.1. Inatsit atuuttoq

2.6.2.2. Suliffeqarnermut ministereqarfiup isumaliuutersuutai

2.6.2.3. Aaqqissuussineq siunnersuutigineqartoq

2.6.3. Sulisunik oqaloqatiginnittarnerit, ilanngullugu

eqimattanik oqaloqateqarneq

2.6.3.1. Inatsit atuuttoq

2.6.3.2. Suliffeqarnermut ministereqarfiup isumaliuutersuutai

2.6.3.3. Aaqqissuussineq siunnersuutigineqartoq

2.6.4. Sullivimmi avatangiisinik pitsanngorsaaneq pillugu

isumaqatigiissutit

2.6.4.1. Inatsit atuuttoq

2.6.4.2. Suliffeqarnermut ministereqarfiup isumaliuutersuutai

2.6.4.3. Aaqqissuussineq siunnersuutigineqartoq

2.6.5. Nipangiussisussaataaneq

2.6.5.1. Inatsit atuuttoq

2.6.5.2. Suliffeqarnermut ministereqarfiup isumaliuutersuutai

2.6.5.3. Aaqqissuussineq siunnersuutigineqartoq

2.6.6. Inatsimmik unioqqutitsinerit pillugit aalajangiinissamut

Sullivinnik Nakkutilliisoqarfiup inatsisitigut tunngavissaa

2.6.6.1. Inatsit atuuttoq

2.6.6.2. Suliffeqarnermut ministereqarfiup isumaliuutersuutai

2.6.6.3. Aaqqissuussineq siunnersuutigineqartoq

2.6.7. Naammagittaalliorsinnaanermik allanngwineq

2.6.7.1. Inatsit atuuttoq

2.6.7.2. Suliffeqarnermut ministereqarfiup isumaliuutersuutai

2.6.7.3. Aaqqissuussineq siunnersuutigineqartoq

2.7. Akiliisitsissutit qaffasissusaanik qaffaaneq

2.7.1. Inatsit atuuttoq

2.7.2. Suliffeqarnermut ministereqarfiup isumaliuutersuutai

2.7.3. Aaqqissuussineq siunnersuutigineqartoq

2.8. Sulisunut paasissutissiineq malittarisassanillu nutarterineq

2.8.1. Kalaallisut oqaatsit atorneqarnerinik allannguutit

2.8.1.1. Inatsit atuuttoq

2.8.1.2. Suliffeqarnermut ministereqarfiup isumaliuutersuutai
aaqqissuussinerlu siunnersuutigineqartoq

**2.8.2. Sullivinnik Nakkutilliisoqarfiup aalajangiineri pillugit
paasissutissiineq**

2.8.2.1. Inatsit atuuttoq

2.8.2.2. Suliffeqarnermut ministereqarfiup isumaliuutersuutai
aaqqissuussinerlu siunnersuutigineqartoq

2.8.3. Atortussiat atortullu

2.8.3.1 Inatsit atuuttoq

2.8.3.2. Suliffeqarnermut ministereqarfiup isumaliuutersuutai
aaqqissuussinerlu siunnersuutigineqartoq

**2.8.4. »Atuarfiup nakorsaa«-nik »peqqinnissaqarfik«-
nngorlugu allannngortitsineq**

2.8.4.1. Inatsit atuuttoq

2.8.4.2. Suliffeqarnermut ministereqarfiup isumaliuutersuutai
aaqqissuussinerlu siunnersuutigineqartoq

2.8.5. Suliffigissaasut katiterneqarnerat

2.8.5.1. Inatsit atuuttoq

2.8.5.2. Suliffeqarnermut ministereqarfiup isumaliuutersuutai
aaqqissuussinerlu siunnersuutigineqartoq

2.8.6. Eqqartuussivik suliakkinneqartussaq

2.8.6.1. Inatsit atuuttoq

2.8.6.2. Suliffeqarnermut ministereqarfiup isumaliuutersuutai
aaqqissuussinerlu siunnersuutigineqartoq

3. Aningaasaqarnikkut kingunerisassai aamma pisortanut
atuutilersinneqarnerani kingunerisassai
4. Inuussutissarsiornermut il.il. aningaasaqarnikkut allaffissornikkullu
kingunerisassai
5. Innuttaasunut allaffissornikkut kingunerisassai
6. Avatangiisinut kingunerisassai
7. EU-mi eqqartuussiveqarnermut atanermut
8. Oqartussat kattuffillu il.il. tusarniaavigineqarneri
9. Immersugassaq eqikkagaq

1. Aallaqqaasiut

Kalaallit Nunaanni Sullivimmi avatangiisit pillugit inatsisit Danmarkimi, Suliffeqarnermut ministeeriaqarfimmiit aqunneqarpoq. Danmarkimi Sullivinnik Nakkutilliisoqarfik Kalaallit Nunaani nakkutilliinermut immikkoortortaqarfeqarpoq, Kalaallit Nunaanni nakkutilliinermik isumaginnittumik, Kalaallit Nunaanni sullivimmi atangiisit pillugit inatsisik allaffissornikkut ingerlatsiviusoq.

Kalaallit Nunaanni sullivimmi avatangiisit pillugit inatsit 1986-meersuuvoq, 2005-imilu kingullermik annertuumik nutarsarneqarluni. Danmarkimi sullivimmi avatangiisit pillugit inatsit 2005-imiit 25-riarlugu allanngortinneqarpoq. Taamaattumik Isumaginninnermut Suliffeqarnermullu Naalakkersuisoq kissaateqarpoq, inatsit aaqqissuunneqassasoq, Kalaallit Nunaani suliffeqarnermut tulluarsakkamik, Danmarkimi sullivimmi avatangiisit pillugit inatsimmut atuuttumut naligiissinneqarluni.

Kalaallit Nunaanni sullivimmi avatangiisit pillugit inatsit, inatsisaavoq toqqammaviusoq - Kalaallit Nunaanni suliffeqarnermi – danskit sullivimmi avatangiisit pillugit inatsisaannut assersuunneqarluarsinnaasoq. Inatsit tunngaviusutut inatsisaanera ilaatigut isumaqarpoq, inatsimmi aalajangersakkat amerlasuut pisinnaatitsinermut aalajangersagaasut, suliffeqarnermut ministeri suliassaqarfik aalajangersimasoq nalunaarusiornikkut erseqqarinnerusumik malittarisassiorsinnaatillugu. Taamaalilluni aamma aalajangersakkat amerlasuut pineqarput, inatsisissatut siunnersuummi matumani siunnersuutigineqartut.

Kalaallit Nunaanni sullivimmi avatangiisit pillugit inatsimmi assersuutissaqarpoq, nalunaarutini malittarisassiorortoqarmat danskit malillugit, kisianni tamatumunnga pisinnaatitsinermut tunngavissani piviusuni Kalaallit Nunaanni sullivimmi avatangiisit pillugit inatsimmi suli erseqqarinnerusinnaagaluartut. Inatsisissatut siunnersuummi matumani

tamanna malittarisassiornikkut iluarsiiviginiarneqarnera siunertarineqarpoq makkununga:

- Ikiueqqaarneq
- Inunnik timikkut tarnikkullu atukkanut ulorianartorsiortitsisumik sulisitsineq
- Kisimiilluni sulineq
- Suliffeqarfiup ilusilersorneqarnera
- Inunnut illersuutitut, sulinermilu immikkut atisanut aningaasartuutit

Tamatuma saniatigut inatsisissatut siunnersuummi allannguutit pingaaruteqartut makkuupput:

Sullivimmi tarnikkut avatangiisit ukkatarineqarnera patajaallisarlugu, inatsisip aalajangersagaani siunertatut erseqqissarneqarnissaa, sullivimmi avatangiisit pillugit timikkut aamma tarnikkut inatsimmi ilaanissaat. Sulinerup avataani suliffimmut atassuteqartumik nakuusertoqarnermut, suliffeqarnermut ministeri malittarisassaliorsinnaavoq, aamma Sullivinnik Nakkutilliisoqarfik sulisitsisumit akuerineqanngitsumik sulisunik eqimattalik oqaloqateqarnissamut periarfissaqalerluni.

Suliffeqarfimmi isumannaallisaaneq peqqinnissarlu pillugit sulinermi malittarisassanik nutarterineq. Allannguutissatut siunnersuutaapput ilaatigut suliffeqarfiit mikisut isumannaallisaanermik aaqqissuussaqaqarfiunngitsumi, suleqatigiinnerup patajaallisarneqarnissaa, suliffeqarfinnilu isumannaallisaanermut aaqqissuussaaffeqartuni sullivimmi avatangiisit pillugit aaqqissuussinermut tunngatillugu eqaannerusumik malittarisassiornissaq.

Inatsisitigut pisussaaffik sullivimmik nalilersuinermit (APV) atatillugu suliffeqarfiup sullivimmi avatangiisit pillugit ajornartorsiutaanik piitsaaliuineq sammineqarnerulissasoq, aamma napparsimaneq peqqutigalugu sulinnitsoortarneq isumannaallisaaneq peqqinnissarlu pillugit suleqatigiinnermut ilaatinneqarnissaa pillugu suliffeqarnermut ministerimut malittarisassanik aalajangiinnermut pisinnaatinneqassasoq,

napparsimaneq peqqutigalugu sulinngitsoortarnerup appartinniarnera siunertaralugu, ilanngullugu napparsimaneq peqqutigalugu sulinngitsoortarnerup APV-mut ilaatinneqarnissaa.

Piumassutsiminnik sulinerit aalajangersimasut suliffeqarfiup isumannaallisaaneq peqqinnissarlu pillugit sulinerani sullivimmillu naliliinermut malittarisassani ilaatinneqassanngillat.

Sulisitsisut sanaartorfinni suliaqartitsisut, sanaartortitsisorlu suleqatigiinnissaat pisinnaatitsinermullu aalajangersakkami suliffeqarnermut ministeri ersarinnerusumik malittarisassiorsinnaasoq.

Atortussianut atortunullu tunngatillugu suliffeqarnermut ministeri piumasaqaateqarnissaanut pisinnaatitsissut.

Sullivinnik Nakkutilliisoqarfiup qisuariarnissamut periarfissaanik annertusineqarnissaanut siunnersuut, ilanngullugu isumaqatigiisummik atsioqatigiinneq.

Sullivinnik Nakkutilliisoqarfik suliassanik ingerlatsinissaa siunertaralugu nakkutilliisoqarfik oqartussanit allanit paasissutissanik pissarsiniarsinnaasoq suliaqarsinnaasorlu.

Immikkut nipangiussisussaataaneq pillugu sullivimmi avatangiisit pillugit inatsimmi malittarisassanik annertunerulersitsineq.

Naammagittaalliorsinnaanermut allannguut, taamaalilluni nunatsinni suliffeqarfiit pillugit Sullivinnik Nakkutilliisoqarfiup aalajangiineri pillugit siunissami naammagittaalliutit, suliffeqarnermut ministerimut taarsiullugu, Sullivinni Avatangiisit pillugit Naammagittaalliortarfimmut apuunneqartassapput.

Kalaallit Nunaanni sullivinni avatangiisit pillugit inatsimmik unioqqutitsinermi akiliisitsinerup qaffasissusaa, 2015-mi 2019-milu pisumi qallunaat sullivinni avatangiisit pillugit inatsisaatulli qaffanneqassaaq.

Tamatuma saniatigut aalajangersakkat arlaqartut atorunnaarsinneqassapput, suleriaatsikkut atorneqarunnaarneri pissutaalluni.

2. Inatsisissatut siunnersuummi pingaarnertut qulequttat

2.1. Inatsisip atuuffii

2.1.1. Sullivimmi tarnikkut avatangiisit, piunmassutsimik sulineq inatsisillu allanneqarnerita erseqqinnerunissaa

2.1.1.1. Inatsit atuuttoq

Kalaallit Nunaanni sullivinni avatangiisit pillugit inatsimmi § 1-mi imaqarpoq siunertamut aalajangersagaq, inatsit naapertorlugu sullivimmi avatangiisit isumannaatsuutinnissaanik peqqinnissarlu anguniarlugu pilersinneqarluni, kalaallini inuiaqatigiinni sukkulluunniit teknikikkut inuttullu ineriartorneq naapertorlugu. § 1-mi aalajangersagaq 1986-mi sullivimmi avatangiisit pillugit inatsit eqqunneqarmalli sulii allanngortinneqanngilaq. Inatsisissatut siunnersuutip kapitali 1-imi inatsisip siunertaa atuuffialu pillugit oqaaseqaatini takuneqarsinnaavoq, danskit sullivinni avatangiisit pillugit inatsisaani anguniakkat assigiinneri, tak. Folketingstidende 1985-86, ilanngussaq A, spalte 3391. § 1-mut oqaaseqaatit, danskit sullivimmi avatangiisit pillugit inatsimmi takuneqarsinnaavoq, timikkut tarnikkullu sullivimmi avatangiisit pillugit inatsimmi ilaatinneqarneri, tak. Folketingstidende 1975-76, tillæg A, spalte 99.

Sullivinni avatangiisit pillugit inatsimmi inatsisip atuuffiinut aalajangersagaqarpoq. Pingaarnertut malittarisassaq § 2, imm. 1-mi sulisitsisup suliassai inatsimmi ilaatinneqarput. Imm. 2-mi, suliassat assigiinngitsut pingasut ilaatinneqanngillat, sulisitsisumut suliatur

ingerlanneqaraluartut. Pingaartumik ilaatinneqanngitsut ukuusut; nr. 1-mi 2-milu, inuusuttut 18-it inorlugit ukiullit pillugit inatsisip kapitaliani 9-mut atassuteqartutut isigineqassapput, inuusuttunut nammineq angerlarsimaffimmi sulisunut, inuusuttunullu sulisitsisumut ilaqutaasunut, sulisitsisup inoqutaanut ilaasut aamma atuupput. Imm. 3-mi suliassa qarfinnut aalajangersimasunut arlaqartunut sulinermut atuuffiit pillugit inatsit annertusineqassaaq, naak sulisitsisumut suliassatut sularineqanngikkaluartut, aamma naak suliaq imm. 2-mi ilaatinneqanngikkaluartoq.

Sullivimmi avatangiisit pillugit inatsimmi, suleriaaseq sunaluunniit ilaatinneqarpoq, ilanngullugu nammineq piumassutsimik sulineq. Nammineq piumassutsimik sulisoqaraangat, soorlu peqatigiiffimmi, sulisitsisumut sulinertut isigineqassaaq.

Sunnigiffimmi sammisassanik suliaqarneq nalinginnaasoq, soorlu timersornermi, erinarsornermi, nipilersornermi il.il. sulinertut isigineqanngillat, sullivimmilu avatangiisit pillugit inatsimmi ilaatinneqaratik.

Nammineq piumassutsimik suliaqarnermi, suliap qanoq naammassineqarnera, sullivimmi avatangiisit pillugit inatsimmi § 2, imm. 1-mi pineqarnersoq naliliiffigineqarnera apeqquataavoq. Naliliinermi makkua piumasaqaatit tunngavigineqassapput:

- Nammineq piumassutsiminik sulisoq, sulinissamik pisussaaffeqarpa, soorlu peqatigiiffik sullillugu?
- Nammineq piumassutsiminik sulisoq, soorlu peqatigiiffimmiit ilitersuunneqarpa aamma nakkutigineqarpa?
- Nammineq piumassutsiminik sulisoq, soorlu peqatigiiffimmi sulinermi inimik sullivilerneqarpa, atortussalerneqarpa il.il.?
- Nammineq piumassutsiminik sulisup suliame inerneru inummit allamit akisussaaffigineqarpa, soorlu peqatigiiffimmit?
- Immikkorluinnaq nalornisoqartillugu nammineq piumassutsiminik sulisup akissarsitinneqarnera ilanngullugu isiginiarneqassaaq.

Peqatigiiffinni, nammineq piumassutsiminik suliaqarfiusuni, sulisitsisutut sullivimmi avatangiisit pillugit inatsit naammassineqassaaq, ilanngullugu isumannaallisaanermut aaqqissuussaannermi sullivimmillu nalilersuinerup malittarisassaanni.

2.1.1.2. Suliffeqarnermut ministereqarfiup isumaliuutersuutai

Sullivimmi avatangiisit pillugit inatsimmi atuuttumi »sullivimmi timikkut avatangiisit« imaluunniit »sullivimmi tarnikkut avatangiisit« allaqqasoqanngilaq. Taamaattumik nalornisoqalersinnaavoq inatsimmi sullivimmi timikkut tarnikkullu avatangiisit ilaatinneqarnersut. Kimilluunniit nalornissutigineqassanngilaq, qaqugukkut inatsisip atuunera, suut ilaatinneqarnersut, ilanngullugu sullivimmi tarnikkut avatangiisit, aamma inatsimmi pineqarnersaq avataaniinnersorluunniit. Taamaattumik erseqqissarneqarnissaa eqqumaffigineqarnissaatalu sukannernerulersinneqarnissaalu pingartinneqarpoq, sullivimmi tarnikkut avatangiisit timikkut avatangiisitulli naligiimmata, sulisitsisumullu pisussaaffiusoq sulisuminut marluk taakku atuutsinnissai. Taamaattumik naleqquttuussaaq inatsimmi allaqqaneri erseqqissuunissaat, sullivimmi timikkut tarnikkullu avatangiisit inatsimmi ilaatinneqarmata, sulisitsisunit ilisimaneqassammat suut naatsorsuutigineqarnersut. Taamaattoq inatsisip atuuttup inissisimanerata allannguuteqarnissaanik anguniarneqanngilaq, ilanngullugu § 1-imut atuuttumut oqaaseqaatit.

Tunngaviatigut innuttaasut, suliffeqarfiit, kattuffiit, sullivinni avatangiisinik suliaqartut allallu nalornissutigissanngilaat, inatsisip aalajangersagai qanoq isumaqarnersut. Sullivimmi avatangiisit pillugit inatsimmi arlalippassuarnik aalajangersagaqarpoq paasiuminaatsunik paatsoorneqarsinnaasunillu. Ilaatigut pineqarput inatsisip siunertaa atuuffialu pillugit aalajangersakkani § 2, imm. 1, 2 aamma 3-mi. Taamaattumik naleqquttuussaaq inatsisip siunertai atuuffiilu pillugit aalajangersakkat paasiuminarsarlugit ersarissarnissaat. Taamaalilluni inatsisip inissisimaneramik allannguisoqarnissaa anguniarneqanngilaq.

Piumassutsiminik sulineq Kalaallit Nunaanni peqatigiiffiit ingerlanneqarnerinut pingaarutilimmik ikiuutaavoq. Peqatigiiffinni piumassutsiminik sulisut tapersorsorniarlugit siunnersuutigineqarpoq, pisussaaffinnik paaaneq, piumassutsiminik sulinermut naleqqiullugu piumaffiginninnerni, piumassutsiminik sulineq pineqartillugu pisariaqanngitsut naliliiffigineqartuni. Pisussaaffinni pineqarput isumannaallisaanermik sulinermut aaqqissuussaaneq pillugu piumasaqaat (siunnersuutigineqarluni allanngortinneqassasoq, sullivimmi avatangiisit pillugit sulinermut, tak. oqaaseqaatini nalinginnaasuni 2.2.1.3.) aamma sullivimmik nalilersuinissamut suliaqarnissaq pillugu piumasaqaat. Tamakkua piumasaqaatit pillugit peqatigiiffinni isumalluutinik atuissanngillat. Taamaattoq piumassutsiminik sulineq isumannaatsuunissaanut tunngatillugu tamakkiisumik illersorsinnaanissaa qulakkeerneqassaaq.

Piumassutsiminik sulinerup ilaata ilisarnaatigaa, suliffiup nalinginnaasup il.il. avataatigut sukkuulluunniit sivikitsuinnarmillu ingerlanneqartarmat. Piumassutsiminik sulineq nalinginnaasumik sulinertut isikkoqarsinnaavoq, kisianni piviusumik sunngiffimmi sammisatut isikkoqarluni.

Piumassutsiminik sammisaqarnerit sulinerunngitsut, soqutigisatut imaluunniit sunngiffimmi sammisassaqaarnertut isikkoqarsinnaasut, tassaasinnaallutik timersorneq, nipilersornermi peqatigiiffinni erinarsorneq nipilersornerlu. Tamakkunani sammisassat sulinertut taaneqarsinnaanngillat, sullivimmilu avatangiisit pillugit inatsimmi ilaatinneqaratik.

2.1.1.3. Aaqqissuussaaneq siunnersuutigineqartoq

Siunnersuutigineqarpoq § 1 erseqqissarneqassasoq, inatsimmi sullivimmi timikkut tarnikkullu avatangiisit ilaatinneqarnissaanik, tamatumunnga tunngasut nalornissutigineqannginniassammata. Siunnersuummi sullivimmi avatangiisit pillugit inatsisip siunertatut aalajangersagaanni siunertaritinneqanngilaq imarisaata allannguuteqarnissaanik.

§ 2-mi atuuttumi inatsisip atuuffii pillugit paasiuminaappoq, paatsoorneqarsinnaallunilu. Taamaattumik siunnersuutigineqarpoq § 2-p erseqqissarneqarnissaa, aalajangersagaq paasiuminartunngortinneqarluni. Siunnersuummi sullivinni avatangiisit pillugit inatsisip siunertatut aalajangersagaanni siunertaritinneqanngilaq imarisaata allannguuteqarnissaanik.

Assigisaanik siunnersuutigineqarpoq, inatsimmi § 2, imm. 3-mi, inatsisip annertusineqarneratigut, sulinerup inatsimmi ilaatinneqarnera, sulisitsisumut sulineq ingerlanneqanngikkaluartoq, aamma sulineq pineqartoq, imm. 2 malillugu ilaatinneqanngitsoq, nassuiarneqarnera tamakkiinerusumik pivoq, atuaruminartunngortillugu. Siunnersuummi sullivinni avatangiisit pillugit inatsisip siunertatut aalajangersagaanni siunertaritinneqanngilaq imarisaata allannguuteqarnissaanik.

Siunnersuutigineqarpoq piumassutsimik sulineq, sunngiffimmi sammisassaqaqtitsinermut isikkoqartup, sullivimmik avatangiisit pillugit aaqqissuusaanermi sullivimmillu nalilersuinermi piumasaqaatini ilaatinneqassanngitsoq.

Sullivinni avatangiisit pillugit aaqqissuusaanermut malittarisassani ilaatinneqannginnera isumaqassaaq, soorlu sullivimmi avatangiisit pillugit sulinermi piumassutsiminik suliaqartut, sunngiffimmi sammisassatut isikkulimmik sulisunut, suleqatiginissaannut peqatigiiffinnut pisussaaffiujunnaassasoq. Tamanna isumaqarpoq soorlu sullivimmi avatangiisit pillugit sulinermut tunngatillugu peqatigiiffiit namminneq ulluinnarni suliassanut, aammali pingaarnertut, pilersaarusiassatut ataqatigiissagassatullu sulianut sinaakktissanik pilersitsisinnaanngussammata, piumassutsiminik sulisut ilanngunnagit. Sullivimmi avatangiisit pillugit sulinermi atorfillit suleqatiginissaanik suli pisussaaffeqassaaq.

Sullivimmik nalilersuinerup malittarisassani ilaatinneqannginnera isumaqassaaq, soorlu peqatigiiffinnut sullivimmik nalilersuinerup tunngasut allaganngorlugit suliarineqartarnerini, sulianut sunngiffimmi sammisassaqaqarnertut isikkulinni, piumassutsiminik sulisunit isumagineqartartunut tunngatillugu piumasaqaataaunnaassasoq. Kajumissutsiminnik sulisunit suliarineqartut pilersaarusiorderi aaqqissuussinerilu pisussaaffiunera ingerlaannassaaq, suliamulli pilersaarusiorderneq aaqqissuussinerlu, sunngiffimmi sulisunit allaganngorlugu suliarineqarnissaa imaluunniit kajumissutsinnik sulisut tamatumunnga ilanngunnissaat piumasaqaataassanngilaq. Taamaattoq Sullivimmi nalilersuineq atorfilinnut suleqatigineqarnernik pisusaaffik ingerlaannassaaq.

Kajumissutsimik sulineq, sunngiffimmi sammisassaqaqarnertut isikkoqarnerneq nalilersuinerup, piumasaqaatit arlallit ilanngunneqassapput, ilanngullugu pingaartumik sulinerup sivilissusaa, sulinerup pisussaaffiunngitsutut isikkoqarnera suliaqarnerullu akissarsissutiginnera allatulluunniit akissarsissutigisatut pissarsiffigineqarnera.

Kajumissutsimik sulinerup isikkua sunngiffimmi sammisassaqaqarnertut isikkoqanngippat, sulinertulli allatut sulineq isikkoqarpat, sullivimmi avatangiisit pillugit malittarisassat aamma sullivimmik nalilersuinerup malittarisassat atuutissapput.

2.1.2. Sulliviup avataani suliffimmut tunngassuteqartumik nakuuserneq

2.1.2.1. Inatsit atuuttoq

Sullivimmi avatangiisit pillugit inatsit naapertorlugu, sulisitsisup qulakkiissavaa, siunissaq qaninnerusooq ungasinnerusorlu eqqarsaatigalugit sulinerup tamatigit pilersaarusiorderneqassasoq, aaqqissuunneqassasoq ingerlanneqassasorlu isumannaallisaaneq peqqinnissarlu eqqarsaatigalugit tamakkiisumik illersorsinnaasumik. Tassani aamma ilaavoq

isumannaallisaaneq peqqinnissarlu eqqarsaatigalugit sulinermut atatillugu innuttaasuniit timikkut tarnikkullu nakuusertoqarsinnaanera pinaveersaartissallugu sulisitsisup pisussaaffigimmagu.

Innuttaasuniit nakuusertoqarnera ima paasineqassaaq, sullivimmi atorfeqanngitsumiit imaluunniit sulisitsisuminngaaneersuunngitsumit, innuttaasuniit sulisunut sulisitsisumulluunniit nakuuserneq. Nakuuserneq timikkut saassussilluni timikkut nakuusernerusinnaavoq imaluunniit tarnikkut nakuuserfigitinneq, siorasaarinikkut allatullu kanngunarsaasutut pissusilersornikkut, ilanngullugu peqqusiileqisitsineq. Timikkut persuttaaneq, soorlu tilluineq, isimmittaaneq, naalliineq. Aamma siorasaarisooqarsinnaavoq, inuunermik siorasaarinikkut, aserorterinermik siorasaarinikkut, imaluunniit ilaquataasunut qanigisanulluunniit siorasaarineq. Allatut nakkarsaalluni pissusilersornerit peqqusiileqisitsinerusinnaavoq, kanngunarsaaneq asissuinikkulluunniit. Oqaatsit makkua atornerarnerisigut ”nakuuserneq” isumaqarpoq, ”timikkut nakuuserfiginninneq aamma siorasaaraluni allatullu nakkarsaanertut pissusilersorluni tarnikkut nakuuserfigitinneq.”.

Sullivimmi sulisut akunnerminni nakuuserneq, pisussaaffinnut pineqartunut tunnganngilaq. Sulisut akunnerminni nakuusernermut tunngatillugu, Sullivinni Nakkutilliisoqarfik sulisitsisumut peqqussuteqarsinnaanera, Kalaallit Nunaani sullivimmi avatangiisit pillugit inatsimmi § 32, imm. 1 aamma § 60-mi, aamma Kalaallit Nunaannut sulineq pillugu nalunaarummi nr. 395-mi 24. juni 1986-meersumi, § 3, imm. 1-mi tunngaveqarpoq.

Sulisuni sulinerup nalaani nakuusernermut tunngasunut pitsaaliuinermit sulisitsisup pisussaaffeqarnera isumaqarpoq, sulisitsisoq ilaatigut:

– qulakkiissagaa sulineq pilersaarusiorneratigut, aqqissuunneratigut suliarineqarneratigullu, sullivimmi nakuusertoqaratarsinnaanera pinaveersaartinniarlugu. Pinaveersaartitsineq tunngaviusut nalinginnaasut, sullivimmi avatangiisit pillugit suliassa qarfiup iluaniittut malinneqassapput, Kalaallit Nunaani sullivimmik nalilersuinerup aalajangersagaani ilanngussaq

1-mi takuneqarsinnaasut. Tamanna isumaqarpoq, siullertut taamaattunik pisoqariataarsinnaanera sulisitsisumiit pinngitsoortinniarneqassasoq. Sulinerup nalaani nakuusertoqarsinnaanera ilimanaateqarpat, nakuuseriaatsit suuneri pineqarnersut, qanorlu nakuusernerit sakkortutiginersut, pitsaaliuinerillu qanoq ittut pisariaqartinneqarnersut, sulisitsisup nalilersussavai. Nalilersuisoqassaaq soorlu sullivimmik nalilersuinermut (APV) aamma ulluinnarni sulinerup pilersaarusiorneqarneranut aaqqissuunneqarneranullu atatillugu. Nakuusertoqarsinnaaneranut nalilersuineq ataavartuussaaq, ilaatigullu kinguneqassaaq sulisitsisumiit sullivimmi pitsaaliuinermut naleqqussaanermik, soorlu nutaanik sullissaqalernerimi, sullivimmiluunniit nakuusertoqarsimaneq tigussaasoq malillugu. Nalinginnaasuvoq sulisitsisumiit pisussaaffik eqqumaffigissallugu - suliffimmi suliffiullu avataani, sulisunit nakuuserfigineqarsimasunit — pisoq sunnertisimassutigisinnaammassuk. Taamaattoqarnerani sulisitsisumiit sulisut ataasiakkaat sulinerat pilersaarusiortlugulu aaqqissuunneqassaaq:

- Sullivimmik nalilersuinermut allaganngorlugu (APV) suliarineqarneranut atatillugu, ilaatigut sulinerup nalaani, sumi qaqugukkullu nakuusernerup pisinnaanera, kimullu nakuuserneqarsinnaanera paasinianeqassaaq.
- Sulisunik sulisunilu aqutsisunik suliffimmi nakuusertoqarsinnaaneranut pitsaaliuineq iliuseqarnerlu.
- Sullivimmi isumannaallisaaneq peqqinnissarlu eqqarsaatigalugit sulinerup tamakkiisumik illersorneqarsinnaanera nakkutigalugu.

2.1.2.2. Suliffeqarnermut ministeriaqarfiup isumaliuutersuutai

Sulisut ilaat suliffimmiit aallaaveqartumik, sulinerup avataani nakuuserfigitinnissamut immikkut aarlerinaateqarsinnaapput. Assersuutigalugu isertitsivimmi betjentit, politiit, peqqinnissaqarfimmi sulisut imaluunniit ilinniartitsisut suliffiup avataani, inuttut attavigineqarsinnaapput nakuuserfigitillu.

Suliffimmi atorfeqartut nakuuserfigineqarnissamik qunussuteqaratik sulisussaapput – suliffimmi suliffiulluunniit avataani. Nakuuserneq suliffimmut atassuteqartoq annertuumik sullivimmi avatangiisit pillugit ajornartorsiutaavoq, sulisunut timikkut tarnikkullu ajoqusiisinnaasoq.

Sulinermut attuumassuteqartumik, suliffiup avataani sulisunut nakuuserneq, nakkarsaanerusinnaavoq annertoq, pissutigalugu sulisup suliffimmiit soraareernerani pisuummat. Saniatigut sulinerup avataatigut, sulinermut tunngassuteqartumik nakuuserneq pisinnaavoq - sulisup najugaqarfiani, ilanngullugu sulisup ilaqutai qanigisaaluunniit najuunneranni – imaluunniit taakkununga toqqaannartumik - sulisup illersussallugit kissaatigisai. Kiisalu sulinerup avataani nakuuserfigitinneq sulisup inuttaanut annertunerusumik attuumassuteqarsinnaavoq taamaalillunilu suliffeqarfimmi sulisup nakuuserfigitittup atuuffianut attuumassuteqartumiit sakkortunertut misigineqarsinnaalluni.

Sulinerup avataani sulinermut tunngassuteqartumik sulisut nakuuserfigitinnermik nalaataqarpata, sulisut nammineerlutik nakuusernerit taamaattut pitsaaliornissaanut qaqutiginnaq periarfissaasarpoq. Tamanna peqquteqarpoq, sulinermut ataqatigiissinneqarmat, ilanngullugu sullivimmi sulinermi suliassat pissutsillu, sulinerup avataani innuttaasuniit sulisumut nakuuserfiginninnissaq pititsisarmat. Assersuutigalugu sulinerup nalaani suliassat aalajangersimasut, pisussaaffilimmit suliarineqartussaaneri imaluunniit innuttaasumut atuutsinneqarnissaannik piumasaqaataaneri pillugit, innuttaasumiit sulisunut nakuuserneq pisartog.

Taamaattumik sulisitsisumiit sulinerup naammattumik pilersaarusernera, aaqqissuunneralu suliallu ingerlanneqarnera nalilersorneqartariaqarpoq, sulinerup avataatigut sulinermut tunngassuteqartumik nakuuserneqarnissaa pitsaaliorniarlugu. Pitsaaliuinermi pineqarsinnaapput, sullivimmi qanoq innuttaasut naapinneqarsinnaanersut, qanoq innuttaasut attavigineqarsinnaanersut, qanorlu innuttaasunik saqitsaannerit iliuseqarfigineqarsinnaanersut.

Sulinermut attuumassuteqartumik, sulinermut tunngassuteqartumik nakuusernerup pitsaaliorneqartussaananeranut, sulisitsisumiit pisussaaffigineqarneranut periarfissaasoq, pingaaruteqarpoq, pissutigalugu, sulisunit nakuuserfigitinnissamik nalaataqarsinnaasuni, ilisimassallugu pisariaqartinneqassaaq, sulinermut tunngassuteqartumik innuttaasumiit sulisumut saqitsaanneqarsinnaanera qanoq pinngitsoorneqarsinnaanersoq.

2.1.2.3. Aaqqissuussineq siunnersuutigineqartoq

Aalajangersakkamik nutaamik § 2 a, imm. 1-mik pilersitsisoqarnissaanik siunnersuutigineqarpoq, Suliffeqarnermut ministeri pisinnaatinneqassasoq malittarisassiorsinnaasoq, inatsisip aalajangersagaa ataaseq arlallilluunniit kapitalini 2-4 aamma 12-14-mi, sullivimmi sulinermut atassuteqartumik sulinerup avataani, timikkut tarnikkullu nakuuserfiunissaanik ilimanaateqartumi, naleqqussaanermut pisariaqartunik, sulisitsisumut atuuttussanngorlugit. Taakkunani inatsisip kapitaliini pineqartut tassaapput, ilaatigut isumannaallisaaneq peqqinnissarlu pillugit suleqatigiinneq, sulisitsisup pisussaaffii nalinginnaasut il.il., suliamik naammassinniineq, Sullivinnilu Nakkutilliisoqarfiup peqqusinissamut periarfissai il.il., sulinermi ajutoornerit nalunaarutiginerinut, naammagittaalliuteqarsinnaaneq, pinerluttulerinermullu inatsisitigut pineqaatissiiinernut.

§ 2 a, imm. 1-mi pisinnaatitsinermi, sulisitsisup inatsimmi pisussaaffii pioreersut pillugit toqqaannartumik pisussaaffinnik aalajangersakkani pisinnaatitsinernullu aalajangersakkani, sullivimmi sulinermut tunngassuteqartumik nakuusernernut pitsaaliuinissamut iliuseqarfiginissaanullu annertusineqarsinnaammata, suliffiup avataani suliffimmut tunngassuteqartumik nakuusernernut aamma atuuttussanngorlugit.

Ilanngullugu siunnersuutigineqarpoq, aalajangersakkamik nutaamik § 2 a, imm. 2-mik pilersitsisoqarnissaanik, imm. 1-mi pissutsit ilanngunneqartut

kiisalu suliffiup avataani sulinermut tunngassuteqartumik nakuuserfigitinnerit politiinut nalunaarutiginnissaanut sulisut neqeroorfiginnissaat pillugit sulisitsisoq najoqqutassaliornissaanut sulisullu ilitsersuunnissaat pillugit suliffeqarnermut ministeri malittarisassornissaanut pisinnaatitsissut.

Pisinnaatitsineq nutaaq § 2 a, imm. 2, malittarisassiornermut atorsinnaavoq, sulisitsisumut pisussaaffinnik peqqusisumik, imm. 1-mi kapitalini taaneqartuni tunngavissamik aalajangersaaffiusinnaanngitsuni. Tamanna assersuutigalugu suliffiup avataani sulinermut tunngassuteqartumik nakuuserfigitinnerit kiisalu tamatumunnga aarlerinartoqartillugu najoqqatassiorneq sulisunillu suliffiup avataani sulinermut tunngassuteqartumik nakuuserfigitinneq pillugu naleqquttumik iliuuseqarnissamut ilitsersuineq, kiisalu sulisoq sulinerup avataani sulinermut tunngassuteqartumik nakuuserfigineqarluni eqqugaasumut pisoq pillugu politiinut nalunaarutigineqarnissaanut ikiuisinnaaneq, sulisitsisumiit pisimasoq ilisimaneqalernerata kingorna.

Pisinnaatitsineq nutaaq § 2 a, imm. 1 aamma 2-mi, sulinerup avataani sulisitsisoq pitsaaliuinnermik iliuuseqartussaataaangilaq. Taamaattumik sulisup nammineq inuttut imaluunniit sunngiffiani atugai pillugit sulisitsisumut pisinnaatitsissut pisussaaffiliisinnaanngilaq, ilanngullugu sulisunit angallannermi aqqummik toqqaanerat, najugaqarnermut tunngasut, pisiniarfilerinerni, sunngiffimmi sammisani, ilaqtariinnermut tunngasuni assigisaannilu sunngiffimmi iliutsitigut.

Pisinnaatitsissut nutaaq § 2 a, imm. 3-mi, inatsisip kapitaliata 2-4-aani, isumannaallisaaneq peqqinnissarlu pillugit suleqatigiinnermut, sulisitsisup pisussaaffiinut nalinginnaasunut sulianillu naammassinninnermut § 2 a, imm. 2 naapertorlugu malittarisassani atulersinneqartut aamma atuussinnaavoq.

Taamaalilluni malittarisassani nutaani suliffiup avataani sulinermut tunngassuteqartumik nakuuserfigitinneq sullivimmi nakuuserfigitinnermut naligiisinneqarsinnaanngorpoq, pingaartumik Sullivinnik

Nakkutilliisoqarfiup peqqusisinaanera eqqarsaatigalugu, sulinermi ajutoornerit il.il. sulisitsisup nalunaartussaataitanera, naammagittaalliorsinnaatitaaneq pinerluttulerinermullu inatsisitigut pineqaatissiissutit.

Naatsorsuutigineqarpoq suliffiup avataani sullivimmut tunngassuteqartumik nakuuserfigitinnissamut aarlerinaateqartuni, sulinermi nakuuserfigitinnissamut aarlerinartuni suliffeqarfinni pisarnissaa, tassa imaappoq sulinerup nalaani. Taamaalilluni sulliviit tamarmik inatsisissatut siunnersuummik eqqorneqassanngillat.

2.2. Suliffeqarfimmi isumannaallisaaneq peqqinnisarlu pillugit sulinermi eqaannerulersitsinissaq

2.2.1. Isumannaallisaaneq peqqinnisarlu pillugit suleqatigiinneq

2.2.1.1. Inatsit atuuttoq

Sullivimmi avatangiisit pillugit suliassaqarfimmik ileqquvoq, suliffeqarfimmi sullivimmi avatangiisit pillugit sulinermi sulisitsisup, sulisunut aqutsisup sulisullu akornanni suleqatigiinnikkut pisarnera. Sullivimmi avatangiisit pillugit inatsisip siunertaa malillugu, inatsisip kapitali 2-ani suliffeqarfiup isumannaallisaaneq peqqinnisarlu pillugit sulinera, suliffeqarfiup nammineq sullivimmi avatangiisit isumannaatsut peqqinnartullu pilersinniarlugit suliniuteqarnerani qitiusutut inissisimavoq. Suliffeqarfiup nammineq sullivimmi avatangiisit pillugit suliniuteqarnerata pingaarnertut inissisimammat pissusissamisoorpoq, suliffeqarfimmi isumannaallisaaneq peqqinnisarlu pillugit suleqatigiinnissamut illutungeriit tamarmik nammineerlutik pisussaaffeqarput, inatsisip kapitalia 2 malillugu, soorlu suleqatigiinnerup pinissaa sulisitsisup saniatigut isumagisussaagaa.

2.2.1.2. Suliffeqarnermut ministeeriaqarfiup isumaliuutersuutai

Inatsimmik allannguinnikkut suleqatigiinnissamut pisussaaffik erseqqissarneqarpoq. Suleqatigiinneq patajaatsoq nutaatut saqqummiunneqartoq qitiutinneqarpoq, aalajangiinissamut pitsaanerusumik tunngavissaqalissammat, pitsaanerusumillu aalajangiisoqarsinnaalerluni. Tamanna tatiginninnermik pilersitsissaaq, naleqarnerulersitsilluni sulinermilu nuannaarnerulerneq pissalluni, sulisitsisut, sulisunut aqutsisut sulisullu suliassat ataatsimoorunneqartut misigippassuk, ataatsimullu aaqqiissutissanik ineriartortitsinermut suleqatigiittoqarpat.

2.2.1.3. Aaqqissuussaaneq siunnersuutigineqartoq

Siunnersuutigineqartoq nutaaq § 3 b siunissami sullivimmi avatangiisit pillugit aaqqissuussanermut suleqatigiinnerup ingerlaneranut qitiusutut aallaavittut atuutilersinneqassaaq. Kapitalip qulequtaani taaguutit allanneqarneri, tamatumunngalu aalajangersakkat naleqqussarneqarneri allanngortinneqarnissaannik siunnersuutigineqarput, ”suliffeqarfimmi isumannaallisaaneq peqqinnissarlu pillugit sulineq” imaalillugu; ”isumannaallisaaneq peqqinnissarlu pillugit suleqatigiinneq”, taamaalilluni aaqqissuussanermut malittarisassat immikkoortuini tamani, suliffeqarfiup iluani suleqatigiinnermut sinaakkutissat nassuiarneqarlutik. Maannakkumut taaguutigineqartoq ”isumannaallisaanermi aaqqissuussaaneq”-mut taarsiullugu atorneqassaaq ”sullivimmi avatangiisit pillugit aaqqissuussaaneq”. Naggasiullugu isumannaallisaaneq pillugu aaqqissuussanermut tunngatillugu inatsimmi taaguutit allat nutarsarneqassapput, ”isumannaallisaanermi sinniisoq” imaalissaaq ”sullivimmi avatangiisit pillugit sinniisoq”, ”isumannaallisaanermut suleqatigiissitaq” imaalillugu ”sullivimmi avatangiisit pillugit suleqatigiissitaq aamma ”isumannaallisaaneq pillugu ataatsimiititaliaq” imaalillugu: ”sullivimmi avatangiisit pillugit ataatsimiititaliaq”.

2.2.2. Suliffeqarfinni isumannaallisaanermik aaqqissuussiffiunngitsuni

2.2.2.1. Inatsit atuuttoq

Sullivinni avatangiisit pillugit inatsimmi § 4-mi, suliffeqarfinni ataatsimiit qulingiluanik amerlassusilinnik sulisulinni isumannaallisaaneq peqqinnissarlu pillugit sulineq nassuiarneqarpoq.

Pingaarnertut taaneqartoq tassaavoq, suliffeqarfinni ataatsimiit qulingiluanik amerlassusilinniksulisulinni, suliffeqarfippalaartumik isumannaallisaaneq peqqinnissarlu pillugit aaqqissuunneqarnera pisanngitsoq. Taarsiulluguli sulinermi isumannaallisaaneq peqqinnissarlu pillugit sulineq sulisitsisup, sulisunut aqutsisusup sulisullu akornanni inunnut ataavartumik atassuteqarnikkut oqaloqateqarnikkullu ingerlanneqassaaq. Suleqatigiinneq ilaatigut imaassaaq, sullivimmi avatangiisit pillugit sulisut tusarniaavigineqassasut ilisimatinneqarlutillu.

Ullumikkut isumannaallisaaneq peqqinnissarlu pillugit aaqqissuussaannermut malittarisassiornissamut pisinnaatitsissut atornerarpoq, suligallarnermut imaluunniit suliffinnik paarlakaassilluni sulinernut suliffeqarfiup aalajangersimasumik inissisimaffiata avataani, ilanngullugu sanaartornermut illuliornermillu sulinermi. Tamatuma saniatigut talittarfinnut, allaffinnut, niuernernut allaffissornermullu aamma paarlakaaffiusumi suliffiusuni immikkut malittarisassaqqarpoq.

2.2.2.2. Suliffeqarnermut ministeriaqarfiup isumaliuutersuutai

Suliffeqarfinni mikisuni maannamut suleqatigeeriaatsip pigiinnarneqarnissaa kissaatigineqarpoq. Taamaattoq suliffeqarnermut ministeri kissaatigineqarpoq, suliffeqarfinni mikisuni suleqatigiinnerup patajaallisarneqarnissaa, suliffeqarfinni mikisuni ataasiakkaani suleqatigiinnerup aaqqissuussaanagerusariaqartoq aamma suliffeqarfimmi sullivimmi avatangiisit pillugit ilisimasaqarneq pisariaqartoq pigineqarnersoq ataatsimoorullugu eqqarsaatigineqarnersoq.

2.2.2.3. Aaqqissuussaq siunnersuutigineqartoq

Inatsisissatut siunnersuummi tungaviusutut ingerlatitseqqinneqarpoq, suliffeqarfinni 10-t ataallugit sulisulinni, pingaarnertut sullivimmi avatangiisit pillugit aaqqissuussaanerup pilersinneqassannginnera. Siunnersuut kinguneqarpoq suliffeqarfinni mikisuni sullivimmi avatangiisit pillugit suleqatigiinnermi sulisitsisup sulisullu akornanni inuttut attaveqarnermik periuseq ingerlateqqinneqarnera, nutaatullu, ukiumut ataasiarluni sullivimmi avatangiisit pillugit suleqatigiinnerup pilersaarusiornissaa pillugu oqallinneq.

Siunnersuutigineqarpoq suliffeqarfimmut ataatsimiit qulingiluanik amerlassusilinnik sulisulinnisulisulimmut aalajangersagaq, siunissami sullivimmi avatangiisit pillugit inatsimmi ilaatinneqarnissaa immikkoortumi ”Sullivimmi avatangiisit pillugit aaqqissuussaaneeq”, naak suliffeqarfinni tamakkunani isumannaallisaaneq peqqinnissarlu pillugit sulinermi aaqqissuussisariaqanngikkaluartut. Aaqqissuussaanerup taassuma allanngortinneqarneranut, inatsisip kapitali 2-ani naqissuserneqassaaq, suliffeqarfinni mikisuni sulisitsisunit isumannaallisaaneq peqqinnissarlu pillugit suleqatigiinneq pilersaarusiorneqassasoq aaqqissuullugulu, naak sullivimmi avatangiisit pillugit aaqqissuussamik pilersitsisoqanngikkaluartoq.

Pisinnaatitsinermut aalajangersagaq siunnersuutigineqartoq § 4, oqaaseqatigiit aappaanni, maannamut atuuttumiit § 4, oqaaseqatigiit aappaannit ingerlatitseqqiineruvoq. Taamaattoq oqaasiliornertigut erseqqissaaneqarpoq. Naatsorsuutigineqarpoq pisinnaatitsinerup assigiinnik suliaqarfinni suliffeqarfinniluunniit ataatsimiit qulingiluanik amerlassusilinnik sulisulinnisulisulinni, sullivimmi avatangiisit pillugit aaqqissuussaaanermik annertusaanissamut malittarisassiorsinnaaneq ingerlatiinnarneqassasoq. Pisinnaatitsinermi ilaatigut eqqarsaataavoq, sulliviit ilaannut tamanulluunniit sullivinnulluunniit nikerarluni suliffiusunut, suliffeqarfiup avataanut aalajangersimasumik sullivinnut, ilanngullugu sanaartornermi illuliornermilu sulinermut malittarisassiornermi atorneqarsinnaasoq.

Siunnersuummi nutaami § 6 b-mi, suliffeqarfinnut ataasiakkaanut piumasqaat aalajangersarneqarpoq, ukiumoortumik sulisitsisoq sulisullu sulisunullu aqutsisoqarpat ukiumut tulliuttumut isumannaallisaaneq peqqinnissarlu pillugit suleqatigiinnerup piareersarneqarnissaa pillugu oqallisigisarnissaanik. Aamma sulisitsisoq, sulisut sulisunullu aqutsisoqarpat ukiut tamaasa oqallisigineqartassaaq, sullivimmi avatangiisit pillugit ilisimasaqarneq pisariaqartoq suliffeqarfimmi pigineqarnersoq. Ukiumut ataasiartumik oqallisigisarnissaanut siunertaavoq, suliffeqarfimmi mikisuni sullivimmi avatangiisit pillugit suliniutaasunik patajaallisaaneq. Sulisitsisup Sullivinnik Nakkutilliisoqarfimmut uppersarsinnaasariaqarpaa, suliffeqarfik suliamik tamatumingga ingerlatsisimasoq.

Ilanngullugu siunnersuutigineqarpoq, ukiumoortumik oqallisigineqarneranut uppersaammik piumasqaataasumut, uppersaat oqallisigineqarneranut taamaallaat tunngasussaaq, suliffeqarnermut ministeri ersarinnerusumik malittarisassiornissamut pisinnaatitaasoq.

2.2.3. Suliffeqarfiit isumannaallisaanermik aaqqissuussiffiusut

2.2.3.1. Inatsit atuuttoq

Suliffeqarfinnut 10-nik amerlanernilluunniit sulisulinnut isumannaallisaaneq peqqinnissarlu pillugit sulineranut aaqqissuussaaneq pillugu malittarisassat atuuttut sullivimmi avatangiisit pillugit inatsimmi § 5 aamma 6-miipput aamma Kalaallit Nunaanni suliffeqarfinni isumannaallisaaneq peqqinnissarlu pillugit sulineq pillugu nalunaarummi kapitali 2-miippoq, (SIO-bekendtgørelsen).

Nalunaarut naapertorlugu suliffeqarfinni 10-nik amerlanerusunilluunniit sulisulinni isumannaallisaaneq peqqinnissarlu pillugit sulineq isumannaallisaanermut aaqqissuussami aaqqissuunneqassaaq. Tamanna pissaaq, sulinermi aqutsisoqarfinni tamani isumannaallisaanermut suleqatigiissitaq pilersinneqarluni. Isumannaallisaanermut suleqatigiissitaq

immikkoortortaqarfimmi pineqartumi 1-mik sulisunut aqutsisoqassaaq sulisunut sinniisoq 1-q toqqarneqassaaq (isumannaallisaanermut sinniisoq). Isumannaallisaanermut suleqatigiissitaq ulluinnarni sulinermit isumannaallisaaneq peqqinnissarlu pillugit tunngasunik arlalinnik isumaginnissapput, immikkoortortaqarfimmilu isumannaallisaaneq peqqinnissarlu pillugit ajornartorsiutinik aaqqiissuteqarniassallutik. Suliassat akisussaaffiusut SIO-nalunaarummi aalajangersagaapput.

Suliffeqarfimmi isumannaallisaanermut suleqatigiissitat tunngaviusutut aalajangerneqartarput suliffeqarfiup immikkoortortaqarfiisa amerlassusai naapertorlugit.

Suliffeqarfinni 20-nik amerlanernilluunniit sulisulinni isumannaallisaanermut suleqatigiissitami ilaasortat, isumannaallisaanermut ataatsimiisitaliamik pilersitsissapput, sulisitsisoq siulittaasuulluni, tamanna isumaqarpoq, isumannaallisaanermut aaqqiissuussaaneq marlunnik qaffasissuseqalerneranik. Isumannaallisaanermut ataatsimiisitaliaq suliffeqarfimmi isumannaallisaaneq peqqinnissarlu pillugit sulinermit pilersaarusiussaaq, aqutsilluni, siunnersuilluni ilisimatitsillunilu kiisalu nakkutilliilluni. Isumannaallisaanermut ataatsimiisitaliap suliassat atuuffialu pillugit SIO-nalunaarut aalajangersakkanik arlallinnik imaqarpoq. Ilaatigut ukiumut sisamariarluni ataatsimiittarnissamik ataatsimiinnerni imaqarnilianik il.il. piumasaaqateqarpoq.

2.2.3.2. Suliffeqarnermut ministeriaqarfiup isumaliuutersuutai

Siunnersuummi kissaatigineqarpoq sullivimmi avatangiisit pillugit sulinerup imarisaanut taakkunanilu pissutsinut tigussaasunut nalilersuinermit sammitinneqarnerunissaa aaqqiissuussaaneq malittarisassat piumasarineqartut naammassineqarnissaannut sammiveqartinneqarnera minnerutillugu. Suliffeqarfimmi aqutsisuniit sullivimmi avatangiisit pillugit sulinerup salliutinneqarnerunissaa pisariaqartinneqarpoq.

Suleqatigiinnerup aaqqissuunneqarneranut malittarisassat aamma sulisut ulluinnarnilu aqutsisut akornanni qanittumik suleqatigiinneq eqaannerusussaavoq. Tamanna anguneqarsinnaavoq suliffeqarfiup pisariaqartitaanut aqunneqarnermilu aaqqissuussaanageranut periarfissanik nutaanik ajunnginnerusunillu sullivimmi avatangiisit pillugit aaqqissuussaaneq naleqqussarnissaanut, suliffeqarfiup aaqqissuussaanageranut suliassanullu allanut naleqquttumik, aamma sulisitsisoq sinniisualuunniit qitiusumik inissillugu. Suliffeqarfiit anginerit mikinerillu pisariaqartitaat malittarisassat isumagissavaat.

Peqatigitillugu suliffeqarfinni tamani suleqatigiinneq patajaallisarneqassaaq, sulisitsisoq sulisunik aqutsisut sullivimmilu avatangiisinut sinniisut suleqatigiillutik maannakkut isummerfigissammasuk, sullivimmi avatangiisit pillugit sulineq qanoq tigussaanagerusumik ingerlanneqassanersoq.

Taamaattumik malittarisassat atuuttut atorunnaarsinneqarnissaat kissaatigineqarpoq, aaqqissuussaaneq, isumannaallisaanermut ataatsimiisitaliap ataatsimiinnissaata amerlassusaat il.il. pillugit piunasaqaatinik aalajangersaasut (allanquinissamut siunnersuutigineqartoq sullivimmi avatangiisit pillugit ataatsimiisitaliamut).

2.2.3.3. Aaqqissuussineq siunnersuutigineqartoq

Inatsisissatut siunnersuutikkut malittarisassat imatut allanngortinneqassapput, suliffeqarfinni 10-nik amerlanerusunilluunniit sulisulinni, suleqatigiinnermut malittarisassat eqaannerunissaannik aaqqissuussivigineqarlutik.

Siunnersuutip kingorna suliffeqarfinni 10-34-nik sulisulimmi, sullivimmi avatangiisit pillugit aaqqissuussaaneq pilersinneqassaaq, isumannaallisaaneq peqqinnissarlu pillugit ulluinnarni pingaartullu suliassat isumagineqassallutik. Isumannaallisaanermut aaqqissuussap (imatut

allanngortinnissaanik siunnersuutaasumi, sullivimmi avatangiisit pillugit aaqqissuussaanerup, tak. siunnersuummut oqaaseqaatit nalinginnaasut imm. 2.2.1.3.) suliassai nalunaarummi aalajangersarneqarput. Sullivimmi avatangiisit pillugit aaqqissuussaaneq ataatsimik arlalinnilluunniit sullivimmi avatangiisinut sinniisunik toqqaasoqassaaq, sulisitsisumiillu sulisunut aqutsisumit arlalinnilluunniit toqqarneqarlutik. Sullivimmi avatangiisit pillugit aaqqissuussaanerup pingaassusaa naqissuserneqassaaq, siulittaasutut atuuffeqartumik pilersitsinikkut, tamanna pilersitsineq sulisitsisumiit sinniisumiilluunniit isumagineqassaaq.

Suliffeqarfimmi 35-nik amerlanerusunilluunniit sulisulimmi, sullivimmi avatangiisit pillugit aaqqissuussaq marlunnik qaffasissuseqassaaq – suleqatigiissitaq aamma ataatsimiititaliaq. Isumannaallisaaneq peqqinnissarlu pillugit ulluinnarni suliassat eqimattamit ataatsimit arlalinnilluunniit isumagineqassapput, eqimattat tamarmik sulisunut aqutsisumik 1-mik toqqakkamik peqassapput, 1-erlu sullivimmi avatangiisinut sinniisutut toqqagaq, maannamut isumannaallisaanermut suleqatigiissitat assigisaanik. Isumannaallisaaneq peqqinnissarlu pillugit pingaarnertut, pilersaarusiornermi ataqatigiissaarinermilu suliassat, suleqatigiissitamit ataatsimit arlalinniilluunniit isumagineqassapput, maannamut isumannaallisaanermut ataatsimiisitaliamut assigisaanik.

Sulinermut avatangiisit pillugit aaqqissuussaanermi ilaasortat amerlassusaat, sulisitsisup, sulisut sulisunillu aqutsisut akornanni suleqatigiinnikkut aalajangerneqassaaq. Tamatumunnga aalajangiinermi piunasaqaatit suliffeqarfimmut sullivimmilu avatangiisinut tunngasunut attuumassuteqartut arlaliupput kiisalu sulisut taakkunungalu sinniisut akornanni qanilaarnermik pisariaqartitsinermut mianerinnineq. Pingaartinneqassaaq sulisut sullivimmi avatangiisinut sinniisunut attaveqarnissamik periarfissaqarnissaat, sulisullu sullivimmi avatangiisinut tunngasut pillugit sullivimmi avatangiisit pillugit aaqqissuussami ilaasortanik, sulinerup nalaani oqaloqateqarnissaq periarfissaqartitaassapput.

Isumannaallisaanermut ataatsimiisitaliap ukiumut sisamariarlutik ataatsimiinneri ataatsimiinnerniillu imaqarniliornissamut piumasagaataasut ingerlateqqinneqartussaangillat. Assigisaanik atuuppoq, pisuni aalajangersimasuni ulluinnarni isumannaallisaanermi aqutsisoq aamma isumannaallisaanermi ataatsimiisitaliaq pillugit piumasagaatit. Taarsiullugu inatsisissatut siunnersuut imaqarpoq, suliffeqarfinni tamani sulisitsisoq, sullivimmi avatangiisit pillugit aaqqissuussami sulisunut aqutsisut, sullivimmilu avatangiisinut sinniisut suleqatigalugit sullivimmi avatangiisit pillugit suliaqarneq ukiup tullianut pilersarusiorlugu ukiumoortumik oqallisiginninneq pillugu piumasagaateqarpoq. Sulisitsisup Sullivinnik Nakkutilliisoqarfimmut uppersassavaa suliffeqarfiup tamatuminnga ingerlatsisimanera. Uppersaat soorlu suliffeqarfimmik nalilersuinermit ilanngunneqarsinnaavoq imaluunniit immikkut uppersaammik isikkulerlugu.

Sullivimmi avatangiisit pillugit aaqqissuussaaneq suliaasaanut kiisalu ilaasortat pisussaaffiit pisinnaatitaaffiillu malittarisassat ingerlateqqinneqarput. Allaffimmi allatigullu allaffissornermik il.il. sulisut amerlassusaannut naatsorsuinerit pillugit malittarisassat atuuttut allanngortinnagit ingerlateqqinneqassapput.

Inatsisissatut siunnersuutikkut sullivimmi avatangiisinut sinniisunik qinersisarneq pillugu malittarisassat atuuttut ingerlateqqinneqassapput. Sulisitsisup toqqassavai sulinermit aqutsisut, sullivimmi avatangiisit pillugit aaqqissuussamut ilaatinneqartussat, sulinermit aqutsisut toqqarneqartut kina sullivimmi avatangiisit pillugit ataatsimiititaliamiissanersoq akunnerminni toqqaassallutik. Sulisunut aqutsisussat, sullivimmilu avatangiisinut sinniisussanik qinersinermit malittarisassat nalunaarummi aalajangersarneqassapput.

2.2.4. Sulisitsisumut isumannaallisaanermullu aaqqissuussaaneq ilaasortanut pisinnaatitaaffiit pisussaaffiillu allat

2.2.4.1. Inatsit atuuttoq

Sullivinnik Nakkutilliisoqarfiup nakkutilliinera, § 6, imm. 2 atuuttoq malillugu, suliffeqarfimmi takusaanermi nalinginnaasumik isumannaallisaanermut aaqqissuussami ilaasortat attavigissavaat, taakkualu nakkutilliinermut atatillugu isumannaallisaanermut peqqinnissamullu tunngasunik apeqquteqassallutik pisinnaatitaapput.

§ 7, imm. 1 atuuttoq malillugu suliffeqarnermi ministeri isumannaallisaanermut sinniisut pisinnaatitaaffiitut pisussaaffiinullu ersarinnerusunik malittarisassiornissamut pisinnaatinneqarpoq. Kalaallit Nunaanni suliffeqarfinni isumannaallisaaneq peqqinnissarlu pillugit sulinermit nalunaarummi kapitali 3-mi, pisinnaatitaaneq pilersinneqarpoq, sulisitsisup pisussaaffiitut pisinnaatitaaffiinullu, isumannaallisaanermut sinniisumik toqqaanermut, sulinermi aqutsisup pisussaaffiitut pisinnaatitaaffiinullu, isumannaallisaanermut suleqatigiissitami ilaasortanik ilinniagaqarnermut aamma isumannaallisaaneq peqqinnissarlu pillugit sulinermi ulluinnarni aqutsisumut malittarisassanik imaqartoq.

§ 7, imm. 2 atuuttumi Sullivinnik Avatangiisit pillugit ilinniartitaanermut, ilanngullugu sanaartornermut illuliornermullu suliassaqarfiup iluani isumannaallisaaneq peqqinnissarlu pillugit sulinermi ataqatigiissaarisunut Sullivinnik Avatangiisit pillugit ilinniartitaanermut, ilinniartitaanermilu neqerooruteqartut ilinniartitsinerisa piginnaasaannut pitsaassutsimillu qulakkeerinninnermut suliffeqarnermi ministeri ersarinnerusunik malittarisassanik aalajangersaasinnaanermut pisinnaatitaavoq. Pisinnaatitsissut Kalaallit Nunaanni Sullivinnik Avatangiisit pillugit ilinniartitaanermut pinngitsuugassaangitsumut nalunaarummi pilersinneqarpoq.

§ 8, imm. 2-4 atuuttoq malillugu sulisitsisoq pisussaatitaavoq isumaginnissalluni, isumannaallisaanermut aaqqissuussaaneermi ilaasortat isumannaallisaanermut suliaqarnermi pisussaaffigisatik isumaginissaanut piffissaqarfiginissaat, isumannaallisaanermut tunngasunik apeqqutini

ilisimasassanik pisariaqartunik imaluunniit ilinniagaqarnissaminnut periarffasarnissaat suliffeqarfimmilu isumannaallisaanermut peqqinnissamullu tunngasunik apeqqutit pillugit pilersarusiornermut peqataatinnissaannik periarfissiissalluni.

§ 10-mi atuuttumi, suliffeqarfiit isumannaallisaanermut paasisimasalimmik ikiortissarsiornermut ikiuuttussaanerannut, sulisut isumannaatsuunissaat peqqinnissaaalluunniit pineqarnerani, suliffeqarnermi ministeri malittarisassanik aalajangersaanissamut pisinnaatinneqarpoq.

2.2.4.2. Suliffeqarnermut ministereqarfiup isumaliuutersuutai

Suliffeqarnermi ministeri kissaateqarpoq Kalaallit Nunaanni suliffeqarfinni isumannaallisaaneq peqqinnissarlu pillugit sulineq pillugu nalunaarummi pisinnaatitaaffiit, pisussaaffiit suliassallu pillugit kapitali 3-mi 4-milu aalajangersakkani atuuttuni pingaarnertut imarisai attatiinnerneqassasut. Taamaattoq aalajangersakkat nutaat ilusilersorneqarnerini suliassat nassuiarneqarneri nutarterneqarsinnaapput.

Pitsaaliuinermut suliniutinut siunnersuineq pingaaruteqarpoq. Suliffeqarnermut ministeri kissaateqarpoq aalajangersagaq nutaaq § 10-miittoq inatsisitigut tunngavilerneqassasoq, suliffeqarfiit avataaniit ilisimasalimmik siunnersorneqarnissamik pisariaqartitsisut tamarmik, avataaniit ilisimasalimmit siunnersorneqarnissamik pisussaaffilerneqassasut.

2.2.4.3. Aaqqissuussaq siunnersuutigineqartoq

Siunnersuutigineqartoq § 7, imm. 1 suliffeqarnermut ministeri pisussaaffiit pisinnaatitaaffiillu pillugit malittarisassanik aalajangersaanissamut pisinnaatitsinermik atuuttumik annertusineqarpoq. Sullivimmi avatangiisit pillugit aaqqissuussami ilaasortanut tamanut pisinnaatitaaffinnik pisussaaffinnillu aalajangersaasinnaangorlugu annertusineqarpoq, tassa imaappoq sullivimmi avatangiisit pillugit sinniisunuinnaangitsoq, kisianni

aamma sullivimmi avatangiisit pillugit aaqqissuussami sulinermik aqutsisunut.

§ 8, imm. 5-imi siunnersuutigineqartumi sullivimmi avatangiisit pillugit aaqqissuussami ilaasortat suleqatigiinnerminnik ataqatigiissaarinissamut periarfissaqarnissaat erseqqissarneqarpoq.

Aalajangersagaq siunnersuutigineqartoq § 9 a, imm. 1 nutaajuvoq. Siunnersuutigineqarpoq, sulisitsisumiit isumagissallugu pisussaaffigineqartoq, sullivimmi avatangiisit pillugit aaqqissuussaannermut ilaasortaasut sullivinnik avatangiisit pillugit ilinniartitaaneq pinngitsoornani ilinniakkamik ingerlataqarnissaannik, inatsimmi toqqaannartumik allaqqassasoq, massakkutuunngitsoq Kalaallit Nunaanni suliffeqarfinni isumannaallisaaneq peqqinnissarlu pillugit sulinermi nalunaarummi. Sullivinni avatangiisit pillugit aaqqissuussami sullivimmi avatangiisit pillugit sinniisoq sulisunullu aqutsisoq sullivinnik avatangiisit pillugit ilinniartitaanermik pinngitsooratik ingerlataqarnissamut pisussaaffeqarlutillu pisinnaatitaapput. Ilinniartitaaneq pinngitsoorani ingerlanneqartussaq atuuppoq, assigiinnik suliaqarfinni tamani aamma suliffeqarfinni allami atorfinitsitaanermut atatillugu nutaamik qinersinermi ingerlanneqaqqittussaannngilaq.

Siunnersuutigineqartoq § 9 a, imm. 2, § 7, imm. 2-mi sullivimmi avatangiisit pillugit aaqqissuussaannermi ilaasortat piunnersuutaasumik sullivimmi avatangiisit pillugit ilinniagaqarnissaat pillugu, sanaartornermi illuliornermilu isumannaallisaaneq peqqinnissarlu pillugit sulinermi ataqatigiissaarisunut immikkut sullivimmi avatangiisit pillugit ilinniarnissaat pillugu, ilinniartitsisut piginnaasaat pillugit aamma ilinniartitaanermik ingerlatsisut pitsaassusaannik qulakkeerinninneq pillugu suliffeqarnermut ministeri malittarisassanik aalajangersaanissamut pisinnaatitsinermik atuuttumik ingerlatitseqqiineruvoq. Pisinnaatitsinerup siunnersuutigineqartup erseqqissarpaa, imarisat, nalunaarneq, neqeroorutit aamma ilinniakkanik naammassinninneq pillugit malittarisassat erseqqinnerusut kiisalu ilinniartitaanermik ingerlatsisut

akuerineqarnissaannik aamma pitsaassusaannik qulakkeerinninneq pillugu malittarisassat.

Siunnersuutigineqartup § 10-p siunertaraa, sulisitsisup suliffeqarfimmi isumannaassutsikkut aamma peqqinnissakkut pissutsinik isumaginninnissamut suliamut pisariaqartumik ilisimasaqarneq nammineerluni pigingikkuniuk, sulisut sullivimmi avatangiisitigut tamakkiisumik illersorneqarnissaat qulakkeerniarlugu, suliffeqarfiup avataaniit suliamut ilisimasaqarnermik pissarsinissamut pisussaaffiata erseqqissarnissaa aamma taamaalillugu inatsisitigut aalajangersarneqarnissaa. Tamatuma saniatigut tamanna pillugu malittarisassanik erseqqinnerusunik aalajangersaanissamut aalajangersagaq tunngaviliivoq.

2.3. Sulisitsisut, nioqqutissanik pilersuisut, attartortitsisartut pisussaaffiinik il. il. allannguinerit

2.3.1. Sullivimmik nalilersuineq, pitsaaliuinerimullu tunngaviit

2.3.1.1. Inatsit atuuttoq

Inatsimmi § 11 a, imm. 2-p aalajangersarpaa, APV-mi ilaatinneqassasut suliffeqarfiup avatangiisitigut ajornartorsiutai pillugit isummernissaq, aamma taakku qanoq aaqqinneqassanersut.

Kalaallit Nunaanni sullivinnik nalilersuineq pillugu nalunaarummi nr. 1168, 8. oktober 2007-imeersumi § 3, imm. 2-mi aalajangersarneqarpoq, sullivimmik nalilersuineq, nalunaarummut ilanngussaq 1-imi taaneqartut pitsaaliuinerimut tunngaviit alaatsinaannerisigut, suliffeqarfimmi avatangiisitigut ajornartorsiutit pillugit isummerneq ilaatinneqassasoq, aamma taakku qanoq aaqqinneqassanersut. Aaqqiissutissat pisariaqartut APV-mi taaneqassapput.

Nalunaarummut ilanngussami 1-imi pitsaaliuinnermut tunngaviit tulluuttut taaneqarput, Rådetip sulisut sulinermi isumannaassusaannut aamma peqqinnerannut pitsanngorsaataasussamik pineqaatissiinernik pilersitsineq pillugu peqqussutaanik 89/391/EØF-imik aallaaveqartut (sinaakkutitut peqqussut):

1. Navianaataasunik pinngitsoortitsineq.
2. Navianaataasunik pinngitsoortinneqarsinnaanngitsunik nalilersuineq.
3. Navianaatip aallaaviani akiornera.
4. Sulinerup inummut tulluarsarnera, sulliviup ilusilersorneqarnera pinerullugu kiisalu sulinermit atortorissaarutissanik aamma sulinermit tunisassiornermullu periutsinik toqqaaneq, annerusumik assigiiaarpallaartumik aamma ataasiinnarmik sukkassuseqarluni sulinissaq killilerumallugu aamma taamatut sulinerup peqqinnermut sunniutai minnerpaaffianiitinniarlugit.
5. Teknikikkut ineriartornermik eqqumaffiginninneq.
6. Ulorianartut uloriananngitsunik imaluunniit ulorianannginnerusunik taarserlugit.
7. Pitsaaliuinerup pilersaarusionera imminut ataqatigiissutut iluittuutinniarlugu, pitsaaliuinnermi teknikki, sulinermik aaqqissuussineq, sulinermi atukkat, inooqataanermi attaviit aamma sullivimmi avatangiisitigut pissutsinik sunnerneqarneq.
8. Ataasiakkaanik illersuineq pinnagu ataatsimulli illersuineq pillugu pineqaatissiinernik akuersineq.
9. Sulisunik ilitsersuineq naapertuuttoq.

2.3.1.2. Suliffeqarnermut ministeriap isumaliuutersuutai

Naak nalunaarutikkut aalajangersarneqareeraluartoq, pitsaaliuinnermut tunngaviit qulaani taaneqartut alaatsinaannerisigut APV-p ingerlanneqarnissaa, Danmarkimisuulli inatsisitigut piumasqaat aalajangersarneqarsimasariaqarpoq.

Tamanna suliffeqarfinni avatangiisitigut ajornartorsiutit pitsaaliorneqarnissaannut APV-p atortussatut annerusumik atuuffeqarnissamut ineriartortinnissaanut sunniuteqassaaq.

2.3.1.3. Aaqqissuussaq siunnersuutigineqartoq

Siunnersuutigineqarpoq erseqqissarneqassasoq, APV-mik suliaqarnermut atatillugu, imarisaanut tunngatillugu immikkoortut tunngaviusut sisamaasut saniatigut, tak. inatsimmi § 11 a, imm. 2, nr. 1-4, suliffeqarfiup avatangiisitigut ajornartorsiutaanik pitsaaliuinermi nalilersuisoqarnissaa aamma isummertoqarnissaa, taamaalillutik aaqqissutissat pisariaqartut, aallartinneqartut, pitsaaliuinermi tunngaviit, sullivimmi avatangiisit pillugit inatsimmi taaneqartut mianeralugit ingerlanneqarlutik.

Pitsaaliuinermi tunngaviit, tassunga atatillugu eqqarsaatigineqartut, tassaa pput pitsaaliuinermi tunngaviit nalinginnaasut, artikel 6, imm. 2-mi taaneqartut, Rådetip sulisut sulinermi isumannaassusaannut aamma peqqinnerannut pitsanngorsaataasussamik pineqaatissiinernik pilersitsineq pillugu peqqussutaani 89/391/EØF-imi (sinaakkutitut peqqussut).

§ 11 a, imm. 2, oqaaseqatigiinni siullermi ilanngussatigut, erseqqissarneqarpoq, APV – sullivimmi avatangiisitigut ajornartorsiutit pillugit isummerner-mik qanorlu aaqqiinneqassanersut ilaqarnerata saniatigut – aamma isummerfigineqassasoq, aaqqiissutissatut siunnersuutit qanoq ilusilerneqarsinnaanerata, qulakkeerniarlugu, aaqqissutissat pitsaaliuinermik isiginneriaatsimik ilaqarnissaat.

Peqatigalugu qulakkeerneqarpoq, suliffeqarfik APV-mik nutarsaanermut pisartussamut atatillugu, sulinermi allannguisoqaraangat il. il., isumannaasutsimut aamma peqqinnermut attuumassuteqartunik, ullumikkumut sanilliullugu sullivimmi avatangiisinut tunngatillugu, pitsaaliuinermik annerusumik isiginnineq pisassasoq, soorlu assersuutigalugu nutaanik maskiinataarnermi, suleriaatsinik aamma periaatsinik allannguinermi il. il.

2.3.2. Sanaartortitsisup pilersaarusionerata, killiliinerata aamma ataqatigiissaarinerata siunertanut naapertuunnissaannut sulisitsisup peqataasussaataanera

2.3.2.1. Inatsit atuuttoq

Sullivinni avatangiisit pillugit inatsimmi § 15 naapertorlugu, sulisitsisut suliffiusuni sulisunut tamanut sulinermi atukkanik isumannaatsunik aamma peqqinnartunik pilersitsinissaq pillugu suleqatigiinnissamut pisussaaffeqarput, sulisitsisut arlallit suliaqartitsiviini. Inatsimmi § 32, imm. 1 naapertorlugu, sulisitsisut tassunga tunngatillugu tamarmik immikkut sulinerup pilersaarusiornissaanut aamma aaqqissuunnissaanut pisussaaffeqarput, tamakkiisumik isumannaassutsikkut aamma peqqinnissakkut illersorneqarsinnaasumik ingerlanneqarnissaa pillugu.

2.3.2.2. Suliffeqarnermut ministeriap isumaliuutersuutai

Inatsisip atuuttup kingunerinngilai, sanaartorfimmik pilersaarusiorneq, killiliineq aamma ataqatigiissaarineq malillugu sulisitsisut aaqqissuussinnissaat imaluunniit mianerinninnissaat, inatsimmi § 31 malillugu sanaartortitsisup naammassissallugu pisussaaffigisaanik. Taamatuttaaq inatsimmi pisinnaatitsinermut aalajangersakkani taaneqanngilaq, sanaartortitsisup sanaartorfimmik pilersaarusiornierata, killiliinerata aamma ataqatigiissaarinerata siunertarisaq malillugu ingerlanissaanut sulisitsisup peqataanissamut pisussaaffia pillugu malittarisassanik erseqqinnerusunik aalajangersaasinnaaneq, tassunga ilagitillugu sulisitsisut sanaartortitsisup ataqatigiissaarisuisa innersuussutaannik eqqumaffiginninnissaat.

2.3.2.3. Aaqqissuussaq siunnersuutigineqartoq

Siunnersuutigineqartumik § 15 a-mik erseqqissarneqarpoq, sulisitsisut aamma namminersortut atofilittaqqanngitsut, sanaartortitsisup pilersaarusiornierata, killiliinerata aamma ataqatigiissaarinerata siunertaq malillugu ingerlanissaanut peqataanissaat, tassunga ilagitillugu ilaatigut, sanaartortitsisup sanaartorfimmi sulinerup pilersaarusiornissaanut aamma ataqatigiissarnissaanut paasissutissat pisariaqartitai sulisitsisut tunniutissagaat. Aalajangersagaq taamaalilluni isumaqarpoq sanaartortitsisup ataqatigiissaarisuanullu sanaartorfimmi sullivimmi avatangiisitigut pissutsit pilersaarusiornissaanut ataqatigiissarnissaannullu periarfissaqarnerannut sanaartortitsisumullu naleqqiullugu sullivimmi avatangiisitigut malittarisassat eqquutsissinnaallugit.

Pingaartuuvoq sulisitsisut aamma namminersortut atofilittaqaangitsut (suliffeqarfik ataatsimik pigineqartoq) tamarmik, sanaartorfinni suliaqartut isumannaallisaaneq peqqinnissarlu pillugit suleqatigiissutigalugit, aamma tassunga ilagitillugu pingaartuuvoq sulisitsisut namminersortullu sulisuqaangitsut tamarmik immikkut sanaartorfimmi suliaqartut isumannaassuseq peqqinnissarlu pillugit sanaartortitsisup pilersaarusiornerrata, killiliinerata aamma ataqatigiissaarinerata siunertaq malillugu ingerlanissaanut peqataanissaq qulakkiissagaat. Tassunga atasumik pingaartuuvoq sanaartorfimmi suliaqartut isumannaassuseq peqqinnissarlu pillugit sanaartortitsisup ataqatigiissaarisuiniit pilersaarusiorneq, killiliineq aamma ataqatigiissaarineq siunertaq malillugu ingerlanissaanut innersuussutaat mianerissagaat.

Taamaattumik siunnersuutigineqarpoq § 2, imm. 3-mi oqaaseqatigiit siulliit aamma allanngortinneqassasut, taamaalilluni siunnersuutigineqartoq § 15 a aamma sulisitsisumut attuumassuteqaangitsumik sulinermut aamma atuuttunngussasoq.

Siunnersuutikkut suliffeqarnermut ministeri aamma sanaartortitsisup pilersaarusiornerranut, killiliineranut aamma ataqatigiissaarineranut tunngatillugu sulisitsisup pisussaaffii pillugit malittarisassanik erseqqinnerusunik aalajangersaanissamut pisinnaatinneqalissaaq. Naatsorsuutigineqarpoq, pisinnaatitsineq imatut pilersinneqassasoq, sanaartortitsisup ataqatigiissaarisuisa innersuussutaannik sulisitsisut eqqumaffiginninnerannik kinguneqarluni.

2.3.3. Isumannaallisaaneq peqqinnissarlu pillugit suliaqarnermi napparsimalluni takkutinnngitsoortarneq sulisitsisup ilaatitsinissamut pisussaaffia

2.3.3.1. Inatsit atuuttoq

Sullivimmi avatangiisit pillugit inatsimmi § 1-imi aalajangersarneqarpoq, inatssisip ilaatigut siunertarigaa, suliffeqarfiit namminneq isumannaassutsimut peqqissutsimullu apeqqutinut tunngatillugu aaqqiisinnaanissaannik tunngavissiinissaq. Sulinermut atatillugu

napparsimaneq pissutigalugu takkutinnitsoortarnerit ikilisarneqarnissaat inatsisip atorneqarfissaata iluaniippoq.

2.3.3.2. Suliffeqarnermut ministeriap isumaliuutersuutai

Napparsimalluni takkutinnitsoortarnerit qaffassissumik inissisimaneq suliffeqarfimmi isumannaassutsikkut aamma peqqissutsikkut illersorneqarsinnaasumik inissisimasoqannginneranut takussutissaasinnaapput.

Paasissallugu periarfissaajuaannarnaviannigilaq, sullivimmi avatangiisit imaluunniit pissutsit allat napparsimalluni takkutinnitsoornermut pissutaanersut. Napparsimalluni takkutinnitsoornerit ikitsuinnaat sullivimmi avatangiisitigut pissutsinik tunngaveqarsinnagaluartut, sullivimmi avatangiisitigut aaqqiissuteqarnerit suliniutaapput napparsimalluni takkutinnitsoortarnernik ikilisaqaataasinnaasut.

Sullivimmi avatangiisit pissutigalugit napparsimalluni takkutinnitsoortarnerit ikilisarneqarnissaannut, suliffeqarfiit suliffeqarfimmi napparsimalluni takkutinnitsoornermut iliuuseqartumik inissisimanissaat pillugu, allaffissornikkut malittarisassanik aalajangersaasoqartariaqarpoq.

2.3.3.3. Aaqqissuussaq siunnersuutigineqartoq

§ 17 b nutaami siunnersuutigineqarpoq, suliffeqarnermut ministeri suliffeqarfimmi isumannaassuseq peqqinnerlu pillugu sulinermut atatillugu napparsimalluni takkutinnitsoortarnerit eqqumaffiginissaannut sulisitsisunut peqqusinissamut piginnaatinneqassasoq.

Tamatuma kingorna sullivimmi avatangiisit pillugit aaqqissuussap sulinerminut atatillugu napparsimalluni takkutinnitsoortarnerit eqqumaffigissavai. Ilaatigut sullivimmi nalilersuinermi (APV) napparsimalluni takkutinnitsoortarnerit ilanngunneqassapput. Taamaattumik APV pillugu malittarisassat erseqqinnerusut imaqaassapput,

napparsimalluni takkutinngitsoornerup nalilersuinermi
ilanngunneqarnissaanut piumasaqaammik.

Siunnersuutikkut siunniunneqanngilaq napparsimalluni
takktutinngitsoortarnerit appartinneqarnissaanut sulisitsisut
pisussaaffilerneqarnissaat. Pisussaaffik taamaallaat suleriaatsimut
tunngavoq, suliffeqarfiup napparsimalluni takktutinngitsoortarnerit
sullivimmi avatangiisit pillugit sulinermini ilannguttussaanerini, tassunga
ilagitillugu minnerunngitsumik APV-mi.

Sulisitsisup napparsimalluni takktutinngitsoortarnerit nalilersornissaannut
peqqissuseq pillugu paasissutissat pissarsiarinissai sulisumut
piumasaqaatigisinnaanngilaa, inatsisitigut tamatumunnga
tunngavissaqanngimmat, kisianni sulisup nammineq piumassutsini atorlugu
paasissutissat taamaattut tunniussinnaavai.

2.3.4. Suliffeqarfinni aqutsisut il.il.

2.3.4.1. Inatsit atuuttoq

Kalaallit Nunaanni sullivinni avatangiisit pillugit inatsisip § 17 b-mi
imarivaa, sulisitsisup pisussaaffii pillugit inatsimmi aalajangersakkat
suliffeqarfiup aqutsisuanut imaluunniit aqunneqarneranut peqataasumut
aamma atuuttuunerat pillugu aalajangersagaq.

Aalajangersakkap siunertaraa isumannaassallugu, suliffeqarfimmi il.il.
aqutsisunut, tassunga ilagitillugu pisortanut aamma siulersuisunut
ilaasortanut pinerluttulerinermi pineqaatissiisoqarsinnaanissaa sullivinni
avatangiisit pillugit inatsimmik unioqqutitsinermut, pineqartut
akisussaaffigisaannik imaluunniit peqataaffigisaannik.

Aalajangersakkap kingunerivaa, sulisitsisup pisussaaffii pillugit inatsimmi
aalajangersakkat assinganik atuutissasut inummut, suliffeqarfimmik
aqutsisumut imaluunniit aqutsinermut peqataasumut.

2.3.4.2. Suliffeqarnermut ministeriap isumaliuutersuutai

Siunnersuutigineqarpoq, § 17 b atuuttoq Kalaallit Nunaani sullivimmi nakkutilliinermut inatsit § 17 c-nngortinneqarluni, suliffeqarfimmi sulisitsisumiit, aqutsisunullu allanut, pisussaaffiit inatsisit aalajangersagaanni allannguuteqassanngillat.

2.3.4.3. Aaqqissuussaq siunnersuutigineqartoq

Siunnersuutigineqarpoq § 17 b-p atuuttup atorunnaarsinneqarnissaanik, nutaatullu § 17 c atuutilerseqqinneqarluni. 17 c-mi siunnersuutaasutut ilanngunneqarnerani, § 65, imm. 1-mi siunnersuutaasumi, suliffeqarfimmi aqutsisunut, sullivimmi isumannaallisaanermi inatsisinik unioqquitsinermi pinerluttulerinermut inatsisit malillugit pineqaatissinneqarsinnaanerit periarfissatut atorneqalissaaq.

2.3.5. Nakkutilliinermut allattaavimmik peqarnissamut piumasaqaatip atorunnaarsinneqarnera

2.3.5.1. Inatsit atuuttoq

Kalaallit Nunaanni sullivinni avatangiisit pillugit inatsit § 61, imm. 1-imi aalajangersakkamik imaqarpoq, suliffeqarnermut ministerip nakkutilliinermi allattuivimmik imaluunniit suliffimmi uppersaammik assingusumik peqarnissaanut aamma nakkutilliinermi allattuiviup imaluunniit uppersaatip atorneqarnissaannut aamma toqqortaatigineqarnissaannut malittarisassanik aalajangersaasinnaaneranik. Nakkutilliinermi allattuivik Sullivinnik Nakkutilliisoqarfiup pulaarnerinik aamma aalajangiinerinik il.il. uppersaanermut atorneqassaaq. Aalajangersagaq nalunaarutikkut pilersinneqanngilaq. Nakkutilliinermi allattuiveqarneq pillugu aalajangersagaq 1986-imi Kalaallit Nunaanni sullivinni avatangiisit pillugit inatsisikkut eqqunneqarpoq.

Ilanngullugu inatsit § 42, naggat 2.-mi force majeure-qarneranut atatillugu ullormut qasuersarnerup aamma sapaatip akunneranut ulloq ataaseq sulinngiffeqarnerup nakkutilliinermi allattuivimmu allanneqarnissaannut imaluunniit assingusumik uppersarsarneqarnissaat pillugu malittarisassanik saneqqussinissamut aalajangersakkamik imaqqarpoq.

2.3.5.2. Suliffeqarnermut ministeriap isumaliuutersuutai

Sullivimmi avatangiisit pillugit inatsimmi Sullivinnik Nakkutilliisoqarfiup pulaarneri, aalajangiineri il.il. nakkutilliinermi allattuivimmu allanneqarnissaat pillugu aalajangersakkat nalunaarutikkut pilersinneqanngillat aamma nalinginnaasumik atornerqaratik. Taamaattumik naapertuutinnilaq inatsimmi ilaatinneqarnissaat.

Malittarisassaq 1986-iminngaanneerpoq aamma aalajangersagaq nutaangilisutut nalilerneqarpoq, Sullivinnik Nakkutilliisoqarfik ullumikkut annerusumik digitalimik suliffeqarfinnut attaveqartarmat. Taamaattumik § 61, imm. 1-imi aalajangersakkap atorunnaarsinneqarnissaa nangaassutissartaqanngitsoq nalilerneqarpoq, aamma tamatuma kingunerisaanik § 42, naggat 2.-mi aalajangersagaq allannortinneqassaaq, taamaalilluni force majeure-qarneranut atatillugu ullormut qasuersarneq aamma sapaatip akunneranut ulloq ataaseq sulinngiffeqarneq pillugu malittarisassanik saneqqussinerit taamaallaat allakkatigut uppersarsarneqarnissaat piumasaqaataalerluni.

2.3.5.3. Aaqqissuussaq siunnersuutigineqartoq

Siunnersuutigineqarpoq, § 61, imm. 1 atorunnaarsinneqassasoq. Tamatuma kingunerisaanik siunnersuutigineqarpoq, § 42-mi nakkutilliinermi allattuivimmu innersuussineq atorunnaassasoq (ullormut qasuersarnerup aamma sapaatip akunneranut ulloq ataaseq sulinngiffeqarnerup nakkutilliinermi allattuivimmu allanneqarnissaannut malittarisassanik saneqqussineq) aamma saneqqussinerup allakkatigut

uppernarsarneqarnissaanik taarserneqassasoq. Siunnersuutitigut inatsiseqartitsinermit pissutsitigut allannguisoqarnissaa siunertaanngilaq.

2.3.6. Aalajangiinerit pillugit sulisitsisup akissutaa

2.3.6.1. Inatsit atuuttoq

Inatsimmi § 61, imm. 2-mi aalajangersarneqarpoq, sulisitsisoq Sullivinnik Nakkutilliisoqarfiup allakkatigut peqqussuteqarneranut atatillugu piffissaliussap iluani akissuteqarnissamut piumasqaammik naammassinnissasoq.

2.3.6.2. Suliffeqarnermut ministeriap isumaliuutersuutai

Aaqqissuussinermik Danmarkimi atuuttumut assingusumik eqqussisoqartariaqarpoq, tamatuma kingorna sulisitsisoq Sullivinnik Nakkutilliisoqarfiup aalajangigai pillugit allakkatigut akissuteqartalissalluni, Sullivinnik Nakkutilliisoqarfik tamatuminnga noqqaassuteqaraangat, aamma sulisitsisup isumannaallisaaneq pillugu aaqqissuussamut (sullivimmi avatangiisit pillugit aaqqissuussamut allanngortinneqartussatut siunnersuutigineqartoq, tak. pkt. 2.2.1.3.-mi siunnersuummut oqaaseqaatit naliginnaasut) imaluunniit suliffeqarfinni sulisunut sinniisumut, isumannaassuseq pillugu aaqqissuussamik pilersitsinissamut pisussaaffeqanngitsumut, ilisimatitsisassalluni, akissutip imarisaa pillugu.

2.3.6.3. Aaqqissuussaq siunnersuutigineqartoq

Siunnersuutigineqarpoq § 61, imm. 2 atorunnaarsinneqassasoq. Siunnersuut nutaamik § 61 a, imm. 1-imik siunnersuuteqarnermut attuumassuteqartutut isigineqassaaq, tassani ilaatigut siunnersuutigineqarluni aalajangersarneqassasoq, sulisitsisup Sullivinnik Nakkutilliisoqarfiup aalajangiineri pillugit akissuteqartarnissaa, Sullivinnik Nakkutilliisoqarfik tamatuminnga noqqaassuteqaraangat. Tamanna aaqqissuussinermut atuuttumut assinguvoq, assigiinngissutigalugu erseqqissarneqarmat,

akissuteqarneq pisassasoq Sullivinnik Nakkutilliisoqarfik tamatumingna noqqaassuteqaraangat. Aamma § 61, imm. 2-mi nutaami siunnersuutigineqarpoq, sulisitsisup isumannaassagaa aamma akuerissagaa, sullivimmi avatangiisit pillugit aaqqissuussap imaluunniit suliffeqarfinni sulisunut sinniisup, sullivimmi avatangiisit pillugit aaqqissuussamik pilersitsinissamut pisussaaffeqanngitsup, akissuteqarnissamut piffissarititaasup qaangiutinnginnerani akissuteqaatip imarisaanik ilisimatinneqarnissaa.

2.4. Ikiueqqaarnissamut pisinnaatitsinermut malittarisassat, inunnik timikkut tarnikkulluunniit atukkanik sulinikkut ulorianartorsiornermik kinguneqartitsineq kiisalu kisimiilluni sulineq

2.4.1. Inatsit atuuttoq

Ullumikkut sulliviit aaqqissuunneqarnerannut Kalaallit Nunaannut nalunaarummi, sanaartorfissanik assigisaattullu suliaqarfiusunik aaqqissuussineq pillugu nalunaarummi kiisalu Kalaallit Nunaanni aatsitassanik piiaanermik suliaqarneq kiisalu piiaanissaq siunertaralugu misissueqqaarneq pillugit nalunaarummi timikkut ikiueqqaarneq pillugu malittarisassaarpoq.

Ilanngullugu sulinermut atatillugu ullumikkut nalunaarutitigut sulisut ukiuinik, paasisimasaqassusaannik, sulisinnaassusaannik aamma allatigut pisariaqartitaannik mianerinninnissamut aalajangersakkanik peqareerpoq, tassani ilagitillugu sulisup timikkut tarnikkulluunniit peqqissusaata kingunerisaanik sulineq annertunerusumik ulorianaateqarpat suliniutinik naleqquttunik aalajangiisoqarnissaa.

Kiisalu sulisup kisimiilluni sulippat, aamma sulineq tamanna pineqartumut immikkut ittumik ulorianaateqarsinnaappat, taava ulorianaatip tamassuma pinngitsoortinneqarnissaa siunertaralugu sulinerup aaqqissuunneqarnissaanut nalunaarutikkut aalajangersakkanik peqareerpoq. Ulorianaat tamanna pinngitsoortinneqarsinnaanngippat, taava sulisoq kisimiilluni sulisinnaanngilaq.

Kisianni inatsimmi, taamaattunik allaffissornikkut malittarisassanik nalunaarutitigut suliffeqarnermut ministerip aalajangersaasinnaanermut pisinnaatinneqarneranut aalajangersagaqanngilaq.

2.4.2. Suliffeqarnermut ministeriap isumaliuutersuutai

Inatsimmi erseqqissarneqartariaqarpoq, ikiueqqaarneq pillugu aalajangersaanissamut tunngaveqarneq. Tassani pineqarput aalajangersakkat nalunaarutitut pioreersut aamma siunissami ikiueqqaarneq pillugu allaffissornikkut malittarisassat, tassunga ilagitillugu tarnikkut ikiueqqaarneq.

Pingaaruteqarpoq suliffinni sakkortuumik pisoqarfiusinnaasuni, timikkut ikiueqqaarnissamut sillimanerup saniatigut aamma tarnikkut ikiueqqaarnissamut sillimasoqaruni. Taamaattumik timikkut ikiueqqaarneq pillugu pisinnaatitsinermik aalajangersagaq nutaaq, sulisitsisup tarnikkut ikiueqqaarneq pillugu suliniutinik aalajangiinissamut pisussaaffilerneqarnissaanut aalajangersagaliornermut atorneqarsinnaasariaqarpoq, sulisut sakkortuumik misigisaqarsinnaanerit immikkut navianaataappat.

Inatsimmi erseqqissarneqartariaqarpoq, suliffeqarnermut ministeri inuit timikkut imaluunniit tarnikkut amigaatillit, sulinerit ilaat pineqartillugit ajutoornissamut imaluunniit napparsimalernissamut kinguneqarsinnaasut, aamma sulisut kisimiillutik sulinissaannik killiliisinnaaneq pillugu malittarisassanik erseqqinnerusunik aalajangersaasinnaaneranut pisinnaatinneqartoq.

2.4.3. Aaqqissuussaq siunnersuutigineqartoq

Siunnersuutigineqarpoq § 33-imi, imm. 1-mi, normu 4-mik nutaamik ikkussisoqassasoq, sulinerup tamakkiisumik illersorneqarsinnaasut pilersaarusionerqartutut, aaqqissuunerqartutut aamma ingerlanneqartutut isigineqarnissaa pillugu ikiueqqaarnermut piumasataatip piumasaqaatinut naammassisariaqartunut ilaalernissaa pillugu suliffeqarnermut ministerip malittarisassanik erseqqinnerusunik aalajangersaanissamut

pisinnaatinneqarnissaa. Siunnersuutikkut ikiueqqaarneq pillugu malittarisassanik erseqqissumik tunngavissiisoqarpoq, sulliviit aaqqissuunneqarnerannut Kalaallit Nunaannut nalunaarummi, Kalaallit Nunaanni sanaartorfissanik assigisaattullu suliaqarfiusunik aaqqissuussineq pillugu nalunaarummi kiisalu Kalaallit Nunaanni aatsitassanik pīaanermik suliaqarneq kiisalu pīaanissaq siunertaralugu misissueqqaarneq pillugit nalunaarummi pioreersuni. Tamatuma saniatigut ikiueqqaariaatsit allat pillugit nalunaarutitut ilusiliilluni malittarisassanik aalajangersaasinnaaneq periarfissanngusaaq, tassunga ilagitillugu ikiueqqaarneq nalinginnaasoq pillugu, tassa sulliviit aaqqissuunneqarnerat imaluunniit atortorissaarusugaanerat pillugu piumasaqaatinut attuumassuteqartitsiffiunngitsumik.

Sullivimmi avatangiisit pillugit inatsimmi timikkut aamma tarnikkut avatangiisit ilaatinneqarmata, ikiueqqaarneq pillugu malittarisassamik aalajangersaasinnaanermut pisinnaatitsinerup aamma kingunerissavaa, malittarisassap timikkut ikiueqqaarnissamut matussusiinerata saniatigut aamma sakkortuumik misigisaqarnermut atatillugu tarnikkut ikiueqqaarnissap matussuserneqarnissaa.

Pisinnaatitsineq tunngavigalugu ikiueqqaarneq pillugu malittarisassamik aalajangersaasoqarsinnaassaaq, sulisitsisumut suliffeqarfinni sakkortuumik misigisaqarfiusinnaasuni suliniutinik pisariaqartunik aallartitsinissamut aamma pisussaaffiliisoq, tassunga ilagitillugu isumagalugu, sulisut suliamik ingerlatsinerminni sakkortuumik toqqaannartumik imaluunniit takunnittut misigisaqartitaasimasut, timikkut aamma tarnikkut ikiorneqqaarnissamut periarfissaqarnissaat.

Ilanngullugu siunnersuutigineqarpoq § 33, imm. 1-imi nr. 5-imik nutaamik ikkussinissaq, inuit timikkut imaluunniit tarnikkut amigaatillit ajutoorfiusinnaasumik imaluunniit napparsimalissutaasinnaasumik sulitinneqarnerini suliassat ilaannut tunngatillugu malittarisassanik aalajangersaanissamut suliffeqarnermut ministerimut pisinnaatitsisumik.

Taamatuttaaq siunnersuutigineqarpoq § 33, imm. 1-imi, nr. 6-imik nutaamik ikkussinissaq, sulisut kisimiillutik sulisinnaanermut periarfissaannik

killiliinissaq pillugu malittarisassanik aalajangersaanissamut suliffeqarnermut ministerimut pisinnaatitsisumik.

2.5. Suliffiup ilusiligaaneranut, teknikkikkut ikiuutinut, atortussianut atortullu il.il. pillugit piumasaqaatit

2.5.1. Suliffiup ilusiligaanera

2.5.1.1. Inatsit atuuttoq

Sullivimmi avatangiisit pillugit inatsimmi § 35, imm. 1-ip kingunerivaa, suliffiit aalajangersimasut, suliffiit utaqqiisaagallartut, suliffiit nikerartut aamma suliffiit silamiittut ilusiligaanerat pillugu suliffeqarnermut ministeri malittarisassanik aalajangersaasinnaasoq, tassunga ilagitillugu qaqqani suliffinnut atatillugu suliniutit immikkut ittut.

Inatsimmi erseqqinnerusumik taaneqanngilaq, ministerip suna pillugu malittarisassanik aalajangersaasinnaanera.

Aamma suliffimmut piumasaqaatit sanaartukkanik, ininik, sumiiffinnik il.il. attartortitsisunut atuunnissaat pillugu ministerip malittarisassanik aalajangersaasinnaaneranut pisinnaatitsissummik inatsit imaqanngilaq.

2.5.1.2. Suliffeqarnermut ministeriap isumaliuutersuutai

Suliffik aaqqissuunneqassaaq isumannaassutsikkut aamma peqqinnissakkut illersorneqarsinnaasumik, aamma suliffeqarnermut ministeri tamanna pillugu malittarisassanik aalajangersaasinnaavoq, inatsimmi § 35, imm. 1-imi pisinnaatitsissutitut aalajangersagaq tunngavigalugu.

Siunertamut naapertuuttutut isigineqarpoq, inatsisip – danskit sullivimmi avatangiisit pillugit inatsisaat assigalugu – ministerip suliffinnut aalajangersimasunut, suliffinnut utaqqiisaagallartunut, suliffinnut nikerartunut aamma suliffinnut silamiittunut tunngatillugu sunik

malittarisassanik aalajangersaasinnaaneranut assersuutininik imaqarnera. Taamalilluni erseqqissarneqarluni malittarisassani suut ilaatinneqarsinnaanersut.

Siunertamut naapertuuttut ilanngullugu isigineqarpoq, inatsisip aalajangersakkamik pisinnaatitsissummik imaqarnera, tamatuma kingorna suliffeqarnermut ministeri suliffimmut piunasaqaatit sanaartukkanik, ininik, sumiiffinnik il.il. attartortitsisartunut aamma atuunnissaat pillugu malittarisassanik aalajangersaasinnaalluni. Taamaliornikkut attartortitsisumut toqqaannartumik piunasaqaateqartoqarsinnaavoq.

2.5.1.3. Aaqqissuussaq siunnersuutigineqartoq

Siunnersuutigineqarpoq § 35, imm. 1-imi suliffimmut tunngatillugu suliffeqarnermut ministeri sunik malittarisassanik aalajangersaasinnaaneranik assersuutininik ikkussinissaq. Suliffinnut aalajangersimasunut, suliffinnut utaqqiisaagallartunut, suliffinnut nikerartunut aammalu suliffinnut silamiittunut atuuttussamik.

Taamaalilluni siunnersuutigineqarpoq § 35, imm. 1-imi allaqqassasoq, ministeri makkua pillugit malittarisassanik aalajangersaasinnaasoq:

1. ini suliffik, assersuutigalugu qilaamut portussuseq, inip silaannaqarnera, natit, iikkat, qilaat, qullilersuineq, kiassuseq, silaannarmik nutarsaneq aamma nipitussutsit,
2. atugarissaarnissamut suliniutit il.il., assersuutigalugu isersimaartarfiit aamma nerisarfiit, atisanik nivinngaasarfiit, atisalersortarfiit, perusersartarfiit, asattarfiit aamma uffartarfiit kiisalu sinittarfiit aamma issiaviit, aamma
3. aninissamut periarfissat, assersuutigalugu aqquserngit angallaffiusut, tummeqqat aamma anisarfiit.

Nr. 1-3-mi taakkartuineq tamakkiisuunngilaq, tassani taamaallaat nalinginnaasunik assersuuteqarluni taakkartuisoqarmat. Taamaattumik

aamma assersuutigalugu eqqiluisaarnissamut malittarisassanik aalajangersaasoqarsinnaavoq.

Siunnersuutikkut inatsiseqartitsinermi pissutsinik allannguinnissaq siunertaanngilaq.

Siunnersuutigineqarpoq § 35-mi imm. 3-mik nutaamik ikkussinissaq, tamatuma kingorna suliffeqarnermut ministeri § 35, imm. 1 naapertorlugu suliffik pillugu malittarisassanik aalajangersaasinnaalluni, taakkua sanaartukkanik, ininik, sumiiffinnik il. il. attartortitsisunut atuutissasut.

2.5.2. Sulisut illersuutaannut aamma sullisinut immikkut ittunut aningaasartuutit

2.5.2.1. Inatsit atuuttoq

Inatsimmi § 33, imm. 1, nr. 2-mi, inummut illersuutitut sullisinullu immikkut ittunut malittarisassanik suliffeqarnermut ministerimut pisinnaatitsinikkut atuutilersitsisoqassaaq. Pisinnaatitsineq taanna Kalaallit Nunaanni suliamik ingerlataqarnermut nalunaarummi pilersinneqarpoq, ilaatigut pineqarpoq aalajangersagaq, inummut illersuutitut sullisinullu immikkut ittunut aningaasartuutit sulisitsisumiit isumagineqassasut.

2.5.2.2. Suliffeqarnermut ministeriap isumaliuutersuutai, aaqqissuussaanerlu siunnersuutigineqartoq

Suliffeqarnermut ministeriap nalilerpaa inatsimmi erseqqissarneqartariaqartoq, inunnut illersuutitut aamma sullisinut immikkut ittunut aningaasartuutit akilerneqarnissaat pillugu suliffeqarnermut ministeri aalajangersakkanik aalajangersaasinnaassasoq. Allannguutissasut siunnersuutigineqartoq aalajangersakkami erseqqissaavoq.

2.5.3. Taaguut teknikkikkut ikiuutit

2.5.3.1. Inatsit atuuttoq

Kapitali 6-imi teknikkikkut ikiuutit pillugit aalajangersakkani atuuttuni taaguut teknikkikkut ikiuutit atorpeqarpoq, suut ikiuutit pineqarnerannut tunngatillugu assersuutinik taakkartuinertaqanngitsoq.

2.5.3.2. Suliffeqarnermut ministeriap isumaliuutersuutai

Kapitalip atuuffia erseqqissarniarlugu suliffeqarnermut ministeriap nalilerpaa, Kalaallit Nunaanni sullivimmi avatangiisit pillugit inatsimmi aalajangersagaq oqaatsitigut nalimmassartariaqartoq danskit sullivimmi avatangiisit pillugit inatsisaannut assigiissaarilluni, § 36-mi teknikkikkut ikiuutit nalinginnaanerpaat assersuutit taakkartorneqarnerisigut inunnut illersuutit kapitalimi ilaatinneqarnerat kiisalu § 36-mi aamma § 37-mi aalajangersakkani marlunni inunnut illersuutit ilaatinneqarnerat ersarissarlugu.

2.5.3.3. Aaqqissuussaq siunnersuutigineqartoq

Erseqqissarniarlugu inunnut illersuutit kapitali 6-imut aamma attuumassuteqarnerat siunnersuutigineqarpoq »il. il.« kapitalip qulequtaani ilanngunneqassasoq aamma § 37, imm. 1-imi pisinnaatitsinermik aalajangersakkami.

§ 36-imi aalajangersakkap allangortinneqarnissaa siunnersuutigineqarpoq, atortut teknikkikkut ikiuutit nalinginnaanerpaat taakkartorneqassallutik aamma erseqqissarneqassalluni, inuunnut illersuutit aalajangersakkami ilaatinneqarnerat.

2.5.4. Nioqutissanik pilersuisut il.il. atortussianut atortunullu tunngatillugu pisussaaffii

2.5.4.1. Inatsit atuuttoq

Inatsimmi §§ 28-29-mi aalajangersarneqarput, nioqqutissanik pilersuisunut, pilersaarusiortunut aamma siunnersortinut il.il. pisussaaffiit, atortussiat atortut isumannaassutsimut peqqinnermullu ulorianaateqarsinnaasut imaluunniit ajorseriartitsisinnaasut pineqartillugit. § 24, imm. 3-mi allaqqavoq, Sullivinnik Nakkutilliisoqarfik piunasaqartillugu, imaluunniit pissutsit allat atuunnerisigut, nioqqutissanik pilersuisut aamma atortussianik atortunillu sanaartortitsisut misissuisitsisassasut misiligutinillu tigusillutik. § 39-mi periarfissaliissut atorlugu tamatumunnga malittarisassaliornikkut, atortussiat atortullu, taamaattut pilersinnerinut, poortorneqarnerinut, nalunaaqutserneqarnerinut, toqqorneqarnerinut, assartorneqarnerinut, atorneqarnerinut, pilersinneqaqqusaannginnerinut, atortussianik ulorianannginnerusunik taarserneqarnissaannut kiisalu atorneqarnissaannut akuersissuteqarnissamut malittarisassanik erseqqinnerusunik aalajangersaasinnaanermut tunngaveqarpoq.

Inatsimmi § 39, imm. 1, nr. 3-mi, sulineranut ministeri isumannaallisaaneq pillugu paasissutissat allattorsimaffii, teknikkikkut paasissutissat allattorsimaffii assigisaallu pilersuisuneersut aamma sullivinnik atuneq pillugu ilitersuutininik sulisitsisuneersut pillugit aalajangersaasinnaavoq.

§ 39 sulineranut aamma atuuppoq, sulisitsisumi ingerlanneqanngitsoq, inatsimmi takuneqarsinnaasut § 2, imm. 3, nr. 4-mi.

2.5.4.2. Suliffeqarnermut ministeriap isumaliuutersuutai

Ukiuni 15-ini kingullerni nunarsuarmi, atortussianut aamma akuukkanut ulorianartunut inisseeriaatsimik aamma nalunaaqutseeriaatsimik ineriartortitsisoqarpoq Globale Harmoniserede System-imik (GHS) taaneqartoq atortussianik aamma akuukkanik inisseeriaaseq aamma nalunaaqutseeriaaseq, ilaatigut USA-p, Canadap, Japanip, EU-p (tassani taagorneqarluni CLP-peqqussut), Australiap aamma New Zealandip ilannguffigisimasaat.

Nunat arlallit GHS-imut ilanngussimanerat Kalaallit Nunaanni sullivimmi avatangiisit pillugit inatsimmi aalajangersakkamik nalunaaruteqarsinnaanermut aqqissuussisinnaanermut periarfissiivoq, tassani nioqqutissanik eqqussisartut aamma pilersitsisartut inissiinissamut aamma nalunaaqutsiinissamut siunnersuuteqartassallutik.

Nalunaaruteqartussaataaneq sanaartorfianiippoq assartuisuniluunniit, sulisitsisumiinnani atortussiamik atuisunit allaniinnani, tamatumunnga pissutaavoq, sanaartorfiusuniit assartuisuniilluunniit, atortussiap ulorianassusaa ilisimaneqarnerummat. Atortussiat atortussallu issoqqasut, imerpalasut, silaannartut pissusilittut assigisaannillu inissisimasinnaapput. Tunisassiassaasinnaapput, akuliussassatulluunniit sanaajullutik assigisaannillu sulianut aalajangersimasunut atugassat, soorlu suliareqqinermut atugassat. Atortussiat imatut paasineqassapput, pinngoqqaatit aamma kemiimut tunngasunik ataqatigiiffiusut, pinngortitameersusinnaasut imaluunniit suliffissuarni sananeqaatillit. Atortussiat ilaatigut arrorsaataasinnaapput aamma issoqqasut, imerpalasut imaluunniit silaannartut pissusillit, atortussianut allanut akuliussassatut.

2.5.4.3. Aqqissuussaq siunnersuutigineqartoq

§§ 39 a-mi aamma 39 b-mi aqqissuussaaneermik siunnersuutigineqartumi siunertaavoq pitsaanerusumik tunngaviliinissaq, qulakkeerniarlugu atortussiat imaluunniit atortussat tunisassiornermi atorneqannginnissaat, inunnut sunniutigisartagaat qulaajarneqaqqaartinnagit. Pitsaaliuilluni suliniutit pisup sapinngisamik pileqqaarfiani pissapput – sapinngisamik atortussiat suliffinnut anngutinnginneranni. Siunnersuutip siunertaraa, atortussianik aamma atortussanik pilersitsisartut aamma eqqussisartut misissuisarnissamut aamma misissuineq pillugu Sullivinnik Nakkutilliisoqarfimmut nalunaaruteqartarnissamut inaneqarnissaat. Tamatuma saniatigut atuisunut tunngatillugu paasissutissiinissamut pisussaaffiup sukaterneqarnissaanut tunngaviliisoqassaaq.

Siunnersuutigineqarpoq §§ 39 a aamma 39 b sulinernut sulisitsisumi ingerlanneqanngitsuniut aamma atuutissasut. Taamaattumik siunnersuutigineqarpoq, aalajangersakkat taakku marluk § 2, imm. 3, nr. 4-mi ikkunneqarnissaat, tassani allaqqallutik, atortussiat aamma atortussat pillugit aalajangersakkat aamma sulinermut sulisitsisumi ingerlanneqanngitsumut atuullutik.

2.6. Sullivinnik Nakkutilliisoqarfiup sakkusnaanik allannguinerit

2.6.1. Misissuinissamut peqqussummut piffissarititaasoq

2.6.1.1. Inatsit atuuttoq

Sullivimmi avatangiisit pillugit inatsisip § 17-imi aalajangersarpaa, Sullivinnik Nakkutilliisoqarfiup piumasarigaangagu, imaluunniit tamatumunnga pissutsit tunngavissaqartitsippata, sulisitsisoq misissuisitsisassasoq, misiliisitsisassasoq aamma takuniaasitsisassasoq, suliamut immikkut paasisimasalinnik ingerlanneqarsinnaasumik, paasiumallugu sullivimmi avatangiisit isumannaassusaat aamma peqqinnassusaat illersorneqarsinnaanersut.

Aalajangersagaq malillugu suliffeqarfimmi pissutsinut tunngatillugu pasitsaassaqarnermut atatillugu aamma nalinginnaasumik misissuinermit atatillugu imaluunniit assigiinnik suliaqarfimmi assigisaaniluunniit ataavartumik pissutsinik misissuinermit atatillugu Sullivinnik Nakkutilliisoqarfik misissuisoqarnissaanik piumasaqarsinnaavoq. Ilanngullugu aalajangersagaq misissuinerup suliamut immikkut paasisimasalinnik ingerlanneqarnissaanik piumasaqarsinnaanermut tunngaviliivoq.

Misissuinermit il.il. aningaasartuutit sulisitsisumit matussuserneqassapput. Pasitsaassaqarnermut atatillugu misissuinerit, silaannarissutsimut, nipiliornermut aamma sullivimmi tarnikkut avatangiiseqarnermut tunngasunut immikkut attuumassuteqartutut inissisimapput.

Ilanngullugu § 17-ip kingunerivaa, sulisitsisoq nammineq suliniuteqarnikkut pisussaasoq – naak tamanna pillugu Sullivinnik Nakkutilliisoqarfimmiit piunasaqaateqartoqanngikkaluartoq – susassaqaarfinni isumannaassutsikkut imaluunniit peqqissutsikkut tamatuminnga piunasaqaateqarfiusuni misissuisitsinissamut. Misissuinissamut pisussaaffik suliamik pilersaarusernermut, aaqqissuussernermut aamma naammassinnernermut atuuppoq.

2.6.1.2. Suliffeqarnermut ministeriap isumaliuutersuutai

Sullivimmi avatangiisit pillugit naammagittaalliortarfiup danskit sullivimmi avatangiisit pillugit inatsisaat malillugu suliat ilaanni tikkuarsimavaat, aalajangersagaq malillugu Sullivinnik Nakkutilliisoqarfiup peqqussuteqarnikkut naammassinnerinissamut piffissarititaasumik aalajangersaasinnaaneranik tunngavimmik erseqqarissumik aalajangersakkap imaqaannginnera. Aalajangersagaq Kalaallit Nunaanni sullivimmi avatangiisit pillugit inatsimmi aamma danskit sullivimmi avatangiisit pillugit inatsisaanni assigiimmik allassimavoq, taamaalilluni ajornartorsiut aamma Kalaallit Nunaanni sullivimmi avatangiisit pillugit inatsimmi § 17-imut attuumassuteqarluni.

Misissuisoqarnissaanut peqqussutip sulisitsisumit qaqugukkut naammassineqarnissaanut piffissatigut killeqartinnagu aalajangersakkap siullertut ilusaa isumaqaanngitsutut pissuseqarpoq. Ilanngullugu misissuisoqarnissaanut peqqussut tiguisussamut ersernerluppoq. Taamatut piffissatigut killeqartinnagu aamma ersernerluppoq, Sullivinnik Nakkutilliisoqarfik misissuinermi pissutsinut paasineqarsinnaasunut tunngatillugu qaqugukkut aalajangiisinnaanera. Tamakkua tunngavigalugit nalilerneqarpoq aalajangersakkap allangortinneqarnissaa pisariaqartinneqartoq.

2.6.1.3. Aaqquussuusaq siunnersuutigineqartoq

Siunnersuutigineqarpoq aalajangersagaq allanngortinneqassasoq, taamaalilluni erseqqissumik allaqqalissalluni, § 17 malillugu peqqussutit naammassineqarnissaannut Sullivinnik Nakkutilliisoqarfik piffissarititaasumik aalajangersaasinnaasunngortillugu.

2.6.2. Paasissutissanik katersuineq, suliarinnineq aamma ingerlatitseqqiineq

2.6.2.1. Inatsit atuuttoq

§ 58 a-mi allaqqavoq, Sullivinnik Nakkutilliisoqarfik inuit pineqartillugit nalunaaruteqartarfikkut sulitilluni ajoqusernerit aamma inuussutissarsiornermi nappaatit pillugit paasissutissat katersorsinnaagai aamma ataatsimut ingerlatillugit, sulitilluni ajoqusernerit pillugit nalunaaruteqarnissamut kiisalu Arbejdsmarkedets Erhvervssikringip sulitilluni ajoqusernerit aamma inuussutissarsiornermit napparsimanerit pillugit paasissutissatut tunngavigisassaatur. Paasissutissat katersorneqarsinnaapput misissuinermit aamma nakkutilliinermit tunngatillugu kiisalu misissueqqissaarneq, pitsaaliuineq aamma naatsorsueqqissaarnissaq siunertaralugit.

Aalajangersagaq inatsisikkut nr. 461, 15. maj 2017-imeersukkut ikkunneqarpoq aamma 1. juli 2017 atuutulerluni. Aalajangersakkamut tunuliaqutaavoq, Sulisilluni Ajoqusernerit pillugit Sullissiviup suliaasa suliffeqarfimmut imminut ingerlattumut Arbejdsmarkedets Erhvervssikring-imut nuunneqarneri. Aalajangersakkatigut inatsisitigut pisussaaffiliisoqarpoq, sulitilluni ajoqusernerit pillugit nalunaaruteqartarfikkut Arbejdsmarkedets Erhvervssikring-ip paasissutissanik Kalaallit Nunaanni Sullivinnik Nakkutilliisoqarfimmut ingerlatitseqqiisarnissaanut. Ilanngullugu erseqqissumik tunngavissiiisoqarpoq, Kalaallit Nunaanni Arbejdsmarkedets Erhvervssikring-ip paasissutissatigut tunngavigisaaniit paasissutissanik Kalaallit Nunaanni Sullivinnik Nakkutilliisoqarfimmut ingerlatitseqqiinnissamut kiisalu Sullivinnik Nakkutilliisoqarfiup

paasissutissanik taakkuninnga suliarinninnissaanut, Danmarkimi Arbejdsmarkedets Erhvervssikring-ip aamma Arbejdstilsynet-ip akornanni paasissutissanik assingusunik ingerlatitseqqiisalerup aamma suliarinnittalernerup assinganik. Aalajangersakkamik siunertarineqarpoq qulakkiissallugu, Kalaallit Nunaanni Sullivinnik Nakkutilliisoqarfiup sulitilluni ajoqusernerit il.il. pillugit paasissutissanik Sullivinnik Nakkutilliisoqarfiup nakkutillineq pillugu pilersaarusernermik, pitsaaliuilluni suliniuteqarnermut, misissueqqissaarinerup aamma naatsorsueqqissaarnerup siunertaqarluni suliaqarnermini atuisinnaanissaa, taamaalilluni Kalaallit Nunaanni Sullivinnik Nakkutilliisoqarfik nakkutilliinermini ataavartumik siunertarisaminik toraarsinnaaqullugu aamma paasissutissat attuumassuteqartut tamaasa suliaqarnermini atorsinnaaqullugit, tassunga ilagitillugit sulitilluni ajoqusernerit pillugit paasissutissat.

Sullivinnik Nakkutilliisoqarfiup nakkutillineq pillugu suliniuteqarneranik toraarsinerup atatillugu Sullivinnik Nakkutilliisoqarfiup nammineq aalajangiinini pillugit paasissutissat suliffeqarfinnut atorsinnaavai kiisalu Sullivinnik Nakkutilliisoqarfiup nakkutilliusuisa suliffeqarfiit pillugit ilisimasaat atorsinnaallugit. Taamaattoq malittarisassat atuuttut malillugit oqartussaqaarfiit allat paasissutissaataannik katersinissaq, suliaqarnissaq aamma ataatsimut ingerlatsinissaq periarfissaanngilaq aamma paasissutissanik katersinnaanerup suliaqarsinnaanerullu sanitatigut sulianik ingerlatsinerup nalunaarsuinissaq periarfissaanani.

Sullivinnik Nakkutilliisoqarfiup oqartussaqaarfinnut allanut paasissutissanik ingerlatitseqqiisinnaanerup Kalaallit Nunaanni sullivimmi avatangiisit pillugit inatsit tunngavimmik ullumikkut imaqanngilaq.

Sullivinnik Nakkutilliisoqarfiup paasissutissat suliarissavai, sullivimmi avatangiisit pillugit inatsit naapertorlugu, Sullivinnik Nakkutilliisoqarfiup suliassanik isumaginninnermini pisariaqatitai malillugit. Tamanna suliaqarneq suliarinninnermut atortut elektroniskiusut atorlugit ingerlanneqassaaq kiisalu paasissutissanik katersuiffiit aamma

nalunaarsuiffiit elektroniskiusut arlallit atorlugit, Sullivinnik Nakkutilliisoqarfiup ingerlatissallugit aserfallatsaalissallugillu akisussaaffigisai.

Kalaallit Nunaanni Sullivinnik Nakkutilliisoqarfiup paasissutissanik suliarinninnera Pisortat ingerlatsineranni suliassat suliarineqartarnerat pillugu Inatsisartut inatsisaanni (Kalaallit Nunaanni pisortat ingerlatsinerat pillugu inatsit) nr. 8, 13. juni 1994-imeersumi, Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat (Kalaallit Nunaanni paasitinneqarsinnaaneq pillugu inatsit) nr. 9, 13. juni 1994-imeersumi aamma Inunnik paasissutissanik suliarinnittarneq pillugu inatsisip atuutilersinneqarnissaanut kunngip peqqussutaani nr. 1238, 14. oktober 2016-imeersumi, nr. 429, 31. maj 2000-imeersumi, allanngortinneqartoq inatsit nr. 1245, 18. december 2012-imeersumi § 1-ikkut (inunnut paasissutissanik suliarinnittarneq pillugu inatsit) ilaatinneqarpoq.

Paasissutissanik inunnut tunngasunik suliaqarneq aamma oqartussaqaqarfinnut allanut ingerlatitseqqiineq inunnut paasissutissanik suliarinnittarneq pillugu inatsimmi ilaatinneqarput. Tamatuma saniatigut pisortat ingerlatsineranni tunngaviusutut periutsit nalinginnaasut atuupput, tassunga ilagitillugit piviusumik aamma atsikkutigiittumik tunngaveqarnerit. Tamanna isumaqarpoq, Sullivinnik Nakkutilliisoqarfiup taamaallaat inunnut paasissutissat suliarisarai, suliarinninneq piviusumik aamma atsikkutigiinnermik tunngaveqarpat.

Kalaallit Nunaanni pisortat ingerlatsinerat pillugu inatsimmi § 28, imm. 1 malillugu paasissutissat inunnut ataasiakkaanut tunngasut, ilaatinnaq imm. 2-mi taaneqartut, oqartussaqaqarfinnut allanut ingerlateqqinneqaqqusaanngillat. Assersuutigalugu paasissutissamik ingerlatitseqqiineq pisinnaavoq, inatsimmik naapertuinikkut inatsimmik imaluunniit aalajangersakkamik tunngaveqarluni tak. imm. 2, nr. 3.

Kalaallit Nunaanni pisortat ingerlatsinerat pillugu inatsimmi § 28, imm. 3 malillugu paasissutissat isertuussat inummut tunngasuunngitsut allat imm. 1-imi taaneqartut, imm. 2-mi pisut eqqaaneqartut saniatigut, oqartussa qarfiimmu allamut taamaallaat ingerlateqqinneqarsinnaasut, oqartussa qarfiup suliaqarneranut imaluunniit aalajangiinissaanut pingaaruteqarpata. Ilanngullugu Kalaallit Nunaanni pisortat ingerlatsinerat pillugu inatsimmi § 32 malillugu, oqartussa qarfik paasissutissamik ingerlatitseqqiisinnaatilluni, taava oqartussa qarfik oqartussa qarfiup allap piimasaqarneratigut paasissutissaq ingerlateqqissavaa, tamanna oqartussa qarfiup sulinerani imaluunniit oqartussa qarfiup aalajangiinissaanut tunngatillugu pisariaqartinneqarpata. Aalajangersagaq paasissutissanut isertuussanut taamaallaat atuutinngilaq aamma atuulluni inunnut paasissutissanut kiisalu paasissutissanut allanut.

Kalaallit Nunaanni Sullivinnik Nakkutilliisoqarfiup paasissutissanik suliarinnittarnera kunngip peqqussutaa nr. 1238, 14. oktober 2016-imeersoq naapertorlugu pisartuq inunnut paasissutissanik suliarinnittarneq pillugu inatsimmi ilaatinneqarpoq, tak. inatsit nr. 421, 31. maj 2000-imeersoq (inunnut paasissutissanik suliarinnittarneq pillugu inatsit) allanngortinneqarpoq inatsit nr. 1245, 18. december 2012-imeersumi § 1-ikkut. Tamanna pissuteqarpoq, Sullivinnik Nakkutilliisoqarfik ilaatigut inunnut paasissutissanik suliarinnittarnera, tassunga ilagitillugit inuussutissarsiornermi nappaatit aamma sulitilluni ajoqusernerit pillugit paasissutissat.

Kalaallit Nunaanni inunnut paasissutissanik suliarinnittarneq pillugu inatsit, inatsimmi § 1, imm. 1 malillugu inunnut paasissutissanik suliarinninnernut, tamakkiisumik imaluunniit ilaannakortumik nammineertumik paasissutissanik suliarinninneq ikiorsiullugu suliarinninnerusunut, aamma allanut nammineertumik paasissutissanik suliarinninneq atornagu inunnut paasissutissanik suliarinninnerusunut, nalunaarsuiffimmu immiunneqarsimasunut imaluunniit immiunneqartussanut atuuppoq. Inatsimmi § 3, nr. 1 aamma 2 malillugit inunnut paasissutissanik suliarinninneq imatut paasineqassaaq, ingerlatsineq sunaluunniit

imaluunniit ingerlatsinerit arlallit, elektroniskimik paasissutissanik suliarinninneq atorlugu imaluunniit atornagu, paasissutissalerineq attuumassuteqartoq inuk kinaassusersineqarsimasoq imaluunniit kinaassusersineqarsinnaasoq pillugu paasissutissanik (nalunaarsorneqartoq).

Kalaallit Nunaanni inunnut paasissutissanik suliarinnittarneq pillugu inatsimmi aalajangersarneqarpoq inunnut paasissutissat erseqqissumik piviusumillu siunertanut katersorneqassasut aamma kingusinnerusukkut suliarinninneq siunertanut taakkununga ilanngunneqarsinnaangitsuussapput. Inunnut paasissutissat aamma naammattuussapput, attuumassuteqarlutik siunertanullu suliarineqarfissaannut naleqqiullugit pisariaqarneri killeqassallutik. Ilanngullugu nakkutilliinissaq pisariaqartoq ingerlanneqassaaq qulakkeerniarlugu, paasissutissat eqqortuunngitsut imaluunniit paatsoorsaataasut suliarineqartut. Paasissutissat eqqortuunngitsut paatsoorsaataasullu paasineqarpata, sapinngisamik erngerlugit peerneqassapput imaluunniit iluarsineqarlutik. Inunnut paasissutissat toqqartarineqassanngillat imatut, nalunaarsukkat inunnut paasissutissat suliarineqarfianni siunertanut piffissaq pisariaqartinneqartoq qaangerlugu ilisarineqarsinnaatillugit. Naggataatigut teknikkikkut aqqissugaanikkullu isumannaallisaanermi suliniutit pisariaqartut toqqarneqassapput, paasissutissat nalaatsornikkut imaluunniit unioqqutitsinikkut suujunnaarsinneqarnissaat, tammarnissaat imaluunniit ajornerusunngortinnissaat pinngitsoortinniarlugu, kiisalu susassaqqanngitsunit ilisimaneqalernissaat, atornerlunnissaat imaluunniit inatsimmut akerliusumik allatut suliarineqarnissaat pinngitsoortinniarlugu.

Kalaallit Nunaanni inunnut paasissutissanik suliarinnittarneq pillugu inatsimmi § 6 piumasaaqatit nalinginnaasut aalajangersarneqarput, paasissutissanik nalinginnaasunik qaqugukkut suliarinnittoqarsinnaanersoq. Aalajangersakkap kinguneraa, inatsisit malillugit suliarinnittoqarsinnaasoq aatsaat nr. 1-7-imi piumasaaqatit naammassineqarpata, tassunga ilagitillugu inuiaqatigiinnut iluaqutaasumik suliap ingerlanneqarnera mianeralugu suliarinninneq pisariaqarpat, tak. nr. 5, imaluunniit pisortat oqartusaaanerminnik ingerlatsinerannut tunngassuteqarpat, paasissutissanik akisussaasup imaluunniit suliap avataaniittup paasissutissanik ingerlatitseqqineq pillugu peqquneqarsimappat, tak. nr. 6.

Inunnut aalajangersimasunut paasissutissanik tunngassuteqartunik suliarinninneq inunnut paasissutissanik suliarinnittarnermut inatsimmi § 7 aalajangersarneqarput. Paasissutissat § 7, imm. 1-imi ilaatinneqartut inunnut paasissutissaapput makkununga naggueqatigiinnut sunut ilaanermit, naalakkersuinermit, upperisarsiornermit, peqatigiiffeqarnermit kiisalu peqqissusermit kinguaassiuutinillu atuinermit tunngasut. § 8-mi aalajangersarneqarpoq, pisortat ingerlatsineranni pissutsinut pineqaatissiissutigineqarsinnaasut, inooqatigiinnermi ajornartorsiutinut annertuunut aamma pissutsit allat inummut tunngalluinnartut § 7, imm. 1-imi taaneqanngitsut pillugit suliarineqassanngitsut, oqartussaqaarfiulli suliaanik isumaginninnermit pisariaqartillugu aatsaat suliarineqarsinnaallutik.

Kalaallit Nunaanni paasissutissat inummut tunngassutillit pillugit inatsimmi § 7, imm. 1-imi inerteqquteqarpoq inunnut aalajangersimasunut paasissutissat tunngassuteqartunik suliarinninnissamut, ilanngullugu peqqissusermit tunngasutillugu paasissutissat. Inatsisissatut siunnersuut malillugu inunnut aalajangersimasunut aalajangersimasunut paasissutissanik tunngassuteqartunik suliaqarnermi, Sullivinnik Nakkutilliisoqarfik § 7, imm. 2-7-imi tunngavissaqarpoq, tamatumalu kingorna imm. 1 atorneqassanngilaq, aalajangersakkani taaneqartuni pissutsit ilaat ataaseq atuuppat. Suliffeqarnermit ministerip nalilissavaa, oqartussat suliaminnik ingerlatsinissaannut § 7, imm. 2, oqaaseqatigiit sisamaanni tunngavissaqarnersoq, inatsisitigut pisinnaatitsineq aalajangersarneqarsinnaanera, atuutsinneqarsinnaanera imaluunniit illersorneqarsinnaanera pisariaqartippagu suliaqarneq ingerlanneqarsinnaalluni, aamma imm. 6-imi suliaqarneq aallartinneqarsinnaalluni pinerluttulerinermi inatsisit pillugu suliaassaqaarfimmi pisortaqaarfiup suliani isumaginninnissaanut pisariaqarpat.

Kalaallit Nunaanni paasissutissat inummut tunngassutillit pillugit inatsimmi § 8, imm. 2, nr. 2-mi pissutsit pillaatiissutaasinnaasut pillugit paasissutissanik ingerlatitseqqiinissamut tunngavissaqarpoq, pisortat soqutigisaat isumaginarlugit ingerlatitseqqiisoqassappat, tassani soqutigisat isertuunnissaannut tunngavilersuutaasut mianerinissaat erseqqissumik qaangerneqarpata, ilanngullugu paasissutissat pineqartillugit mianerineqartussa. Suliffeqarnermit ministerip pingaartippaa, paasissutissat Sullivinnik Nakkutilliisoqarfiup tigummisareriigai oqartussat allat unioqqutitsisoqarsinnaaneranik naammattuuisinnaanerannut pitsanngorsaataassasoq naatsorsuutigineqarmat. Piumasaqaataassaaq paasissutissanik taakkunanga ingerlatitseqqiineq pisariaqartoq oqartussat

taakkua sulinertik ingerlannissaannut. Taamaattumik naliliiffigineqarpoq naleqquttuussasoq, oqartussat taakku Sullivinnik Nakkutilliisoqarfimmiit paasissutissanik pissarsinissamut tunngavissaqarunik imaluunniit tunngavissaminnik tunineqartussaallutik kiisalu Sullivinnik Nakkutilliisoqarfik paasissutissanik ingerlatitseqqiinissamut tunngavissamik tunineqarluni. Periaaseq oqartussaaffik paasissutissanik tunniussisumut pissarsisumullu erseqqissumik tunngavissaqartoq, Kalaallit Nunaanni paasissutissat inummut tunngassutillit pillugit inatsimmi § 8, imm. 2, nr. 3-mi killiliinermut tapersiisutut naliliiffigineqarpoq.

Naggataatigut Kalaallit Nunaanni paasissutissat inummut tunngassutillit pillugit inatsimmi § 39-mi takuneqarsinnaavoq, inuk nalunaarsugaasoq akerliliilluni saqqummiippat, taava paasissutissat pillugit akisussaasoq nalunaarsugaasumut aalajangiinernut inatsisitigut kinguneqartitsinnaanngilaq pineqartorluunniit pingaarutilimmik kalluartinneqarsinnaanani, aamma tamanna paasissutissanik qarasaasiakkut suliaqarnissaq tunngavigalugu taamaallaat aalajangiinerusoq, pissutsinik inunnut aalangersimasunut tunngasunik naliliiniarnermi atorineqartoq.

Ataatsimut ingerlatsineq tassaavoq suliarinninneq immikkuullarissaq, ilaatigut paasissutissanik inunnut tunngassuteqartunik suliarinniffiusinnaasoq. Ataatsimut ingerlatsineq teknikkikkut aaqqiinernut assigiinngitsunut ataatsimoorussilluni taaguutaavoq, paasissutissanik nalunaarsuiffimminngaanniit assigiinngitsuneersunik attuumatitsinermut tunngasoq. Ataatsimut ingerlatsinermi maskiinatigut nuussinerit ilaapput, tassuuna paasissutissat nalunaarsuiffimmiit allamiit nalunaarsuiffimmut ingerlanneqarlutik, taamaalilluni nalunaarsuiffik tiguisoq paasissutissanik taakkuninnga annertusarneqarluni. Taaguummut ataatsimut ingerlatsinermut ilanngullugu ilaatinneqarpoq, maskiinatigut paasissutissanik nalunaarsuiffimminngaanneersunik assigiinngitsuninngaanniit ataatsimoortitsineq, taamaaliornikkut ”uddata-produkt”-imik nutaamik pilersitsisoqarluni, assersuutigalugu nalunaarsuiffimmik nutaamik.

2.6.2.2. Suliffeqarnermut ministeriap isumaliuutersuutai

Kalaallit Nunaanni pisortat ingerlatsinerannik nalorninaatsumik aamma ataqatigiinnerusumik pilersitsisinnaajumalluni, pisortat paasissutissaataat

annertunerusumik agguasseqatigiinnikkut atorneqassapput aamma atoqqinneqassallutik. Tamatumunnga piumasqaataavoq, oqartussa qarfiit qularnaatsumik paasissutissanik attuumassuteqartunik annertunerusumik avitseqatigiissinnaanerat aamma atuisinnaanerat, oqartussa qarfiit ataasiakkaat pigeriigaannik.

Sullivinnik Nakkutilliisoqarfik ullumikkut paasissutissanik avataaningaanneersut ilaannik Arbejdsmarkedets Erhvervsikring-iminngaanneersunik katersuisinnaavoq ataatsimullu ingerlatsilluni, tamanna pisariaqartinneqarpat nakkutilliinermut atatillugu aamma misissueqqissaarinermik, pitsaaliuineramik kiisalu naatsorsueqqissaarinermik siunertanut atatillugu.

Sullivinnik Nakkutilliisoqarfiup paasissutissaataanik avataaneersunillu ataatsimut ingerlatsineq, ullumikkut Sullivinnik Nakkutilliisoqarfiup katersorsinnaasai nakkutilliisoqarfiup suliffeqarfiit sullivimmi avatangiisit pillugit inatsimmik unioqqutitsisut annertunerusumik kinaassusersisinnaalerneranut iluaqutaavoq.

Kalaallit Nunaanni pisortat oqartussa qarfiiniit paasissutissanik katersuinermi aamma suliaqarnermi, taamaalilluni Sullivinnik Nakkutilliisoqarfik suliffeqarfiit sullivimmi avatangiisit pillugit inatsimmik unioqqutitsisinnaanerusutut nalilerneqartut nakkutiginnissaannut periarfissaqalerluni. Taamaattumik pisariaqarpoq pisorta qarfinnit allanit paasissutissanik pisariaqartunik katersuinissamut, suliaqarnissamut ataatsimullu ingerlatsinissamut Sullivinnik Nakkutilliisoqarfik tunngavissinneqassasoq.

Suliffeqarnermut ministeriamiit pingaartinneqarpoq, Sullivinnik Nakkutilliisoqarfiup suliffeqarfinnut nakkutilliinerit angusaqarfiunerunissaannut, paasissutissat ilanngunneqarnissaasa pisariaqarnerat, inunnut paasissutissat mianernartutut isikkulinnut, § 7, imm. 1-mi, Kalaallit Nunaanni inunnut paasissutissat pillugit inatsimmi. Taanna aqqutigalugu, Sullivinnik Nakkutilliisoqarfimmiit, inatsisitigut piumasqaatinik atuuttunik suliffeqarfik piumasqaarfigineqarsinnaanngussaaq, naggataatigullu suliffeqarnermi sulisitanik millisaataanermik kinguneqarsinnaammat. Sullivinnik Nakkutilliisoqarfimmiit tamanna tunuliaqutaralugu nalilerneqarpoq, nakkutilliinerimi inerteqqutaasup saqqummiunneqarneranik § 7, imm. 1-mi, paasissutissanik mianernartunik suliaqarnermut.

Pisariaqarpoq, Sullivinnik Nakkutilliisoqarfimmiit nakkutilliinermi angusaqarluarnissamut periarfissat pitsaanerulersinneqarnissaat, isumalluutinillu sullivimmi avatangiisit pillugit malittarisassanik unioqutitsinissamut suliffeqarfiit ilimanaateqarnerpaanut atuilluni. Taamaaliornikkut, suliffeqarfiit malittarisassanik malinnittut, pisariaqanngitsumik nammakkorsorlugit nakkutilliiffigineqassanngillat. Peqatigalugu sullivimmi avatangiisit pillugit suliffeqarfiit namminneq sulinerminni ilitersuinnermut tapersersuinnermullu siunertaq atornerqarsinnaavoq.

Maannakkuugallartoq oqartussaqaarfinni allaniit paasissutissat sorliit unioqutitsinissaanernut tunngatillugu pitsaanerulersitsissanersut oqaatigineqarsinnaanngimmat, paasissutissanik katersuinnermut aamma suliarinninnermut sinaakkutit erseqqinnerusut nalunaarutitut ilusilerlugit aalajangersarneqarnissaat naapertuuttut nalilerneqarpoq.

Paasissutissat Kalaallit Nunaanni Sullivinnik Nakkutilliisoqarfiup pigeriigai, pisortat oqartussaqaarfiini allani unioqutitsinissaanermik takunninnissamut pitsangorsaatitut naatsorsuutigineqarmata, peqatigalugu pisariaqartutut isigineqarpoq, Kalaallit Nunaanni Sullivinnik Nakkutilliisoqarfiup paasissutissanik taamaattunik pisortat oqartussaqaarfiinut allanut tunniussinissamut tunngavissinneqarnissaa. Pisariaqartinneqassaaq, oqartussaqaarfiit taakkua Sullivinnik Nakkutilliisoqarfimmiit paasissutissanik piniarnissamut tunngavissaqarnissaat imaluunniit tunngavissaqalernissaat.

2.6.2.3. Aaqqissuussaq siunnersuutigineqartoq

Sullivinnik Nakkutilliisoqarfimmiit paasissutissat katersukkat suliarinninnermut atuisinnaanera eqqarsaatigalugu, maannamut naleqqiullugu ingerlatsinnermut inatsimmi inunnullu paasissutissat pillugit suliarinninnermut inatsimmi malittarisassani ilaatinneqartuni siammasinnerusumik, siunnersuutigineqarpoq Sullivinnik Nakkutilliisoqarfik oqartussaqaarfinniit paasissutissanik katersuisinnaassasoq, suliarinnissinnaassasoq aamma ataatsimut ingerlatsinissaassasoq, nakkutilliisoqarfiup suliassanik ingerlatsinissamut tamanna pisariaqaraangat. Siunertarineqarpoq pisortat nalunaarsuiffiiniit

pingaarnerusumik paasissutissat atorneqarnissaat paaissutissat pitsaassusaat eqqarsaatigalugu.

Sullivinnik Nakkutilliisoqarfimmut suliassaavoq pingaarutilik suliffeqarfiit avatangiisit pillugit inatsimmik malinninnerat nakkutigissallugu. Tassunga atatillugu pisariaqartinneqarpoq, Sullivinnik Nakkutilliisoqarfiup unioqqutitsisinnaasunut tunngatillugu periutsinik ineriartortitsisinnaanera, taamaalilluni nakkutilliinermut atatillugu suliffeqarfinnik toqqaasarneq siunertamut naapertuunnerulerluni. Taamaattumik ullumikkumut sanilliullugu pisariaqarpoq nakkutilliisut paasissutissanik amerlanerusunik pissarsisinnaanissaat.

Siunnersuutikkut Sullivinnik Nakkutilliisoqarfiup paasissutissanik misissueqqissaarnermut aamma naatsorsueqqissaarnermut suliassaminik isumaginninnissaminut paasissutissanik katersuisinnaalissaaq aamma suliarinnissinnaalerluni.

Suliffeqarfinnik nakkutigisassanik peqqissaartumik toqqaaneq pisinnaaqullugu, aamma sulitilluni ajoqusernernik aamma inuusstissarsiornermi nappaatinik pitsaaliuinerlut tunngavigissaarnerujumalluni, siunnersuutitigut Sullivinnik Nakkutilliisoqarfik paasissutissanik pigeriikkaminik aamma paasissutissanik nutaanik suliarinnissinnaanngussaaq kiisalu ataatsimut ingerlatsisinnaanngussalluni.

Unioqqutitsisinnaanerit pillugit periutsinik ineriartortitsinermut atatillugu paasissutissanik misileraanermit avatangiisini misiliffiusuni inunnut paasissutissanik atuisoqassanngilaq.

Tamatuma saniatigut siunnersuutigineqarpoq, Sullivinnik Nakkutilliisoqarfiup paasissutissat katersorsimasat aamma suliarisimasat aamma nammineq paasissutissaatini pisortat oqartussaqaarfiinut allanut ingerlateqqissinnaagai, taakkua oqartussaqaarfiit suliassaasa

ingerlanneqarnissaannut tamanna pisariaqaraangat, tassunga ilagitillugit misissuineramik aamma nakkutilliinermik suliassat.

Aalajangersagaq siunnersuutigineqartoq oqartussaqaqfinnut allanut paasissutissanik ingerlatitseqqiinissamut tunngavissiivoq. Taamaalilluni Kalaallit Nunaanni pisortat ingerlatsinerat pillugu inatsimmi § 28, imm. 2, nr. 1, aamma § 30, imm. 2, nr. 1 malillugit paasissutissanik ingerlatitseqqiinissamut akuersineq pisariaqartinneqassanngilaq.

Inatsisissatut siunnersuut paasissutissanik ingerlatitseqqiinnermut malittarisassanik atuuttunik erseqqissumik inatsisitigut tunngavissiivoq, Sullivinnik Nakkutilliisoqarfiup oqartussaqaqfinnut allanut paasissutissanik ingerlatitseqqiisinnaaneranut, tamanna oqartussaqaqfiit suliassaminnik isumaginninnerat eqqarsaatigalugu pisariqartinneqaraangat.

Inatsisissatut siunnersuutip aamma kinguneraa, suliffeqarnermut ministeri Sullivinnik Nakkutilliisoqarfiup oqartussaqaqfinniit allaniit paasissutissanik katersuisarneranut aamma sularinnittarneranut malittarisassanik erseqqinnerusunik aalajangersaasinnaasoq, tassunga ilagitillugit paasissutissat siunertat aamma suliassat suut pillugit katersorneqarsinnaanersut aamma sularineqarsinnaanersut, kina paasissutissanut akisussaasuunersoq, toqqortaateqarneq aamma paasissutissanik nalunaarsuineq, qaqugukkut paasissutissanik piiasoqassanersoq, aamma teknikkikkut aqqissuusaanikkullu suliniutit sularinninnermi nakkutigineqartussat, ilaatigut kukkunerit aamma atonerluinerit pinngitsoortinniarlugit. Ilanngullugu inatsisissatut siunnersuutip kinguneraa, suliffeqarnermut ministerip paasissutissanik ingerlatitseqqiineq pillugu malittarisassanik erseqqinnerusunik aalajangersaasinnaanera, tassunga ilagitillugu oqartussaqaqfinnut sorlernut ingerlatitseqqiisoqarsinnaanersoq.

Nalilerneqarpoq Sullivinnik Nakkutilliisoqarfiup paasissutissanik sularinnittarneranut malittarisassat immikkuualuttullit nalunaarutitut qaffasissusilimmik aalajangersarneqarnissaat naapertuunnerpaajussasoq,

taamaattumik tamatumunnga pisinnaatitsinissaq siunnersuutigineqarluni. Tamatumunnga tunuliaqutaavoq sapinngisamik tigussaasumik aamma uummaarissumik naleqqussaasoqarnissaa. Peqatigalugu qulakkeerneqarsinnaassaaq, ingerlaavartumik sakkunik, systeminik il. il. nutaanik mianerinninnissaq aamma erseqqinnerusumik naleqqussaannissaq, inatsisissatut siunnersuutip sinaakkusiinerata iluani Sullivinnik Nakkutilliisoqarfiup atugassaanik. Ilanngullugu qulakkeerneqarsinnaassaaq, paasissutissanik annertoorsuarnik suliarinninnissamat teknikkikkut periarfissat suliarinninnerup isumannaatsuunissaa pillugu malittarisassanik immikkuualuttulinnik ilaqartinneqarnissaat, tassunga ilagitillugu paasissutissanik atuisinnaaneq.

Inatsisissatut siunnersuutigineqartumi nipangiussisussaataitanermit imaluunniit nunanut allanut, nunarsuarmioqatigiinnilu killilersuutitut malittarisassat saneqqunneqanngillat, soorlu ILO-mi konvention nr. 81, suliffissuarni niuernermilu nakkutilliinermi, paasissutissat suliarineqarneritut. Paasissutissanik suliaqarnermut immikkut nipangersimasussaataitanermit aalajangersagaqarpoq malitassanik nalunaarsorneqarfiusunillu, piumasaqaatai malillugit.

Inatsisissatut siunnersuutitigut Sullivinnik Nakkutilliisoqarfiup paasissutissanik katersuisinnaaneramik tunngavissiisoqassaaq, tassunga ilagitillugit paasissutissat isertuussat, assersuutigalugu peqqissuseq pillugu paasissutissat aamma pisortat tapiissutaat pillugit paasissutissat, tamanna nakkutilliisoqarfiup suliassanik ingerlatsinermut pisariaqaraangat, tassunga ilagitillugu Sullivinnik Nakkutilliisoqarfiup misissuineramik aamma nakkutilliineramik siunertamut tulluarsaanermit atatillugu kiisalu misissueqqissaarnermik aamma pitsaaliuineramik suliassanut tunngatillugu kiisalu naatsorsueqqissaarnermit siunertanut atatillugu. Oqaaseqaatigineqarpoq, inatsisissatut siunnersuut paasissutissanik atuinermi tunngaviusumik ingerlatsinermut piumasaqaammik allanngortitsinissamik siunertaqanngimmat, tassunga ilagitillugit inunnut paasissutissat, piviusumik siunertaqarnissamik piumasaqaateqarfiusut aamma suliarineri annertunerussanngitsoq pissusiusut eqqarsaatigalugit.

Oqaatigineqarpoq, paasissutissanik katersuineq aamma suliaqarneq allanut siunertanut atorneqarani Sullivinnik Nakkutilliisoqarfiup nakkutilliinermini suliffeqarfinnik toqqaasarneranut atorneqassasoq, tassa suliffeqarfinnik ilisarititsinermut, aamma misissueqqissaarnermik, pitsaaliuinermik aamma naatsorsueqqissaarnermik suliassanut. Tassa paasissutissanik katersuineq aamma suliarinninneq suliffeqarfinnik imaluunniit suliffeqarfimmi pissusiusunik saqqummersitsinissaq siunertaanngilaq.

Ilanngullugu oqaatigineqarpoq, inunnut paasissutissanik Kalaallit Nunaanni pisortat ingerlatsinerannut suliarineqartunik illersuilluni isumannaallisaanikkut suliniutit pillugit nalunaarummi (isumannaallisaaneq pillugu nalunaarut) nr. 1404, 30. november 2016-imeersumi suliarinninnermut isumannaallisaaneq pillugu malittarisassat uunga inatsimmut sammiveqataasumik alaatsinaanneqartariaqarnissaat. Taamaattumik siunnersuutigineqarpoq, suliffeqarnermut ministeri teknikkikkut aamma aaqqissuussaanikkut suliniutinut, suliarinninnermi alaatsinaanneqartussanut malittarisassanik aalajangersaanissamut piginnaatinneqassasoq, inatsisissatut siunnersuut paasissutissanik annertoorsuarnik suliarinninnissamut tikkuussimmat, tassunga ilagitillugit inunnut paasissutissat mianerisariaqartut. Tamanna tunuliaqutaralugu nalilerneqarpoq suliarinninnermi isumannaallisaaneq pillugu malittarisassat erseqqissut pisariaqartitsineqartut. Teknikkikkut aamma aaqqissuussaanikkut suliniutit annerusumik qulakkiissavaat, pissutsit inunnut paasissutissanut tunngatillugu eqqunngitsunik inerneqartitsisut, aaqqinnissaat, aamma kukkusoqarsinnaanera minnerpaaffimmiitinnissaa.

Oqaatigineqarpoq, Sullivinnik Nakkutilliisoqarfimmiit paasissutissat malinnerisigut inerniliussiisoqassannginnera, suliffeqarfinnini sullivimmi avatangiisit pillugit inatsimmik unioqqutsinermut qaninnerusuni nalilerneqarmat, Sullivinnik Nakkutilliisoqarfimmiit pulaarneqarnissamik, suliffeqarfillu sullivimmi avatangiisit pillugit nakkutilliisoqarfimmiit nalilersoqqissaarneratigut aalajangiinernillu suliffeqarfimmi pissutsit nalilersoqqissaareerneranni tunineqassalluni.

2.6.3. Sulisunik oqaloqateqarnerit, tassunga ilagitillugu eqimattani oqaloqatigiinnerit

2.6.3.1. Inatsit atuuttoq

Kalaallit Nunaanni sullivimmi avatangiisit pillugit inatsit, Sullivinnik Nakkutilliisoqarfiup sulisitsisoq najuutsinnagu sulisunik oqaloqateqarsinnaanera pillugu erseqqissumik tunngavimmik imaqanngilaq.

Sullivinnik Nakkutilliisoqarfiup, suliffeqarfiit ataasiakkaat eqqarsaatigalugit, piviusumik tunngaveqarluni isummerfigisuaannarpaa nakkutilliinermi paasissutissanik katersueriaatsit sorliit tulluarnepaanersut. Sullivinnik Nakkutilliisoqarfiup ullumikkut periuserivaa, nakkutilliinerup aallartinnerani aqutsisunik aamma isumannaallisaaneq pillugu aaqqissuussamik ataatsimeeqateqarneq (siunnersuutigineqartoq ”sullivimmi avatangiisit pillugit aaqqissuussaq”-mut allanngortinneqartussatut, tak. oqaaseqaatit nalinginnaasut imm. 2.2.), qanoq nakkutilliinerup naammassineqarnissaanut pilersaarusiornissaq siunertaralugu, aamma nammineq suliniutissani immikkoortunik qulaajaasinnaaneq, imatut paasillugu, sullivimmi avatangiisit pillugit suliffeqarfiup nammineq sulinera. Sullivinnik Nakkutilliisoqarfik nakkutilliinissap ingerlanissaa pillugu sulisitsisumut aamma isumannaallisaaneq pillugu aaqqissuussamut isumaqatigiissuteqartarpoq, taamaalilluni nakkutilliineq suliffeqarfiup pilersaarusiornernanut aamma ulluinnarni ingerlanneqarneranut naapertuuttumik pisinnaaqqullugu. Naggataatigut nakkutilliisup periuserineqartussaq nammineq qinissavaa.

Sulisunik oqaloqatiginninneq assersuutigalugu pisinnaavoq suliffeqarfimmi angalaarnermi, apeqqutaatinnagu sullivimmi timikkut imaluunniit tarnikkut avatangiisit pillugit nakkutilliinermik ingerlatsisoqarnerisq. Ilanngullugu Sullivinnik Nakkutilliisoqarfik inunnik ataasiakkaanik oqaloqateqassaaq, pitinnagit sulisitsisoq aamma isumannaallisaaneq pillugu aaqqissuussaq

peqatigalugit isumaqatigiissutigineqartussanik aamma pilersaarusiorneqartussanik. Sulisitsisoq akerliunngippat aatsaat oqaloqatigiinnerit taamaattut ingerlanneqassapput.

Sullivinnik Nakkutilliisoqarfik sulisunik oqaloqateqarnermigut paasissutissanik piniareeruni, Sullivinnik Nakkutilliisoqarfik paasissutissanik katersinerminut atatillugu sulisitsisumik tamatigut oqaloqateqartassaaq. Sulisitsisumik oqaloqateqarnermi paasissutissat ilaatinneqassapput, Sullivinnik Nakkutilliisoqarfiup sulisullu isumaqatigiissutigisimasaat oqaloqatigiinnermi ilanngunneqartussat sullivimmi avatangiisinik qulaajaanermut atatillugu. Sammineqartut, sulisunik oqaloqateqarnermi tikinneqarsimasut, sulisitsisumik oqaloqateqarnermi aamma ilanngunneqassapput qulakkeerniarlugu, sulisut aamma sulisitsisup saqqummiussaataat sullivimmi avatangiisinik ataatsimut nalilersuinermi ilaatinneqarnissaat.

Paasissutissat, Sullivinnik Nakkutilliisoqarfiup sulisullu isumaqatigiissutigisimasaat, Sullivinnik Nakkutilliisoqarfiup ingerlateqqissinnaasaatut, kinaassutsinik isertuussilluni sulisitsisumik oqaloqateqarnermi saqqummiunneqassapput. Tamanna sullivimmi avatangiisit pillugit inatsimmi § 62, imm. 2-mi immikkut ittumik nipangiussisimasussaataaernermit tunngaveqarpoq, inatsisissatut siunnersuummi § 1, nr. 64-ikkut allanngortinniarneqartoq, taamaalillutik naammagittaalliutit pillugit paasissutissat Sullivinnik Nakkutilliisoqarfimmit allamut ingerlateqqinneqarnissamut illersugaalerlutik, sulisitsisumut imaluunniit taassuma sinniisuanut ingerlatitseqqiinerup saniatigut. § 62, imm. 2-p allanneqarnissaanut siunnersuut danskit sullivimmi avatangiisit pillugit inatsisaanni 79, imm. 2-mut assinguvoq. Aalajangersakkamut tassunga siunnersuutip kinguneraa, Sullivinnik Nakkutilliisoqarfiup sulisitsisumut imaluunniit allamut nalunaarutigeqqusaanngilaa, Sullivinnik Nakkutilliisoqarfiup naammagittaalliummik tigusaqarsimanera. Aamma tamanna atuuppoq paasissutissanut Sullivinnik Nakkutilliisoqarfiup sulisunik oqaloqatiginninnerani tiguneqartunut, aamma sullivimmi avatangiisit

pillugit naammagittaalliutit pissuseqartunut. Aalajangersakkap pisortat ingerlatsinerat pillugu inatsit malillugu aamma pinerluttulerinermi inatsit malillugu nipangiussimasussaataaneq nalinginnaasoq annertunerulersippaa, aamma sulisitsisumut imaluunniit taassuma sinnisuanut il.il. naammagittaalliutit Sullivinnik Nakkutilliisoqarfimmit ingerlateqqinneqannginnissaannut sulisut illersorlugit.

Sullivinnik Nakkutilliisoqarfik sulisunik oqaloqateqarnikkut paasissutissanik pissarsigaangami, taava Sullivinnik Nakkutilliisoqarfik ilanngullugu allaninngaanniit paasissutissanik pissarsisassaaq, assersuutigalugu alapernaatsutut malinnaasimanerniit aamma suliffeqarfiup nammineq allattugaataanniit paasissutissanik. Sullivinnik Nakkutilliisoqarfik taamaallaat aalajangiisassaaq (peqqussutinik aamma inerteqqutinik), paasissutissat pissarsiarineqartut arlalinninngaanneersut sullivimmi avatangiisitigut ajornartorsiuteqartoqarneranik tikkuussippata. Assersuutigalugu sulisunik oqaloqatiginninnermit paasissutissaasinnaapput, sulisitsisumit imaluunniit suliffeqarfiup nammineq sullivimmi avatangiisit pillugit misissuineranit paasissutissanik taparserneqartut, assersuutigalugu sullivimmik nalilersuineranit imaluunniit atugarissaarnissaq pillugu misissuineranit. Taamaalilluni Sullivinnik Nakkutilliisoqarfiup aalajangiinerminut sulisunik oqaloqateqarnermit paasissutissat kisiisa tunngavigineq ajorpai. Sulisitsisup aamma sulisut suliame paasissutissat isumaqatigiinngissutigigunikkut, taava Sullivinnik Nakkutilliisoqarfik kisimiilluni aalajangiisinnaavoq, paasissutissat allaninngaanneersut sullivimmi avatangiisitigut ajornartorsiuteqarneranik tikkuussippata. Paasissutissanik allaninngaanneersoqanngippat, sullivimmi avatangiisitigut ajornartorsiutinik tikkuussisunik, taava Sullivinnik Nakkutilliisoqarfik misissuisoqarnissaanik peqqussuteqarsinnaavoq, Sullivinnik Nakkutilliisoqarfik suliffeqarfimmi avatangiisitigut ajornartorsiuteqartoqarnera pillugu pasitsaassinerminik uppersaasinnaaguni, tak. Kalaallit Nunaanni sullivimmi avatangiisit pillugit inatsimmi § 17.

Sullivinnik Nakkutilliisoqarfiup sulisunik eqimattakkuutaanik oqaloqatiginnissinnaanera, sulisitsisup, taassuma sinniisuata imaluunniit inummik sulisitsiup tassunga toqqarsimasaata peqataaffiginngisaanik, sullivimmi avatangiisit pillugit inatsimmi aaqqissorneqanngilaq. Tamanna pissuteqarpoq, Sullivinnik Nakkutilliisoqarfiup paasissutissanik katersuinermut periusaanik inatsimmi aaqqissuussisarneq ileqquusimannginnera, taamaattumillu isumaqatoqarluni, Sullivinnik Nakkutilliisoqarfik sulisunik oqaloqateqarsinnaasimasoq sulisitsisup peqataaffiginngisaanik, Sullivinnik Nakkutilliisoqarfiup oqartussaanermik ingerlatsineranut atasumik.

Eqimattani oqaloqatiginninnertut paasineqassapput, Sullivinnik Nakkutilliisoqarfiup sulisuisa sulisunik arlalinnik oqaloqatiginninneri, aamma oqaloqatiginninnissat pitinnagit sulisitsisoq aamma isumannaallisaaneq pillugu aaqqissuussaq peqatigalugit isumaqatigiissutigineqartut aamma pilersaarusiorneqartut. Tamanna Sullivinnik Nakkutilliisoqarfiup maanna taaguummik atuineranut naapertuuppoq.

Sullivinnik Nakkutilliisoqarfiup suleriaaserivaa, sullivimmi tarnikkut avatangiisini ajornartorsiutinik qaqilerinermut atatillugu eqimattani oqaloqatigiinnerit ingerlanneqartarneri. Sullivinnik Nakkutilliisoqarfiup ullumikkut suleriaaserivaa, sulisunik eqimattakkuutaarluni oqaloqatiginninnerit taamaallaat sulisitsisoq taassuma sinniisua imaluunniit inuk sulisitsisup tassunga toqqarsimasaa najuutsinnagu ingerlanneqartarneri, sulisitsisoq tamatumunnga akerliunngikkaangat.

Sullivinnik Nakkutilliisoqarfiup nakkutilliinerup ingerlanneqarnissaa sulisitsisoq aamma isumannaallisaaneq pillugu aaqqissuussaq oqaloqatigalugit isumaqatigiissutigisarpaat, taamaalillutik oqaloqatigiinnerit suliffeqarfiup pilersaarusiorneqartut aamma ulluinnarni ingerlanneqarneranut naapertuuttumik ingerlanneqarsinnaasunngortillugit. Nakkutilliisup naggataatigut nammineerluni periuseq atugassani qinissavaa.

Eqimattakkaarluni oqaloqatigiinnerit tassaapput paasissutissanik katerseriaaseq, ajornartorsiutaanerusunik qulaarsinermi immikkut atorneqartartut, sullivimmi avatangiisit pillugit inatsimmik unioqquitsinernik nassaarfiunngitsuni sulinerup aamma suliffiup ilusilersugaanerata alapernaaffiginerisigut. Eqimattakkaartumik sulisunik oqaloqateqarnerit atorneqartarput, sulisut arlallit katersorneqarnissaat pisariaqartinneqaraangat suliaqarfinni aalajangersimasuni imaluunniit suliaqarfiit assigiinngitsut imaluunniit immikkoortortaqarfiit akimorlugit. Sullivinnik Nakkutilliisoqarfiup nalilertarpa, paasissutissanik katersueriaatsit suut tulluarnepaanersut suliffeqarfinni ataasiakkaani avatangiisit qulaajarnissaannut. Taamaattumik sulisunik eqimattakkuutaartumik oqaloqatigiinnerit atussallugit naleqquttuujuannanngilaq.

2.6.3.2. Suliffeqarnermut ministeriap isumaliuutersuutai

Pingaaruteqarpoq, Sullivinnik Nakkutilliisoqarfiup paasissutissanik sullivimmi avatangiisit pillugit inatsimmik unioqquitsisoqarneranik paasinninnissamut pisariaqartunik pissarsiniarsinnaanissaa. Tamanna qulakkeerniarlugu nalilerneqarpoq naapertuutissasoq Kalaallit Nunaanni sullivimmi avatangiisit pillugit inatsimmi tunngavimmik toqqaannartumik ikkussinissaq.

Pisut ilaanni Sullivinnik Nakkutilliisoqarfimmut ajornakusoorsinnaasarpog paasissutissat attuumassuteqartut sulisunit pissarsiarinissaat, sulisitsisoq najuutsillugu. Taamaattumik pisariaqarsinnaavoq, Sullivinnik Nakkutilliisoqarfiup sulisunik oqaloqateqarsinnaanissaa, sulisitsisoq najuutsinnagu. Taamalilluni pisut ilaanni oqaloqatigiinnissap siunertaa qatangiinnarsinnaasarpog, assersuutigalugu nakkutilliisup ilisimappagu sullivimmi tarnikkut avatangiisitigut ajornartorsiuteqarsinnaanera, ajornakusoorsinnaalluni paasissutissanik attuumassuteqartunik qaqilerinissaq, oqaloqatigiinnermi aqutsisut najuutsillugit, imaluunniit pissutsinik atuuttoqarpat, sulisitsisup sullivimmi avatangiisitigut ajornartorsiutinut ilaananeranut tikkuussisumik.

Sulisitsisup najuunnera pisut ilaanni naapertuussinnaavoq. Sulisitsisoq sullivimmi avatangiisitigut ajornartorsiutit qulaajarnerannut iluaqutaasinnaavoq aamma suliffimmi avatangiisit pillugit sulinermut iluaqutaasunik ilisimasaqalernissamut tapertaasinnaalluni.

Sullivinnik Nakkutilliisoqarfiup sullivimmi avatangiisit pillugit inatsimmik unioqquitsinerit pillugit paasisaqarnissamut paasissutissanik pisariaqartunik piniarsinnaaneranut mianerinninneq eqimattakkaartumik sulisunik oqaloqateqarnerni atuuppoq.

Ullumikkut eqimattakkuutaarluni oqaloqatigiinnerit sullivimmi tarnikkut avatangiisitigut ajornartorsiutinik qulaajaanissaq pisariaqartinneqaraangat atorneqartarput. Inatsisissatut siunnersuutitigut siunertaanngilaq ullumikkut eqimattakkuutaartumik oqaloqatigiittarnernik atuisarnerup annertusarneqarnissaa. Tamanna imatut paasineqassaaq, periutsimik allannguisoqarnianngitsoq, Sullivinnik Nakkutilliisoqarfiup sulisuisa qaqugukkut eqimattakkuutaarluni oqaloqatigiinnerit paasissutissanik katersuinermut periutsitulluarnepaatut atorneqassaneranut naliliisarnerinut tunngatillugu.

Suliffeqarnermut ministeriap nalilerpaa, Sullivinnik Nakkutilliisoqarfiup sulisunik eqimattakkuutaarluni oqaloqatigiinnernik ingerlatsisinnaaneranut inatsisitigut tunngaviliinissaq, aamma tassunga ilagitillugu aalajangersarsinnaallugu, piumasaqaatit suut tunngavigalugit sulisitsisoq imaluunniit inuk, sulisitsisup toqqarsimasaa, eqimattami oqaloqatigiinnermi najuussinnaanera. Taamatut inatsisitigut tunngaviliinerup qulakkeersinnaavaa, Sullivinnik Nakkutilliisoqarfik eqimattakkuutaarluni oqaloqatiginninneq atorsinnaagaa, naliliiffigineqarpat sullivimmi avatangiisit pillugit inatsit unioqquatinneqarsinnaanera pillugu paasissutissanik pisariaqartunik pissarsiniarnermi periusaasoq pitsaanerpaaq. Ilanngullugu inatsisitigut tunngavissap qulakkiissavaa, Sullivinnik Nakkutilliisoqarfiup aamma piumasaqarsinnaanera sulisunik eqimattakkuutaarluni oqaloqateqarnermik ingerlatsinissaq, sulisitsisup

najuuffiginngisaanik, nalilerneqarpat paasissutissanik pissarsinissap qulakkeernissaanut pisariaqartoq. Taamaalilluni inatsisissatut siunnersuutitigut siunertaavoq, tunngavimmik taassuminnga pilersitsinissaq kiisalu eqimattami sulisunik oqaloqateqarnermi sulisitsisup peqataanissamat pisinnaatitaaffia pillugu sinaakkusiinissaq.

2.6.3.3. Aaqqissuussaq siunnersuutigineqartoq

Sulisitsisoq najuutsinnagu Sullivinnik Nakkutilliisoqarfiup sulisunik oqaloqatiginnissinnaaneranut sullivimmi avatangiisit pillugit inatsimmi erseqqissumik tunngaveqanngimmat, siunnersuutigineqarpoq § 59-imi imm. 5-imi nutaamik ikkussinissaq, taassuma kingorna Sullivinnik Nakkutilliisoqarfiup sulisui nakkutilliiviup nakkutilliineranut atasumik sulisunik oqaloqatiginnissinnaanngorlutik, allanik najuuttoqartinnagu, tassunga ilagitillugit sulisitsisoq aamma taassuma sinnisua. Aalajangersakkami ilaatinneqassapput sulisunik oqaloqatiginninnerit suulluunniit, eqimattani oqaloqatiginnerit minillugit, aalajangersakkami imm. 6-imi nutaami immikkut aalajangersaaffigineqartussatut siunnersuutigineqartut.

Siunnersuutigineqarpoq Kalaallit Nunaanni sullivimmi avatangiisit pillugit inatsimmi § 59-imi imm. 6-imi nutaamik ikkussinissaq, taassuma kingorna Sullivinnik Nakkutilliisoqarfiup sulisui nakkutilliiviup nakkutilliineranut atasumik sulisunik eqimattani oqaloqatiginnissinnaanngorlutik, tamanna sullivimmi avatangiisinut attuumassuteqartumik tunngavissaqartinneqaraangat. Tamanna imatut paasineqassaaq, sullivimmi avatangiisitigut ajornartorsiuteqarneranik takussutissaqaraangat, aamma tamatuma qulaajarnissaanut sulisunik eqimattakkuutaaraluni oqaloqatiginninnissaq tulluarnepaajugaangat. Eqimattakkuutaaraluni sulisunik oqaloqatiginninnerni sulisitsisoq najuussinnaatitaavoq. Taamaattoq Sullivinnik Nakkutilliisoqarfiup aalajangersinnaavaa, eqimattakkuutaaraluni oqaloqatiginninnerni sulisitsisoq peqataasinnaanngitsoq, Sullivinnik Nakkutilliisoqarfiup sulisuisa nalilerpassuk, taamaaliornikkut eqimattakkuutaaraluni

oqaloqatiginninnissap siunertaa qatangiinnartinneqarnissaanut navianaateqartoq.

2.6.4. Sullivimmi avatangiisit pitsanngorsarnissaannut isumaqatigiissutit

2.6.4.1. Inatsit atuuttoq

Ullumikkut Kalaallit Nunaanni Sullivinnik Nakkutilliisoqarfik sulisitsisunik isumaqatigiissuteqarnissamut periarfissaqanngilaq, namminneerlutik iliuuseqarnikkut sullivimmi avatangiisitigut ajornartorsiummik imaluunniit ajornartorsiutinik aaqqeerusuttunik. Ullumikkut Sullivinnik Nakkutilliisoqarfiup suliffeqarfimmi inatsisunik unioqqutitsineq paasiguniuk, nalinginnaasumik sulisitsisoq peqqussummik aalajangiiffigineqassaaq.

2.6.4.2. Suliffeqarnermut ministeriap isumaliuutersuutai

2019-imi Danmarkimi politikikkut sullivimmi avatangiisit pillugit suliniuteqarneq nutaaq aamma pitsanngorsagaq isumaqatigiissutigineqarpoq. Isumaqatigiissutip ilaatigut kingunerivaa, suliffeqarfiit sullivimmi avatangiisitigut ajornartorsiut tunuliaqutaralugu annertusisamik sullivimmi avatangiisit pillugit suliniuteqarniartut periarfissaqarnissaat Sullivinnik Nakkutilliisoqarfimmik sullivimmi avatangiisinik pitsanngorsaanissamut aamma sullivimmi avatangiisitigut aaqqiinissaq pillugu isumaqatigiissuteqarnissamut. Isumaqatigiissuteqartoqarsinnaassanngilaq ulorianartumik pisoqarpat, aamma Sullivinnik Nakkutilliisoqarfiup inerteqqutinik aamma erngertumik peqqussutinik atuutilersitsineq ingerlatiinnassavaa.

Suliffeqarnermut ministeria isumaqarpoq, Kalaallit Nunaanni suliffeqarfiit Sullivinnik Nakkutilliisoqarfimmik isumaqatigiissusiornissamik taamatut periarfissaqartariaqartut.

Inatsimmik allanguineq pisariaqarpoq, Sullivinnik Nakkutilliisoqarfik aalajangiinernut taarsiullugu sulisitsisumut isumaqatigiissuteqarnissamut periarfissaqassappat.

Piumasarineqarpoq isumaqatigiissusiortoqarsinnaasoq, ilumut sullivimmi avatangiisitigut ajornartorsiuteqarnermi, aamma tigussaasusariaqarpoq sullivimmi avatangiisitigut ajornartorsiut, imatut paasillugu suliame isumannaallisaaneq peqqinnissarlu ajorseriarnissaanut toqqaannartumik navianaateqarpat, soorlu assersuutigalugu ajutoornerni, kemi, timikkut annialernejq imaluunniit sullivimmi tarnikkut avatangiisit pillugit ajornartorsiutit. Unioqqutitsinerit pillugit isumaqatigiissusiortoqarsinnaassanngilaq, soorlu assersuutigalugu suliffimmik nalilersuineq amigaataappat imaluunniit sullivimmi avatangiisit pillugit aqqissuussaq amigaataappat.

2.6.4.3. Aqqissuussaq siunnersuutigineqartoq

Siunnersuutigineqarpoq Kalaallit Nunaanni Sullivinnik Nakkutilliisoqarfiup sullivimmi avatangiisit pitsanngortinnissaannut aamma sullivimmi avatangiisitigut ajornartorsiut imaluunniit ajornartorsiutit piffissarititaasup iluani aqqinneqarnissaat pillugu sulisitsisumik isumaqatigiissuteqarsinnaanissaa. Isumaqatigiissutit kingunerissavaat, isumaqatigiissutini ilaatinneqartut pillugit imaluunniit sullivimmi ajornartorsiutit pillugit suliffeqarfiit aalajangiiffiqineqartannginnissaat.

Siunnersuutitigut periarfissaassaaq Sullivinnik Nakkutilliisoqarfiup aamma sulisitsisup akornanni isumaqatigiissuteqarsinnaanissaq, Sullivinnik Nakkutilliisoqarfik Sullivimmi avatangiisit pillugit inatsimmik tigussaasumik unioqqutitsinernik qulaajaasimaleraangat aamma piffissalikkamik peqqussuteqarnissaq eqqarsaatigigaangagu. Taamatut pisoqarnerani isumaqatigiissuteqarnermut piumasaqaataavoq, sulisitsisup ajornartorsiutip pineqartup aqqinnissaanut imminut pisussaaffilernissaa, sumiiffiani aamma suliffeqarfiup ilaani. Taamaalilluni

isumaqatigiissuteqarnermut piumasqaataavoq, sullivimmi ajornartorsiut pineqartoq suliffeqarfiup iluani allami aamma piunissaa naatsorsuutigineqassasoq. Taamaattoqangippat isumaqatigiissusiortoqarsinnaangilaq. Sullivimmi avatangiisitigut ajornartorsiutinik arlalinnik siumuisoqarpat taava arlalinnik isumaqatigiissusiortoqarsinnaavoq.

Suliffeqarfik neqeroorfigineqassaaq, Sullivinnik Nakkutilliisoqarfiup suliffeqarfimmut ikorfartuisinnaanerani, assersuutigalugu oqaloqatigiinnermut aamma ilitersuinnermut tunngasumik. Sullivinnik Nakkutilliisoqarfik isumaqatigiissuteqarsimanermut atatillugu suliffeqarfinnik siunnersuineq ajorpoq.

Siunnersuutikkut aamma isumaqatigiissusiornissaq periarfissanngusaaq, Sullivinnik Nakkutilliisoqarfik pasitsaassaqaraangat – tassa ilimaginnineq – suliffeqarfimmi avatangiisitigut tigussaasumik ajornartorsiuteqarnerani, naak Sullivinnik Nakkutilliisoqarfik unioqqutitsisoqarsinnaanera pillugu qulaajaasimangikkaluartoq. Tamanna sullivimmi avatangiisitigut ajornartorsiutinut pisariusunut annermik attuumassuteqassaaq. Sullivimmi tarnikkut avatangiisitigut assersuutaasinnaavoq, sullivimmik nalilersuineq ingerlanneqartoq imaluunniit atugarissaarneq pillugu misissuineq ajornartorsiuteqartoqarnerani tikkuussippat assersuutigalugu qinngasaarinnermut. Sullivimmi timikkut avatangiisit eqqarsaatigalugit assersuutaasinnaapput nioqqutissanik passussinermi timikkut artorsartitsinerit.

Siunnersuutikkut sulisitsisumik isumaqatigiissusiornissaq periarfissaassanngilaq, ulorianartorsiortoqarnerani Sullivinnik Nakkutilliisoqarfimmit inerteqquteqarnissaq imaluunniit erngertumik peqqussuteqarnissaq eqqarsaatigineqarpat, pisut ulorianartut erngertumik imaluunniit piffissap sivikitsup iluani aaqqiivigineqartariaqartut pineqarmata. Taamaaqataanik isumaqatigiissusiortoqarsinnaassanngilaq, Sullivinnik Nakkutilliisoqarfiup erngertumik peqqussuteqarnissaq eqqarsaatiguniuk, annerusumik ulorianartorsiortoqangikkaluartoq.

Tamatumani aamma ajornartorsiummik aaqiinissamut piffissarititaasoq annikitsuaraassaaq, assersuutigalugu aalajangiinissamut siunertaq qatangiinnartinneqartussaassagaluarimat.

Sulisitsisup suliffimmi atukkat isumannaallisaanikkut aamma peqqissutsikkut illersorneqarsinnaanerit pillugu misissuinissaanut isumaqatigiissusiortoqarsinnaassanngilaq, Sullivinnik Nakkutilliisoqarfik misissuinissaq pillugu peqqussuteqarnissamik eqqarsateqaraangat. Piumasaqaataavoq isumaqatigiissusiortoqarsinnaassanngitsoq, suliffeqarfik sullivimmi avatangiisitigut ajornartorsiummik aaqiiniarluni aallartereersimappat siusinnerusukkut Sullivinnik Nakkutilliisoqarfimmit aalajangiisimaneq tunngavigalugu.

Sulisitsisup nammineq kajumissusianik tunngaveqassaaq Sullivinnik Nakkutilliisoqarfimmit isumaqatigiissusiornissamik kissaateqarsinnaanera. Peqatigalugu Sullivinnik Nakkutilliisoqarfiup nammineq nalilissavaa, sullivimmi avatangiisitigut ajornartorsiutip pineqartup aaqinneqarnissaanut isumaqatigiissusiornissaq tulluartuunersoq. Isumaqatigiissusiornissaq isumaqatigiissutaagaangat, taava tamanna suliffeqarfiup inatsisilerinermik isumaginnittuanut isumaqatigiissutaasassaaq.

Isumaqatigiissut aalajangiinerunngimmat, sulisitsisoq isumaqatigiissut pillugu imaluunniit suliffeqarfiup isumaqatigiissusiornissamut neqeroorfigineqannginnera pillugu Sullivimmi avatangiisit pillugit naammagittaalliuteqarfimmut naammagittaalliorsinnaanngilaq. Sullivimmi avatangiisit pillugit naammagittaalliuteqarfik naammagittaalliutinik tigusaqaruni, isumaqatigiissusiorsimanermut imaluunniit isumaqatigiissusiorsimannginnermut tunngasumik, Sullivimmi avatangiisit pillugit naammagittaalliuteqarfiup naammagittaalliuut suliarinissaa itigartitsissutigissavaa, naammagittaalliuteqarfik tamatumunnga piginnaatinneqanngimmat. Taamaattoq suliffeqarfik Sullivinnik Nakkutilliisoqarfiup oqartussaqaarfittut ingerlatsinera pillugu Suliffeqarnermut ministeriamut naammagittaalliorsinnaavoq.

Siunnersuut malillugu sullivimmi avatangiisit pillugit aaqqissuussaq imaluunniit sulisut, suliffeqarfinni sullivimmi avatangiisit pillugit aaqqissuussamik pilersitsinissamut pisussaaffeqanngitsuni, isumaqatigiissusiortoqarsimanera pillugu ilisimatinneqassapput. Ilanngullugu piumasaqaataassaaq, sullivimmi avatangiisit pillugit aaqqissuussaq imaluunniit sulisut sullivimmi avatangiisitigut ajornartorsiummik imaluunniit ajornartorsutinik aaqqiinarnermut akuutinneqarnissaat, isumaqatigiissummi pineqartunik. Isumannaallisaaneq pillugu ataatsimiititaliaq («sullivimmi avatangiisit pillugit ataatsimiititaliaq«-mut allanngortinneqartussatut siunnersuutigineqartoq, tak. siunnersuummi oqaaseqaatini nalinginnaasuni imm. 2.2.1.3.) ullumikkut suliassarereerpaa ilaatigut sulisitsisumut isumannaallisaanermut peqqinnissamullu apeqqutit pillugit aaqqiinissamut siunnersortaanissaq, tak. Kalaallit Nunaanni suliffeqarfinni isumannaallisaaneq aamma peqqinnissaq pillugit sulinermit nalunaarut nr. 1346, 15. december 2005-imeersoq.

Siunnersuutikkut Sullivinnik Nakkutilliisoqarfiup piffissarititaasup isumaqatigiissutaasup qaangiunnerata kingorna pissutsit qanoq innerinik malittarinnilluni misissussavai. Pissutsinik malittarinnineq tunngaviummik Sullivinnik Nakkutilliisoqarfimmiit nakkutilliisoqarneratigut ingerlanneqassaaq. Pissutsinik malittarinnineq aamma alimasissumik imaluunniit oqarasuaatikkut ingerlanneqarsinnaassaaq, tassani Sullivinnik Nakkutilliisoqarfik naliliissalluni tamanna pisariaqarnerseq. Alimasissumik imaluunniit oqarasuaatikkut nakkutilliinermut piumasaqaataavoq, Sullivinnik Nakkutilliisoqarfiup aqutsisut najuutsinnagit sulisut sinniisuannik oqaloqateqarnissamut periarfissaqarnissaa, tak. nr. 63.

Malitseqartitsineq ingerlanneqassaaq pissutsit misissorniarlugit aamma sullivimmi avatangiisitigut ajornartorsiummik imaluunniit ajornartorsutinik suliffeqarfiup isumaqatigiissummi piffissarititaasup iluani aaqqissallugit pisussaaffigilersimasaanut samminnittuussalluni.

Sullivinnik Nakkutilliisoqarfiup pissutsinik malittarinninnera sullivimmi avatangiisitigut ajornartorsiummik aaqiisoqarsimannginneranik takutitsippat, taava Sullivinnik Nakkutilliisoqarfik ajornartorsiutip qulaajarnissaanut periarfissaqassaaq aalajangiinissaaq siunertaralugu. Piumasarineqarpoq, Sullivinnik Nakkutilliisoqarfik sullivimmi avatangiisitigut ajornartorsiutip aaqqiivigineqarnissaa pillugu sulisitsisumut piffissap aalajangersimasup iluani isumaqatigiissusioqqinnginnissaa isumaqatigiissutaasimasup siulliup qaangiunnerani pisuni, isumaqatigiissutigisimasat aqutigalugit sullivimmi avatangiisitigut ajornartorsiutit aaqqiivigineqarsimannginnerini.

Siunnersuut malillugu isumaqatigiissut sulisitsisumit taamaatinneqarsinnaassaaq, taassuma tamanna kissaatigiguniuk. Aamma isumaqatigiissut Sullivinnik Nakkutilliisoqarfimmit taamaatinneqarsinnaassaaq, pissutsit isumaqatigiissuteqarnermut tunngaviusut annertuumik allannguuteqarpata. Isumaqatigiissuteqarsimaneq taamaatinneqarpat, taava Sullivinnik Nakkutilliisoqarfiup tunngaviusumik nakkutilliinikkut pissutsinik malittarinnissaaq. Pissutsinik malittarinninneq aamma alimasissumik imaluunniit oqarasuaatikkut ingerlanneqarsinnaassaaq, tassani Sullivinnik Nakkutilliisoqarfik naliliissalluni tamanna pisariaqartoq. Alimasissumik imaluunniit oqarasuaatikkut nakkutilliinermut piumasaqaataavoq, Sullivinnik Nakkutilliisoqarfiup aqutsisut najuutsinnagit sulisut sinniisuannik oqaloqateqarnissamut periarfissaqarnissaa, tak. nr. 63.

2.6.5. Nipangiussisussaatitaaneq

2.6.5.1. Inatsit atuuttoq

§ 62, imm. 1-ip nassuiarpai kapitalit 10-12 malillugit, oqartussaqaarfiit aamma inuit, suliassanik ingerlatsisartut, Kalaallit Nunaanni pinerluttulerinermik inatsimmi nipangiussisussaatitaanermut aalajangersakkani § 29-mi ilaatinneqartut. Sulinermi sulisut peqqissusaannut ulorianartorsiortitsisuni nakorsanit misissorneqarnerit, inatsisip kapitaliani 10-i naleqqussagaapput. Kapitali 11-mi Kalaallit

Nunaanni Suliffigissaasut suliassaat katiterneqarnerilu naleqqussagaapput. Kapitali 12-mi Sullivinni Nakkutilliisoqarfiup sulinera atuuffialu naleqqussagaapput. § 62, imm. 1-mi, kapitali 13-mi naammagittaalliorsinnaaneq pineqanngilaq, qallunaat sullivimmi avatangiisit pillugit inatsisaanni aalajangersakkamut assingusumi.

§ 62, imm. 2, nipangiussisussaataaneq immikkut aalajangersagaavoq, nipangiussisussaataanermut nalinginnaasumut annertusissutaasoq, pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-meersumi, (Kalaallit Nunaanni ingerlatsineranut inatsit) aamma Kalaallit Nunaanni pinerluttulerinermut inatsimmi.

Nipangiussisussaataanermut immikkut inatsit § 62, imm. 2 malillugu, siunertaavoq, sulisumiit suliffeqarfimmi sullivimmi avatangiisitigut pissutsit pillugit Sullivinnik Nakkutilliisoqarfimmut naammagittaalliteqarnerani, Sullivinnik Nakkutilliisoqarfiup naammagittaalliornermut paasissutissat sulisitsisumut taassumaluunniit sinniisaanut ingerlateqqinneqannginnissaannut qulakkeerinnineq. Taamaalilluni aalajangersakkap siunertaraa sulisup kinaanera illersussallugu. Aalajangersakkap oqaasetaani takussaangilaq, Sullivinnik Nakkutilliisoqarfimmiit sulisitsisusooq taassumangaluunniit sinniisooq pinnagit ilisimatitsisooqarnissaanik.

2.6.5.1.1. Paasitinneqarsinnaatitaaneq pillugu inatsit malillugu aalajangersakkap takunnissinnaatitaanermut isumaa

Danskit sullivimmi avatangiisit pillugit inatsisaanni aalajangersagaq assingusooq § 79, imm. 2 siornatigut Kalaallit Nunaanni sullivimmi avatangiisit pillugit inatsisitut atuuttuusutuulli assinganik allassimanikuuvoq, kisianni 2010-mi allanngortinneqarluni. Danskit aalajangersagaat, 2010 sioqqullugu aamma allassimanerani, Sullivinnik Nakkutilliisoqarfiup periusiani aalajangiinernut sunniuteqartarsimavoq illuatungiunngitsunut, kisianni allat takunnissinnaatitaanerannut. Aamma

tamanna periuseq Folketingip Ombudsmandianut naammagittaalliutigineqarsimavoq. Ombudsmandi suliami oqaaseqarpoq, danskit sullivimmi avatangiisit pillugit inatsimmi § 79, imm. 2 immikkut nipangiussisussaataitanermit aalajangersagaasoq, paasitinneqarsinnaatitaaneq pillugu inatsit malillugu naliliinermi malittarisassiuutaasoq. Sullivinnik Nakkutilliisoqarfimmut naammagittaalliutoqarsimaneranik paasissutissaq aamma kiminngaanniit, malittarisassaq pingaarusoq malillugu takunnissinnaatitaanermiit mininneqarsinnaasoq – aamma sulisitsisoq taassumalu sinniisaa pinnagit allanut tunngatillugu pisortat ingerlatsineranni paasitinneqarsinnaatitaaneq pillugu inatsit nr. 572, 19. december 1985-imeersoq tunngavigalugu (Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersumut atuuttumut assingusoq). Ombudsmandip suliap suliarinerani Suliffeqarnermut ministeriami isumaliuutersuutit ilisimalerpai, § 79, imm. 2-p allanngortinneqarnissaanut, taamaalilluni aalajangersakkami toqqaannartumik allassimalerluni, sulisitsisumut taassumalu sinniisaanut saniatigut allanut paasissutissiissutigineqarsinnaanngitsoq, naammagittaalliortoqarsimanersoq aamma kiminngaanniit naammagittaalliortoqarsimanersoq. Ombudsmandi tassunga atatillugu aalajangersakkap qulaajarneqarnissaanut tapersiivoq, danskit sullivimmi avatangiisit pillugit inatsisaanni aalajangersakkami 2010-mi allannguinermit pilersinneqartoq.

2.6.5.1.2. Pisortat ingerlatsinerat pillugu inatsit malillugu illuatungeriit takunnissinnaatitaanerannut aalajangersakkap isumaa

Sulisitsisoq naammagittaalliornermik suliamut takunninnissamut noqqaassuteqarpat Kalaallit Nunaanni pisortat ingerlatsinerat pillugu inatsimmi §§ 9 aamma 15 malillugit suliaq aalajangiiffigineqassaaq, suliffeqarfimmi pissutsit pillugit naammagittaalliornermi sulisitsisoq illuatungiusinnaammat. § 9, imm. 2 malillugu inunnut nipangiussisussaataitaaneq pillugu aalajangersakkat pisortat ingerlatsinerat pillugu inatsit malillugu pisortani atuuffeqartunut imaluunniit

inuuniuteqartunut takutitsinissamut pisussaaffik atuutinnilaq. Kalaallit Nunaanni pisortat ingerlatsinerat inatsit § 15 qallunaat ingerlatsinermut inatsisaat § 15 b assigaa. Immikkut nipangiussisussaataaerermut inatsit § 79, imm. 2-miittoq, qallunaat sullivimmi avatangiisit pillugit inatsisaat, naammagittaalliutinut paasissutissat pinngitsoorneqarsinnaanerinit, allagaatinik takunnissinnaanermut inerniliussinermi pingaaruteqartutut ilassutaanera, taamaalilluni sullivimmi avatangiisit pillugu suliami pineqartumi sulisitsisoq takunnissinnaanermik itigartinneqarsinnaalluni sullivimmi avatangiisit pillugit naammagittaallioqarsinnaanera eqqarsaatigalugu, tak. "Forvaltningsloven med kommentarer" af Niels Fenger, 2021, 2. udgave s. 498.

2.6.5.1.3. Aalajangersakkap inunnut paasissutissat pillugit inatsimmi malittarisassanut isumaa

Kalaallit Nunaanni inunnut paasissutissat pillugit inatsimmi § 29, imm. 1 malillugu paasissutissiisussaataaneq pillugu, aamma paasisimasaqarnissamut pisinnaatitaaneq pillugu § 31, imm. 1 malillugu malittarisassat atuutissapput, Sullivinnik Nakkutilliisoqarfik suliffeqarfik inummik pigineqartoq pillugu imaluunniit soqutigisaqaqatigiit ingerlatseqatigiiffiat minnerusoq pillugu naammagittaalliummik nalunaarsuisimagaangat, tassani soqutigisaqaqatigiit inuullutik. Taamaattoq inunnut paasissutissat pillugit inatsimmi § 30, imm. 1 aamma 2 periarfissiippat § 29, imm. 1-ip aamma § 31, imm. 1-ip saneqqunniisaannut, nalilersuisoqareerneratigut nalunaarsorneqarsimasup paasissutissanik ilisimasaqalernissamut soqutigisaqarnera saneqqunneqartariaqartoq namminerisamik soqutigisanik imaluunniit misissuinissanik, nakkutilliinissanik imaluunniit aaqqiinissanik mianerinninneq tunngavigalugu. Tamatumunnga atatillugu nalilerneqassaaq, paasissutissiisussaataaneq aamma paasisimasaqarnissamut pisinnaatitaaneq tamakkiisumik saneqqussisuunersut imaluunniit taamaallaat kinguartinneqassanersut suliap misissorluarneqarnissaata tungaanut. Tamatumunnga atatillugu nalilerneqarpoq, naammagittaakkiortup kinaassusaata illersorneqarnera piffissaq

eqqarsaatigalugu killilersimaarneqarnissaa ajornakusoortartoq. § 30, imm. 1 aamma 2 malillugit aalajangiinermi aamma Kalaallit Nunaanni sullivimmi avatangiisit pillugit inatsimmi § 62, imm. 2 isumalittut inissisimassaaq.

2.6.5.2. Suliffeqarnermut ministeriap isumaliutersuutai

Pisorta qarfinnut inunnullu nipangiussisussaatitaanermut malittarisassanut tunngatillugu, § 62, imm. 1 malillugu, suliffeqarnermut ministeriaqarfimmiit naleqquttuosorineqarpoq, sullivimmi avatangiisit pillugit naammagittaalliutini suliaqarnermi, aamma paasissutissat pillugit nipangiussisussaatitaaneq piumasarineqassasoq, suliassanik suliarinninnermi paasissutissanut ilisimalersimasanut tunngatillugu. Taamaattumik nipangiussisussaatitaanerup annertusineqarnissaa, inatsisip kapitaliani 13-mi ilaatinneqassaaq.

Tamatuma saniatigut, Kalaallit Nunaanni pinerluttulerinermut inatsisit nutarterneqarnissaat pisariaqartinneqarpoq.

Immikkut ittumik nipangiussisussaatitaanermut aalajangersakkamut tunngatillugu, § 62, imm. 2 malillugu, Folketinngimi Ombudsmandimiit innersuutigineqarpoq, qallunaat Sullivinnik Nakkutilliisoqarfiup allagaatinik takunnissinnaatitaanermut itigartitsissutaanut, imm. 2.6.5.1-mi nassuiarneqartumut, aalajangersakkamik erseqqissaasoqarnissaanik, inunnullu immikkut nipangiussisussaatitaanermut malittarisassani toqqaannartumik atuunnissaanik. Ombudsmandip oqaaseqaatini nangippai, aalajangersakkap sunnuteqarluarnera, allagaatinik takunnissinnaatitaanermut noqqaassuteqarnermut allatigullu, sulisitsisup saniatigut, Sullivinnik Nakkutilliisoqarfimmiit itigartitsissutigineqarsinnaanera, taamaammallu innuttaasunut erseqqarinnerunera anguneqarsinnaalluni, allanneqarneratuut, aalajangersakkamik allannguinnikkut.

Suliffeqarnermut ministeriaqarfimmiit kissaatigineqarpoq, naammagittaalliortup kinaassusaanik patajaatsumik illersuisoqarnissaanik, kiisalu Sullivinnik Nakkutilliisoqarfimmiit maannamut atuuttumik

naammagittaalliutigineqartup ingerlannerani, nakkutilliinertik namminneq ilusilersortarsinnaagaat. Taamaammat aalajangersakkap allangortinneqarnissaa pisariaqartinneqarpoq.

2.6.5.3. Aaqqissuussaq siunnersuutigineqartoq

Siunnersuutigineqarpoq § 62, imm. 1-p allangortinneqarnissaanik, taamaalilluni pisorta qarfiit inuillu, inatsisip kapitaliata 13-at naapertorlugu, sullivimmi avatangiisit pillugit naammagittaalliutinik suliaqartunut, Kalaallit Nunaanni pinerluttulerinermut inatsisini nipangiussisussaataanerup ilaatinneqarnissa.

Peqatigalugu siunnersuutigineqarpoq innersuunneqartup allangortinneqarnissanik, Kalaallit Nunaanni pinerluttulerinermut inatsisini § 29-miit, §§ 50-54-mut. Kingunerisassaanut allannguutit pineqarput, Kalaallit Nunaanni pinerluttulerinermut inatsisini, nipangiussisussaataanerup aalajangersakkani allannguuteqartut.

Ilanngullugu siunnersuutigineqarpoq, § 62, imm. 2-p allangortinneqarnissaanik, aalajangersakkami takuneqarsinnaangorlugu, Sullivinnik Nakkutilliisoqarfimmiit sulisitsisumut aallanulluunniit Sullivinnik Nakkutilliisoqarfik naammagittaalliummik tigusaqartoqarnermi paasititseqqusinnginnermik.

Allannguutissatut siunnersuutigineqartoq, inunnik eqimattanik annertusiinermi, immikkut nipangiussisussaataanerup malittarisassaani toqqaannartumik atuutilernissaanik.

Paasissutissanik ingerlatitseqqinnginnissaq pillugu illersuineri pineqarput naammagittaalliutit, sulisumit imaluunniit taassuma sinniisuanit tiguneqartut. Naammagittaalliutip imarisaa pillugu paasissutissat aalajangersakkami ilaatinneqarput, paasissutissat naammagittaalliortup kinaassusaanik paasititsisut, naammagittaalliortoqarneranut paasissutissat,

aamma naammagittaalliuteqarneq tunngavigalugu nakkutilliilluni pulaartoqarnissaa pillugu paasissutissat.

Nakkutilliinernut nalinginnaasunut attuumatillugu aalajangersagaq isumaqarpoq, Sullivinnik Nakkutilliisoqarfiup sulisuisa naammagittaalliortoqarnera tunngavigalugu nakkutilliilluni pulaartoqarnissaa paasissutigeqqusaanngikkaat, imaluunniit Sullivinnik Nakkutilliisoqarfik naammagittaalliummik tigusaqarsimasoq. Paasissutissanik tamakkuninnga noqqaaneq Kalaallit Nunaanni pisortat ingerlatsinerat pillugu inatsimmi, pisortat ingerlatsinerat pillugu paasitinneqarsinnaatitaaneq pillugu inatsimmi aamma inunnut paasissutissat pillugit inatsimmi malittarisassat malillugit suliarineqassaaq.

Paasissutissanik immikkut nipangiussisussaataaeranut ilaatinneqartut pillugit allaninngaanniit illuatungiunngitsunit allagaatinik takunninnissamut noqqaaneq siunnersuutikkut ingerlaannaq Sullivinnik Nakkutilliisoqarfimmit itigartinneqarsinnaavoq, pisortat ingerlatsinerat pillugu paasitinneqarsinnaatitaaneq pillugu inatsimmi § 35 tunngavigalugu, sullivimmi avatangiisit pillugit inatsimmi § 62, imm. 2 innersuussutigalugu.

2.6.6. Inatsimmik unioqqutitsinerit pillugit Sullivinnik Nakkutilliisoqarfiup aalajangiisinnaanermut tunngavia

2.6.6.1. Inatsit atuuttoq

Inatsimmi § 60, imm. 1-imi aalajangersarneqarpoq Sullivinnik Nakkutilliisoqarfik peqqusisinnaasoq, pissutsit inatsimmut imaluunniit malittarisassanut imaluunniit inatsit malillugu aalajangiinernut naapertuutinningsut, piaartumik aaqqinneqarnissaannut imaluunniit piffissarititaasoq qaangiutsinnagu. Peqqussummi suliffeqarfik pissutsip inatsimmut naapertuuttunngortinneqarnissaanut peqquneqassaaq.

2.6.6.2. Suliffeqarnermut ministeriap isumaliuutersuutai

Danskit sullivimmi avatangiisit pillugit inatsisaat assigalugu erseqqarissuusariaqarpoq, Sullivinnik Nakkutilliisoqarfiup qisuariaateqarnissamut periarfissaanik atuinermi, sullivimmi avatangiisit pillugit inatsimmik unioqqutitsisimanerup aalajangiisuunissaa. Aalajangiineq, unioqqutitsinermik taamaallaat paasisaqarfiusoq, peqqussuteqarfiunani saqqummiussineqarfiussaaq, naak aalajangiinissaq sioqqullugu suliffeqarfiup pissuseq pineqartoq inatsimmik malinnilernermik kinguneqartissimagaluaraa.

2.6.6.3. Aaqqissuussaq siunnersuutigineqartoq

§ 60 stk. 1-imik allannguinnissamik siunnersuutitigut, aalajangiineq, taamaallaat unioqqutitsinermik paasisaqarfiusoq, peqqussuteqarfiunani saqqummiussineqarfiussaaq, naak aalajangiinissaq sioqqullugu suliffeqarfiup pissuseq pineqartoq inatsimmik malinnilernermik kinguneqartissimagaluaraa.

Aalajangiineq, taamaallaat sullivimmi avatangiisit pillugit inatsimmik unioqqutitsinermik paasisaqarfiusoq, peqqussuteqarnerminngaanniit immikooruteqassaaq, suliffeqarfimmut taamaallaat nalunaaruteqarnikkut, piffissami nakkutilliilluni pulaarnermi unioqqutitsisumik inissisimasoqarsimanera pineqarluni.

2.6.7. Naammagittaalliorsinnaanermut periarfissap allanngortinneqarnera

2.6.7.1. Inatsit atuuttoq

§ 64, imm. 1-imi aamma 2-mi allaqqavoq, Sullivinnik Nakkutilliisoqarfiup aalajangiinera pillugu naammagittaalliut suliffeqarnermut ministerimut saqqummiunneqarsinnaasoq, aalajangiinerup pineqartumut nalunaarutigineqarneraniit sapaatip akunneri 6-t qaangiutsinnagit, aamma naammagittaalliut Sullivinnik Nakkutilliisoqarfimmut nassiunneqassasoq –

aalajangiinerlu aalajangiusimaneqarpat – tassanngaanniit suliffeqarnermut ministerimut ingerlateqqinneqartussa.

§ 64, imm. 3-mi aamma 4-mi aamma allaqqavoq, naammagittaalliut piffissaq eqqorlugu atuutilissasoq suliffeqarnermut ministeri aalajangiisimalerpat imaluunniit suliffeqarnermut ministeri allamik aalajangiippat, aamma suliffeqarnermut ministeri naammagittaalliummik suliarsinnaasoq aamma piffissaq eqqorlugu atuutilersitsilluni, tunngaviit immikkut ittut taamaattussaatsippata, naak naammagittaalliut eqqortumik pilersinneqarsimanngikkaluartoq.

Naggataatigut § 64, imm. 5-imi allaqqavoq, suliffeqarnermut ministeri Suliffigissaasuniit oqaaseqaammik piniassasoq, naammagittaalliummut aalajangiinissaq pitinnagu.

2.6.7.2. Suliffeqarnermut ministeriap isumaliuutersuutai

1999-imi Danmarkimi Arbejds miljøklagenævneti pilersinneqarpoq. Arbejds miljøklagenævnetip ilaatigut Danmarkimi sullivinnik nakkutilliisoqarfiup aalajangigaat pillugit naammagittaalliutit danskit sullivimmi avatangiisit pillugit inatsisaat naapertorlugu suliarisarpai.

Arbejds miljøklagenævnetip pilersinneqarnerata kingorna aalajangiinerit pillugit naammagittaalliutit danskit sullivimmi avatangiisit pillugit inatsisaat malillugu suliffeqarnermut ministerimut saqqummiunneqartarunnaarlutik Arbejds miljøklagenævnetimut saqqummiunneqartalerput.

Arbejds miljøklagenævneti allaffissornikkut Suliffeqarnermut ministeriap ataaniippoq, kisianni ataatsimiititaq pisortat oqartussa qarfigaat arlaannaanulluunniit attuumassuteqanngitsoq, aamma ataatsimiititaq sulianik ingerlatsinermi ministeriamut attuumassuteqarnani.

Arbejds miljøklagenævneti 1999-imiilli sullivimmi avatangiisit pillugit inatsimmut tunngatillugu immikkut ilisimasaqaleriartorsimammat, naapertuuttutut isigineqarpoq, maannakkut inatsit naapertorlugu Kalaallit Nunaanni Sullivinnik Nakkutilliisoqarfiup aalajangigai pillugit naammagittaalliuteqarsinnaaneq Danmarkimi Arbejds miljøklagenævnetimut inissinneqarnissaa.

Tamatumunnga atatillugu attuumassuteqassaaq § 64, imm. 5-imi naammagittaalliuteqarneq pillugu suliani aalajangiinissaq pitinnagu Kalaallit Nunaanni Suliffigissaasuniit oqaaseqaammik piniartarnissamik piumasaaqatip attatiinnarneqarnissaa. Tamanna Kalaallit Nunaanni Suliffigissaasut Kalaallit Nunaanni pissutsit pillugit immikkut ilisimasaqarnerannik tunngaveqarpoq.

2.6.7.3. Aaqqissuussaq siunnersuutigineqartoq

Siunnersuutigineqarpoq, § 64, imm. 1-4 imatut allanngortinneqassasoq ”suliffeqarnermut ministeri” ”Arbejds miljøklagenævneti”-mik taarserlugu, aamma imm. 3-mi ”suliffeqarnermut ministerip aalajangiinera” ”Arbejds miljøklagenævnetip aalajangiinera”-mut allanngortinneqassasoq.

Maannakkut inatsit naapertorlugu Kalaallit Nunaanni Sullivinnik Nakkutilliisoqarfiup aalajangigai pillugit naammagittaaliutit, siunissami Danmarkimi Arbejds miljøklagenævnetimut saqqummiunneqartalissapput. Ataatsimiititap naammagittaalliut pillugu aalajangiinissaa sioqqullugu Kalaallit Nunaanni Suliffigissaasuniit oqaaseqaammik piniartoqassaaq. Sullivinnik Nakkutilliisoqarfik oqaaseqaammik piniartuusaaq, Arbejds miljøklagenævnetimut naammagittaalliummik nassiussinnginnermi.

2.7. Akiligassiisuttip annertussusaanik qaffaaneq

2.7.1. Inatsit atuuttoq

Kalaallit Nunaanni sullivimmi avatangiisit pillugit inatsimmik unioqqutitsinerit pinerluttulerinermi eqqartuussisarnermi pineqaatissiinernik kinguneqarsinnaapput. Sullivimmi avatangiisit pillugit inatsimmik unioqqutitsineq nalinginnaasumik akiliisitaanernik pineqaatissinneqarnermik kinguneqartarpoq.

Sullivimmi avatangiisit pillugit inatsimmik sulisitsisup tigussaasut pillugit unioqqutitsineranut tunngaviummik 20.000 kr.-inik imaluunniit 40.000 kr.-inik annertussuseqartarpoq apeqqutaalluni unioqqutitsineq qanoq ingasatsiginersoq, tak. § 65, imm. 1, imaluunniit § 66, imm. 1.

Tunngaviummik akiligassiissut marloriaatinngortinneqassaaq, unioqqutitsineq inuup annertuumik ajoquserneranik kinguneqarsimappat imaluunniit toqumik kinguneqarsimappat, tak. § 65, imm. 2. Tamatuma kingorna akiligassiissut 5.000 kr.-inik annertunerulersinneqarsinnaavoq, unioqqutitsinerimut atatillugu sakkortusaasunik tunngaveqarnermi, tak. § 65, imm. 4. Akiligassiissut 10.000 kr.-inik immikkut sakkortusisamik qaffanneqassaaq, tak. 65, imm. 5.

Skema 1-ip takutippaa sulisitsisunut akiligassiissutit qaffasissusaat atuuttut, unioqqutitsisoqarsimaneranut inuup annertuumik ajoquserneranik kinguneqartumik imaluunniit toqumik kinguneqartumik, sakkortusaasunik tunngaveqarnermi aamma immikkut ittumik sakkortusaasunik tunngaveqarnermi, aamma tunngaviummik akiligassiissutit 20.000 kr.-niullutik imaluunniit 40.000 kr.

Skema 1 Sulisitsisunut akiligassiissutit annertussusaat atuuttut

	Unioqqutitsinerit isumannaallisaanermut imaluunniit peqqinnissamut toqqaannartumik navianartorsiortitsisut	Unioqqutitsinerit ingasannerusut isumannaallisaanermut imaluunniit peqqinnissamut toqqaannartumik navianartorsiortitsisut
--	--	---

Tunngaviusumik akiligassiissut, tak. § 65, imm. 1 aamma § 66, imm. 1.	20.000	40.000
Inuup annertuumik ajoquserneranut imaluunniit toquneranut tak. § 65, imm. 2.	20.000	40.000
Sakkortusaasunik tunnga- veqarnermut tak. § 65, imm. 4.	5.000	5.000
Immikkut ittumik sakkortusaasunik tunngaveqarnermut tak. § 65, imm. 5.	10.000	10.000
Akiligassiissutit katillugit	55.000	95.000

2.7.1.1. Sullivimmik avatangiisit pillugit inatsimmik atortussatigut unioqqutitsinermit tunngaviusutut akiligassiissut

§ 65, imm. 1, aamma § 66, imm. 1, malillugit tunngaviusumik akiligassiissut unioqqutitsinerup qanoq ingasatsiginera apequtaalluni aalajangersarneqartarpoq, tunngaviusumik akiligassiisoqaluni 20.000 kr.-inik §65, imm. 1 aamma § 66, imm. 1 malillugit. Tigussaasutigut unioqqutitsinerit unioqqutitsinerupput toqqaannartumik isumannaallisaanermut imaluunniit peqqinnissamut navianaateqartut. Assersuutigalugu silaannarmik milluaasoqarani svejserinerusinnaavoq imaluunniit nakkarsinnaanermut sillimmateqarani portusuumi sulinermit tunngasinnaavoq.

Sullivimmi avatangiisit pillugit inatsimmik atortutigit unioqqutitsinerit ilaat suussusersineqarsimapput, unioqqutitsineq ima ingasatsigisinnaammat, inuunermut imaluunniit peqqinnissakkut ajoqusiineq imaluunniit ajoqusernerusinnaasoq atortutigit unioqqutitsinernut allanut sanilliullugu annertunerusussatut nalilerneqarluni. Assersuutigalugu isaterinermik suliaqarnerusinnaavoq eqqortunik isumannaallisaanermut illersuuteqarfiunngitsoq, assaannerusinnaavoq nunap nakkaasinnaaneranut sillimaffiunngitsoq aamma sulinerusinnaavoq qaartoorsinnaanermut, ipisinnaanermut, toqunartumik najuussuisinnaanermut imaluunniit neriorneqarsinnaanermut navianaateqarfiusoq. Suliani taamaattuni § 65, imm. 1, aamma § 66, imm. 1 malillugit tunngaviusumik akiligassiisoqartarpoq 40.000 kr.-inik.

2.7.1.2 Unioqutitsinernut inummut annertuumik ajoqusermik imaluunniit toqumik kinguneqarsimasunut akiligassiissummik qaffaaneq

§ 65, imm. 2-mi allaqqavoq, imm. 1 malillugu pinerluttulerinermi eqqartuussisarnermi pineqaatissiinermik qaffasissusiliinermi sakkortusaataassasoq unioqutitsineq inummut annertuumik ajoqusernermik kinguneqarsimappat imaluunniit toqumik kinguneqarsimappat.

Aalajangersakkamik pineqartumik akuersinermut atatillugu piunasaqaataavoq, § 65, imm. 1 malillugu unioqutitsinernut akiligassiissutit marloriaatinngortinneqarnissaat, unioqutitsineq inummut toqumik imaluunniit annertuumik ajoqusernermik kinguneqarsimappat.

Tamanna sulisitsisut unioqutitsinerinut tunngaviusumik akiligassiissutinik 20.000 kr.-iniit 40.000 kr.-inut qaffaanermik kinguneqarpoq, aamma unioqutitsinernut tunngaviusumik akiligassiissutinut 40.000 kr.-iniit 80.000 kr.-nut qaffaanermik kinguneqarluni.

Assingusumik unioqutitsinikkut, inummik aqqunarujussuortoqarnerani toqumilluunniit kinguneqartumik, akiligassiissutip annertussusaa marloriaatinngortinneqassaaq, § 65, imm. 2 malillugu pinerluttulerinermut pineqaatissiisoqartillugu.

§ 65, imm. 2 naapertorlugu piunasaqaataavoq, unioqutitsinikkut ajutoornerup toqumik kinguneqarnera imaluunniit »inummik aqqunaarujussuarneq«-mik kingunilik.

Taaguut »inummik aqqunaarujussuarneq« assersuutigalugu timip pisataasa ilaanik kipisitsinermut, napiroqarnikkut, kilernikkut ajoqusernermi imaluunniit toqunartunik timikkut aasoqarnikkut, ajoqusernikkut pisinnaapput. Inussakkut isikkakkullu pilluttoornerit napinerillu aqqunarujussuarnertut taaneqarsinnaanngillat. Eqqartuussivimmi nalilersuinikkut aalajangiunneqarsinnaavoq ajoquserneq »inummik aqqunaarujussuarneq«-tut pisimanersoq.

Akiliisitsinerit § 65, imm. 2 malillugu suli qaffaqqinneqarsinnaapput § 65, imm. 4, nr. 1 aamma nr. 3-4, aamma § 82, imm. 5-kkut innersuunneqarneratigut, immikkut pisunik sukaterinikkut, pisunullu sukaterinernut innersuussutaanngitsumut § 65, imm. 4, nr. 2. Akiliisitsissummik sukaterineq § 65, imm. 4, nr. 2-mi unioqutitsinerit

pineqarput, sulinikkut ajutoornerup kinguneri. Inummik ajutoornerit minnerusut imaluunniit unioqquitsinikkut inuup inuuneranik ulorianartorsiornermik peqqissusaanilluunniit kinguneqartut.

Sulisut sulinikkut ajoqusertut, pinerluttulerinermut inatsisitigut pineqaatissiinermut atassuteqanngillat. Sulisut unioqquitsineq peqquutigalugu, suleqatiminik ajoqusiisoq, assigisaanik pinerluttulerinermi inatsisitigut pineqaatissiinernut tunngatinneqassanngilaq.

2.7.1.3. Immikkut ittumik sakkortusaasunik tunngaveqartumik unioqquitsinermut akiligassiineq qaffasinnerusoq

§ 65, imm. 4 atuuttoq malillugu, pinerluttulerinermi eqqartuussisarnermi pineqaatissiissutissamik uuttuinnermi sakkortusaataasussatut isigineqassaaq,

- 1) unioqquitsineq piaaraluneernikkut imaluunniit mianersuaalliorujussuarnikkut pisimappat,
- 2) unioqquitsinermi inuuneq imaluunniit peqqinneq ajoquserneqarsimappata imaluunniit ulorianartorsiortinneqarlutik, pisoq imm. 2-mi ilaatinneqartunik annertuumik ajoqusernermik imaluunniit toqumik kinguneqanngikkaluartoq,
- 3) siornatigut § 60, imm. 1 imaluunniit 2 malillugit peqqussuteqartoqarsimappat, pisumut assinganut imaluunniit assigisaanut,
- 4) unioqquitsinermi aningaasaqarnikkut nammineq imaluunniit allat iluanaaruteqarnissaat anguneqarsimappat imaluunniit anguniakkatut anguneqarsimappat.

Danskite siornatigut eqqartuussisarnerat malillugu qulaani taaneqartutut pisunut akiligassiissut 5.000 kr.-inik qaffanneqassaaq.

2.7.1.4. Immikkut ittumik sakkortusaasunik tunngaveqartumik unioqquitsinermut akiligassiineq qaffasinnerusoq aamma immikkut ittumik sakkortusaasunut susassaqarfimmik annertunerulersitsineq

§ 65, imm. 5, nr. 1 atuuttoq malillugu, immikkut ittumik sakkortusaasutut isigineqassapput, inuusuttut 18-it inorlugit ukiullit inuunikkut imaluunniit peqqinnikkut ajoquserneri imaluunniit ulorianartorsiortinneqarneri.

Aalajangersagaq sulisitsisunut aamma allanut atuuppoq, sullivimmi avatangiisit pillugit inatsit malillugu pisussaaffeqartunut. Danskite siornatigut eqqartuussisarnerat malillugu qulaani taaneqartutut pisunut akiligassiissut 10.000 kr.-inik qaffanneqassaaq.

Immikkut ittumik sakkortusaasutut isigineqassanngillat, inunnut arlalinnut inuunikkut imaluunniit peqqinnikkut ajoqusernerit imaluunniit ulorianartorsiortitsinerit.

Aamma sullivimmi avatangiisit pillugit suliani periusiunngilaq nalinginnaasoq, pisoqaqqinnerani pineqaatissiissutigut ilasisarneq, siornatigut suliffeqarfimmut pinerluttulerinermi eqqartuussisarnermi pineqaatissiisimaneq eqqarsaatigalugu.

2.7.2. Suliffeqarnermut ministeriap isumaliuutersuutai

Danskit sullivimmi avatangiisit pillugit inatsisaat assigalugu Kalaallit Nunaanni sullivimmi avatangiisit pillugit inatsimmik unioqqutitsinermut akiligassiissutip annertussusaa qaffanneqartariaqarpoq. Danskit sullivimmi avatangiisit pillugit inatsisaanni akiligassiissutip qaffasissusaa inatsimmik allannguinnikkut kingullermik allanngortinneqarpoq 2015-imi aamma 2019-imi. Inatsimmik allannguinerit sullivimmi avatangiisit pillugit politikikkukut isumaqatigiissutit 2015-imeersut aamma 2019-imeersut piviusunngortippai.

Politikikkukut isumaqatigiisummi ”En styrket arbejdsmiljøindsats – Alle har ret til et sikkert og sundt arbejdsmiljø” 26. marts 2015-imeersumi iliuuseqarneq 12-imut atatillugu piumasaqaataavoq, suliffeqarfiit ingasattumik sullivimmi avatangiisit pillugit inatsimmik unioqqutitsisut sakkortunerusumik pillarneqartarnissaat.

2015-imi isumaqatigiisummi piumasaqaataasimavoq, sakkortusaasunik tunngaveqarnermut aamma immikkut sakkortusaasunik tunngaveqarnermut akiligassiissutit qaffanneqarnissaat, kiisalu immikkut sakkortusaasunik tunngaveqarnermi pineqartut annertusineqarnissaat.

Danskit sullivimmi avatangiisit pillugit inatsisaata allanngortinneqarnissaanut inatsit nr. 1869, 29. december 2015-imeersoq akiligassiissutit qaffaanernut, politikikkukut isumaqatigiisummit 26. marts 2015-imeersumit malitsiusumut inatsisitigut tunngavissiivoq. Inatsit atuutilerpoq ulloq 1. januar 2016.

Nutaamik aamma pitsaannerusumik sullivimmi avatangiisitigut suliniuteqarniarluni aamma suliffeqarnermi pissutsit pitsaasuunissaat pillugu politikikkukut isumaqatigiisummi april 2019-imeersumi danskit sullivimmi avatangiisit pillugit inatsisaannik unioqqutitsinernut

akiligassiissutit qaffaqqinneqarput, unioqqutitsinernut annertuumik inunnut ajoqusernermik kinguneqartunut imaluunniit toqumik kinungeqartunut, kiisalu sullivimmi avatangiisit pillugit inatsimmik arlaleriarluni ingasattumik unioqqutitsinernut.

Politikkikkut isumaqatigiisummi 2019-imeersumi allaqqavoq, sullivimmi avatangiisit pillugit inatsimmik unioqqutitsinernut annertuumik inunnut ajoqusernermik kinguneqartunut imaluunniit toqumik kinungeqartunut akiligassiissutit qaffaqqinneqarnissaat. Aamma allaqqavoq, unioqqutitsinernut taamaattunut sulisitsisunut tunngaviusumik akiligassiissutit 20.000 kr.-iniit 40.000 kr.-inut qaffanneqarnissaat aamma 40.000 kr.-iniit 80.000 kr.-inut qaffanneqarnissaat.

Ilanngullugu 2019-imi isumaqatigiisummi allaqqavoq, sullivimmi avatangiisit pillugit inatsimmik unioqqutitseqattaarnernut ingasattanut akiligassiissutaasartut qaffanneqarnissaat. Aamma allaqqavoq, sulisitsisumut akiligassiissut 10.000 kr.-inut qaffaqqinneqartassasoq, sulisitsisoq ukiut sisamat iluanni arlaleriarluni akiligassinneqartarsimappat sullivimmi avatangiisit pillugit inatsimmik ingasattumik unioqqutitsisutut.

Sullivimmi avatangiisit pillugit inatsisip allanngortinneqarnissaanut inatsit nr. 1554, 27. december 2019-imeersoq akiligassiissutinik qaffaanissamut inatsisitigut tunngaviliisimavoq, sullivimmi avatangiisit pillugit politikikkut isumaqatigiisutip 2019-imeersup kingunerisaanik. Akiligassiissutinik qaffaanerit unioqqutitsinernut inunnut annertuumik ajoqusernermik kinguneqartunut imaluunniit toqumik kinguneqartunut, aamma sullivimmi avatangiisit pillugit inatsimmik arlaleriarluni ingasattumik unioqqutitsinernut atuutilersinneqarput 1. januar 2020.

Inatsisissatut siunnersuummi L 65, 19. november 2019-imeersumi inatsimmut nr. 1554, 27. december 2019-imeersumut aamma siunnersuutigineqarpoq, sullivimmi avatangiisit pillugit inatsimmik tigussaasutigut unioqqutitsinernut akiligassiissutip qaffanneqarnissaa. Tunngaviusumik akiligassiissutip qaffanneqarnera ulloq 1. september 2021-imi atuutilersinneqarpoq.

2.7.3. Aaqqissuussaq siunnersuutigineqartooq

Siunnersuutigineqarpoq § 65, imm. 1-ip, aamma § 66, imm. 1-ip allanngortinneqarnissaat, sullivimmi avatangiisit pillugit inatsimmik

tigussaasutigut unioqutitsinernut akiligassiissutit qaffanneqarnissaat siunertaralugu. Immikkoortoq 2.7.3.1. innersuussutigineqarpoq.

Siunnersuutigineqarpoq § 65, imm. 2-p allangortinneqarnissaanik, unioqutitsinernut ajutoornermik, inummik aqqunartoqarneratigut toqumilluunniit kinguneqartumik, akiliisitsissummik qaffaanissaq siunertaralugu.

Siunnersuutigineqarpoq § 65, imm. 4-p allangortinneqarnissaanik, unioqutitsinerni, akiliisitsinerup qaffaanikkut sukaterinermi, qaffaassutip 10.000 kr.-inik qaffanneqarnissaanik – sukaterinermi ataatsimi siusinnerisukkut 5.000 kr.-iusimasumiit.

Siunnersuutigineqarpoq § 65, imm. 5, allangortinneqarnissaanik, unioqutitsinernut immikkut sukaterineranut, akiliisitsissutip sukaterinerup ataatsip 20.000 kr.-inik qaffanneqarnissaanik – siusinnerusukkut sukaterineq ataaseq 10.000 kr.-iusimasumiit.

Siunnersuutigineqarpoq aamma, § 65, imm. 5 allangortinneqassasoq, siunertaralugu immikkut sukaterineranut kingornalu nutaartaqartinneqassasumik, inatsisit malillugit immikkut sukateriffigineqartunut.

Inuusuttunit 18-nit inorlugit ukiulinnit, aqqunartoqarnermi peqqissutsikkulluunniit ajoqusiinermi, immikkut sakkortusaaneq allangortinneqassanngilaq.

Pinerluttulerineranut pineqaatissiineranut aalajangiussaq, pisuni ataasiakkaani nalilersueqqissaanikkut eqqartuussivikkoortitsinikkut ingerlanneqartarnera ingerlatiinnarneqassaaq, tak. aalajangersakkat nalinginnaasut, pinerluttulerineranut inatsisit kapitalianni 24-mi, pineqaatissiineranut naatsorsuuteqarnernut toqqaaneqarnermi.

2.7.3.1. Sullivimmi avatangiisit pillugit inatsimmik tigussaasutigut unioqutitsinernut tunngaviusumik akiligassiisuummik qaffaaneq

Siunnersuutigineqarpoq § 65, imm. 1-ip, aamma § 66, imm. 1-ip allangortinneqarnissaat, sullivimmi avatangiisit pillugit inatsimmik tigussaasu-tigut unioqutitsinernut akiligassiissutit qaffanneqarnissaat siunertaralugu.

Tamanna sulisitsisunut isumaqarpoq, piumasarineqartoq tigussaasutigut unioqquitsinernut sulisitsisumit akisussaaffigineqartunut, tunngaviusumik akiligassiissutit 20.000 kr.-iniit 24.600 kr.-inut aammalu 40.000 kr.-iniit 44.600 kr.-inut qaffanneqarnissaat.

Unioqquitsnerup qanoq ingasatsiginera apeqquataatillugu aalajangerneqartassaaq tunngaviusumik akiligassiissutit 24.600 kr.-iussanersut imaluunniit 44.600 kr.-nit.

Sullivimmi avatangiisit pillugit inatsimmik unioqquitsilluni isumannaallisaanermik imaluunniit peqqinnissamik toqqaannartumik navianartorsiortitsinermut tunngaviusumik akiligassiissutaassapput 24.600 kr.-it. Ullumikkut unioqquitsinernut taamaaqataanut akiligassiissut 20.000 kr.-iuvoq. Immikkoortoq 2.7.1.-imi inatsisit atuuttut nassuiaatigineranni assersuutit innersuussutigineqarput.

Sullivimmi avatangiisit pillugit inatsimmik ingasattumik unioqquitsinernut inuunerup imaluunniit peqqinnerup annertuumik ulorianartorsiortinneqarsinnaaneri annertunerulluni tigussaasutigut unioqquitsinernut nalinginnaasunut sanilliullugu tunngaviusumik akiligassiissutaassapput 44.600 kr.-nit. Ullumikkut unioqquitsinernut taamaaqataanut akiligassiissut 40.000 kr.-iuvoq. Immikkoortoq 2.7.1.-imi inatsisit atuuttut nassuiaatigineranni assersuutit innersuussutigineqarput.

2.7.3.2. Unioqquitsinernut inummut annertuumik ajoqusernermik imaluunniit toqumik kinguneqarsimasunut akiligassiissutit qaffanneqarneri

Siunnersuutigineqarpoq sullivimmi avatangiisit pillugit inatsimmi § 65, imm. 2 allanngortinneqassasoq, tamatumuunakkullu piunasaqaataalerluni, tunngaviusumik akiligassiissut ilassutigut qaffanneqassasoq tunngaviusumik annertussutsip marloriaataanik, unioqquitsineq inummut annertuumik ajoqusernermik imaluunniit toqumik kinguneqarsimappat.

Sulisitsisunut isumaqarpoq sullivimmi avatangiisit pillugit inatsimmik unioqquitsinermi, inummik ajoquseerujussuarnikkut toqumilluunniit kinguneqarsimappat, kingunerissagaa:

– ilaliussatut qaffanneqassaaq 49.200 kr.-inut (24.600 kr. marloriarlugit) unioqquitsinernut tunngaviusumik akiligassiissuteqarfiusunut 24.600 kr.-nik.

– ilaliussatut qaffanneqassaaq 89.200 kr.-inut (44.600 kr. marloriarlugit) unioqutitsinernut tunngaviusumik akiligassiissuteqarfiusunut 44.600 kr.-nik.

§ 65, imm. 2-p allanngortinneqarnissaanut siunnertuutitigut akiligassiissutip qaffasissusaanik allannguinnissaq taamaallaat siunertarineqarpoq. Aalajangersakkap atuuffianik allannguinnissaq siunertaanngilaq.

2.7.3.3. Unioqutitsinernut immikkut ittumik sakkortusaasunik tunngaveqartunut akiligassiissutit qaffanneqarneri

Siunnersuutigineqarpoq § 65, imm. 4 allanngortinneqassasoq, immikkut ittumik akiliisitsissummik sakkortusaaneq siunertaralugu.

Tamatuma malitsigaa, immikkut ittumik qaffaanermut sakkortusaanerup kinguneraa, sakkortusaaneq ataaseq 5.000 kr.-inik qaffanneqarnissaanik, sakkortusaaneq ataaseq 10.000 kr.-inut qaffanneqarluni – siornatigut immikkut sakkortusaaneq 5.000 kr.-iusimasumiit.

Akiliisitsinerup annertussusaa kisiat allannguinnermut siunertaavoq. Aalajangersakkat atorneqarnerinik allanngueqanngilaq.

2.7.3.4. Unioqutitsinerit immikkut ittumik sakkortusaasunik tunngaveqartut

Siunnersuutigineqarpoq akiliisitsinerup immikkut ittumik sakkortusaanernut, tak. 65, imm. 5, immikkut ittumik sakkortusaanerup, 10.000 kr.-inik 20.000 kr.-inut qaffanneqarnera.

Ilanngullugu § 65, imm. 5-ip allanngortinneqarnissaanik siunnersuutigineqarpoq, siunertaralugu immikkut ittumik sakkortusaanerup ilaneqarneranut, kingorna nutaajusut piulernissaannik, inatsisit malillugit, immikkut ittumik sakkortusaanermi:

-inuusuttut 18-nit inorlugit ukiullit, navianaatilimmik aqqunartoqarnerani toqumilluunniit kinguneqartumik ajutoornikkut, tak. imm. 2,

-inuit arlallit aqqunarnerisigut inuunermik peqqissutsimilluunniit uloriarnartorsiornikkut,

-pineqartumiit timikkut inatsiseqarnikkulluunniit ukiut sisamat sioqqullugit, pinerluttulerinermi inatsisitigut pineqaatissinneqarsimasunut arlaleriarnikkulluunniit sullivimmi avatangiisit pillugit inatsisinik unioqutsitsisimanikkut.

Inuusuttuni 18-nit inorlugit ukiulinni, peqqissutsikkut inuunermiluunniit ulorianartorsiorneq isigineqarnera allannguuteqassanngilaq, immikkut pisunik sakkortusaanermi.

2.7.3.4.1. Unioqqutitsinerit, inunnut arlalinnut inuunikkut imaluunniit peqqissutsikkut ajoqusernermik imaluunniit navianartorsiornermik kinguneqartut

Siunnersuutigineqartup § 65, imm. 5 nr. 2-p kingunerivaa, immikkut ittumik sakkortusaasunik tunngaveqartut taaneqartut annertunerulertinnissaat aamma pineqalerlutik, inunnut arlalinnut inuunikkut imaluunniit peqqissutsikkut ajoqusernermik imaluunniit navianartorsiornermik kinguneqartut. Aalajangersagaq atorneqarsinnaassaaq, inuit marluk imaluunniit arlallit inuunikkut imaluunniit peqqissutsikkut ajoqusersimappata imaluunniit navianartorsiorsimappata.

2.7.3.4.2. Uteqattaartumik unioqqutitsinerit

§ 65, imm. 5, nr. 4-mik siunnersuuteqarnerup malitsigaa, immikkut ittumik sakkortusaanerit, pisuni pisussaataaasoq pisinnaatitaasorlu (inatsisilerinerimut uuttuut) annertusaataassasut, ukiut sisamat sioqqullugit pinerluttulerinerimi inatsisitigut pineqaatissinneqarnikkut, sakkortuumik sulinerimi avatangiisit pillugit inatsisinik unioqqutitsinikkut. Naatsorsuutigineqarpoq siornatigut unioqqutitsinerit suugaluartulluunniit, sullivimmi avatangiisit pillugit inatsimmi, pinerluttulerinerimut inatsisitigut pineqaatissinneqarnerit, uteqattaartumik kingunilittut akiliisitsinerup ilaneqarnissaanik kinguneqarnissaanik. Siorngatigut pisut, unioqqutitsinerup pineraniit ukiut sisamat iluini inernilerneqassaaq.

Allannguut malillugu aamma naatsorsuutigineqarpoq, sullivimmi avatangiisit pillugit inatsimmik unioqqutitsinerimut akiliisitsissutip qaffaqqinneqarnissaanik, pinerit tamaasa pisussaataaasoq pisinnaatitaasorlu ukiut sisamat iluini siornatigut, arlaleriarluni sullivimmi avatangiisit pillugit inatsisinik unioqqutitsinernut pineqaatissiissutaasimasunik.

Pineqaatissinneqarnermiit ukiut sisamat iluini akiliisitsissut, sullivimmi avatangiisit pillugit inatsimmik, unioqqutitsinerit tamaasa 10.000 kr.-inik qaffanneqartarneranik sulisitsisumut kinguneqassaaq. Kinguneqarpoq akiliisitsineq 20.000 kr.-inik qaffanneqarneranik, siusinnerusukkut

pineqaatissinneqarnermut, 30.000 kr.-inillu siusinnerusukkut marloriarluni pineqaatissinneqarsimanernut, 40.000 kr.-inillu pingasoriarluni siusinnerusukkut pineqaatissinneqarsimanernut, 50.000 kr.-inillu siusinnerusukkut sisamanik pineqaatissinneqarsimanernut il.il.

Immersugassaq 2-mi sulisitsisunut akiliisitsinerup qaffasissusaanik qulequttatut assiliartalersorneqarpoq, ajutoornermi inummik aqqunartoqarneranut toqusoqarneranilluunniit, pinngitsaaliissummik sukaterineqarnera ataaseq immikkullu pinngitsaaliissummik sukaterineqarpoq, tunngaviusutullu akiliisitsissut 24.600 kr.-init aamma 44.600 kr.-init.

Immersugassaq 2 Akiliisitsinerup qaffasissusaanik siunnersuutaasumut, sulisitsisumut koruuninngorlugit assiliartalersuineq.

	Isumannaal-lisaanermik peqqinnissamilluunniit toqqaan-nartumik unioqquitsisinnaaneq	Toqqaannartumik isumannaallisaa-nermik peqqinnissamilluunniit saktortunerusumik unioqquitsisinnaaneq
Tunngaviusumik akiliisitsissut, tak. § 65, imm.1 aamma § 66, imm. 1.	24.600	44.600
Inummik ilungersunartumik ajoqusi-ineq toqusoqarneraniluunniit, tak. § 65, imm. 2.	49.200	89.200
Ataaseq pinngitsoorneqarsinnaanngitsumik sukaterineq, tak. § 65, imm. 4	10.000	10.000
Ataaseq pinngitsoorneqarsinnaanngitsumik immikkut sukaterineq, tak. § 65, imm. 5*	20.000	20.000
Katillugit	103.800	163.800

*) suliani uteqattaartuni, tak. § 65, imm. 5, nr. 4, akiliisitsinerumut qaffaat 20.000 kr.-iussaaq, sulisitsisumiit arlaleriartumik pinerluttulerinikkut pineqaatissiisuteqarsimappat, pineqaatissiisutini tamani 10.000 kr.-inik qaffaasoqarsinnaavoq.

2.8. Sulisut nutarterinermik malittarisassanillu paasissutissinneqarneri

2.8.1. Kalaallisut oqaatsinik atuinermi allannguin

2.8.1.1. Inatsit atuuttoq

Kalaallit Nunaanni sullivimmi avatangiisit pillugit inatsimmi atuuttumi taaguutigineqassaaq »Kalaallit Nunaanni Naalakkersuisut« aamma »naalakkersuisut« kiisalu »minister-i«.

2.8.1.2. Suliffeqarnermut ministeriaqarfiup isumaliuutersuutai aaqqissuussamillu siunnersuutigineqartoq

Kalaallit Nunaanni sullivimmi avatangiisit pillugit inatsimmik kukkunersuinermit tunngatillugu, qallunaatut taaguutit nutaanngilisut, kalaallisuunut atuuttunut allanngortinneqassapput.

Kalaallit Nunaanni Namminersorlutik Oqartussat 21. juni 2009-mi eqqunneqarneranni, qallunaatut taaguutigineqartoq "Kalaallit Nunaanni Namminersorneruneq" allanngortinneqassaaq Naalakkersuisut-nut, Kalaallit Nunaanni Namminersorlutik Oqartussat pillugit inatsisitigut nr. 473-mi, 12. juni 2009-meersumi. Assigisaanik taaneqarpoq, Naalakkersuisuni ilaasortanut, qallunaani ministeri, naalakkersuisoq. Taamaattumik siunnersuutigineqarpoq, Kalaallit Nunaanni sullivimmi avatangiisit pillugit inatsimmi oqaatsit atorineqartut assigiisilernerinnik allanngortinneqarnissaannik.

2.8.2. Sullivinni nakkutilliisoqarfiup aalajangiinerinik paasisutissiisut

2.8.2.1. Inatsit atuuttoq

Sullivimmi avatangiisit pillugit inatsit § 16 naapertorlugu, sulisuni isumannaallisaanermut sinniisut sulisullu sinniisaat, Sullivinnik Nakkutilliisoqarfimmit peqqussutinik ilisimanninnissaannik, sulisitsisoq pisussaaffeqarpoq. Isumannaallisaanermut sinniisunut allanut sulisunilu sinniisunut, tamatumunnga noqqaassutaappat assigisaanik pisussaaffik sulisitsisumiippoq.

Aalajangersakkami allassimanera malillugu, taamaallaat pineqarpoq isumannaallisaanermut sinniisumut aamma sulisunut sinniisumut Sullivinnik Nakkutilliisoqarfiup peqqussutaanik ilisimatitsinissamut pisussaaffik aalajangiinerillu allat pinnagit.

2.8.2.2. Suliffeqarnermut ministeriap isumaliuutersuutai aamma aaqqissuussa q siunnersuutigineqartoq

Maannamut inatsisissatut siunnersuut pineqartoq nr. 64-imi siunnersuummik imaqarpoq § 60, imm. 1-ip allanngortinneqarnissaanik, taamaalillugu Sullivinnik Nakkutilliisoqarfik suliffeqarfiit pillugit peqqussutaanngitsunik allaanerusunik aalajangiisinnaanngortinneqassalluni, tassunga ilagitillugit aalajangiussat iliuseqarnissamut pisussaaffittaqaanngitsut.

Taamaalilluni sulisitsisup sulisut isumannaallisaanermut sinniisaat (siunnersuutigineqartoq allanngortinneqartussatut sullivimmi avatangiisit pillugit sinniisumut, tak. oqaaseqaatit nalinginnaasut imm. 2.2.1.3.) aamma sulisutut sinniisaat taamaallaat Sullivinnik Nakkutilliisoqarfiup peqqussutaanik ilisimatittassanngilaat aammali Sullivinnik Nakkutilliisoqarfiup allat aalajangiiffigisinnaasai pillugit ilisimatittassallugit. Tamanna isumannaallisaanermut sinniisunut aamma sulisutut sinniisunut allanut tamatuminnga noqqaassuteqartunut aamma atuuppoq.

Siunnersuutigineqarpoq inatsimmi § 16, imm. 1, naggat 1. allanngortinneqassasoq, allaqqalerluni siunissami sulisitsisoq pisussaaffeqalissasoq sulisut susassaqarfiini sullivimmi avatangiisit pillugit sinniisuinut aamma sulisutut sinniisuinut Sullivinnik Nakkutilliisoqarfiup aalajangiineri aamma peqqussutai pillugit ilisimatitsisarnissamut. Taamaaqataanik siunnersuutigineqarpoq imm. 2 allanngortinneqassasoq, sulisitsisup sullivimmi avatangiisit pillugit sinniisut allat aamma sulisutut sinniisut allat ilisimatitassangai Sullivinnik Nakkutilliisoqarfiup aalajangiineri peqqussutaalu pillugit, tamatuminnga noqqaassuteqartillugit. Siunnersuut § 60, imm. 1-ip allanngortinneqarnissaanut siunnersuummut attuumassuteqartutut isigineqassaaq.

2.8.3. Atortussiat atortussallu

2.8.3.1. Inatsit atuuttoq

Inatsimmi § 28-mi allaqqavoq, §§ 24, 25, 27 aamma 29, imm. 2-mi teknikkikkut ikiuutit pillugit malittarisassat aamma pilersuisunut il.il. atortussiat atortussallu atuuffillit, isumannaallisaanermut peqqinnissamullu

ulorianarsinnaasut. Aalajangersagaq atortussianik atortussanillu pilersuisunut pisussaaffinnik arlalinnik aalajangersagaavoq.

Inatsisip kapitalia 7, sulisitsisumut saaffiginnittuuvoq, taaguutit atortussiaq atortussallu ulorianarsinnaasut atuuffillit, imaluunniit isumannaallisaanermut peqqinnissamullu innarliisinnaasut.

2.8.3.2. Suliffeqarnermut ministeriap isumaliuutersuutai aamma Aaqqissuussaq siunnersuutigineqartoq

Suliffeqarnermut ministeria naliliivoq pingaaruteqartoq, atortussiaq atortussallu ulorianartut aalajangersakkani pilersuisunut sammitinneqartuni aamma aalajangersakkani sulisitsisunut sammitinneqartuni assigiimmik taagorneqarnissaat, ilaatigut pilersuisut atortussiaq atortussallu ulorianartut pineqartut pillugit pilersuisunut atuinissamat ilitsersuutiniq tunniussisinnaaqullugit, sulisitsisut sullivimmik nalilersuinerminni nalilersugassaannik.

Siunnersuutigineqarpoq § 28-mi aalajangersagaq allanngortinneqassasoq inatsimmi § 38, imm. 1-imitulli aamma § 39, imm. 2, 4, 5 aamma 6-imitulli assinganik taaguinissaq pillugu.

2.8.4. Oqaatsinik »atuarfimmi nakorsaq«-p »peqqinnissaqarfik«-mut allanngortinnera

2.8.4.1. Inatsit atuuttoq

§ 49 a, imm. 1-imi allaqqavoq, suliffeqarnermut ministeri inuusuttut 18-it inorlugit ukiullit sulisitsisumut sulilernissartik siunertaralugu nakorsamit misissortinnissaat pillugu malittarisassanik aalajangersaasinnaasoq. Imm. 2-mi allaqqavoq, malittarisassani aalajangersarneqarsinnaasoq, atuarfimmi nakorsaq oqaaseqaateqassasoq, ilinniartuq nappaateqarnerseq imaluunniit nappaateqarsimanerseq, ilinniartup isumannaallisaaneq aamma peqqinnissarlu eqqarsaatigalugu inuussutissarsiornermik suliaqarnerata nalaani sunniuteqarsinnaasumik. Imm. 2-mi pisinnaatitsinermut aalajangersagaq atorluarneqarsimanngilaq.

2.8.4.2. Suliffeqarnermut ministeriap isumaliuutersuutai aamma aaqqissuussaq siunnersuutigineqartoq

Aaqqissuussaq atuarfimmi nakorsaq atorunnaarpoq. Atuarfimmi nakorsanit sularineqartartut peqqinnissaqarfimmiit maanna isumagineqartarput. Tamatumunnga piginnaatitaaffimmik malittarisassaliornermi peqqinnissaqarfiup oqaaseqaateqarnissamut suliaq isumagisarilissavaa. Siunnersuutigineqarpoq aalangersakkap allanngortinneqarnissaa, peqqinnissaqarfiup oqaaseqaatiliortarnissaa pillugu allaqqalersillugu.

2.8.5. Suliffigissaasut katitigaanerat

2.8.5.1. Inatsit atuuttoq

Inatsimmi Suliffigissaasut il.il. pillugit kapitali 11-mi, § 51, imm. 1-imi allaqqavoq, Suliffigissaasut siulittaasoqartut aamma arlalinnik ilaasortaqarlutik. Takuneqarsinnaavoq § 51, imm. 1, nr. 5, Kalaallit Nunaanni sulisitsisut peqatigiiffianiit (GA)-mit ilaasortat toqqarneqartarput.

Takuneqarsinnaavoq, imm. 1, nr. 6-mi, Kalaallit nunaani Kommuuneqarfiit nuna tamakkerlugu peqatigiiffianniit (KANUKOKA) ilaasortaq toqqarneqartartoq.

2.8.5.2. Suliffeqarnermut ministeriap isumaliuutersuutai aamma aaqqissuussaq siunnersuutigineqartoq

Suliffigissaasut katitigaanerat pillugu inatsimmi malittarisassat pissutsinik piviusunik takutitsisariaqarput.

Taamaattumik siunnersuutigineqarpoq, ilaasortaq siornatigut Sulisitsisunit (GA) toqqarneqartarsimasoq, Sulisitsisunit toqqarneqartalernissaa, tassaasoq Kalaallit Nunaanni inuussutissarsiortut kattuffiisa annersaat.

Aamma siunnersuutigineqarpoq, ilaasortaq Kalaallit Nunaanni Kommunit Kattuffiannit (KANUKOKA) toqqarneqartarsimasoq, Kalaallit Nunaanni kommuninit ataatsimoorussamik toqqarneqartalernissaa, KANUKOKA 2016/2017-imi matuneqarnikummat.

Siunnersuutigineqarpoq § 51, imm. 1, nr. 5 aamma 6 allanngortinneqassasut allannguutinut qulaani taaneqartunut naapertuuttunngortillugit. Malittarisassat pissutsinut piviusunut naapertuuttunngortinnissaat siunertaavoq.

2.8.6. *Eqqartuussivik suliarinnittussaq*

2.8.6.1. *Inatsit atuuttoq*

Maannamut atuuttoq § 70 malillugu, Nunatta Eqqartuussisuuneqarfia, sullivimmi avatangiisit pillugit suliani siullermeeraluni suliarinnittussaavoq. Ima paasillugu; sullivimmi avatangiisit pillugit suliat, eqqartuussinissamut suliaqarnermi, Kalaallit Nunaanni sullivimmi avatangiisit pillugit inatsit malillugu, Nunatta Eqqartuussisuuneqarfiani aallartinneqassapput.

Ukiuni arlalinni Kalallit Nunaani illoqarfinni eqqartuussivinni, Kalaallit Nunaanni Eqqartuussivimmi, suliat suleriaatsitigut suliarineqartarsimapput, tamatumunnga pissutaavoq eqqartuussisuuneqarfiup atuuffiata allangortinneqarmat, ingerlateqqitassanngortitanik suliarinnittussanngorlugu, tak. Kalaallit Nunaanni Eqqartuussisaaseq pillugu inatsimmi § 59. Imaappoq, Nunatta Eqqartuussisuuneqarfia aappassanneeraluni suliarinninnermut atuuffeqarpoq, eqqartuussivinnilu imaluunniit Kalaallit Nunaanni Eqqartuussivimmi, siullermeeraluni suliat naammassineqartut taamaallaat suliarisarlugit.

Taamaattumik maannamut inatsisitigut inissisimaneq, sullivimmi avatangiisit pillugit suliat Kalaallit Nunaanni Eqqartuussivimmi siullermeeraluni suliarineqartarput, naak Kalaallit Nunaanni sullivimmi avatangiisit pillugit inatsimmi nutaannginnerusuusumi § 70-mi suliat eqqartuussisuuneqarfimmi aallartinneqartarnissaannik allaqqagaluartoq.

2.8.6.2. *Suliffeqarnermut ministeriap isumaliuutersuutai aamma Aaqqissuussaq siunnersuutigineqartoq*

2010-mi eqqartuussiveqarnermik aaqqissuusseqqinnermi Kalaallit Nunaanni illoqarfimmi eqqartuussivimmik pilersitsisoqarpoq, Kalaallit Nunaanni Eqqartuussivik-mik taaneqartumik. Najukkami eqqartuussiviit aamma Kalaallit Nunaanni Eqqartuussivik siullermeeraluni suliarinnittarfiupput. Kalaallit Nunaanni Eqqartuussiviata suliarisarpai, Kalaallit Nunaanni najukkami eqqartuussivinnut allaanerusut, suliat inatsisitigut pisariusut aamma inuusutissarsiornermut attuumassuteqartut.

Nunatta Eqqartuussisuuneqarfia tassaavoq suliareqqitassanngortitsisarfik, tak. Kalaallit Nunaanni Eqqartuussisaaseq pillugu inatsimmi § 59. Taamaattoq sullivimmi avatangiisit pillugit inatsimmi pisoqaanerusumi §

70-imi allaqqavoq, sullivimmi avatangiigit pillugit suliat Nunatta Eqqartuussisuuneqarfiani siullertut suliarineqassasut. Taamaattumik § 70-ip allanngortinneqarnissaa pisariaqarpoq, taamaalilluni Kalaallit Nunaanni sullivimmi avatangiisit pillugit inatsimmi aamma allaqqalissalluni sullivimmi avatangiisit pillugit suliat siullertut Kalaallit Nunaanni Eqqartuussivimmi suliarineqartassasut.

Siunnersuutigineqarpoq § 70-ip allanngortinneqarnissaa, taamaalillutik sullivimmi avatangiisitigut unioqutitsinerit siullertut Kalaallit Nunaanni Eqqartuussivimmi suliarineqartalissallutik. Kalaallit Nunaanni Eqqartuussiviup assigai Danmarkimi illoqarfinni eqqartuussiviit. Suliat Kalaallit Nunaanni Eqqartuussivimmi aallartereertarmata siunnersuut sullivimmi avatangiisit pillugit suliarinnittarnermut pioreersumut kinguneqassanngilaq.

3. Aningaasaqarnikkut aamma pisortanut piviusunngortinneqarnerani kingunerisassai

Nalilerneqarpoq siunnersuut Kalaallit Nunaanni pisortat ingerlatsinerannut aningaasaqarnikkut imaluunniit atuutilersitsinermut atatillugu taasariaqartunik kinguneqassanngitsoq.

Sullivinnik Nakkutilliisoqarfiup paasissutissaatai tunngavigalugit Inatsisinik atuutitsinermut ministeriap naatsorsuutigivaa, inatsisissatut siunnersuut Inatsisinik atuutitsinermut ministeriap susassaqarfiani killilimmik aningaasartuutaassasoq, Inatsisinik atuutitsinermut ministeriap nammineq sinaakkutaani matussuserneqarsinnaasunik.

4. Aningaasaqarnikkut aamma inuussutissarsiortunut il.il. allaffissornikkut kingunerisassai

Nalilerneqarpoq siunnersuut inuussutissarsiortunut aningaasaqarnikkut aamma allaffissornikkut taasariaqartunik kinguneqassanngitsoq.

5. Innuttaasunut aningaasaqarnikkut aamma allaffissornikkut kingunerisassai

Nalilerneqarpoq siunnersuut innuttaasunut aningaasaqarnikkut aamma allaffissornikkut kinguneqassanngitsoq.

6. Silap pissusaanut kingunerisassai

Silap pissusaanut kinguneqassanngilaq.

7. Avatangiisinut pinngortitamullu kingunerisassai

Siunnersuut avatangiisinut kinguneqassanngilaq.

8. EU-mi inatsiseqarnermut tunngasut

Siunnersuut EU-mi inatsiseqarnermut tunngasumik kinguneqassanngilaq, Kalaallit Nunaat EU-mut ilaasortaannimmatt.

9. Oqartussa qarfiit kattuffiillu il.il. tusarniaavigineqarneri

Inatsisissatut siunnersuutaanerata missingersuutaa, piffissami 16. november 2021-miit 14. december 2021-mut, Danmarkimi tusarniaassutigineqarsimavoq, oqartussaaffinni kattuffinnilu makkunani:

Akademikerne, Arbejdsmiljøklagenævnet, Arbejdsmiljørådet i Danmark, Arbejdsmiljørådgiverne, Dansk Arbejdsgiverforening, Danske Regioner, Den Kooperative Arbejdsgiver- og Interesseorganisation i Danmark, Det Faglige Hus, Fagbevægelsens Hovedorganisation, Frie Funktionærer, KL, Kristelig Arbejdsgiverforening, Gartneri-, Land- og Skovbrugets Arbejdsgivere.

Inatsisissatut siunnersuut pillugu missingersuut, piffissami 23. februar 2022-miit 8. april 2022-mut tusarniaavigineqarpoq, Kalaallit Nunaanni oqartussaasunut makkununga nassiunneqarluni:

AK (Atorfillit kattuffiat), Kalaallit Nunaanni Suliffigissaasut, ASG (Kalaallit Nunaanni ilinniagartuut kattuffiat), Peqatigiiffik Kalaallit Nunaanni meeqqat, Global Dignity Greenland, Sulisitsisut, IMAK (Ilinniartitsisut kattuffiat), Inooqat, KNAPK (piniartut aalisartullu peqatigiiffiat), Kalaallit Nunaanni komuuneqarfiit, KRK INUA, Mind Your Own business CSR, MIO, NPK (Perorsaasut Kattuffiat), PK (Peqqissaasut Kattuffiat), Red barnet, Kalaallit Nunaanni Rigsombudi, SIK (Sulisartut kattuffiat).

10. Skema eqikkagaq

	Ajunngitsumik kinguneqarneri/aningaasartuutit annikinnersut (angerukku, annertussusileruk, naaggaarukku allaguk »soqanngilaq«)	Ajortumik kinguneqarneri/annertunerusumik aningaasartuuteqarnej (angerukku annertussusileruk/naaggaarukku allaguk »soqanngilaq«)
Naalagaaffimmut, kommuuninut nunallu immikkoortuinut aningaasaqarnikkut kingunerisassai	soqanngilaq	Sullivinni nakkutilliisoqarfik tunngavigalugu, Inatsisunik atuutsitsinermit ministeariamit naatsorsuutigineqarpoq, inatsisissatut siunnersuutaasup, Inatsisunik atuutsitsinermit ministeariap suliassaqarfiani annertunerusumik aningaasartuuteqarnej killilimmik kinguneqarnissaa, tamanna Inatsisunik atuutsitsinermit ministereqarfimmiit inatsisitut toqqammavigisamiit aningaasalersorneqarnissaa naatsorsuutigineqarpoq.
Naalagaaffimmut kommuuninut nunallu immikkoortuinut piulersitsinermit kingunerisassai	Soqanngilaq	Soqanngilaq
Inuussutissarsiornermit aningaasaqarnikkut kingunerisassai	Soqanngilaq	Soqanngilaq
Inuussutissarsiornermit allaffissornikkut aningaasaqarnikkut kingunerisassai	Soqanngilaq	Soqanngilaq
Innuttaasunut allaffissornikkut kingunerisassai	Soqanngilaq	Soqanngilaq
Silap pissusianut kingunerisassai	Soqanngilaq	Soqanngilaq
Avatangiisinut pinngortitamullu kingunerisassai	Soqanngilaq	Soqanngilaq
EU-p eqqartuussivianut tunngassutilinnut	Kalaallit Nunaat EU-mi ilaasortaannilaq	

<p>Inuussutissarsiornermik EU-p malittarisaliaasa tunngaviinut akerliusumik atortussanngortitsinermut/ EU-p malittarisaliaani piumasaqaataasup minnerpaafianiititsinikkut ingerlatiinnartitsineq (X-leruk)</p>	<p>Aap</p>	<p>Naamik</p> <p>X</p>
--	------------	------------------------

*Inatsisissatut siunnersuutip aalajangersagaanut ataasiakkaanut
oqaaseqaatit*

§ 1-mut

Nr. 1-mut (§ 1, nr. 1)

Sullivimmi avatangiisit pillugit inatsisip aalajangersagaani atuuttuni § 1, nr. 1-mi takuneqarsinnaavoq, inatsisip atuutilernerani sullivimmi isumannaallisaanermut peqqinnissamullu avatangiisinik pilersitsisoqassasoq, suk-kulluunniit teknikkikkut inuiaqatigiinnilu inoqateqarnerup ineriartornermut naapertuuttumik.

Inatsimmi aalajangersakkanut oqaaseqaatiniippoq, inatsit sullivimmi timikkut tarnikkullu avatangiisinut imaqartinneqassasoq.

Sullivimmi timikkut avatangiisini pineqarpoq, sulinermi timikkut pissutsinut assigiinngitsunut tunngasut, sulisut isumannaallisaanermut peqqinnissamullu kinguneqarsinnaasut. Suliffeqarfiup ilusilersorneranik, teknikkikkut atortorissaarutinik atuinermi, atortussianik atortussanillu atuinermi imaluunniit sulinerup piareersarneqarneranik, pilersaarusiorneqarneranik ingerlanneqarneranilluunniit peqquteqarsinnaapput, tassani ilagitillugit avatitta aalasinnaanerinut sunniutit il.il.

Sullivimmi tarnikkut avatangiisini pineqarpoq, sulinermi sulisunut isumannaallisaanermut peqqinnissamullu kinguneqarsinnaasut. Tamakkua pissutsit soorlu sulinerup imarisaa sulinerullu piareersarneqarnera, aaqqissuussaaneratalu pingaaruteqassusaa, sulisunut ataasiakkaanut sullivimmi peqatigiinnermut tunngasuni.

Siunnersuutigineqarpoq § 1, nr. 4,-mi »peqqinnartoq« kingorna »timikkut tarnikkullu atukkat« ikkunneqassaaq.

Inatsimmi § 1-mi takuneqarsinnaalissaaq, inatsimmi pineqartut, sullivimmi timikkut tarnikkullu avatangiisit imaritinneqarneri.

Siunnersuut sullivimmi avatangiisit pillugit inatsimmi § 1-mi siunertatut aalajangersakkap imarisaanik allanngortinneqarnissaanik siunertaanngilaq.

Inatsisissatut siunnersuummi imm. 2.1.1.-mut oqaaseqaatit nalinginnaasut innersuussutigineqarput.

Nr. 2-mut (§ 2, imm. 1)

Aalajangersakkami atuuttumi takuneqarsinnaavoq, sullivimmi avatangiisit pillugit inatsimmi § 2, *imm. 1*-mi, Kalaallit Nunaanni sulisitsisumi sulineq inatsisiniinnera.

Siunnersuutigineqarpoq § 1, *nr. 5*-mi, »ingerlanneqartoq« ikkunneqassasoq »suliaq«-p kingorna, aamma »sulisitsisoq«-p kingorna »taamaattoq tak. imm. 2 aamma 3« ikkunneqassaaq.

Tamanna isumaqarpoq § 2, imm. 1-tut takuneqarsinnaalissasoq, Kalaallit Nunaanni sulisitsisumi sulineq inatsisiniinnera, pineqanngitsuni annertusiinernilu, imm. 2 aamma 3-p kingunerisaanik.

Siunnersuummi sullivimmi avatangiisit pillugit inatsisip atuuffiisa imarisaannik allannguinissaq siunertaritinneqanngilaq.

Inatsisissatut siunnersuummut nalinginnaasumik oqaaseqaatit imm. 2.1.1. innersuussutigineqarput.

Nr. 3-mut (§ 2, imm. 2, nr. 1 og 2)

§ 2, *imm. 2, nr. 1 aamma 2*-mi sullivimmi avatangiisit pillugit inatsisip aalajangersagaani atuuttumi takuneqarsinnaavoq, sulinerit pineqanngitsut makkuummata: 1) sulisitsisup nammineq angerlarsimaffiani sulineq, taamaattoq tak. § 45 d, aamma 2) sulineq, sulisitsisup ilaqtanit, illumi inoqutigiinnit taamaallaat ingerlanneqartoq, taamaattoq tak. § 45 d.

§ 45 d-mi aalajangersakkami atuuttumi takuneqarsinnaavoq, kapitali 9-mi malittarisassani inuusuttut 18-nit inorlugit ukiullit, sulisitsisumi inuusuttut sulinerat, tassani ilagitillugit aamma sulineq § 2, imm. 2, nr. 1 aamma 2-mi.

Siunnersuutigineqarpoq § 2, imm. 2, nr. 1 aamma 2 allanngortinneqassasoq »taamaattoq tak. § 45 d« imaalillugu »§ 45 d-p kingunerisaanik inuusuttut 18-nit inorlugit ukiullit pillugit killilersuutaasuni«.

Tamanna isumaqarpoq, inatsimmi innersuussutaasoq § 45 d, erseqqinnerusumik allanneqassasoq, takuneqarsinnaanngorluni § 45 d-mi

inuusuttut 18-nit inorlugit ukiullit pineqarmata. Malittarisassanik erseqqissaaneq tassani pineqarpoq. Sullivimmi avatangiisit pillugit inatsisip atuuffiisa imarisaanik allanngineq siunnersuummi siunertaritinneqanngilaq.

Inatsisissatut siunnersuummut oqaaseqaatini nalinginnaasuni imm. 2.1.1. innersuussutigineqarpoq.

Nr. 4-mut (§ 2, imm. 3)

Sullivimmi avatangiisit pillugit inatsimmi aalajangersakkami atuuttumiippoq § 2, *imm. 3-mi*, inatsisip aalajangersagai pilersuisut, sanaartortut, sulinerup ingerlanneqarnera, teknikkikkut atortut, atortussiat atortullu, aqqusinikkut angallassineq kiisalu ulorianartumik sulinermi ukiukinnerpaaffissaq pillugit sulinermi aamma pineqarmata sulisitsisumi ingerlanneqanngitsut kiisalu sulineq § 3, imm. 2-mi taaneqartoq.

Siunnersuutigineqarpoq § 2, imm. 3-mi, »aalajangersakkani makkunani sulineq aamma pineqartoq, sulineq sulisitsisumi ingerlanneqanngitsoq, kiisalu sulineq imm. 2-mi taaneqartuni« allanngortinneqassasoq imaalillugu »Sulineq, sulisitsisumi ingerlanneqanngitsumi, kiisalu sulineq sulisitsisumi ingerlanneqartumi, imm. 2-mi taaneqartutut, taamaattoq aalajangersakkat makkua atuupput:«.

Tamanna isumaqarpoq, inatsimmi § 2, imm. 3-mi, inatsit atuuttoq malillugu inatsimmi sulineq pillugu atorneqarnera inatsimmik annertusaanerusoq, naak sulisitsisumi sulineq ingerlanneqanngikkaluartoq, aamma naak sulineq pineqaraluartoq, imm. 2-mi pineqanngitsoq, oqaatsitigut nassuiarneqarnera sukumiisuunerunissaa, paasinarnerusumik atuarneqarsinnaanngorlugu. Sullivimmi avatangiisit pillugit inatsisip atuuffiata imarisaanik allannguinissaq siunnersuummi siunertaritinneqanngilaq.

Inatsisissatut siunnersuummut oqaaseqaatini nalinginnaasuni imm. 2.1.1. innersuussutigineqarpoq.

Nr. 5-mut (§ 2, imm. 3, nr. 1)

Kalaallit Nunaanni sullivimmi avatangiisit pillugit inatsimmi aallaaviuvoq, sulineq sulisitsisumi ingerlanneqartut kisimik ilaatinneqarmata, tak. § 2, imm. 1-mi. § 2, *imm. 3-mi*, atuuttumi, qulaani taaneqarpoq nr. 4,

aalajangersakkat tulleriiaakkat arlallit, aamma sulineq sulisitsisumi ingerlanneqartussaangitsoq pillugu atuuttoq.

Siunnersuutigineqarpoq § 15 a-p ikkunneqarnissaa, § 2, imm. 3, *nr. 1*, taannalu aamma sulinermut atuutissaaq, sulisitsisumi ingerlanneqanngitsunmut, kiisalu sulineq, § 2, imm. 2-mi taaneqartoq.

Inatsisissatut siunnersuummut oqaaseqaatini nalinginnaasuni imm. 2.3.2. innersuussutigineqarpuq.

Nr. 6-mut (§ 2, imm. 3, nr. 4)

Kalaallit Nunaanni sulinermut avatangiisit pillugit inatsimmi aallaaviuvoq, sulineq taamaallaat sulisitsisumi ingerlanneqartoq ilaatinneqarmat, tak. § 2, imm. 1. § 2, *imm. 3* -mi atuuttumi, aalajangersakkat tulleriiaarlugit allattukkat, aamma sulinermut sulisitsisumi ingerlanneqanngitsunmut atuuppoq.

Siunnersuutigineqarpoq atortussiat atortussallu pillugit pisinnaatitsissummut aalajangersagaq nutaaq, §§ 39 a aamma 39 b ilanngunneqassasut § 2, imm. 3, *nr. 4*-mut.

Tamanna isumaqarpoq, pisinnaatitsissummut aalajangersakkat nutaat malittarisassalernerisigut aalajangiunneqassasut, sulinermut sulisitsisumi ingerlanneqanngitsunut aamma atuutilerlutik. Tamanna qallunaat sullivimmi avatangiisit pillugit inatsimmi inatsiseqarnermut assinguvoq. Inatsisissatut siunnersuutaasumi oqaaseqaatini nalinginnaasuni 2.5.4. innersuussutigineqarpoq.

Nr. 7 -mut (§ 2, imm. 4)

§ 2 atuuttoq malillugu, piumassutsiminnik sulineq ullumikkut sullivimmi avatangiisit pillugit inatsisip aalajangersagaani ilaatinneqarpoq.

Siunnersuutigineqarpoq, § 2-mut immikkoortoq nutaatut *imm. 4* ikkunneqassasoq, kingornalu piumassutsimik sulineq, sunngiffimmi sammisassaqaqarnertut isikkulik, isumannaallisaanermut peqqinnissamullu aqqissuussaaneq pillugu piumasaqaammut ilanngunneqarnani (siunnersuutigineqarpoq allanngortinneqassasoq sullivimmi avatangiisit pillugit sulineq) sullivimmik allakkatigut nalilersuinermit (APV) aamma piumasaqaataanera ilaatinneqarnani.

Piumassutsimik sulineq pillugu sunngiffimmi sammisanut isikkoqarneranik nalilersuinermi, pingaarnertut isigineqartariaqartut makkuupput:

1. Sulineq taamaallaat piffissaq sivikitsoq atorlugu ingerlanneqartussa, agguaqatigiisillugu sapaatip akunneranut ullut ilivitsut 1-2 siviussuseqarluni. Sulineq ingerlanneqarsinnaavoq ullut marluk qaangerlugit, piffissap affaani imaluunniit piffissami tamakkiisumi sulinertut naleqqiunneqanngippat. Tamanna isumaqarpoq aallaavittut sungiusaasoq holdinik sapaatip akunneranut marloriarluni sungiusaasartoq kiisalu sapaatip akunnerata naanerani unammisitsisoq APV-mik suliaqartoqassanngitsoq.
2. Sulineq annertunerusumik piumasaqaatitaqanngitsoq, piumassutsiminik sulisoq sulinngippat soorlu inunnut, uumasunut atortunulluunniit kinguneqarnerlussinnaanani. Taamaattumik soorlu piumassutsiminnik qatserisartut ilaatinneqassanngillat.
3. Ilassutitut akissarsititsinermut imaluunniit allatut tunissuteqarnermut pingaarnerusutut isertitaqarfiunngitsoq. Aallaavittut piumassutsimik sulinermi annikitsumik aningaasaliineq tunissuteqarnerluunniit piumassutsimik sulineq siunnersuummut ilaatinneqarnera aalajangiisuunngitsutut isumaqartinneqarpoq. Tamanna isumaqarpoq sungiusaasoq akileraaruteqarnermut piumasaqaatit malillugit ajunngitsorsiasaqarluni tamattorli pineqarnani. Akissarsititaaneqimaluunniit tunissuteqarneq annertuumik isertitsissutaappat, tamanna pissutaasinnaavoq sulineq isigineqassasoq nalinginnarmik sulinertut, taamaattoq apeqqutaassalluni suliami pissutsit tamarmiusut.

Inatsisissatut siunnersuummut oqaaseqaatini nalinginnaasuni imm. 2.1.1. innersuussutigineqarpoq.

Nr. 8-mut (§ 2 a)

Sulisitsismut sulinermut aamma atuuttariaqarput, innuttaasut sulisorinerini, sulinermut atassuteqartumik nakuusernerit, sioorasaarinerit, allatullu kanngunarsaanertut pissusilersuutinik kinguneqartarnerinut naleqqussaanerit pisariaqartut.

Sulinermi avatangiisit pillugit inatsisaata § 2-p inatsisip atuuffianik killiliivoq aalajangersarlugulu pingaarnertut malittarisassaq tassaasoq, inatsit sulisitsisumi sulinermut atuuttoq. Suliffimmut tunngasunik

nakuuserneq, sulisut innuttaasunik sullissineranni pissutsinik pissuteqartoq, kisianni suliffiup avataani nakuusernerusoq, sulisitsisup suliassaattut sullivimmi avatangiisit pillugit inatsisip killiliineranut ilaatinneqanngimmat, ullumikkut sullivimmi avatangiisit pillugit inatsit pisunut tamakkununga atuutinngilaq.

Taamaattumik § 2 a nutaatut eqqunneqarnissaanik siunnersuutigineqarpoq, *imm.* 1-mi suliffeqarnermut ministeri piginnaatinneqassasoq aalajangersaaniissamut, imatsimmi kapitali 2-4-ni aamma 12-14-ni malittarisassamik ataatsimik arlalinnilluunniit pisariaqartumik naleqqussaasoqassasoq aamma sulisitsisumut atuuttariaqartoq, innuttaasunik sullissineranut tunngatillugu, sulinerup avataani suliffimmut atassuteqartumik nakuusernernut, soorasaarinernut allatulluunniit kanngunarsaanertut pissusilersornernut.

Pisariaqartumik naleqqussaanerit isumaqarput, aalajangersakkat pineqartut sulinerup nalaani sulisitsisup suliasaanut tunngasuni pissutsinut tikkuussisariaqartut. Taamaattumik imaassinnaavoq aalajangersakkat tamakkiisumik atorneqarnissaat naleqqutinngitsoq, sulinerup avataani, sulineranut tunngasumik nakuusertoqarneranut sanilliullugu.

Innuttaasut taaneqarneranni pineqarpoq, sulisut sulinerminni inuit attaveqarfigisaat, kisianni suliffeqarfimmi atorfiliungitsut. ”Innuttaasunut” ilaatinneqarpoq ilaatigut saaffiginnittartut, nakorsiat, najugaqartut, pisisartut, qanigisat, atuisut, atuartut, ilaasut aamma isertitsivimmiittut.

Inatsisip kapitaliani 2-mi isumannaallisaanermut peqqinnissamullu suleqatigiinneq pineqarpoq. Pisinnaatitsineranut aalajangersakkami nutaami, aalajangersakkat kapitaliini, pisariaqartumik naleqqussaanerit ilaatillugit, aalajangersakkanik suliaqarnermut atorneqarsinnaapput, sulineranut atassuteqartumik, suliffiup avataani nakuuserfigineqarsinnaaneq, suliffeqarfimmi avatangiisit pillugit suleqatigiinnermut ilanngunneqarnissaat, taamaattoqarnissaanik ilimanaateqartumi.

Inatsisip kapitaliani 3-mi pineqarput sulisitsisumut aamma sulisunut il.il. pisussaaffiit nalinginnaasut. Pisinnaatitsineranut aalajangersakkami nutaami, tamanut aalajangersakkat sulisitsisumut il.il. pisussaaffinnik imaqartut, pisariaqartumik naleqqussaaneq annertusineqarsinnaapput, suliffimmut attuumassuteqartumik, sulinerup avataani nakuuserneq pillugu

aamma atuutsinneqalerluni. Tamatuma saniatigut pisinnaatitsissutit attuumassutillit annertusineqarsinnaapput, taamaalilluni pisariaqartumik naleqqussaanikkut malittarisassanik nalunaarutitigut aalajangersarsinnaallugit, suliffimmi nakuuserneq pillugu pitsaaliuineranut iliuseqarnermullu malittarisassanut atuuttunut assingusumik.

Inatsisip kapitaliani 4-mi pineqarpoq sulinermik ingerlatsineq. Pisinnaatitsineq atorneqarsinnaavoq pingaarnertut malittarisassaq annertusinissaanut, sulineq pilersaarusioneqassasoq, aaqquissuussineqassasoq ingerlanneqassasorlu, isumannaallisaaneq peqqinnissarlu eqqarsaatigalugit tamakkiisumik illersorneqarsinnaasunngorlugu, taamaalilluni pingaarnertut malittarisassaq pisariaqartumik naleqqussarlugu aamma sulinerup avataani suliffimmut attuumassuteqartumik nakuuserfigineqarsinnaanermut atuuttunngortillugu.

Tamatuma saniatigut pisinnaatitsinerit attuumassuteqartut annertusineqarsinnaapput, taamaalilluni pisariaqartumik naleqqussaanikkut suliffimmut attuumassuteqartumik sulinerup avataani nakuusernermut tunngatillugu pitsaaliuineq il.il. pillugit sulisitsisumut pisussaaffinnik aalajangersaasoqarsinnaanngorlugu. Pisussaaffiit pisinnaatitsinerimut aalajangersakkami atuutilersinneqarsinnaasut, suliffeqarfimmi tassa imaappoq sulinerup nalaani, nakuuserneq pillugu sulisitsisup pisussaaffii atuuttut assingissavai.

Inatsisip kapitaliani 12-mi pineqarpoq, Sullivinnik Nakkutilliisoqarfiup oqartussaqaarfittut suliassai piginnaasaalu. Siunnersuummi ammaanarpoq, aalajangersakkat Sullivinnik Nakkutilliisoqarfimmut paasissutissanik tunniussinerimut pisussaatitaaneq, Sullivinnik Nakkutilliisoqarfiup aalajangiisinnatitaanera annertusineqarsinnaasoq, sulinerimut atassuteqartumik sulinerup avataani nakuuserneq pillugu atuutsinneqalerluni, taamaalilluni sulinerimut atassuteqartumik sulinerup avataani nakuuserneq pillugu pitsaaliuinerimut iliuseqarnissamullu Sullivinnik Nakkutilliisoqarfik siunissami aalajangiinissamut il.il. periarfissinneqarluni.

Inatsisip kapitaliani 13-mi naammagittaalliorsinnaanermut tunngavoq. Pisinnaatitsissummut aalajangersagaq Sullivinnik Nakkutilliisoqarfiup aalajangiussaanut naammagittaalliorsinnaanermik annertusiinerimut

atorneqarsinnaavoq, suliffimmut attuumassuteqartumik sulinerup avataani nakuuserneq pillugu aalajangiinernut tunngatillugu naammagittaalliutinut.

Inatsisip kapitaliani 14-mi pinerluuteqarnermut inatsisitigut pineqaatissiinerit pineqarput. Pisinnaatitsissummut aalajangersagaq atorneqarsinnaavoq pinerluuteqarnermut inatsisitigut malittarisassani pineqaatissiissutit pillugit annertusiinermut, taamaalilluni malittarisassanik unioqquitsinernut imaluunniit suliffimmut attuumassuteqartumik sulinerup avataani nakuuserneq pillugu pitsaaliuinerit iliuusissanullu tunngatillugu Sullivinnik Nakkutilliisoqarfimmiit peqqusinerit malinneqarneri amigarpata, suliffimmut attuumassuteqartumik nakuuserneq pillugu pinerluttulerinermut inatsisitigut pineqaatissiineq assingalugu pineqaatissinneqarsinnaanngortillugu.

Tamanna isumaqarpoq pisinnaatitsissut sulinerup avataani nakuuserneq pillugu pitsaaliuinerit sulisitsisup pisussaaffinik aalajangersaanissamut atorneqarsinnaasoq, nakuuserfigineqarsinnaaneq sulisut sulinerannut ataqatigiittoqarpat. Sulisut sulinerit attuumassuteqartumik, sulinerup avataani nakuuserfigitissinnaaneq ilimanaateqanngippat, sulisitsisoq annerusumik iliuuseqassanngilaq, inatsisissatut siunnersuutaasumi pisinnaatitsissummi nassuiarneqartutut atuutilersinneqarpat.

Pisinnaatitsissut § 2 a, imm. 1-mi, sulisunik ikiueqqaarnermut malittarisassanik aalajangersaanermut atorneqassanngilaq, sulisut sulinerup avataani, suliffimmut attuumassuteqartumik nakuuserneqartunut.

Pisinnaatitsissut pisussaaffinik aalajangersaanermi atorneqarsinnaavoq, suliffeqarfimmi sulinerit pilersaarusiinermut, aqqissuussinermut ingerlatsinermullu atatillugu sulisitsisup kivitsisinaaneranut, pisussaaffiit taamaallaat pissutsinut tunngasinnaapput sulisitsisup atorsinnaasai. Pisussaaffiit aamma sulisunut nakuuserfigineqartunut kisimi tunngassuteqarsinnaapput. Taamaalilluni pisinnaatitsineq ammaassinngilaq, sulisitsisoq qanigisaasunut pisussaaffeqalissasoq, naak sulisup qanigisaanut sulisumut toqqaannanngittumik qanigisaali

aqqutigalugit suliffimmut attuumassuteqartumik nakuusertoqaraluartoq. Taamaalilluni sulisitsisoq pisussaaffilerneqanngilaq, sulisut ataasiakkaat aqqutigalugit suliffiup avataani suliffimmut attuumassuteqartumik nakuusertoqarneq pillugu pitsaaliuinnermut, tassani ilagitillugit aqqutigisartagaq, najugaq, sunngiffimmi sammisaq, ilaqutariinnermut tunngasut assigisaallu nammineq inuunermut tunngasut.

Pisinnaatitsissut aamma malittarisassanik aalajangersaanermut atorneqarsinnaavoq, sulinerup avataani nakuusernikkut sulisunit aqqunaanerit, sulinermi ajutoornermi sillimmatit inatsisaanni akuerineqarsinnaaneri, nakuuserneq sulinermut atassuteqarsimappat. Pisinnaatitsissut sullivimmi avatangiisit pillugit inatsisip aamma taarsiigivineqarnissamut maleruagassat nalinginnaasut akornanni pissutsinik allannguisoqarnissamik aallarniisoqanngilaq.

Siunnersuutigineqarpoq, pisut imm. 1-mi pineqartut pillugit najoqqutassanik sulisunillu siunnersuinnermut aamma suliffimmut attuumassuteqartumik sulinerup avataani nakuuserfigitinnerit politiiunut nalunaaruteqarnermi sulisunik ikiuinnermik neqerooruteqarnermut, sulisitsisoq aalajangersaanissamik pisussaaffiunut ministeri imm. 2-mi malittarisassanik aalajangersaanissaanut piginnaatinneqassasoq.

Tamanna isumaqarpoq, § 2 a, imm. 2, malittarisassanik aalajangersaanermut atorneqarsinnaasoq, sulisitsisup pissussaaffiunut aalajangersimasunut peqqusinnermut, sulisut innuttaasunut sullissinnermini kingunerisaanik suliffimmut attuumassuteqartumik sulinerup avataani nakuuserfigitinnissamut ilimanaateqarpat.

Pisinnaatitsissut siullertut periarfissiivoq, aalajangersakkanik atuutilersitsinnermik, sulisitsisusoq pisussaaffilerlugu, sulinermut attuumassuteqartumik sulinerup avataani nakuusernermut tamatumanngalu aallartisaanermut tunngasunik najoqqutassanik aamma naleqquttumik iliuseqarnissamut sulisunik siunnersuinnermut.

Najoqqutassanik sulisunullu siunnersuinnermut pisussaaffimmik atulersitsineq attuumassuteqarpoq, sulisummi sulinnermut attuumassuteqartumik, sulinerup avataani nakuuserfigitinnissamut ilimanaateqartumut, piareersimanissaannut pisariaqartinneqarmat, sulinerup avataani nakuusertoqarsinnaanera qanoq iliuseqarfiginissaa.

Pisinnaatitsinnermut aalajangersagaq, sulisitsisup qulakkeerinninnissaa pillugu malittarisassanik atuutsitsilernermit atorneqarsinnaavoq sulisunut sulinerup avataani nakuuserfigitissimasunut tamatumunngalu aallartisaataasut naleqquttumik iliuusissaannik siunnersorneqarnissaannut. Sulisitsisup pisussaaffini naammassisinnaassavaa, soorlu aaqqiagiinnginnermut pitsaaliuinnermik aaqqiagiinnginnermullu apparsaanermit attaveqatigiinneq pillugu siunnersuinissamik neqerooruteqarnikkut.

Sulisitsumiit siunnersuinnermut pisariaqartinneqarpoq, sulinerup avataani nakuusernermit iliuusissamut najoqqutassanik naleqquttunik atulersitsineq qulakkeerneqarnissaanik sulisitsisumut piumaffiginninneq. Najoqqutassat siunnersuinnermut isikkullit, aamma soorlu, sulisumiit innuttaasut naapinnerini, qanoq iliornikkut aaqqiagiinnginnermut ilimanaateqarneq, sulinerup avataani pisoq apparsarneqarsinnaanera, tassani ilagitillugit sullitanik pisiniartunilluunniit sulinerup avataani naapitsinnermi.

Siunnersuineq najoqqutassallu avissaartinneqarsinnaapput, sulisut suliffimmi aaqqiagiinnginnermut ilimanaateqartuni qanoq iliuseqarfigineqarsinnaanersoq. Tamanna peqquteqarpoq, sulinerup avataani, innuttaasumiit sulisoq orninneqarpat, siunertaajuaannarmat pisup piaarnerpaamik unitsinneqarnissaa. Sulisup sulinngiffimmini sulinnermut pissutsit pillugit aalajangiissanngillat, aalajngiinerit pillugit tunngavilersuissanngillat imaluunniit oqallisigissanngilaat. Paarlattuanik attaveqatigiinneq piaarnerpaamik naammassineqartariaqarpoq, aaqqiagiinnginneq pinaveersaarlugu.

Siunnersuineq najoqqutassallu aallaaveqartinneqartariaqarput, sulinermut naleqquttunngortillugit, sulisuni eqimattani, immikkoortorta qarfinni assigisaannilu, sulinerup avataani sulisunut ataasiakkaanut tunngasunuunngitsoq.

Aaqqiagiinnginnissamut ilimanaatilinni naleqquttumik iliuuseqarnissamut siunnersuineq aamma najoqqutassat sulisunut taamaallaat siunnersuutaassapput, sulisitsisormi sulisunut, sunngiffianni, ilitsersuinermik, najoqqutassiat siunnersuinerillu malinneqarnersut nakkutigissallugit pisussaaffigineqanngilaq.

Pisinnaatitsissut aappassaattut periarfissiivoq, aalajangersagaliornissamut, suliffiup avataani suliffimmut tunngassutilinnik nakuuserfigineqarsimaneq pillugu sulisut politii nut nalunaaruteqarneranni ikiorsiinermik neqerooruteqarnissaq pillugu sulisitsisoq pisussaaffilernissaanut. Ikiorsiinissamut piunasaqaataavoq sulisut nalunaaruteqarnermut ikiortikkusullutik kissaateqarnersut. Sulisunut tamanna ikorfartuutaassaaq, suliffeqarfik politii nut nalunaaruteqarnermi ikiuinissamik neqerooruteqarnera. Tamanna aamma peqataasinnaavoq, suliffiup avataani suliffimmut tunngassuteqartumik nakuusernerit pisut amerlanerit politii nut nalunaarutigineqartalerneranik.

Sulisunut ikiorsiissummik neqerooruteqarnermik pisussaaffik naammassineqassappat, sulisitsisumiit pisut eqqortut ilisimaneqartariaqarput, soorlu sulisumiit pineqartumiit.

Suliffiup avataani suliffimmut tunngassuteqartumik nakuuserfigitinnissamut ilamanaateqartillugu, suliffiup avataani suliffimmut tunngassuteqartumik nakuuserneq tamatumunngalu aallarnisarneq pillugu naleqquttumik iliuuseqarnissamut najoqqutassanik siunnersuinermillu aalajangersaanissamut pisussaaffik pinerluttulerinermut inatsisit malillugit pineqaatissiinernut malitseqartitsisinnaavoq.

Sulisuq pinerluttulerinermut inatsisit malillugit pineqaatissinneqassanngilaq.

Tamatuma saniatigut siunnersuutigineqarpoq § 2 a, *imm.* 3-mi pisinnaatitsissut eqqunneqassasoq, § 2 a, *imm.* 2 malillugu malittarisassat atuutilersinneqartut aamma inatsimmi kapitali 2-4-mi aamma 12-14-mi aalajangersakkani atuutilersinneqarnissaat pillugu suliffeqarnermut ministeri aalajangersaasinnaasoq.

Aalajangersakkat *imm.* 3-mi ilaatinneqarsinnaasut, aalajangersakkanut pisinnaatitsinermut *imm.* 1-mi aalajangersakkat assigai, tak. qulaani.

Inatsisissatut siunnersuummut oqaaseqaatini nalinginnaasuni *imm.* 2.1.2. innersuussutigineqarpoq.

Nr. 9-mut (Kapitali 2-mut qulequtaq)

Ullumikkut kapitali 2-mut qulequtaritinneqarpoq ”Sullivimmi isumannaallisaanermut peqqinnissamullu sulineq”.

Siunnersuutigineqarpoq *kapitali 2-mi qulequttap* allanngortinneqarnissaanik ”Sullivimmi isumannaallisaanermut peqqinnissamullu sulineq”-mik imaalillugu ”Isumannaallisaaneq peqqinnissarlu pillugit suleqatigiinneq”, taaguusersuutip nutaajusup malitsigaa, inatsisissatut siunnersuummi aallartinneqartoq. Najoqqutassamut nutaamut suleqatigiinneq qitiutinneqarpoq, aalajangiinissamut pitsaanerusumik tunngavissiimmat aalajangiussallu pitsaanerusumik piviusunngortinneqarsinnaammata .

Tamanna isumaqarpoq, suliffeqarfimmi isumannaallisaanermut peqqinnissamullu sulineq, sulisitsisup, sulinermilu aqutsisup sulisullu sinnerisa akunnerminni suleqatigiissutiginerannut kapitalip qulequtaa paasinarsaanermut ikorfartuutaammat.

Inatsisissatut siunnersuummut oqaaseqaatini nalinginnaasuni imm. 2.2.1. innersuussutigineqarpoq.

Nr. 10-mut (§ 3 b)

§ 3 b-mi aalajangersakkap siunnersuutaasup nutaap, suliffeqarfinni ataasiakkaani isumannaallisaaneq peqqinnissarlu pillugit sulineq sulisitsisup, sulinermi aqutsisup sulisullu sinnerisa suleqatigiinnikkut isumagineqarnera erseqqissarpaa. Kapitali 2 aalajangersakkap aallartippaa, isumannaallisaanermut peqqinnissamullu suleqatigiinneq pillugu, inatsiseqarnermilu tunngaviusunik erseqqissarlugu, suliffeqarfimmi avatangiisit isumannaatsut peqqinnartullu pilersinnissaat anguniarlugu sulisitsisoq, sulisut, sulinermilu aqutsisut suleqatigiissasut. Kapitali 2-mi suleqatigiinnerup isumaqassusaata naqissuserneqartup sullivimmi avatangiisit pillugit inatsimmi pisussaaffinnik akisussaaffinnillu naleqqussaaneq atuuttoq allanngortinngilaa.

Allanngortitsinissaq siunnersuutigineqartoq isumaqassaaq, suliffeqarfinni ataasiakkaani isumannaallisaanermut peqqinnissamullu sulineq pillugu inatsisip tunngavia, sulisitsisup, sulinermi aqutsisut, sulisullu sinnerisa suleqatigiinneratigut isumagineqartoq erseqqarinnerulerneranik.

Oqaaseqaatini nalinginnaasuni immikkoortoq 2.2.1. innersuussutigineqarpoq.

Nr. 11-mut (§ 4-mi qulequtaq)

§ 4-mi qulequtaq maannamut atuuttoq ”Inuttut attaveqatigiinneq” .

§ 4-mut *qulequtaq* allanngortinneqarnissaanik siunnersuutigineqarpoq, ”Inuttut attaveqatigiinneq”-miit imaalillugu; ”Sullivimmi avatangiisit pillugit aaqqissuussaaneq” allamik taaguusersuinerup kingunerisaanik, inatsisissatut siunnersuummi aallartinneqartoq.

Tamanna isumaqarpoq aalajangersagaq § 4-mi siunnersuutaasooq, suliffeqarfinni ataatsimiit qulingiluanik amerlassusilinnik sulisulinnisulisulinni siunissami sullivimmi avatangiisit pillugit inatsisip sullivimmi avatangiisit pillugit aaqqissuussami immikkoortuaniinnissaanik

kinguneqassaaq, naak suliffeqarfinni taamaattuni isumannaallisaaneq peqqinnissarlu pillugit sulineq piumasaqaataanngikkaluartoq.

Inatsisissatut siunnersuummut oqaaseqaatini nalinginnaasuni imm. 2.2.2. innersuussutigineqarpoq.

Nr. 12-mut (§ 4)

Inatsimmi § 4-p aalajangersagaani atuuttumi takuneqarsinnaavoq, suliffeqarfinni ataatsimiit qulingiluanik amerlassusilinnik sulisulinnisulisulinni, suliffeqarfiup isumannaallisaanermik peqqinnissamillu sulinera, sulisitsisup immaqalu sulinermi aqutsisut sulisullu sinnerisa akornanni attaveqatigiinnikkut ingerlanneqassasoq. Ilanngullugu takuneqarsinnaavoq, suliffeqarnermut ministeri isumannaallisaanermut aaqqissuussinerup sananeqarneranut malittarisassanik aalajangersaasinnaanera, tamanna immikkut piumasarineqarpat.

Aalajangersakkami § 4-mi siunnersuutaasumi, aalajangersakkami oqaatsinik nutarterinerinnaq pineqarpoq, allanillu piviusunngortitassanik allanngortoqarnissaanik siunertaqanngilaq.

Pisinnaatitsissut § 4-mi, assigiimmik suliaqarfinni aalajangersimasuni suliffeqarfinniluunniit ataatsimiit qulingiluanik amerlassusilinnik sulisulinnisulisulinni, sullivimmi avatangiisit pillugit aaqqissuussinerup sananeqarneranut malittarisassanik aalajangersarneqarnera suli atorneqassasoq naatsorsutigineqarpoq. Pisinnaatitsissut eqqarsaatigineqarpoq ilaatigut suliffiugallartut ilaannut tamanulluunniit aamma paarlakaattumik suliffinnut suliffeqarfiup avataani suliffiusunut, tassani ilagitillugit sanaartornermut illuliornermullu, malittarisassanik aalajangersaanermut atorneqarsinnaasoq.

Inatsisissatut siunnersuummut oqaaseqaatini nalinginnaasuni imm. 2.2.1. aamma 2.2.2. innersuussutigineqarput.

Nr. 13-mut (§ 5-imi qulequtaq)

§ 5-mut atuuttumut qulequtaq ullumikkut ”Isumannaallisaanermut aaqqissuussaaneq”-ruvoq.

Siunnersuutigineqarpoq § 5-mut *qulequtaq* atorunnaarsinneqassasoq.

Imaappoq, § 5-mi qulequtaqarunnaassaaq, § 5-milu § 4-mi qulequtaamilissamat.

Nr. 14-mut (§ 5)

Aalajangersakkami § 5-mi atuuttumi takuneqarsinnaavoq, suliffeqarfinni 10-nik amerlanerusunilluunniit sulisulinni, suliffeqarfimmi isumannaallisaanermut peqqinnissamullu sulinerat aaqqissuunneqassasoq. Aamma takuneqarsinnaavoq, immikkoortortami suliassaqarfimmiluunniit sulinermi aqutsisoq, isumannaallisaanermut sinniisoq peqatigalugu immikkoortortami suliassaqarfimmiluunniit isumannaallisaanermut suleqatigiissitamik pilersitsissasoq. Taamaalilluni suliffeqarfinni taama angissuseqartuni isumannaallisaanermi suleqatigiissitaqarsinnaapput arlalinnik. Sulisut immikkoortortanut suliassaqarfinnilluunniit tamanut sinniisumik toqqaassapput, isumannaallisaanermut suleqatigiissitamut ivertinneqartussanik, aamma isumannaallisaaneq peqqinnissarlu pillugit apeqqutinut tunngatillugu sinniisuussallutik. Sulisunut sinniisooq isumannaallisaanermut sinniisutut qinigaasinnaavoq.

Aalajangersagakkatut siunnersuummi § 5-mi, aalajangersarneqarpoq, suliffeqarfinni 10-34-nik sulisulinni, isumannaallisaaneq peqqinnissarlu pillugit suleqatigiinneq aaqqissuunneqassasoq sullivimmi avatangiisit pillugit aaqqissuussaq ataatsimik qaffasissuseqartoq, inuttaqartinneqartussaq sulisut sinniisaannik ataatsimik arlalinnilluunniit sulisunit sulisut akornanni toqqagaasut aamma sulinermi aqutsisut sinniisaannik ataatsimik arlalinnilluunniit sulisitsisumit toqqagaasut, sulisitsisoq tassungaluunniit sinniisoq siulittaasuulluni. Siulittaasoq sullivimmi avatangiisit pillugit apeqqutinut tunngatillugu sulisitsisoq sinnerlugu iliuseqartussaavoq. Ilaasortat amerlassusaat aalajangersarneqassapput, aalajangersakkami allanngortinneqarnissaanik siunnersuummi § 6 a malillugu, aamma ilaasortat pingasuniit amerlanerusinnaallutik. Suliffeqarfimmi sulinermi aqutsisoqanngippat, ataatsimiititaliami sulisitsisoq tassunga atuutissaaq.

Ilanngullugu aalajangersakkami siunnersuutigineqartumi aalajangersarneqassaaq, sullivimmi avatangiisit pillugit aaqqissuussaneq ataatsimik qaffasissuseqartoq, ulluinnarni sullivimmi avatangiisit pillugit suliassat pingaernerillu, tassa imaappoq, suliassat pilersaarutigineqartut ataqatigiissaakkallu. Isumannaallisaanermi aaqqissuussaanerup (sullivimmi avatangiisit pillugit aaqqissuussaanerup tak. oqaaseqaatit nalinginnaasut, imm. 2.2.1.3. allanngortinneqartussatut siunnersuutaasoq) suliassai SIO pillugu nalunaarummi aalajangersagaapput. Ilaasortani ataaseq najuutinngippat, sullivimmi avatangiisit pillugit aaqqissuussaq ullumikkutuut ilaasortat sinnerinik inuttaqartinneqassaaq.

Allanguutissatut siunnersuut isumaqassaaq, sullivimmi avatangiisit pillugit aaqqissuussaq suliffinni 10-34-nik sulisulimmi, ataatsimik qaffasissuseqartillugu aaqqissuunneqassaaq. Allanguutissatut siunnersuut isumaqassaaq, siunissami isumannaallisaanermik suleqatigiissitamik ataatsimik (sullivimmi avatangiisit pillugit suleqatigiissitaq, tak. oqaaseqaatit nalinginnaasut 2.2.1.3, allanngortinneqarnissaanik siunnersuutaasoq) maannakkutuut immikkoortortaqarfiit suliassa qarfiillu tamarmik immikkut, sullivimmi avatangiisit pillugit sinniisut, sulinermilu aqutsisut amerlassusai qanitaqarnermut tunngaviusoq nutaaq malillugu aalajangerneqassapput, aalajangersakkatut siunnersuutigineqartoq § 6 a (inatsisissatut siunnersuummi nr. 17).

Inatsisissatut siunnersuummut oqaaseqaatini nalinginnaasuni imm. 2.2.3. innersuussutigineqarpoq.

Nr. 15-mut (§ 6, imm. 1)

Inatsimmi § 6, imm. 1-mi aalajangersakkami atuuttumi takuneqarsinnaavoq, suliffeqarfinni 20-nik amerlanerusunilluunnit sulisulinni, taamaattoq tak. aalajangersakkami atuuttumi § 7, imm. 7-mi, isumannaallisaaneq pillugu ataatsimiititaliortoqassaaq. Suliffeqarfik isumannaallisaaneq pillugu suleqatigiissitamik ataatsimik marlunnilluunniit pilersitaqarpat, isumannaallisaaneq pillugu suleqatigiissitani ilaasortaasut aamma suliffeqarfiup aqutsisua akisussaasutulluunniit sinniisoq

isumannaallisaaneq pillugu ataatsimiititaliami ilaasortaassapput. Arlalinnik isumannaallisaaneq pillugu suleqatigiissitanik pilersitsisoqarnerani, isumannaallisaanermut suleqatigiissitani isumannaallisaanermut sinniisut ilaasortassanik marlunnik akunnerminni toqqaassapput aamma isumannaallisaanermut suleqatigiissitani sulinermi aqutsisut akunnerminni ilaasortassanik marlunnik toqqaassallutik isumannaallisaaneq pillugu ataatsimiititaliami ivertinneqartussat, tassungalu suliffeqarfimmi aqutsisoq taassumunngaluunniit akisussaasutut sinniisoq ivertinneqarluni. Isumannaallisaaneq pillugu ataatsimiisitaliaq suliffeqarfiup iluani isumannaallisaaneq peqqissuunerlu pillugit sulinermi pilersaarusionermik, aqutsinermik, siunnersuineramik, paasissutissiinermillu kiisalu nakkutilliinermik ingerlatsissaaq.

Aalajangersakkamik § 6, *imm. 1-mik* allannguutissatut siunnersuut malitseqarpoq, suliffeqarfinni 35-nik amerlanerusunilluunniit sulisulinni, isumannaallisaaneq peqqinnissarlu pillugit suleqatigiinneq imatut aaqqissuunneqassasoq, sullivimmi avatangiisit pillugit aaqqissuussaqaq qaffasissusiligaaq pilersinneqassasoq.

Aalajangersakkamik § 6, *imm. 1, nr. 1-mik* allannguutissatut siunnersuut malitseqarpoq, ulluinnarni isumannaallisaaneq peqqinnissarlu pillugit suliassanik isumaginnittussanik suleqatigiissitanik ataatsimik arlalinnilluunniit pilersitsisoqarneranik. Suleqatigiissitat tamarmik ataatsimik sullivimmi avatangiisit pillugit qinikkamik sinniisoqassapput, sulisut akunnerminni toqqagaat ataaseq, sulinermi aqutsisunit ataaseq, sulisitsisumit toqqarneqartoq. Suleqatigiissitat amerlassusaat aalajangerneqassapput sullivimmi avatangiisit pillugit sinniisut sulinermilu aqutsisut amerlassusaannit, taakku aalajangersarneqarlutik § 6 a malillugu.

Aalajangersakkamik § 6, *imm. 1, nr. 2-mik*, allannguutissatut siunnersuut malitseqarpoq, sullivimmi avatangiisit pillugit suleqatigiissitanut ilaasortat akornanni ataatsimiititaliamik ataatsimik arlalinnilluunniit pilersitsisoqarnissaanik, taakkunani ilaasortanit pingaarnertut suliassat, tassa imaappoq suliassanik pilersaarusionermik ataqatigiissaarinermillu

isumaginnittussat. Suliffeqarfimmi ulluinnarni suliassanut isumaginnittussanik suleqatigiissitanik ataatsimik marlunnilluunniit pilersitsisoqarpat, ataatsimiititaliaq ilaasortaqaassaaq, suliffeqarfimmi suleqatigiissitap suleqatigiissitalluunniit ilaasortaanit, sulisitsisoq imaluunniit taassumunnga sinniisoq ataatsimiisitaliami siulittaasutut atuutissalluni. Suleqatigiissitanik arlalinnik pilersitsisoqarnerani, sullivimmi avatangiisit pillugit sinniisut ilaasortassanik marlunnik akunnerminni toqqaassapput aamma sulinermi aqutsisut akunnerminni ilaasortassanik marlunnik toqqaassallutik ataatsimiititaliami ivertinneqartussat. Ataatsimiititaliamik ataatsimik arlalinnilluunniit pilersitsisoqarsinnaavoq. Ataatsimiititaliami siulittaasoq tassaavoq sulisitsisoq imaluunniit taassumunnga sinniisoq. Siulittaasoq sullivimmi avatangiisit pillugit apeqqutinut tunngatillugu sulisitsisoq sinnerlugu iliuuseqartussaavoq.

Allanguutissatut siunnersuutit malitseqassapput, siunissami suliffeqarfiup marlunnik qaffasissusilimmik sullivimmi avatangiisit pillugit aaqjissuussanik peqalernissaa, suliffeqarfik 35-nik amerlanerusunilluunniit sulisoqarpat, imaangitsoq 20-nik amerlanerusunilluunniit sulisoqareerpat.

Inatsisissatut siunnersuummut oqaaseqaatini nalinginnaasuni imm. 2.2.3. innersuussutigineqarpoq.

Nr. 16-mut (§ 6, imm. 2, 1. naggat.)

§ 6, imm. 2-mi inatsimmi aalajangersakkami atuuttumi takuneqarsinnaavoq, Sullivinnik Nakkutilliisoqarfimmiit nakkutilliisup suliffeqarfimmut pulaarnermi, akuttunngitsunik suliffeqarfiup aqutsisuinut taassumunngalu isumannaallisaanermut sinniisuinut, isumannaallisaanermut suleqatigiissitanut aamma isumannaallisaanermut ataatsimiisitaliami ilaasortanut attaveqartarnissaa. Ilanngullugu takuneqarsinnaavoq, taakku isumannaallisaanermut peqqinnissamullu tunngasunik Sullivinnik Nakkutilliisoqarfimmut apeqquteqarnissamut pisinnaatitaasut.

Aalajangersakkamik § 6, imm. 2, oqaaseqatigiinni siullerni allannguutissatut siunnersuut malitseqarpoq, ”isumannaallisaanermut sinniisut” allanngortinneqassasoq imaalillugu ”sullivimmi avatangiisit pillugit sinniisut” aamma ”isumannaallisaanermut suleqatigiissitat isumannaallisaanermullu ataatsimiititalianut sinniisut” allanngortinneqassasut imaalillugu ”sullivimmi avatangiisit pillugit suleqatigiissitat aamma sullivimmi avatangiisit pillugit ataatsimiititaliaq”.

Aalajangersakkamik § 6, imm. 2, oqaaseqatigiinni siullerni allannguutissatut siunnersuut taaguusersuineramik allannguineramik kinguneqassaaq. Allannguutissatut siunnersuut inatsisitigut inissisimanernik allannguineqassanngilaq.

Inatsisissaatut siunnersuummi oqaaseqaatini nalinginnaasuni imm. 2.2.1.3. innersuussutigineqarpoq.

Nr. 17-mut (§ 6 a aamma § 6 b)

§ 6 a-mut

§ 6 a-mi aalajangersagaq siunnersuut nutaaq malitseqarpoq, sulisitsisup, sulisut sulinermilu aqutsisut suleqatigalugit aalajangiissasut, suleqatigiissitat aamma sullivimmi avatangiisit pillugit aaqqissuussaanermi ilaasortat amerlassusissaat qanissutsimi pissutsit aallaavigalugit. Sullivimmi avatangiisit pillugit aaqqissuussami sullivimmi avatangiisit pillugit sinniisut amerlassusaat sulinermi aqutsisut amerlassusaat assingissavaat.

Aalajangersagaq § 6 a siunnersuut kinguneqassaaq, sullivimmi avatangiisit pillugit suleqatigiinnermik aaqqissugaasumi suleqatigiissitanik pilersitsinermi sulinermi aqutsisoqarfiit kisimik aallaaviusarunnaarnissaannik. Paarlattaanik sulisitsisup, sulinermi aqutsisut sulisullu sinnerinit suleqatigiillutik, sullivimmi avatangiisit pillugit aaqqissuussaanermi sullivimmi avatangiisit pillugit sinniisut aamma sulinermi aqutsisut amerlassusaat qanissutsimi pissutsit aallaavigalugit

aalajangersaaneqassaaq. Tamanna malitseqarpoq, suliffeqarfik aamma sullivimmi avatangiisit pillugit pissutsit eqqarsaatigalugit amerlassutsinik aalajangiisoqassasoq aamma sulisut sullivimmilu avatangiisit pillugit aaqqissuussaannermi ilaasortanut attaveqarnissamut periarfissaannut tunngasut. Siunertaavoq qulakkiissallugu, sullivimmi avatangiisit pillugit aaqqissuussaannerup annertussusaa suliffeqarfiup aaqqissuussaananut aamma sullivimmi avatangiisnut suliassanut tulluartaunissaa, sullivimmi avatangiisit pillugit pingaarutilimmik allanngortoqassagaluarpat nalimmassarneqarsinnaalluni. Suliffeqarfiup eqqarsaatigineqarnissaa kinguneqarpoq, suliffeqarfiup angissusaanik, aqutsisoqarnikkut aaqqissuussaananik, sumiiffianik aamma suliffeqarfimmi assigiiaamik assigiingitsukkaartumilluunniit suliagarfiuneranik nalilersuinermik. Suliffeqarfiup avatangiisit pillugit pissutsinut tunngatillugu eqqarsaatigineqarnissaa kinguneqarpoq, ilaatigut suliassat suunerinik, ulorianassutsinik aamma sulisunut isumannaallisaanermut peqqinnissamullu tunngatillugu navianaataasinnaasut nalilersuinermik.

Sullivimmi avatangiisit pillugit aaqqissuussaaneq naammattumik piffissaqarfigineqassaaq, isumalluuteqarluni suliassallu naammassinnaanut periarfissaqarluni. Ilanngullugu sulinermi aqutsisut amerlassusai aqqutigalugit suliffeqarfiup nioqqutissiorneranut tunniussinnaasaanullu il.il. ilisimasat qulakkeerseqassapput.

Ilanngullugu amerlassusaaq aalajangiunneqassaaq, sulisut sullivimmi avatangiisit pillugit sinniisunut attaveqarnissamut periarfissaqarnissaat eqqarsaatigalugu, aamma sulisut sullivimmilu avatangiisit pillugit aaqqissuussaannermut ilaasortat periarfissaqarnissaat suliffimmi avatangiisit pillugit oqaloqatigiinnissamut sulisut sulinerisa nalaanni. Tamanna suliffimmi paarlakaalluni sulisunut aamma angerlarsimaffimmi/suliffiullu avataani sulinermut aamma atuuppoq. Pingaaruteqarpoq sulisut attaveqartarnissamut periarfissaqarnerannut sullivimmi avatangiisit pillugit aaqqissuussaannermi ilaasortat sulisunit saaffiginnissutinut namminnerlu ujartuinissamut piffissaqarnissaat. Aamma pingaaruteqarpoq, sulisut ilisimassagaat, sullivimmi avatangiisit pillugit aaqqissuussanermi ilaasortat

kikkuunerini, aamma sulisut sullivimmi avatangiisit pillugit ilaasortat pillugit attaveqarnissamut paasissutissaatigineri.

Attaveqarneq pisinnaavoq, inuttut, oqarasuaatikkut elektroniskimilluunniit, soorlu mailikkut. Sullivimmi avatangiisit pillugit sinniisut imaluunniit sullivimmi avatangiisit pillugit aaqqissuussaanermi ilaasortat allat peqanngippata, periarfissaqartariaqarpoq sulisoq piffissamik isumaqatigiissuteqarnissaminut, sullivimmi avatangiisit pillugit pissutsit pillugit, sulisup sulinerup nalaani oqaloqatiginninnissaminut. Oqaloqatigiinneq sullivimmi avatangiisit pillugit aaqqissuussaanermut attaveqarnera ulloq taanna eqqorlugu pisariaqanngilaq, kisianni ullut marlussuit iluini pisinnaasariaqarluni.

Suliffeqarfimmi sulisut tamarmik sullivimmi avatangiisit pillugit aaqqissuussaanermi peqataasussaapput. Ima paasillugu, angerlarsimaffimmiit, ungasiamiilluunniit sulisut, holdikkaarlutik sulisut, suliffiusumiluunniit allami suliffeqarfiup avataani adressilimmi, sullivimmi avatangiisit pillugit aaqqissuussaanermi peqataasussaapput.

§ 6 b-mut

§ 6 b, imm. 1-mi aalajangersagaq nutaaq siunnersuut kinguneqarpoq, sulisitsisoq sulisut, sulinermilu aqutsisut suleqatigalugit isumannaallisaanerup peqqinnissallu imarisaata ukiut tamaasa piareersarneqartassaaq, qanorlu tamanna ingerlanneqassanersoq aalajangersarlugu. Suliffeqarfimmi sullivimmi avatangiisit pillugit aaqqissuussaanermik pilersitsisoqarpat, sullivimmi avatangiisit pillugit aaqqissuussaanermi ilaasortat suleqatigineqassapput, sullivimmi isumannaallisaanermut aaqqissuussaanermut ilaasortat suleqatigalugit pisareersarneqartassalluni.

§ 6 b, imm. 1-mi aalajangersagaq siunnersuutigineqartoq kinguneqassaaq, sulisitsisup isumagisassavaa ukiut tamaasa oqallinneq sullivimmilu avatangiisit pillugit aaqqissuussaq suleqatigalugu – imaluunniit suliffeqarfimmi sullivimmi avatangiisit pillugit aaqqissuussaanermik peqataatinnagu sulinermi aqutsisut sulisullu allat suleqatigalugit.

§ 6 b, *imm.* 2-mi, aalajangersagaq nutaaq siunnersuut kinguneqarpoq, ukiut tamaasa sulisitsisup sulisut sulinermilu aqutsisut peqatigalugit suliffeqarfimmi sullivimmi avatangiisit pillugit ilisimasaqarneq pisariaqartoq pigineqarnersoq oqallisigisassavaa. Aalajangersakkamik siunnersuuteqarnermi qulakkeerneqassaaq, sulinermi aqutsisut sulisullu suliffeqarfimmi sullivimmi avatangiisinut ilisimasaqarneq pisariaqartoq pillugu ilanngussaqaarsinnaanerannik. Avataaniit ilisimasalimmik ikiorteqarnermik pissarsinissaq sulisitsisup sulii aalajangiiffigisussaavaa, tak. aalajangersakkamut siunnersuut § 10-miittoq, sullivimmilu isumannaallisaaneq peqqinnissarlu eqqarsaatigalugit avatangiiseqarneq tamakkiisumik illersorsinnaasariaqartoq sulisitsisup pingaarnertut akisussaaffigalugu.

Aalajangersagaq siunnersuutigineqartoq § 6 b, *imm.* 3-mi, nutaami *imm.* 1-2 malillugu sulisitsisup pisussaaffii pillugit erseqqarinnerusunik aalajangersagaliornissamut pisinnaatitsissut.

Aalajangersakkap siunnersuutip § 6 b, *imm.* 3-miittup kingunerissavaa, suliffeqarnermut ministeri ukiumoortumik suliffeqarfimmi isumannaallisaaneq peqqinnissarlu pillugit suleqatigiinnermut oqaloqatigiinnissaq kiisalu suliffeqarfimmi sullivimmi avatangiisit pillugit ilisimasaqarnissaq pisariaqartoq pillugit sulisitsisup pisussaaffiinik aalajangersaanissaq. Siunertarineqarpoq ukiumoortumik oqaloqatigiinnermi imarisassai pillugit nalunaarummi erseqqarinnerusumik aalajangersaasoqarsinnaasoq, tassani ilagitillugit suleqatigeeriaatsit ataatsimiinnerillu akuttussusaat, ukiumut qaangiuttumut anguniakkat anguneqarsimanerini kiisalu ukiumut aggersumut suleqatigiinnermi anguniakkanut aalajangiussinerit. Tamatuma saniatigut siunertaavoq, ukiumoortumik oqaloqatiginninnerit qanoq annertutigisumik qanorlu uppersaaserneqarnissaanut aalajangersaanermut pisinnaatitsissutaasup atorneqaarsinnaaneranut. Aamma siunertaavoq, suliffeqarfinni avatangiisit pillugit aaqquussaqarfiusunut, pisinnaatitsissut malittarisassanik aalajangersaanermut atorneqaarsinnaanera, suliffeqarfimmi sullivimmi

avatangiisit pillugit pisariaqartumik ilisimasaqarnermik peqarnersoq pillugu sullivinni avatangiisit pillugit aaqqissuussisut oqaloqatigiinnermi peqataasussaammata.

Inatsisissatut siunnersuummut oqaaseqaatini nalinginnaasuni imm. 2.2.2. aamma 2.2.3 innersuussutigineqarput.

Nr. 18-mut (§ 7, imm. 1-2)

Inatsisip aalajangersagaani § 7, imm. 1-mi takuneqarsinnaavoq, suliffeqarnermut ministeri erseqqarinnerusunik malittarisassanik aalajangersaasinnaasoq, suliffeqarfiup isumannaallisaaneq peqqinnissarlu pillugit sulinerata sananeqarneranut atuuffianullu, tassani ilagitillugit isumannaallisaanermut sinniisunik toqaarnermut, pisinnaatitaaffiitut pisussaaffiinullu, isumannaallisaanermut suleqatigiissitanik ataatsimiititalianillu pilersitsinermut taakkualu suliassaannut kiisalu isumannaallisaanerup ulluinnarni aqunneqarneranut malittarissat.

Aalajangersakkami § 7, *stk. 1*-mi siunnersuummi takuneqarsinnaavoq, suliffeqarnermut ministeri erseqqarinnerusunik aalajangersaasinnaasoq, suliffeqarfimmi sullivimmi avatangiisit pillugit aaqqissuussaanera qanoq sananeqassanersoq qanorlu atuutissanersoq, sullivimmi avatangiisit pillugit aaqqissuussami ilaasortat amerlassusaat qanoq aalajangersarneqassanersoq, sullivimmi avatangiisit pillugit sinniisunik qinersineq sulinermilu aqutsisunik qinersineq toqqaanerlu kiisalu sullivimmi avatangiisit pillugit aaqqissuussaanermi suliassat aamma sullivimmi avatangiisit pillugit aaqqissuussaanermi ilaasortat pisinnaatitaaffii pisussaaffiilu.

Eqqarsaataavoq pisinnaatitsissut aamma atorneqassasoq aalajangersaanernut:

- § 6 a malillugu sullivimmi avatangiisit pillugit aaqqissuussaanermut ilaasortat amerlassusaannik aalajangiussinermi piumasagaatit ilaatinneqartussanut,

- sullivimmi avatangiisit pillugit sinniisunik qinersinermut sulinermilu aqutsisunik toqqaanermut qinersinermulluunniit malittarisassanut,

- §§ 5-6 a malillugu suliffeqarfiup sullivimmik avatangiisit pillugit aaqqissuussaanermik pilersitsinissaq siunertaralugu suliffeqarfimmi sulisut amerlassusaannik nalunaarsuinermit malittarisassanut,
- sullivimmi avatangiisit pillugit aaqqissuussaanermi suliassanut, kiisalu
- sullivimmi avatangiisit pillugit aaqqissuussaanermit ilaasortat pisinnaatitaaffiit pisussaaffinullu.

Siunertarineqarpoq sulisitsiup toqqassagai sulinermit aqutsisut sullivimmi avatangiisit pillugit aaqqissuussaanermit ivertinneqartussat § 5 aamma suleqatigiissitani § 6, nr.

Sulinermit aqutsisussatut toqqarneqartut sinniisunik akunnerminni toqqaassapput, § 6, nr. 2 malillugu ataatsimiititaliami ivertinneqartussat.

Inatsisissatut siunnersuummut oqaaseqaatini nalinginnaasuni imm. 2.2.3. innersuussutigineqarpoq.

Inatsimmi § 7, imm. 2-mi aalajangersakkami atuuttumi takuneqarsinnaavoq, suliffeqarnermit ministeri sullivinnik avatangiisit pillugit ilinniartitaaneq pillugu malittarisassanik aalajangersaasinnaasoq, tassani ilagitillugit sanaartornermi illuliornermilu isumannaallisaaneq peqqinnissarlu pillugit sulinermit ataqatigiissaarisunut sullivinnik avatangiisit pillugit ilinniartitaaneq, ilinniartitsisut piginnaasaat aamma ilinniakkamik ingerlatsisunik pitsaassutsimik qulakkeerinnineq.

Siunnersuutigineqarpoq 7, imm. 2 atorunnaarsinneqassasoq, aalajangersakkap imarisaa siunnersuummi nutaami § 9 a, imm. 2-mut ingerlateqqinneqarnera pissutigalugu, tassunga inissinneqarnera pissusissamisoorpalaarnerummat.

Inatsisissatut siunnersuummut oqaaseqaatit nalinginnaasuni imm. 2.2.4.3. innersuussutigineqarpoq.

Nr. 19-mut (§ 7, imm. 3, oqaaseqatigiit siulliit)

Inatsimmi § 7, imm. 3, oqaaseqatigiit siulliit aalajangersagaani atuuttumi takuneqarsinnaavoq, suliffeqarfiup sulisullu akornanni isumaqatigiissut malillugu avatangiisit pillugit apeqqutit suliffeqarfimmut toqqaannartumik attuumassutillit isumannaallisaanermut aaqqissuussap suliassaannut ilaatinneqalerlugit annertusineqarsinnaasut.

Aalajangersagaq siunnersuutigineqartoq § 7, imm. 3, oqaaseqatigiit siulliit imm. 2, oqaaseqatigiit siullernut nuunneqartoq imaalillugu "Isumannaallisaanermut aaqqissuussaannerup" allanngussaaq imaalillugu "Sullivimmi avatangiisit pillugit aaqqissuussaannerup."

Tamanna isumaqarpoq, aalajangersagaq imarisamigut inatsisini § 7, imm. 3, 1. naggat-mi atuuttumi assigiinnalermagu. Oqaatsit atukkat inatsisissatut siunnersuummi nutarterneqarnerisigut allanngortinneqarput. Siunnersuut inatsisit inissisimanerinek allannguinnissamik siunertaqanngilaq.

Inatsisissatut siunnersuummut oqaaseqaatini nalinginnaasuni imm. 2.2.1.3. innersuussutigineqarpoq.

Nr. 20-21-mut (§ 7, imm. 4)

Inatsimmi § 7, imm. 4-mi aalajangersagaani atuuttumi malitseqarpoq, suliffeqarfiup isumannaallisaaneq peqqinnissarlu pillugit aaqqissuussaannerup patajaallisarneqarnissaa siunertaralugu malittarisassanik pilersitsisoqarsinnaavoq, avatangiisit pillugit aaqqissuussinermik pilersitsinissamik inatsimmi §§ 5 aamma 6, imm. 1-ni malittarisassat atuuttut, saneqqunneqarsinnaapput, suliffeqarnermut ministerimit piumasaaqatit aalajangersarneqartut malillugit, inatsimmi § 7, imm. 4, nr. 1 aamm 2 malillugu isumaqatigiissusiortoqarsimappat.

§ 7, imm. 4-mi aalajangersagaq siunnersuutigineqartoq malitseqarpoq, imm. 3-mi "isumannaallisaanermut peqqinnissamullu sulineq" allanngortin-

neqassasoq imatut ”isumannaallisaaneq peqqinnissarlu pillugit suleqatigiinneq”. Ilanngullugu allanngortitsenerup kingunerisaanik siunnersuutigineqarpoq ”§5 aamma § 6, imm. 1” imaalillugit ”§5, §6, imm. 1, § 6 a aamma § 6, imm.1”.

Tamanna isumaqarpoq, § 7, imm. 4-mi aalajangersagaq siunnersuutaasoq, imm. 3-nngortoq, imarisamigut assigiinnassagaa inatsisip atuuttup § 7, imm. 4. Taaguusersuinikkulli allanngortoqarpoq, inatsisissatut siunnersuummi takuneqarsinnaavoq, aalajangersakkallu kingunerisassaanut aalajangersakkanut tamanut atatillugu iluarsineqarlutik. Piviusunngortitassanik allannguinerik siunertaqartoqanngilaq.

Inatsisissatut siunnersuummut oqaaseqaatini nalinginnaasuni imm. 2.2.1.3. innersuussutigineqarpoq.

Nr. 22-mut (§ 7, imm.7)

Aalajangersakkami inatsimmi § 7, stk. 7-ni atuuttumi takuneqarsinnaavoq, suliffimmut, suliffinnut tunngasuni imaluunniit suliffigisami, malittarisassani § 5, § 6, imm. 1, aamma § 8, imm. 3 malillugit, isumannaallisaaneq pillugu sulinermik ineriartortitsinissamik piumasaqaataanngitsumi imaluunniit naleqqutinngitsumi, pissutsit immikkuullarinneri pillugit malittarisassat suliffeqarnermut ministerimiit pinngitsoortinneqarsinnaapput imaluunniit naleqqussarneqarsinnaallutik.

§ 7, stk. 7-mi aalajangersakkap siunnersuutaasup malitsigaa, imm. 6-mi ”isumannaallisaaneq pillugu sulineq” allanngortissasoq ”isumannaallisaneq peqqinnissarlu pillugit suleqatigiinneq”, ”1,-p kingorna ikkunneqassasoq ”§ 6 a, § 6 b, imm. 1,” aamma ”imaluunniit pissutsit immikkut ittut malillugit sakkukillileriviginnissinnaalluni” atorunnaarluni.

Aalajangersagaq siunnersuutigineqartoq § 7, imm. 7, imm. 6-nngortumi, imarisaatigut assigaa inatsisip § 7, imm. 7-ani atuuttumi. Oqaasertai allanngortinneqassapput taaguusersuineq nutaaq atorlugu, aalajangersagarlu naqqiinerik kinguneqassaaq, aalajangersakkani tamani.

Tamatuma saniatigut aalajangersagaq kingulliup ilaa naleqqussarneqassaaq, naleqqussarneqarsinnaaffiini pisunut immikkuullarissunut isigineqassaaq pinngitsoorneqarsinnaanerani, imaappoq, immikkut akuerineqarneratigut. Piviusunngortitassanik allannguineramik siunertanik soqanngilaq.

Inatsisissatut siunnersuummut oqaaseqaatini nalinginnaasuni imm. 2.2.1.3. innersuussutigineqarpoq.

Nr. 23-26-mut (§ 8, imm. 1-4)

Inatsisip § 8, imm. 1-4-ni aalajangersakkami atuuttumi takuneqarsinnaavoq, isumannaallisaanermut suleqatigiissitanut aamma isumannaallisaanermut ataatsimiititalianut tunngasuni sulisitsisoq pisussaaffeqartoq arlalinnik.

Aalajangersakkani § 8, *stk. 1-4*-mi, allannguutissatut siunnersuutit malitseqarput, “isumannaallisaanermut ataatsimiititaliaq” imatut allanngortinneqassasoq “sullivimmi avatangiisit pillugit ataatsimiititaliaq”, “isumannaallisaanermut suleqatigiissitat” allanngortinneqassapput imaalillugit “sullivimmi avatangiisit pillugit suleqatigiissitat”, ”isumannaallisaanermut sulineq” allanngortinneqassaaq imatut “sullivimmi avatangiisit pillugit sulineq”, “isumannaallisaanermut ataatsimiititaliaq” allanngortinneqassaaq imaalillugu “sullivimmi avatangiisitnut ataatsimiititaliaq” aamma “isumannaallisaaneq peqqinnissarlu” imaalillugu allanngortissaaq “sullivimmi avatangiisit”.

Aalajangersakkami § 8, imm. 1-4-mi, allannguutissatut siunnersuut taamaallaat malitseqassaaq, oqaatsitigut allannguineramik, inatsisissatut siunnersuummi taaguusersuineq nutaaq malillugu.

Inatsisissatut siunnersuummut oqaaseqaatini nalinginnaasuni imm. 2.2.1.3 innersuussutigineqarpoq.

Nr. 27-mut (§ 8, imm. 5)

Aalajangersagaq § 8, *imm.* 5, siunnersuutaavoq nutaaq. Aalajangersakkami aalajangiunneqarpoq, sullivimmi avatangiisit pillugit ataatsimiisitaliaq aamma sullivimmi avatangiisit pillugit suleqatigiissitat suleqatigiinnerminni ataqatigiissaarinissaat sulisitsisup periarfississagai.

Aalajangersakkami § 8, *imm.* 5-mi, siunnersuut malitseqassaaq, sullivimmi avatangiisit pillugit ataatsimiisitaliaq aamma sullivimmi avatangiisit pillugit suleqatigiissitat suleqatigiinnerminni ataqatigiissaarinissaat sulisitsisup periarfissiinera erseqqissarneqarnera. Tamanna malitseqarpoq ilaatigut, ataqatigiissaarineq sulinerup nalaani pisassasoq, sullivimmi avatangiisit pillugit ataatsimiisitaliaq sullivimmilu avatangiisit pillugit suleqatigiissitat suleqatigiinnerat ataqatigiissaarneqarnissaannut periarfissaqarnissaat, soorlu ataatsimiinnerni, oqarasuaatikkut, e-mailikkut attaveqatigiinnerni il.il.

Inatsisissatut siunnersuummut oqaaseqaatini nalinginnaasuni *imm.* 2.2.4. innersuussutigineqarpoq.

Nr. 28-31-mut (§ 9, *imm.* 1-3)

Inatsimmi § 9, *imm.* 1-mi aalajangersakkami atuuttumi takuneqarsinnaavoq, isumannaallisaanermut sinniisut suliaannut, isumannaallisaanermut sinniisut aningaasarsiatigut annaasanut ajunngitsorsiassanut sulisitsisumit aningaasartuutigineqassasut, tassani ilagitillugit isumannaallisaanermut pikkorissarnernut pisariaqartunut peqataanernut il.il. aningaasartuutit isertitanillu annaasat. Assigisaanik atuuppoq, sulinermi aqutsisut isumannaallisaanermut pikkorissarnernut il.il. peqataasarnissaat pisariaqartoq. Takuneqarsinnaavoq inatsimmi § 9, *imm.* 2-mi aalajangersakkani atuuttuni, isumannaallisaanermut aaqqissuussinermut ilaasortat ilinniartitaaneranni aningaasartuutit tamakkiisumik imaluunniit ilaannik matussusiineq pillugu naalagaaffiup tapiissuteqarnissaanut suliffeqarnermut ministeri malittarisassanik aalajangersaasinnaasoq. Inatsimmi § 9, *imm.* 3-mi, aalajangersakkami atuuttumi takuneqarsinnaavoq, isumannaallisaanermut aaqqissuussaaneermut ilaasortat soraarsitaanissamut

allatulluunniit millisaaffigineqarnermut illersugaanerat, sulisunut sinniisut suliamut tunngatillugu suliassa qarfimmu assigisaanulluunniit oqaaseqartartut assinganik.

§ 9, imm. 1-3-mi aalajangersakkani allannguutissatut siunnersuutit malitseqarput, "isumannaallisaanermut sinniisup" allanngortinneqassaaq "sullivimmi avatangiisit pillugit sinniisup", "isumannaallisaanermut sinniisop" allanngortinneqassaaq "sullivimmi avatangiisit pillugit sinniisop" "isumannaallisaanermut pikkorissarnerit" allanngortinneqassaaq "sullivimmi avatangiisit pillugit pikkorissarnerit", "isumannaallisaanermut aaqqissuussaanerup" allanngortinneqassaaq "sullivimmi avatangiisit pillugit aaqqissuussaanerup" aamma "isumannaallisaanermut aaqqissuussaaneq" allanngortinneqassaaq "sullivimmi avatangiisit pillugit aaqqissuussaaneq".

§ 9, imm. 1-3-mi aalajangersakkami allannguutissatut siunnersuutit taamaallaat malitseqassapput oqaatsitigut allannguinnikkut taaguusersuineq nutaaq malillugu.

Inatsisissatut siunnersuummut oqaaseqaatini nalinginnaasuni imm. 2.2.1.3. innersuussutigineqarpoq.

Nr. 32-mut (§ 9 a)

§ 9 a-mi aalajangersagaq nutaajuvoq. Imm. 1-mi siunnersuutigineqarpoq, sulisitsisup pisussaaffigissaa isumagissallugu, sullivimmi avatangiisit pillugit aaqqissuussinermut ilaasortat sullivinnik avatangiisit pillugit ilinniartitaaneq pinngitsoorneqarsinnaanngitsoq ingerlanneqarnissaa toqqaannartumik inatsimmi allaqqassasoq. Ilinniarnaq pinngitsoorneqarsinnaanngitsoq assigiiaanik suliaraqfinnut tamanut atuuppoq nutaamillu qinerseqqittoqarnerani suliffimmi allami atorfininnernut atatillugu ingerlateqqinneqartassanngilaq.

§ 9 a, *imm.* 2-mi, sullivimmi avatangiisit pillugit aaqqissuussaanermi sullivimmi avatangiisit pillugit sinniisinut sulinermilu aqutsisunut sullivinnik avatangiisit pillugit ilinniartitaaneq pinngitsuugassaanngitsoq pillugu, suliffeqarnermut ministeri erseqqariunnerusunik malittarisassanik aalajangersaanissamut piginnaatinneqassaaq.

Ilanngullugu ilinniartitaaneq pinngitsuugassaanngitsoq pillugu ilinniartitaanermik neqeroortartut akuersissuteqarnissamik aaqqissuussaq pillugu malittarisassanik aalajangersaanermut pisinnaatitsissutip atorineqarnissaa eqqarsaatigineqarpoq.

Inatsisissatut siunnersuummut oqaaseqaatini nalinginnaasuni *imm.* 2.2.4. innersuussutigineqarpoq.

Nr. 33-mut (§ 10)

§ 10-mi aalajangersagaq atuuttoq malitseqarpoq, sulisunut isumannaassuseq peqqinnissarlu eqqarsaatigalugit suliffeqarfiit sullivimmi isumannaallisaaneq pillugu sulinermut suliamut ilisimasalimmik ikiortissaqartitsineq pillugu suliffeqarnermut ministeri malittarisassanik atulersitsinnaavoq.

§ 10, oqaaseqatigiinni siullerni siunnersuut malitseqarpoq, suliffeqarfimmi isumannaallisaaneq peqqinnissarlu pillugit ilisimasaqarneq pisariaqartoq pillugu sulisitsisumit isumagineqarsinnaanngippat, sulisitsisoq pisussaavoq avataaniit suliamik ilisimasalimmik aggertitsissalluni, sullivimmi avatangiisit sulisunut tamakkiisumik illersorneqarsinnaanissaat qulakkeerniarlugu. Aamma *§ 10, oqaaseqatigiit aappaanni* aalajangersakkami siunnersuutaasumi malitseqarpoq, suliffeqarnermut ministeri tamatumunnga erseqqinnerusunik malittarisassiorsinnaasoq.

§ 10, oqaaseqatigiit siullerni, aalajangersagaq siunnersuutaasoq malitseqassaaq, inatsimmi erseqqissarneqassasoq, suliffeqarfimmi isuman-

naallisaaneq peqqinnissarlu pillugit sulinerup isumagineqarnisaanut ilisimasaqarneq pisariaqartoq pillugu sulisitsisumit isumagineqarsinnaangippat, sulisitsisoq pisussaasoq avataaniit suliamik ilisimasalimmik agger-titsissalluni. § 10, 2. naggat-mi piginnaatsitsissummut aalajangersagaq siunnersuutigineqartoq tunngaviliissaaq, Sullivinnik Nakkutilliisoqarfiup, nakkutilliilluni pulaarnermut atatillugu, siunnersuinerup annertussusaa imaalu pillugit erseqqarinnerusunik malittarisassiornissaa, suliffeqarfiit ujaasinisamik tamatumunngalu atuinissamut peqquneqarsinnaasut, tassani ilagittillugit piffissap ingerlanerani sullivimmi avatangiisit pillugit ajornartorsiummik aalajangersimasumut aaqqiiniarnermut siunnersorneqarnermut piumasaaqatinik aalajangersaanissaq.

Nr. 34-mut (§ 11 a, imm. 2, oqaaseqatigiit siulliit)

Inatsimmi aalajangersakkami § 11 a, imm. 2, oqaaseqatigiinni siullerni atuuttumi takuneqarsinnaavoq, sullivimmik nalilersuinermut ilaatinneqassasut suliffeqarfiup avatangiisit pillugit ajornartorsiutai isummerfigineqarnissaat aamma qanoq iluarsivigineqarnissaat.

Aalajangersagaq siunnersuutigineqartoq § 11 a, imm. 2, oqaaseqatigiit siullerni, malitseqarpoq, sullivimmik nalilersuinermut ilaatinneqassasut sullivimmi avatangiisini ajornartorsiutit, pitsaaliuinermut tunngaviusut sullivimmi avatangiisit pillugit inatsimmiittut eqqarsaatigalugit qanoq iliorluni aaqqiivigineqarnissaat.

Allanguutissatut siunnersuummi § 11 a, imm. 2, oqaaseqatigiit siullerni erseqqissarneqassaaq, APV-p suliarineqarneranut atatillugu, tunngaviit sisamaasut saniatigut, tak. inatsimmi § 11 a, imm. 2, nr. 1-4-ni, sulliviup avatangiisinik ajornartorsiutai naliliiffigineqassasut pitsaaliuinerlu pillugu isummertoqassasoq taamaalilluni aaqqiissutit pisariaqartut aallartinneranni sullivimmi avatangiisit pillugu inatsimmi pitsaaliuinermut tunngaviit eqqarsaatigalugit. Sullivinni avatangiisit pillugit inatsimmi, pitsaaliuiner-mut tunngaviusunik innersuussutigineqarnermi nalinginnaasumik

pitsaaliuinnermut tunngaviit pineqarput, ullumikkut ilanngussaq 1-mi takuneqarsinnaasut Kalaallit Nunaanni sullivinnik nalilersuinnermut nalunaarummi (nalunaarut nr. 1168, 8. oktober 2007-imeersoq).

Inatsisissatut siunnersuummut oqaaseqaatini nalinginnaasuni imm. 2.3.1. innersuussutigineqarpoq.

Nr. 35-mut (§ 11 a, imm. 3)

Inatsisip aalajangersagaani § 11 a, imm. 3-mi atuuttumi takuneqarsinnaavoq, sullivimmik naliliinnermi pilersaarusiornemut, aaqqissuussinnermut ingerlatsinnermullu kiisalu malitseqartitsinnermut isumannaallisaanermut aaqqissuussaaneq imaluunniit sulisut sulisitsisup ilanngutitissagai.

Aalajangersakkap § 11 a, imm. 3-p allanngortinneqarnissaanik siunnersuut malitseqarpoq ”isumannaallisaanermi aaqqissuussaaneq” allanngortinneqassasoq imaalillugu ”sullivimmi aavatangiisit pillugit aaqqissuussaaneq”.

§ 11 a, imm. 3-mi aalajangersakkani allannguuteqarnissamut siunnersuummi, inatsisissatut siunnersuummi taaguusersuineq nutaaq malillugu oqaatsitsigut allannguinnikkut taamaallaat malitseqassaaq.

Inatsisissatut siunnersuummut oqaaseqaatini nalinginnaasuni imm. 2.2.1.3. innersuussutigineqarpoq.

Nr. 36-mut (§ 15 a)

Siunnersuut § 15 a nutaajuvoq. Aalajangersakkami aalajangiunneqarpoq, sulisitsisut sanaartorfiusumi sulinermik ingerlatsisut imalunniit sulinermik ingerlataqartitsisut, sanaartortitsisup pilersaarusiornermi, killiliinnermi ataqatigiissitsinnermilu suleqataanera siunertamut naapertuunnersoq qulakkeerinneqataanissaminnut pisussaasut. Ilaatigut isumaqatigiissutigi-

neqartut sanaartortitsisoq peqatigalugu pilersitsineq il.il. isumannaallisaanermut tunngasut ataatsimoorluni piffimmi malinneqassammata. Ilanngullugu sulisitsisut sanaartorfimmi isumannaallisaaneq peqqinnissarlu pillugit ataatsimiinnernut sanaartortitsisut ataqatigiissaarisuiniit aggersaanernut peqataasarnissaat aalajangersakkap qulakkiissavaa.

Tamanna isumaqarpoq, sulisut isumannaatsuunissaat peqqinnissaallu siuarsarniarlugu sanaartortitsisup pilersaarusiornera, killiliinera ataqatigiissaarinalu pillugit sanaartortitsisup ataqatigiissaarisuaniit nakoqqutassat sulisitsisup mianerisariaqarai. Sulisitsisut sanaartortitsisut ataqatigiissaarisuiniit najoqqutassat mianerisariaqaraat isumaqarpoq, sulisitsisut sanaartorfimmi pilersaarusiornermi, aaqqissuussinermi suliasanillu ingerlatsinermi, sanaartortitsisut ataqatigiissaarisuiniit najoqqutassat ilanngutitissagai. Sanaartortitsisut ataqatigiissaarisuiniit najoqqutassat sulisitsisuniit malinneqarnissaat piumasaqaataangilaq, sulisitsisummi sullivimmi avatangiisinut tunngasunut malittarisassanut naleqqiullugu, tassani ilagitillugit sanaartorfimmi sulisunut tunngasut, sulisitsisutut akisussaaffiummat.

Aalajangersakkami pisussaaffik allanngortinneqanngilaq, sulisitsisut pisussaaffiat uunga sulinermik pilersaarusiorneq aaqqissuussinerlu, taamaasilluni isumannaallisaaneq peqqinnissarlu eqqarsaatigalugit tamakkii-sumik illersorsinnaanissaat anguniarlugu, tak. sullivimmi avatangiisit pillugit inatsit § 31, imaluunniit inatsimmi § 15 naapertorlugu pisussaaffik, suliaqarfimmi ataatsimi suliaqartunut tamanut sullivimmi pissutsini isumannaatsunik peqqinnartunillu pilersitsinissaq pillugu sulisitsisut suleqateqartussaanera. Innersuussutigineqarpoq, aalajangersakkami allannguutisatut siunnersuutigineqartumi § 2, imm. 3, nr. 1-mi, sulinermut sulisitsisumi ingerlanneqanngitsumut aamma atuummat.

Inatsisissatut siunnersuummut oqaaseqaatini nalinginnaasuni imm. 2.3.2. innersuussutigineqarpoq.

Nr. 37-40-mut (§ 16, imm. 1-2)

Sullivimmi avatangiisit pillugit inatsimmi aalajangersakkami atuuttumi § 16, imm. 1-mi, takuneqarsinnaavoq, Sullivinnik Nakkutilliisoqarfimmiit

peqqussutit pillugit sulisut isumannaallisaanermut sinniisui suliassaqarfim-milu pineqartumi sulisunut sinniisut sulisitsisup ilisimatissagai. Isuman-naallisaanermut sinniisut sulisunullu sinniisut allat, tamatuminnga noqqaas-suteqarnermik saqqummiussisunut assinganik atuuppoq.

Siunnersuutigineqarpoq, § 16, imm. 1, oqaaseqatigiit siulliit aappaallu, Sul-livinnik Nakkutilliisoqarfimmiit aalajangiinerit aamma ilaatinneqassasut.

Tamanna isumaqarpoq, siunissami sulisitsisut pisussaaffigilissagaat Sul-livinnik Nakkutilliisoqarfimmiit aalajangiinerit, peqqussutaappata imaluun-niit aalajangiinerit allaappata apeqqutaatinnagit, pillugit pineqartuni sulia-qarfiusuni sulisut sullivimmi avatangiisit pillugit sinniisut sulisunullu sinniisut ilisimatittassagaat, soorlu iliuusissamut pisussaaffeqanngitsumik aalajangiineq. Sullivimmi avatangiisit pillugit sinniisuniit sulisunullu sinniisuniit tamatumunnga noqqaassuteqarneq assinganik atuuppoq.

§ 60, imm. 1-p allanguutissatut siunnersuummut siunnersuut atassuteqartu-tut isigineqassaaq.

§ 16, imm. 2-mi aalajangersakkami atuuttumi takuneqarsinnaavoq, suliffeqarfimmi isumannaallisaanermut imaluunniit sulisunut sinniisunik peqanngitsuni, sulisut imm. 1, oqaaseqatigiit siulliit, malillugit peqqussu-tinik ilisimatinneqassapput.

§ 16, imm. 2-mi siunnersuutigineqarpoq, § 16, imm. 1-mi allanguinerup malitsianik, aalajangersagaq aamma Sullivinnik Nakkutilliisoqarfimmiit aalajangiinerit ilaatinneqarmata.

Inatsisissatut siunnersuummut oqaaseqaatini nalinginnaasuni imm. 2.6.6. innersuussutigineqarpoq.

Tamatuma saniatigut allanguisoqassaaq »isumannaallisaanermut sinniisut« imaalillugu »sullivimmi avatangiisit pillugit sinniisut« inatsisissatut siunnersuummi taaguusersuinerup nutaap malitsigisaanik.

Inatsisissatut siunnersuummut oqaaseqaatini nalinginnaasuni imm. 2.2.1.3. innersuussutigineqarpoq.

Nr. 41-mut (§ 17, oqaaseqatigiit aappaat)

Sullivimmi avatangiisit pillugit inatsimmi aalajangersakkami atuuttumi § 17-mi takuneqarsinnaavoq, Sullivinnik Nakkutilliisoqarfiup piunasaqaraagat imaluunniit pissutsit tunngavissaqartitsippata, sulisitsusoq misissuititsissaaq, misissugassanik tiguisitsissalluni imaluunniit misissuiartortitsissalluni immaqa immikkut suliamut ilisimasaqartunik sullivimmi pissutsinut isumannaallisaanikkut peqqinnissakkullu tamakkiisumik illersorneqarsinnaanersut paasiniallugu.

Siunnersuutigineqarpoq aalajangersagaq *oqaaseqatigiit aappassaannik* ilaneqassasoq, kingornalu Sullivinnik Nakkutilliisoqarfik misissuisoqarnissap erngertumik ingerlanneqarnissaanik piffissaliussarluunniit sioqqullugu pinissaanut peqqussuteqarsinnaangortillugu.

Tamanna isumaqarpoq, Sullivinnik Nakkutilliisoqarfik § 17 malillugu peqqussummik naammassinninnissamut piffissaliinermik aalajangiisinnaasoq. Piffissaliussat aalajangiunneqassapput sullivimmi avatangiisit pillugit inatsit § 60 malillugu, ilaatigut Sullivinnik Nakkutilliisoqarfimmiit aalangiinerit allat pillugit naammassinniinermut piffissaliussat pineqarlutik.

Inatsisissatut siunnersuummut oqaaseqaatini nalinginnaasuni imm. 2.6.1. innersuussutigineqarpoq.

Nr. 42-mut (§ 17 b)

Aalajangersagaq siunnersuutigineqartoq § 17 b nutaajuvoq. Siunnersuutigineqarpoq, suliffeqarfimmi napparsimalluni sulingitsoortarneq apparsarnissaa siunertaralugu suliffeqarfimmi

isumannaallisaaneq peqqinnissarlu pillugit sulinermut napparsimalluni sulinngitsoortarneq ilanngunneqarnissaanut sulisitsisoq pisussaaffeqarneranut, suliffeqarnermut ministeri aalajangersaanissamut piginnaatinneqassasoq.

Pisinnaatitsineq atorneqarsinnaavoq malittarisassanik atuutsitsilernikkut, sullivimmi avatangiisit pillugit aaqqisuussap sulinermut atatillugu napparsimalluni sulinngitsoortarnerup ukkatarineqarneratigut patajaallisaaqataanissaanut, soorlu suliffeqarfiup sullivittut nalilersorneqarnerani, napparsimalluni sulinngitsoortarnerup ilanngutitinnissaanut malittarisassiornikkut.

Inatsisissatut siunnersuummut oqaaseqaatini nalinginnaasuni imm. 2.3.3. innersuussutigineqarpoq.

Nr. 43-mut (§ 17 c)

Siunnersuutigineqartoq § 17 c nutaajuvoq, kisianni § 17 b-mi aalajangersakkami atuuttumi ingerlateqqitaalluni. Aalajangersagaq malitseqarpoq, inatsimmi aalajangersakkani atortinneqartuni, sulisitsisup pisussaaffii assigisaanik atuuffeqartut, suliffeqarfimmi aqutsisumut imaluunniit aqutsinermut peqataasumut.

Suliffeqarfimmi aqutsisoq ima paasineqassaaq, siulersuisuni ilaasortaq, allaffissornikkut pisortaq allatulluunniit inunnut aqutsisoq, tamanut nalinginnaasumik oqartussaasoq. Uani pineqarpoq suliffeqarfimmi qullersatut aqutsineq.

Pisortaqarfinni oqartuussaasuni oqartussaaffiup tigussaasumik aaqqissugaanera apeqqutaassaaq, suliffeqarfimmi qullersatut aqutsinermut kina peqataanersoq taamaalillunilu suliffeqarfimmi avatangiisit pillugit inatsimmi aqutsisuunersoq.

Tamanna aamma malitseqarpoq, sulisitsisunut malittarisassat assingi malillugit pinerluttulerinermut inatsisitigut pineqaatissiinerit inunnut

pineqartunut pineqaatissinneqassasut. Aalajangersagaq § 17 b-p atuuttup assigiinnarpa, Kalaallit Nunaanni sullivimmi avatangiisit pillugit inatsimmi.

Inatsisissatut siunnersuummut oqaaseqaatini nalinginnaasuni imm. 2.3.4. innersuussutigineqarpoq.

Nr. 44-mut (§ 21, imm. 2)

Siunnersuutigineqarpoq § 21, imm. 2-mi »isumannaallisaanermut suleqatigiissitaq« imaalillugu allanngortinneqassasoq: »sullivimmi avatangiisit pillugit suleqatigiissitaq«. Uani pineqarpoq oqaatsitigut allanngineq, inatsisissatut siunnersuummi taaguusersuutit nutaat malillugit.

Inatsisissatut siunnersuummut oqaaseqaatini nalinginnaasuni imm. 2.2.1.3. innersuussutigineqarpoq.

Nr. 45-mut (§ 28)

Inatsimmi § 28-mi takuneqarsinnaavoq, §§ 24, 25, 27 aamma 29, imm. 2-mi teknikkikkut atortorissaarutitut malittarisassat aamma atuuffeqarmata, atortussianik atortussanillu atuuffilinnut, isumannaallisaanermut peqqinnissamullu ulorianaateqarsinnaasunik pilersuisunut il.il.

Siunnersuutigineqarpoq, aalajangersakkami § 28-mi »ulorianaateqarsinnaasunik«, ilanngunneqassasoq »imaluunniit ajoqusiisinnaavoq«.

Allannguutissatut siunnersuutigineqartoq isumaqarpoq, inatsimmi § 38, imm. 1 aamma § 39, imm. 2, 4, 5 aamma 6-mi oqaaseq atorpeqartoq assigalugu atorpeqassasoq.

Nr. 46-mi (§ 33, imm. 1, nr. 2)

Inatsimmi § 33, imm. 1, nr. 2, imminut illersuutit immikkullu sullisit suliffeqarnermut ministeri erseqqarinnerusumik malittarisassanik

aalajangersaanermik piginnaatitaaffigineqarpoq. Piginnaatitaaneq taanna Kalaallit Nunaanni sulineramik ingerlatsineranut aalajangersaaamiippoq, ilaatigut imaqartoq, inummut illersuutitut immikkullu sullisinut aningaasartuutit sulisitsisumiit aningaasartuutigineqartussaapput.

Siunnersuutigineqarpoq, § 33, imm. 1, nr. 2-mi »sullisit« ikkunneqassasoq », tassani ilagitillugu tamatumunnga aningaasartuutit kimit akilerneqartassanersut«.

Allannguutissamik siunnersuutigineqartoq suliffeqarnermut ministerip tamatuminnaga malittarisassanik aalajangersaasinnaaneranut tunngavissiamik erseqqissaaneruvoq.

Inatsisissatut siunnersuummut oqaaseqaatini nalinginnaasuni imm. 2.5.2. innersuussutigineqarpoq.

Nr. 47-48-mut (§ 33, imm. 1, nr. 3-7)

§ 33, imm. 1, nr. 3-mut atuuttumut, aalajangersakkami kingulliup siuliatut normoraa, naggaserneqarlunilu oqaatsimik »amma« aalajangersakkami nr. 4-p naggataanera nalunaarniarlugu. Kisianni allannguutissatut siunnersuummi nr. 3 kingulliup siuleriunnaassavaa, taamaattumik »amma« atorrunnaartariaqarpoq.

Allannguutaasoq nr. 3-mi piviusunik allannguineramik kinguneqanngilaq.

Kalaallit Nunaanni suliaqarfigisap ilusilersorneranut il.il. nalunaarummik peqareerpoq amma Kalaallit Nunaanni nalunaarummi sanaartorfinnut, suliaqarfigisanut assigisaannullu, suliffeqarfinni tamani ikiueqqaarnermut eqqortunik atortoqarnissamut malittarisassaqqarpoq.

Siunnersuutigineqarpoq § 33, imm. 1-mi pisinnaatitsissut annertusineqassasoq nutaamik nr. 4-nngortussamik, timikkut tarnikkullu ikiueqqaarnissamut

tunngasunut pisariaqartumik suliniuteqarnissamut aalajangersaaneq malittarisassiornissaq periarfissanngortillugu.

Aalajangersakkamik siunnersuuteqarnermi ikiueqqaarnermut allaffissornikkut malittarisassat pioreersunut tunngavissiaq erseqqissarneqarpoq aamma ikiueqqaarnermut tunngatillugu allaffissornikkut malittarisassat nu-taat aalajangersarnissaannut tunngavissiaq pilersinneqarluni. Maannamut ikiueqqaarnermut malittarisassat § 35-mi tunngavissaqareerput, suliaqarfiit ilusilersornerannut tunngatillugu.

Tamanna isumaqarpoq, timikkut tarnikkullu ikiueqqaarnermut malittarisas-siortoqarsinnaasoq soorlu ajutoornerni imaluunniit pitsaaliuinermut sulini-utinik pilersitsinermi, sulinermi immikkuullarissumik kinguner-lutisiffiusinnaasuni.

Ilanngullugu siunnersuutigineqarpoq § 33, imm. 1-mi nutaatut *nr. 5*-p ikkunneqassasoq, suliffeqarnermut ministeri malittarisassanik aalajanger-saanermik pisinnaatitsissut, inunnik timikkut tarnikkulluunniit in-narluutilinnik sulisitsinermi, sulinermi aalajangersimasuni ajutoortoqarsinnaanermut imaluunniit napparsimalersinnaanermut immik-kut aarlerinaatilinni.

Tamanna isumaqarpoq inunnik sulinikkut timikkut tarnikkulluunniit in-narluutilinnik, sulinermi aalajangersimasuni ajutoortoqarsinnaanermut ima-luunniit napparsimalersinnaanermut immikkut aarlerinaatilinnut tun-ngatillugu suliniutigineqarnerani suliffeqarnermmut ministeri malittarisas-sanik aalajangersaasinnaasoq.

Siunnersuutigineqarpoq § 33, imm. 1-mi *nr. 6* nutaatut ikkunneqassasoq, sulisut kisimiitillugit sulisinnerinut killiliinernut suliffeqarnermut ministeri malittarisassanik aalajangersaanermik pisinnaatitsissut.

Tamanna kinguneqassaaq, sulisuni kisimiilluni sulisitsisinnaanermut, suliffeqarnermut ministeri malittarisassanik aalajangersaanermut pisinnaatitsissut.

§ 33, imm. 1, *nr. 4*-mi atuuttumi takuneqarsinnaavoq, *nr. 7*-nngornera, suliffeqarnermut ministeri erseqqarinnerusunik malittarisassanik aalajangersaasinnaasoq isummannaallisaaneq imaluunniit peqqinnissaq eqqarsaatigalugu piumasaqaateqarpat, sulinerup ingerlariaasissaata, sulinerup ingerlarnga, suleriaatsillu pilersarusiornissaanik suliaqartoqassasoq, pilersaarutit allannguutillu taamaattut atuutilersinnginnerini, Sullivinnik Nakkutilliisoqarfimmut, oqaaseqarfigineqarnissaq imaluunniit akuersissuteqarnissaq pillugu saqqummiunneqassapput.

Siunnersuutigineqarpoq § 33, imm. 1, *nr. 4*, *nr. 7*-mut nuunneqassasoq, aalajangersakkap katiterneqarnerani isikkua, qulaani taaneqartunut erseqqinnerusumik aalajangersaanermi tulluarnerummat tulleriaarnerinni kingullertut inississallugu, piumasaqaatit sorliit naammassineqassanersut sulinerup pilersarusiornera, aaqqissuunneqarnera ingerlanneqarneralu tamakkiisumik illersorneqarsinnaasumik isigineqarnissaanut, suliffeqarenermut ministeri allaffissornikkut malittarisassanik aalajangersaasinnaasoq.

Nr. 4-mi allannguutit malitseqanngillat pivirusnngortitassanik allannguinerinik, kinguneranillu nr. 7-nngortinneqarluni.

Inatsisissatut siunnersuummut oqaaseqaatini nalinginnaasuni imm. 2.4 innersuussutigineqarpoq.

Nr. 49-mut (§ 35, imm. 1)

Sullivimmi avatangiisit pillugit inatsimmi § 35, imm. 1-mi aalajangersakkami atuuttumi, aalajangersimasunik, utaqqiisaagallartunik, parlakaattumik sulinermut aamma silami suliaqarfinnut, suliffeqarnermut

ministeri malittarisassanik aalajangersaasinnaavoq, tassani ilagitillugu qaqqami suliaqarnernut tunngasuni immikkut suliniutit.

Siunnersuutigineqarpoq § 35, imm. 1, assersuutitut ikkussisoqassasoq, malittarisassat sorliit suliaqarfimmut tunngatillugu suliffeqarnermut ministerip aalajangersaavigisinnaanera.

Imatut siunnersuutaavoq, § 35, imm. 1-mut inissinneqarluni, ministeri makkununga malittarisassanik aalajangersaasinnaanngorlugu

1. ini suliffiusoq, qilaap tungaanut portussusaa, ini qalialik, naqqit, iikkat, qaliat, qaamana, kiassuseq/nillissuseq, silaannalersornera nipilu,
2. atugarissaarnissamut suliniutit il.il., tassani ilagitillugit isersimaartarfiit, nerisarfii, atisaasiviit, atisalersortarfiit, perusersartarfiit, errortartarfiit uffarfiillu kiisalu sinittarfiit issiaviillu, aamma
3. anisarfinnut tunngasut, tassani ilagitillugit aqquserngit, majuartarfiit anisarfiillu.

Tamanna isumaqarpoq, inatsit assersuutinik imaqassaaq, suliffeqarnermut ministerimit malittarisassat sorliit suliaqarfimmut tunngatillugu aalajangersarneqassanersut. Assersuutit atuutissapput, aalajangersimasut, utaqqiisaagallartut, parlakaattumik sulinermit silamilu suliaqarfiit, tassani ilagitillugu qaqqani sulinerit. Assersuutit allatorneqartut tamakkiisuunngillat. Aamma suliaqarfimmi malittarisassanik allanik aalajangersaasoqarsinnaavoq soorlu eqqiaaneq.

Allanguutissatut siunnersuummi inatsisini pissutsit allanngortinneqarnissaat siunertaanngilaq.

Inatsisissatut siunnersuummut oqaaseqaatini nalinginnaasuni imm. 2.5.1. innersuussutigineqarpoq.

Nr. 50-mut (§ 35, imm. 3)

Sullivimmi avatangiisit pillugit inatsimmi atuuttumi, periarfissatuaavoq suliaqarfiup ilusilersorneranut sulisitsisumut piumasaqaat, attartortutut illumik imaluunniit ininik attartortutut atuinermit.

Siunnersuutigineqarpoq *imm. 3* nutaatut § 35-mut ikkunneqassasoq, kingornalu suliffeqarnermut ministeri § 35, imm. 1 naapertorlugu, suliaqarfigisaq pillugu malittarisassanik aalajangersaasinnaasoq, illulianik, ininik, nunaminertanik il.il. attartortunut atuuttussat.

Tamanna isumaqarpoq, maanna suliaqarfigisap ilusilersorneranut, illumik inuussutissarsiornermi suliffeqarfimmut attartortitsisunut toqqaannartumik piunnaqarsinnaanermut tunngavissinneqarneq.

Aalajangersagaq illunik ininillu attartortitsinermut kisimi atuutinngilaq, kisianni nunaminertanik suliaqarfigisanillu allanik, soorlu sanasut inaannik attartortitsinernut aamma atuulluni.

Inatsisissatut siunnersuummi oqaaseqaatini nalinginnaasuni imm. 2.5.1 innersuussutigineqarpoq.

Nr. 51-mut (kapitali 6-mut qulequtaq)

Kapitali 6-p qulequtaani takuneqarsinnaavoq, kapitalimi pineqartut, teknikkikkut atortorissaarutit.

Siunnersuutigineqarpoq *kapitali 6-mut qulequttamut* ilanngunneqassasoq »il.il.«.

Allanguutissatut siunnersuummi erseqqissarneqarpoq, kapitalimi aamma aalajangersakkanik imaqaarnera, inummut illersuutinut tunngasunik.

Inatsisissatut siunnersuummi oqaaseqaatini nalinginnaasuni imm. 2.5.3. innersuussutigineqarpoq, aamma oqaaseqaatini immikkut taasarialinni nr. 52 aamma 53.

Nr. 52-mut (§ 36, imm. 1)

§ 36, stk. 1, oqaaseqatigiinni siullerni taaguut atorineqartoq, teknikkikkut atortut, taaguummi suna pineqarnerisat assersuutitaqanngitsoq.

Siunnersuutigineqarpoq § 36, imm. 1, *oqaaseqatigiinni siullerni*, »Teknikikkut atortut« taarsiullugu »Maskiinat, maskiinat pisatai, immiussiviit, ineriikkakut ikkussugassat, apparatit, sakkut, sananermut atortut, teknikkikkut atortut allat inunnullu illersuutit«.

Allannguutissatut siunnersuut Kalaallit Nunaanni sullivimmi avatangiisit pillugit inatsimmi oqaasitigut nutarterineruvoq, oqaasiliornera qallunaat sullivimmi avatangiisit pillugit inatsisaannut tulluurtunngortillugu.

Teknikkikkut atortunut assersuutit, aalajangersakkamut ikkunneqarnissaannik siunnersuutigineqartut, qallunaat sullivimmi avatangiisit pillugit inatsisaanni 1975-miit takuneqarsinnaanikuupput, aalajangersagaq eqqunneqarnerani. Sananermut atortut inummullu illersuutitut tunngasut qallunaat aalajangersagaanni 2012-mi ilanngunneqarput, allaffissornermi suleriaatsimi aalajangersimasumik nalunaaqutsikkatut. Siunnersuummi siunertarineqarpoq assersuutit erseqqissarneqarnerisigut teknikkikkut atortut annertussusaannik, aalajangersakkami ilaatinneqartut. Peqatigalugu erseqqissarneqarpoq, inummut illersuutit aalajangersakkami ilaatinneqarneri. Sullivinnik Nakkutilliisoqarfiup suleriaasaanut tunngasumik allannguneqarnissaa allannguinermi siunertaangilaq.

Nr. 53-mi (§ 37, imm. 1)

§ 37, imm. 1-mi takuneqarsinnaavoq, suliffeqarnermut ministeri teknikkikkut atortunut malittarisassanik aalajangersaasinnaasoq.

Kapitalip qulequtaata ilanerata malitsigisaanik siunnersuutaavoq »il.il.« siullerpaamik oqaaseq »teknikkikkut atortut« aalajangersakkap § 37, imm. 1-p ilanngunneqassasoq.

Allannguutissatut siunnersuummi erseqqissarneqarpoq, pisinnaatitsinermut aalajangersakkami aamma pineqarmata inummut illersuutit.

Inatsisissatut siunnersuummut oqaaseqaatini nalinginnaasuni imm. 2.5.3. aamma immikkut oqaaseqaatini nr. 51 aamma 52 innersuussutigineqarput.

Nr. 54-imut (§ 39 a aamma § 39 b)

§ 39 a-mut

Inatsimmi §§ 28-29-mi atuutsinneqarpoq, pilersuisunut, pilersaarusiortunut siunnersortinullu il.il. pisussaaffiini ilaatinneqarmata, atortussiat atortullu atuuffillit, isumannaallisaanermut peqqinnissamullu ulorianaateqarsinnaasut imaluunniit ajorseriaataasinnaasut. § 24, imm. 3-mi takuneqarsinnaavoq, atortussianik atortunillu eqqussuisut sanaartortullu Sullivinnik Nakkutilliisoqarfik piumasaqaateqaraangat imaluunniit pissutsit

tamatumunnga tunngavissaqartitsigaangata, misissuisitsisoqassaaq misissugassanillu tiguisitsissalluni. § 39 tunngavissiivoq, ilaatigut atortussianik atortunillu piliornermut, poortorneqarnerinut, meqqilerneqarneri, toqqartarinerinut, angallanneqarnerinut atorneqarnerinullu, piliornissamut inerteqqut, atortussiat ulorianaatillit pillugit taarsiivigineqarnermut kiisalu atorneqarnissaannik akuersissuteqarnermut erseqqarinnerusunik malittarisassanik aalajangersaasoqarsinnaasoq.

Siunnersuutigineqarpoq nutaatut § 39 a-mik aalajangersakkamik atuutilersitsinissaq, piliortortunik eqqussuisunilluunniit atortussianik atortunillu misissuisoqarnissamut nalunaaruteqarnissamullu Sullivinnik Nakkutilliisoqarfik piumasaqarpat imaluunniit pissutsit tamatumunnga tunngavissaqartitsigaangata, erseqqarinnerusunik malittarisassanik aalajangersaanermik piginnaatitaaffiliinikkut.

Inatsimmi § 24, imm. 3-mi pisussaaffiup atuutereersup saniatigut ilaneqarsinnaaneranut aalajangersagaq periarfissiissaaq, §§ 28 aamma 29-mut sanilliullugu, atortussianik atortunillu eqqussuisunut piliortunullu misissuinissamut misissugassanillu tigusinissamut, Sullivinnik Nakkutilliisoqarfiup piumasaqarneratigut imaluunniit pissutsit iliuseqarnissamut tunngavissiiimmata.

Nalunaaruteqartussaataaneq atuussinnaasariaqarpoq soorlu atortussianut atortunullu tamanut, atortussianut atortunullu ataasiakkaanut, atortussianut atortunullu aalajangersimasunut imaluunniit atortussianut atortunullu immikkut atuuffilinnut.

Aalajangersakkap oqaasertai qallunaat sullivimmi avatangiisit pillugit inatsisaanni aalajangersagaq assigaa. Qallunaat sullivimmi avatangiisit pillugit inatsisaanni tunngavissiaq atorneqarpoq Sullivinnik Nakkutilliisoqarfiup nioqqutit allattorsimaffianut nalunaaruteqarnermut malittarisassanik aalajangersaanermut. Kalaallit Nunaanni suliassaqarfimmut malittarisassanik atuutilersitsisinnaaneq, Kalaallit Nunaanni nioqqutit allattorsimaffianik assinganik pilersitsineq siunertaanngilaq.

§ 39 b-mut

Inatsimmi § 39, imm. 1, nr. 3-mi atuutsinneqarpoq, suliffeqarnermut ministeri isumannaallisaaneq pillugu paasissutissat allattorsimaffii, teknikkikkut paasissutissat allattorsimaffii assigisaallu atortussianut

atortunullu tunngasunik aalajangersaasinnaavoq. Pisinnaatitsissut ilaatigut Kalaallit Nunaannut atortussiat atortullu pillugit nalunaarummi teknikkikkut paasissutissat allattorsimaffiinut erseqqarinnerusunik malittarisassiornermut atorneqarpoq.

Siunnersuutigineqarpoq aalajangersakkamik nutaamik § 39 b-mik ikkussisoqassasoq, teknikkikkut paasissutissat allattorsimaffiinut assigisaannullu malittarisassanik aalajangersaanermut piginnaatitaaffiliisoq, sullivimmi avatangiisit pillugit isumannaassutsimut peqqinnissamullu atortussiat atortullu sunniutai pillugit paasissutissat pingaaruteqartut tamaasa imaqartussamik.

§ 39 a imaqarpoq oqartussanut paasissutissat, aalajangersagaq una atuisunut paasissutissat pineqarlutik. Pisinnaatitsissummut aalajangersagaq atortussianik atortunillu ulorianartunik piliortut eqqussuisulluunniit pisussaaffimmik peqquneqarnissaannut periarfissiissutaavoq, teknikkikkut paasissutissat allattorsimaffiinik assigisaannillu nassitsinermi isumagissavaat, pitsaaliuinnermut suliniutit sorliit atorneqassanersut aalajangerneqassanersulluunniit imaluunniit atortussiat toqqartarinerinut, angallannerinut, atorneqarnerinut, atortussiat allanik akoqarnerinut imaluunniit piujunnaarsinneqarnerinut tamakkununga paasissutissat.

Inatsisissatut siunnersuummut oqaaseqaatini nalinginnaasuni imm. 2.5.4. innersuussutigineqarpoq.

Nr. 55-mut (§ 42, oqaaseqatigiit aappaat.)

Inatsimmi § 42-mi aalajangersakkami atuuttumi takuneqarsinnaavoq, § 40 ullormut qasuersaarneq aamma § 41 sapaatip akunneranut ulloq unnuarlu kaajallallugu sulinnginneq force majeure-kkut pisariaqassappat saneqqunneqarsinnaasoq. Saneqqutsineq nakkutilliinnermut allattaavimmi eqqaamasassatut allanneqassaaq allatulluunniit uppersarsarneqarluni.

Siunnersuutigineqarpoq § 42, *oqaaseqatigiit aappaanni*. »nakkutilliinnermut allattaavimmi allanneqassaaq allatulluunniit uppersarsarneqarluni« allannortissasoq »allaganngorlugu uppersarsarneqassaaq«.

Tamanna isumaqarpoq, saneqqutsineq § 40-mi ullormut qasuersaarneq aamma § 41-mi sapaatip akunneranut ullormik unnuarmillu sivisussusilik allaganngorlugu uppersarsarneqassasoq, kisianni allatigut nakkutilliinnermut allattaaviup avataatigut, soorlu qarasaasiakkut allanneqarluni.

Saneqqussinermut allaganngorlugu uppersaaneq isumannaallisaanermut aaqquussami pigineqassaaq (sullivimmi avatangiisit pillugit aaqquussaaneermut tak. oqaaseqaatini nalinginnaasuni imm. 2.2.1.3. allannguutissatut siunnersuutigineqartoq) imaluunniit suliffeqarfimmi sulisunut sullivimmi avatangiisit pillugit aaqquussaaneermik pilersitsinissamik pisussaaffeqanngitsuni. Sullivimmi avatangiisit pillugit aaqquussaaneq sulisuusulluunniit aamma periarfissinneqartariaqarput saneqqussinerup allanneqarnissaanut. Saneqqussinerit uppersarneqarnissaanik, Sullivinnik Nakkutilliissoqarfik piunasaqarsinnaavoq.

§ 42-mik allannguinnissamut siunnersuut isigineqassaaq, inatsisissatut siunnersuutip § 1, nr. 66-p allanngortinneqarnissaanut atassuteqartutut isigineqassaaq, kingornalu aalajangersakkami § 61 atuuttumi nakkutilliinermut allattuiffimmut tunngasup atorunnaarsinneqarluni.

Inatsisissatut siunnersuummut oqaaseqaatini nalinginnaasuni imm. 2.3.5. aamma immikkut oqaaseqaatini nr. 66-mi innersuussutigineqarput.

Nr. 56-mut (§ 49 a, imm. 2)

§ 49 a, imm. 2-mi atuuttumi takuneqarsinnaavoq, atuartoq atuarfimmiit anilersinnagu atuarfiup nakorsaa misissuisimanini tunngavigalugu nalunaaruteqartassasoq atuartoq pineqartoq nappaateqarnerisooq imaluunniit nappaateqarsimanersooq atuartumut inuussutissarsiorluni sulinerani isumannaatsuunissaanut peqqinnissaanullu sunniuteqarsinnaasoq pillugu suliffeqarnermut ministeri malittarisassanik aalajangersaasinnaasoq. Pisinnaatitsinermit aalajangersagaq atorneqarsimanngilaq.

Siunnersuutigineqarpoq § 49 a, imm. 2-mi »atuarfiup nakorsaa« allanngortinneqassasoq imaalillugu; »peqqinnissaqarfik«.

Allannguutissatut siunnersuut isumaqassaaq, inatsimmi taaguusersuinerup atorneqartup ullutsinnut tulluarsarneqartoq, peqqinnissaqarfimmut innersuussilluni nalunaaruteqarnerup tunniunneqartussap tassani isumagineqatussaq, pisinnaatitsinermit aalajangersagaq atorneqarpat.

Inatsisissatut siunnesuummut oqaaseqaatini nalinginnaasuni imm. 2.8.4. innersuussutigineqarpoq.

Nr. 57-mut (§ 50, imm. 1, nr. 2 aamma 3 kiisalu 51, imm. 1)

Kalaallit Nunaanni sullivimmi avatangiisit pillugit inatsit atuuttoq § 50, imm. 1, nr. 2 aamma 3, aamma i § 51, imm. 1-mi atorneqarpoq taaguut »landsstyret«. Taaguutigineqartoq taanna inatsimmi nr. 473-mi 12. juni 2009-mi Kalaallit Nunaanni Namminersorlutik Oqartussat allanngortinneqarpoq imaalillugu »Naalakkersuisut«.

Aalajangersakkat qulaani taaneqartut allanngortinneqarnissaannik siunnersuutigineqarpoq, qallunaatut taaguutaasoq »landsstyret« kalaallisuunngortinneqassasoq »Naalakkersuisut«.

Allanngortinnissaanik siunnersuutigineqarneranut, inatsimmi oqaatsit atorneqartut ullutsinnut tulluarsarnissaat siunertaavoq.

Inatsisissatut siunnersuummut oqaaseqaatini nalinginnaasuni imm. 2.8.1. innersuussutigineqarpoq.

Nr. 58-60-mut (§ 51, imm. 1, nr. 5-7)

§ 51, imm. 1, nr. 5-mi aalajangersakkami atuuttumi takuneqarsinnaavoq, Suliffigissaasuni ilaasortaq Kalaallit Nunaanni sulisitsisut peqatigiiffiannit (GA) toqqarneqartussaasoq.

Siunnersuutigineqarpoq § 51, imm. 1, nr. 5 imaalillugu allanngortinneqassasoq, siunissami Sulisitsisut, Suliffigissaasut ilaasortassaannik toqqaasassasut. Tamanna pissuteqarpoq, Sulisitsisut ullumikkut Kalaallit Nunaanni inuussutissarsiornermi kattuffiit annersarimmassuk.

§ 51, imm. 1, nr. 6-mi aalajangersakkami atuuttumi takuneqarsinnaavoq, Suliffigissaasuni ilaasortaq Kalaallit Nunaanni kommuunit kattuffianniit (KANUKOKA) toqqarneqatussaasoq.

Siunnersuutigineqarpoq § 51, imm. 1, nr. 6-p allanngortinneqarnissaa imaalillugu, siunissami Kalaallit Nunaanni Kommuneqarfiit Ataatsimoortut, Suliffigissaasuni ilaasortamik toqqaasassammata. Tamanna pissuteqarpoq, KANUKOKA 2016/2017-mi atorunnaarsinneqarmat.

Malittarisassat pissutsinut atuuttunut naapertuuttunngortinnissai siunertaavoq.

§ 51, stk. 1, nr. 7-mi aalajangersakkami atuuttumi takuneqarsinnaavoq, Suliffigissaasuni ilaasortaq, Aningaasaqarnermut ministeri isumaqatigineratigut Kalaallit Nunaanni namminersornerusuniit toqqarneqartussaasoq.

Siunnersuutigineqarpoq, § 51, imm. 1, nr. 7-p allanngortinneqarnissaanik, imaalillugu, taaguutaasoq »Grønlands landsstyre« allanngortinneqassaaq imaalillugu »Naalakkersuisut«.

Siunertaavoq inatsimmi oqaatsinik atuinerup kalaallisut taaguutitut naapertuuttussaanera, inatsimmik eqqussisoqarpoq nr. 473, 12. juni 2009-imeersoq, Kalaallit Nunaanni namminersornerusunut.

Oqaaseqaatini nalinginnaasuni imm. 2.8.5. aamma 2.8.1. innersuussutigineqarput.

Nr. 61-mut (§ 55, imm. 2-4)

Ullumikkut paasissutissanik inummut tunngasunik inatsimmi aamma pisortat ingerlatsineranni suliassat suliarineqarnerat pillugu inatsimmi Kalaallit Nunaanni Sullivinnik Nakkutilliisoqarfik pisinnaatitaareerpoq oqartussaqaqfinni allaniit ataqatigiissuni tigussaasuni paasissutissanik katersinissamut.

Kalaallit Nunaanni sulinermi avatangiisit pillugit inatsit § 58 a malillugu Kalaallit Nunaanni Sullivinnik Nakkutilliisoqarfik Suliffeqarnermi Sillimmasiisarfiiniit paasissutissanik katersinissamut ataatsimullu ingerlatitsinissamut periarfissaqaareerpoq, ilaatigut siunertamut atorneqartussaq Sullivinnik Nakkutilliisoqarfiup nakkutilliinermi misissuinermilu anguniakkaminik tunaartassatut atugassaminik kiisalu misissueqqissaarnerni, pitsaaliuinermi aamma naatsorsueqqissaarnerni atugassaminik.

§ 55, imm. 2-mi siunnersuutigineqarpoq Sullivinnik Nakkutilliisoqarfik annerusumik periarfissinneqassasoq oqartussaqaqfinit allanit paasissutissanik katersinermut, suliarinninnermut, ataatsimullu ingerlatsinermut nakkutilliinermi suliamik ingerlatsinermut

pingaaruteqarpat, tassani ilagitillugu misissueqqissaarnermik, pitsaaliuineramik naatsorsueqqissaarnermillu suliassanut. Tassunnga ilaatinneqarput paasissutissat isertuussat mianernartullu.

Tamanna isumaqarpoq, Sullivinnik Nakkutilliisoqarfik oqartussaqaarfinit allanit paasissutissanik katersisinnaasoq suliaqarsinnaasorlu ataatsimut ingerlatsinikkut, tassani ilagitillugu paasissutissat nammineq pigisat, Sullivinnik Nakkutilliisoqarfimmi sulianik ingerlatsinissamut pisariaqartinneqarpat, tassani ilagitillugit misissueqqissaarnermut pitsaaliuinernullu siunertanut kiisalu naatsorsueqqissaarnermut.

Paasissutissat pingaarnermik pisortaqaarfiit allattorsimaffianeersut katersorneqassasut sularineqassasullu siunertarineqarpoq.

Aalajangersakkami siunertaanngilaq, Sullivinnik Nakkutilliisoqarfiup suliassaqaarfiini nipangiussisussaataaeranut aalajangersagaq il.il. saneqqunneqarnissaanik, taamaattumillu tamakkua malinneqartariaqarlutik paasissutissanik ataatsimut ingerlatsineranut atorneqarneranni, aalajangersagaq siunnersuutaasoq malillugu.

"Pisarialimmik nakkutilliisoqarfiup suliamik ingerlatsinera" tassunga siunertaavoq qitiusumik piumasaqaat allanngortinneqassanngitsoq, paasissutissanik atuinerni, tassunga ilagitillugit inunnut paasissutissat, piviusumik siunertaqarnissamik piumasaqaateqarfiusut aamma sularineri annertunerussanngitsoq pissusiusut eqqarsaatigalugit. Paasissutissat inunnut tunngasunik pillugit inatsimmi Kalaallit Nunaata malittarisassanut atatillugu saneqqussisoqassanngilaq.

Paasissutissanik pisortaqaarfini allaniit Kalaallit Nunaanni Sullivinnik Nakkutilliisoqarfiata katersuineri suliaqarneralu, paasissutissanik ilaqassapput oqartussaqaarfiit allat pigisaannik, atuutisilerneq sioqqullugu. Taamaalilluni inatsisip matuma atuutilersinneqarnera sioqqullugu paasissutissat pissutsinut attuumassuteqarsinnaapput.

Ullumikkut paasissutissanik inummut tunngasunik inatsimmi aamma pisortat ingerlatsineranni suliassat sularineqarnerat pillugu inatsimmi

Kalaallit Nunaanni Sullivinnik Nakkutilliisoqarfik pisinnaatitaareerpoq oqartussaqaarfinni allaniit ataqatigiissuni tigussaasuni paasissutissanik katersinissamut.

§ 55, *imm.* 3-mi aalajangersakkatut siunnersuummi, paasissutissanik nammineq pigisanik ingerlatitseqqiinnermut aamma paasissutissat *imm.* 1-2-mi ilaatinneqartut, tunngavissinneqarnissaat siunnersuutigineqarpoq, pisortaqaarfinnullu allanut, oqartussat suliassanik suliaqarnermut pisariaqartinneqarpat, tassunga ilagitillugit pisortatigoortunik nakkutilliinermi aamma misissuinerneq ingerlatsineq.

Tamanna isumaqarpoq, nakkutilliisoqarfiup nammineerluni pisortaqaarfinnut allanut paasissutissanik ingerlateqqissinnaagai, oqartussat taakku suliassaminnik ingerlatsinerannut pisariaqarpat, aamma nalilerneqarpat oqartussat taakkua suliassaannut pingaaruteqartutut tassunga ilagitillugit Kalaallit Nunaanni ingerlatsinerneq inatsit § 28, *imm.* 2, nr. 5 naapertorlugu nakkutilliineq misissuinerneq suliassat. Pisortaqaarfiit suliassaminnik ingerlatsisinnaanerannut paasissutissat sorliit pingaartutut naliliiffigineqarnissaat, oqartussat pineqartut siumoortumik suleqatigalugit piumasqaatit tunngaviusussat aalajangersarneqassapput. Sullivinnik Nakkutilliisoqarfik piumasqaatit naammassineqarnerneq isummerfigissavaa, taamaalilluni paasissutissat ingerlateqqinnerneq sulinerneq siunertamut tunngassuteqarpoq qulakkeerniassagamikku aamma paasissutissat killiliiffigineqarnerneq oqartussap tiguisup suliassaanut naleqqiullugit pisariaqartinneqartut.

Oqaatigineqassaaq aalajangersakkamik siunnersuummi siunertaangimmat paasissutissanik nakkutilliisoqarfiup pigilersimasaanik ingerlateqqinneqartussat qinnuteqareernerneq pisortaqaarfiit allat paasissutissanik pissarsinissaat pillugu arlaannik allannguissaaq. Ilanngullugu aalajangersakkamik siunnersuummi allannguuteqarnissaa siunertarineqanngilaq, Sullivinnik Nakkutilliisoqarfik tigussaasumik nalilersuineq tunngavigalugu oqartussaqaarfinnut allanut qanoq annertutigisumik ingerlatitseqqiisoqarsinnaanersoq. Apeqqutit taama ittut

aalajangiiffigineqassapput pisortaqrarfiit akornanni paasissutissanik ingerlatitseqqinneq pillugu malittarisassat nalinginnaasut malillugit, tassunga ilagitillugu paasissutissat inunnt tunngassuteqartut pillugit inatsimmi aamma Kalaallit Nunaanni pisortat ingerlatsinerat pillugu inatsimmi malittarisassanik aalajangersakkat. Saniatigut § 55, imm. 3-mik siunnersuut naapertorlugu taamaallaat pisortaqrarfinnut allanut tamakkuninnga atuinissamut tunngavissaqartunut paasissutissanik ingerlatitseqqiisoqarsinnaavoq. Tamanna erseqqissumik pisuni tamani piunasaqaammik malitseqaanngilaq kisianni paasissutissanut aalajangersimasunut taamaattoqarsinnaalluni, inatsisitigut nalunaarutikkulluunniit tunngavissiinermik piunasaqaateqartillugu.

§ 55, imm. 4-mi aalajangersakkamik siunnersuut imm. 2-3 malillugu Sullivinnik Nakkutilliisoqarfiup paasissutissanik katersinnermut, suliaqarnermut ingerlatitseqqiinnermullu erseqqarinnerusunik malittarisassiornissamut suliffeqarnermut ministeri tunngavissinneqarnissaanik imaqrpoq, tassunga ilagitillugit paasissutissat qaqugukkut siunertanullu suliaassanullu sorlernut katersorneqarsinnaanersut suliarineqarsinnaanersullu, paasissutissat qaqugu piarneqassanersut, aamma suliarineqarneranni teknikkikkut aaqqissugaanikkullu suliniutit eqqumaffigineqassanersut. Teknikkimut aaqqissugaanermulu malittarisassat immikkut qulakkeerinneqataassapput, paasissutissanik inummut tunngasunik eqqunngitsumik inerniliissutaasinnaasut iluarsineqarnissaannut kukkunissarlu minnerpaaffianiitinnissaanut.

Tamanna isumaqrpoq, Sullivinnik Nakkutilliisoqarfiup paasissutissanik katersuinnermut, suliaqarnermut, ingerlateqqinnernullu erseqqinnerusunik malittarisassanik aalajangersaasoqassasoq, § 55, imm. 2 aamma 3-mi aalajangersakkat atorineqarsinnaanerat sioqqullugu.

Paasissutissanik katersineq, suliaqarneq ingerlatitseqqiinnerlu pillugit nalunaarutininik suliaqarnermut atatillugu siunertanut aalajangersimasunut paasissutissanik katersinnerup aarlerinartoqarsinnaaneranik tigussaasumik naliliisoqartariaqarmat, paasissutissanik suliaqarnermi isumannaallisaanikkut suliniutit sorliit mianerineqassanersut pillugit

erseqqinnerusunik malittarisassat ingerlanneqartariaqarput. Oqaatigineqassaaq paasissutissat inummut tunngassutillit, Kalaallit Nunaanni pisortat ingerlatsineranni suliarineqartartut (nalunaarut nr. 1404, 29. november 2016-imeersoq), illersorneqarnissaat pillugu isumannaallisaanikkut suliniutit pillugit Kalaallit Nunaanni aamma nalunaaruteqarmat.

Allagaateqarfeqarneq pillugu Inatsisartut inatsisaat nr. 5, 3. juni 2015-imeersumi (allagaateqarfeqarnermut inatsit) kingusinnerusukkut allannguutit ilanngullugit, pisortaqaqfinni toqqortat il.il. toqqortanerineqarnissaannut atortussaajunnaarsitsinermullu malittarisassat, kiisalu toqqartarinninnermut paaanermullu piumasaqaatinik imaqartut inatsisini allani sinaakkutit iluanni malittarisassanik aalajangersaasinnaaneq ingerlanneqassaaq. Paaaneq paasineqassaaq tamatumani paasissutissanik pineqartunik toqqortaateqarneq atortussaajunnaarsitsinerlu naapertorlugit.

Tamatuma saniatigut aalajangersagaq malitseqarpoq, suliffeqarnermut ministeri malittarisassanik aalajangersaassasoq, Kalaallit Nunaanni paasissutissat inummut tunngassutillit pillugit inatsimmi aamma Kalaallit Nunaanni pisortat ingerlatsineranni paasissutissat inummut tunngassutillit illersorniarlugit isumannaallisaanikkut suliniutit pillugit nalunaarummi malittarisassat nalinginnaasut naapertorlugit Sullivinnik Nakkutilliisoqarfiup suliaqarneranut atatillugu illersuinissamut qaffasissuseq naleqquttoq qulakkeerneqassasoq.

Inatsisissatut siunnersuummut oqaaseqaatini nalinginnaasuni imm. 2.6.2. innersuussutigineqarpoq.

Nr. 62-mut (§ 59, imm. 4, oqaaseqatigiit aappaat)

§ 59, imm. 4, oqaaseqatigiit aappaanni atuuttumi takuneqarsinnaavoq, Sullivinnik Nakkutilliisoqarfimmi sulisut eqqartuussivik aalajangiitinnikkaluarlugu uppersaatinik piumasaqarnissamut pisinnaatitaapput, aamma sulisitsisoq sinniisaaluunniit tamatuminnga

nalunaarfigineqassaaq, tak. § 17 b aamma 18. § 17 b-mi (§ 17 c-nngortumi) pineqarpoq, suliffeqarfinnmi aqutsisumut aqutsisooqataasumulluunniit inatsisit atuummat, aamma § 18-mi taaguut sulisunut aqutsisoq nassuiarneqarluni. Aalajangersakkanut innersuussinerup siunertaraa, sulisitsisumut sinniisoq qanoq isumaqarnerseq.

Siunnersuummi § 59, imm. 4, oqaaseqatigiit aappaat malitseqarpoq, innersuussut § 17 b-mut (17 c-nngortoq) aamma § 18 nuunneqassammat ”taassumangga sinniisoq”-p kingornanut, taamaalilluni innersuussut, sulisitsisumut sinniisoq pineqarluni, allaqqassoq ”tamatuminnga ilisimatinneqassaaq” taarserlugu.

Maannakkut innersuussutip inissisimanera kukkulluni paasineqarsinnaammat, nalunaarutiginnittussaannermut pisussaaffik pillugu nassuiaammut innersuussisoqartutut, imaanngitsoq, sulisitsisumut sinniisoq. Allanguineq inatsisini pissutsinik allanguineerunngilaq, taamaallaalli oqaaseqatigiinni innersuussinermut inissiffianik aaqiinerulluni.

Nr. 63-mut (§ 59, imm. 5 aamma 6)

Kalaallit Nunaanni sullivimmi avatangiisit pillugit inatsimmi atuuttumi Sullivinnik Nakkutilliisoqarfiup sulisitsisoq peqatigitinnagu sulisunik oqaloqateqarsinnaannermut erseqqissumik tunngavissaqartitsinngilaq. Taamaattoq Danmarkimi suleriaatsip tunngavigisaatut aamma Sullivinnik Nakkutilliisoqarfik piginnaatitaaffianniinnera isumaqarfigineqarluni.

Sullivimmi illersugaanermut inatsimmi siullermi, nalinginnaasumik sulisut illersorneqarnerat pillugu inatsit nr. 226, 11. juni 1954-imeersumi, toqqaannartumik inatsimmi aalajangersakkaniippoq, Sullivinnik Nakkutilliisoqarfimmi nakkutilliisut suliffeqarfimmi sulisunik oqaloqateqarsinnaanerat, allanik peqataaffigineqanngitsumik, tak. § 53, imm. 1, oqaaseqatigiit aappaat.

Danskit sullivimmi avatangiisit pillugit inatsisaat 1977-imi allangortinneqarmat, oqaaseqaatit malillugit isigineqarpoq, sulisitsisoq peqataatinnagu sulisunik oqaloqateqarsinnaanerup inatsisitigut

piumasaqaataannginnera, tak. Folketingstidende 1975-76, Lovforslag nr. 8, A, saqqummiunneqartoq, spalte 159 aamma 160. I 2018-mi qallunaat sullivimmi avatangiisit pillugit inatsisaanni toqqaannartumik takuneqarsinnaanngoqqippoq, Sullivinnik Nakkutilliisoqarfimmi sulisunik oqaloqateqarsinnaaneri, sulisitsisoq peqataatinnagu.

Inatsimmi siullermi, Kalaallit Nunaanni sulisunik illersuineq pillugu inatsimmi 1971-imeersumi takuneqarsinnaavoq, sulisunik oqaloqateqarsinnaatitaaneq aamma toqqaannartumik inatsimmi allaqqannginnera.

Siunnersuutigineqarpoq § 59-mi Kalaallit Nunaanni sullivimmi avatangiisit pillugit inatsimmut nutaatut *imm.* 5 ikkunneqarnissaa, kingorngalu Sullivinnik Nakkutilliisoqarfiup sulisui pisinnaatitaaffeqalernissaat nakkutilliinermut atatillugu sulisunik oqaloqateqarnissaat, inunnik allanik peqataaffigineqanngitsumik.

Oqaloqatigiinnerit, *imm.* 5-mi siunersuummut ilaatinneqartut, paasineqassaaq inummik ataatsimik arlalinnilluunniit oqaloqatigiinnerit, eqimattanik oqaloqatigiiffiunngitsuni, ataani takuneqarsinnaasumi. Oqaloqatigiinnerit tassaasinnaapput inummik ataatsimik imaluunniit arlalinnik tulleriarlugit oqaloqatiginninnerit, nakkutilliineq pillugu pulaarnermi, soorlu suliffeqarfiup angalaarfiginerani imaluunniit inunnik ataasiakkaanik oqaloqatiginninnerni, sulisitsisoq isumannaallisaanermillu aqqissuussaq peqatigalugit siumut isumaqatigiiffigisamik pilersaarusiukkamillu.

Oqaasiliornerani "allanit peqataaffigineqanngitsumi" isumaqarpoq, Sullivinnik Nakkutilliisoqarfik pisinnaatitaaffeqalernerat sulisunik oqaloqatiginninnissamik, aamma sulisitsisoq sulisitsisumillu sinniisoq imaluunniit alla, oqaloqatiginninnermi peqataanissaanik sulisitsisup toqqagaa, soorlu immikkoortortaqarfimmi HR-miit sinniisoq, peqataanissaanut pisinnaatitaaffeqanngitsoq.

Ullumikkut Sullivinnik Nakkutilliisoqarfik sulisunik eqimattanik oqaloqateqarnermik, tassunga ilagitillugu sulisitsisup peqataaffingngisaanik, ingerlatsinissamut periarfissaqanngilaq sullivimmi avatangiisit pillugit inatsimmi naleqqussagaanngimmat. Sullivinnik Nakkutilliisoqarfiup suleriaasaa imaappoq, eqimattanik oqaloqatiginninnerit ingerlanneqartartut, sullivimmi tarnikkut avatangiisini ajornartorsiutinik qulaajaaniarnermi.

Sullivinnik Nakkutilliisoqarfiup suleriaaseraa, suliffeqarfimmi ataasiakkaani sullivimmi avatangiisinik peqquteqartumik sulisunik eqimattanik oqaloqateqarneq ingerlanneqarnissaa tigussaasumik nalilersuereermermi pisortoq. Nalilersuinermi tassani naliliiffigineqartussat marluupput.

Siullertut Sullivinnik Nakkutilliisoqarfik paaseqqaassavaa, sullivimmi avatangiisit pillugit ajornartorsiuteqartoq qulaajartariaqartumik. Sullivimmi avatangiisit pillugit ajornartorsiuteqarneranik paasisaqarneq soorlu paasissutissat tunngavigalugit sulisitsisoq isumannaallisaanermillu aaqqissuussisunik ataatsimeeqateqarnerup nalaani saqqummertunik, Sullivinnik Nakkutilliisoqarfiup pulaarnerata nalaani angalaarnermi alapernaarsukkanik. Tamatuma saniatigut sullivimmi avatangiisit pillugit ajornartorsiuteqarnermik paasisaqarneq pisinnaavoq allakkatigut paasissutissat tunngavigalugit, soorlu suliffeqarfimmiit atortut pissarsiarineqarsinnaasut sullivimmik nalilersuinermi, napparsimalluni sulinngitsoornerit naatsorsorneri, atugarissaarnermut misissuinerit, imaluunniit naammagittaalliutit sulinermilu ajoqusernermut paasissutissani.

Aappaattut Sullivinnik Nakkutilliisoqarfik nalilersuissaaq, ajornartorsiutit pitsaanagerusumik qulaajarneqarsinnaanersut, sulisunik eqimattanik oqaloqateqarnikkut, alapernaarsuinikkut, suliffeqarfimmi angalaarnermi oqaloqatigiinnikkut, inunnik ataasiakkaanik oqaloqateqarnikkut imaluunniit skemanik immersuinikkut, taamaalilluni Sullivinnik Nakkutilliisoqarfik paasissutissanik pisariaqartunik pissarsisinnaalluni sullivimmi avatangiisit pillugit unioqqutitsisoqarnerisoq paasiniallugu. Assersuutigalugu sullivimmi avatangiisit qulaajarneqarnissaanut pisariaqartinneqassasoq

sulisunik amerlanerusunik katersortitsinissaq suliamut ataatsiakkaanut arlalinnulluunniit imaluunniit immikkoortortaqaqfinnut tunngassuteqartut. Eqimattanik oqaloqateqarnerit atorneqarsinnaapput, soorlu nassuiaatit tunngavii, pissutaasut aamma sulinermi pissutsit akornanni imminnut ataqatigiinnerit pillugit paasiniarnerini. Eqimattanik oqaloqateqarnermi sullivimmi avatangiisit qulaajarneqassapput peqataasut isiginninneri assigiinngitsut tunngavigalugit.

Tamanna isumaqarpoq, sulisunik eqimattanngorlugit oqaloqatiginninnermik toqqaanermi, nakkutilliisumit sulissutigineqassaaq, Sullivinnik Nakkutilliisoqarfiup eqimattanngorlugit oqaloqateqarnermi sullivimmi avatangiisit qulaajarniarneqartut pillugit aqutsisut isumannaallisaanermullu aqqissuussaq siumut oqallisigineqariissasut.

Nakkutilliinermut pulaarnermut atatillugu Sullivinnik Nakkutilliisoqarfiup sulisui sulisitsisoq isumannaallisaanermullu aqqissuussaaneq oqaasiinnakkut nassuiaaffigisinnaavai, suna pillugu Sullivinnik Nakkutilliisoqarfik sulisut eqimattanngorlugit oqaloqatigineqarnissai kissaataanersoq. Sullivinnik Nakkutilliisoqarfiup sulisitsisumut isumannaallisaanermullu aqqissuussamut tamassuma tunngavia pillugu uppersaasariaqanngilaq.

Nassuiaatip Sullivinnik Nakkutilliisoqarfiup sullivimmi avatangiisit pillugit naliliinera tunngavigissavaa, Sullivinnik Nakkutilliisoqarfiup sullivimmi avatangiisit pillugit ajornartorsiuteqarneranik paasisaqarnera, tassanga misissuineq sulisut eqimattanngorlugit oqaloqatigineri pitsaanerummat. Paasisaqarnerit tigussaasut tunngaveqarpata paasissutissanik Sullivinnik Nakkutilliisoqarfiup immikkut nipangiussisussaananeranut tunngassuteqartut, tak. sullivimmi avatangiisit pillugit inatsimmi § 62, imm. 2, nakkutilliisoqarfik tamatuminnga paasissutissiisinaanngilaq. Assersuutigalugu suliffeqarfimmi angalaarnermi sulisut naammagittaalliutaaniit, sullivimmi avatangiisit pillugit allakkatigut naammagittaalliutiniit imaluunniit inuussutissarsiornermi nappaatinik nalunaarutiniit paasissutissat pissarsiarineqarpata.

Suleriaaseq atuuttoq assigalugu sulisunik eqimattanik oqaloqateqarnermi peqataasussat sulisitsisumit isumannaallisaanermullu aaqqissuussamit ataatsimoorlutik toqqassavaat, Sullivinnik Nakkutilliisoqarfiup kissaateqarnera malillugu, soorlu sulinermi atuuffik, suliassaqarfik, sulisut eqimattat sulisimanerisalu sivisussusaat. Sullivinnik Nakkutilliisoqarfiup suli nassuiaateqarfigissavaa, sulisut qanoq amerlatigisut oqaloqatiginissaanut pisariaqarnerseq suliassamut paasissutissiisinaanermut. Amerlassutsit aalajangerneqarnera suliffeqarfiup angissusaanut suliassallu suuneranut naapertuutissaaq.

Ullumikkut Sullivinnik Nakkutilliisoqarfiup suleriaaseraa, sulisunik eqimattanik oqaloqateqarnerup taamaallaat ingerlanneqarsinnaasoq, sulisitsisumik peqataaffigineqanngitsumik, taassuma sinniisuanik inummilluunniit sulisitsisumit toqqakkamik, sulitsisup tamanna akerliuffiginngippagu.

Siunnersuutigineqarpoq § 59-mi nutaatut ikkunneqassasoq *imm. 6*, Sullivinnik Nakkutilliisoqarfimmi sulisut nakkutilliinermini sulisunik eqimattanik oqaloqateqarsinnaasut, sullivimmi avatangiisinut peqquteqartoqarpat. Eqimattanik oqaloqateqarnerit ingerlanneqarneranni sulisitsisoq taassumaluunniit sinniisaa aallaavittut peqataasinnaatitaavoq, Sullivinnik Nakkutilliisoqarfimmi sulisunit nalilerneqarpat, eqimattanik oqaloqateqarnek siunertamut maangaannarnissaanik aarlerinartoqanngippat.

Sulisunik eqimattanik oqaloqateqarnek paasineqassaaq, Sullivinnik Nakkutilliisoqarfiup sulisui sulisunik arlalinnik ataatsimut oqaloqatiginninneri, sulisitsisumik isumannaallisaanermullu aaqqissuussamik oqaloqateqarnissat sioqqullugit isumaqatigiissutigineqartut pilersarusiorneqartullu. Tamanna taaguut maannakkut Sullivinnik Nakkutilliisoqarfimmit atorneqarpoq.

Siunertaanngilaq suleriaatsip atuuttup allanngortinneqarnissaa, Sullivinnik Nakkutilliisoqarfimmi sulisut nakkutilliineranut atatillugu pulaarnermi

sulisitsisoq isumannaallisaanermullu aaqqissuussaaneq oqaasiinnakkut nassuiaaffigisinnaagaat, suna pissutigalugu Sullivinnik Nakkutilliisoqarfik sulisunik eqimattanik oqaloqateqarnerit ingerlanneqarnissaanik kissaateqarnerisq.

Suleriaaseq atuuttoq assigalugu, Sullivinnik Nakkutilliisoqarfiup piumasarisinnaanngilaa, sulisut eqimattanngorlugit oqaloqateqarnermi peqataanissaat.

Sulisitsisoq, taassuma sinnisaa, inulluunniit ataaseq, sulisitsisumit toqqarneqartoq, siunnersuutaasoq malillugu aallaavittut pisinnaatitaavoq sulisunik eqimattanik oqaloqateqarnermi peqataanissamut. Tassunga piunasaqaataavoq Sullivinnik Nakkutilliisoqarfiup sulisitsisoq tamatuminnga paasisitsisimaneranik. Inummik ataatsimik sulisitsisumit toqqarneqartumik sulisut eqimattanngorlugit oqaloqateqarnermut peqataasussaq, tassaasinnaavoq HR-p immikkoortortaqaarfianiit sinnisooq.

Sulisitsisup, taassuma sinnisaa inulluunniit ataaseq, sulisitsisumit toqqarneqartup, najuunnissaa pisut ilaanni naleqquttuusinnaavoq. Sulisitsisoq, taassuma sinnisaa, inulluunniit ataaseq sulisitsisumit toqqarneqartoq, sullivimmi avatangiisit pillugit ajornartorsiuteqarnermut qulaajaanermi ikiuisinnaavoq taamatullu ataatsimut ilisimasanut iluaqutaasinnaasunik ikiuutaasinnaalluni, suliffeqarfiup sullivimmi avatangiisit pillugit sulinermini ingerlatitseqqinnissaanut.

Tamatigut nalilersoqqissaarneqartassaaq, siunertarisamik asuliinnartitsinnginnissamut, sulisitsisoq, taassuma sinnisaa, inulluunniit ataaseq sulisitsisumit toqqagaq najuutissappat.

Inatsisissatut siunnersuummut oqaaseqaatini nalinginnaasuni imm. 2.6.3. innersuussutigineqarpoq.

Nr. 64-mut (§ 60, imm. 1)

§ 60, imm. 1 atuuttumi takuneqarsinnaavoq, Suliffinnik Nakkutilliisoqarfiup peqqussutigisinnaagaa, pissutsini inatsimmut malittarisassanulluunniit imaluunniit inatsit naapertorlugu aalajangiinernut akerliusuni iluarsiivigineqassasut piaartumik imaluunniit piffissarititaasup iluani. Pisoq inatsisit malillugit iluarsineqarnissaa suliffeqarfimmut peqqusineruvoq.

§ 60, imm. 1-mi allanguutissatut siunnersuutigineqartumik Sullivinnik Nakkutilliisoqarfik periarfissaalissaaq aalajangiisinnaanermik, nakkutilliinerup nalaani unioqquitsisoqarsimappat, naak pisoq inatsisit malillugit iluarsineqarnissaa pillugu suliffeqarfimmut peqqusinissamut tunngaveqanngikkaluartoq. Siunnersuut pisunut inatsisit malillugit iluarsineqareersunut tunngatinneqarpoq, taamaattumillu peqqusinissamut tunngavissaqarnani.

Allanguummut siunertaavoq erseqqissassallugu, Sullivinnik Nakkutilliisoqarfiup qisuariarnermut periarfissamik atuininerani pingaaruteqarmat, nakkutilliilluni pulaarnermi sullivimmi avatangiisit pillugit inatsimmik unioqquitsisoqartoq paasineqarnera.

Inatsisissatut siunnersuummut oqaaseqaatini nalinginnaasuni imm. 2.6.6. innersuussutigineqarpoq.

Nr. 65-mut (§ 60 a)

Malittarisassat atuuttut malillugit Kalaallit Nunaanni Sullivinnik Nakkutilliisoqarfik sulisitsisumik isumaqatigiissuteqarnissamik periarfissaqanngilaq, sullivimmi avatangiisit pillugit immikkut suliniuteqarniartumut, suliffeqarfiup nammineq sullivimmi avatangiisit pillugit ajornartorsiummik ataatsimik arlalinnilluunniit aaqqinissaanut. Ullumikkut Sullivinnik Nakkutilliisoqarfik suliffeqarfimmi inatsisunik unioqquitsisoqarsimappat, sulisitsisoq aallaavittut peqqusummik aalajangiiffigineqassaaq, tak. § 60.

Siunnersuutigineqarpoq, aalajangersakkamik nutaamik § 60 a-mik ikkussisoqarnissaa, Sullivinnik Nakkutilliisoqarfik isumaqatigiissusiorfigineqarsinnaasoq sullivimmi avatangiisit pillugit pitsanngorsaanisssamut, sullivimmi avatangiisit pillugit ajornartorsiu tip

siammarternissaa imaluunniit unioqutitsisoqarneranik pasitsaassaqaqarnermut atatillugu.

Tamanna isumaqarpoq, § 60 a, imm. 1 malillugu Sullivinnik Nakkutilliisoqarfik periarfissaqalissasoq sulisitsisumik allakkatigut isumaqatigiissusiortoqarsinnaasoq sullivimmi avatangiisit pillugit pitsanngoriaatissamut aamma piffissalissap isumaqatigiissutaasup iluani sullivimmi avatangiisit pillugit ajornartorsiummut ataatsimut arlalinnuunniit aaqqiissutissamut.

§ 60, imm. 2-mut tunngatillugu isumaqarpoq Sullivinnik Nakkutilliisoqarfik isumaqatigiissusiorsinnaavoq pisuni makkunani:

1) Sullivinnik Nakkutilliisoqarfik pilersaarpat piffissaliilluni peqqussuteqarniarluni sulisitsisorlu kissaateqarpat sullivimmi avatangiisit pillugit ajornartorsiut pineqartoq suliffeqarfimmi arlalinni aaqqissuteqarfiginiarlugu, imaluunniit

2) Sullivinnik Nakkutilliisoqarfik pasitsaassaqaqarpat, malittarisassanik unioqutitsisoqarneranik, aamma sulisitsisumit kissaatigineqarpat pissutsinik pasitsaassiffiusuni aaqqiinissamik.

Kingullertut taaneqartumi ingammik ajornartorsiutinut katitigaasunut, soorlu sullivimmi tarnikkut avatangiisiinut tunngasunut, attuumassuteqassaaq.

Sullivimmi avatangiisit pillugit ajornartorsiutit ingerlatsinermut tunngatillugit isumaqatigiissusiortoqarsinnaanngilaq. Isumaqatigiissuteqarfigineqarsinnaapput suliffimmi avatangiisit pillugit ajornartorsiutit atortunut tunngasut kisimik. Atortunut ajornartorsiut ima paasillugu ajornartorsiut, suliami aalajangersimasumi isumannaallisaanermik peqqinnissamillu toqqaannartumik ajorseriartitsinissaanut aarlerinartoqartoq, assersuutigalugu ajutoornerni ajornartorsiut, kemi, atortorissaarutini kiisalu suliffimmi tarnikkut avatangiisiinut tunngasuni. Sullivimmi avatangiisit pillugit ajornartorsiut

ingerlatsinermut tunngasoq ima paasineqassaaq soorlu sullivimmik amigartumik nalilersuineq imaluunniit isumannaallisaaanermik aaqqissuussaq amigaataasoq (allannguutissatut siunnersuummi sulinermi avatangiisit pillugit aaqqissuussaq, tak. oqaaseqaatit nalinginnaasut, imm. 2.2.1.3).

§ 60 a, imm. 2, nr. 1-mi aalajangersakkap malitsigaa, Suliffinnik Nakkutilliisoqarfik paasisaqarpat pissutsinik inatsisinut akerliusoq piffissaliinikkut tamatuminnga aaqqiinneqartariaqartoq (nalinginnaasumik peqqussuteqarneq) isumaqatigiisummik atsiortoqarsinnaasoq. Taamaalilluni siunnersuummi periarfissaqanngilaq sulisitsisoq isumaqatigiisummik atsioqatiginissaanut, Sullivinnik Nakkutilliisoqarfik pilersaarpat inerteqquteqarnissamik imaluunniit ingerlaannartumik peqqussuteqarnissamik annertuumik ulorianartorsiortoqarnerani, tassani pineqarmat pisut ulorianartorsiortitsisut, ingerlaannartumik imaluunniit piffissarititaasoq sivikitsuaraq atorlugu aaqqiivigineqartussat.

Periuseq assigalugu periarfissaqanngilaq isumaqatigiisummik atsioqatigiinnissaq, Suliffinnik Nakkutilliisoqarfik ingerlaannaq peqqussuteqarnissamik pilersaarpat, malunnaatilimmik ulorianartorsiortoqartinnagu, matumani pisunik piffissap sivikitsuinnaap iluani aaqqiivigineqartussat (nalinginnaasumik peqqussut) pineqanngimmata. Piffissap sivikitsuuaqqap iluani ajornartorsit aaqqiivigineqassaaq, soorlu aalajangiinermut siunertaq maangaannartinneqannarsinnaammat.

Ilanngullugu isumaqatigiisummik atsioqatigiinneq periarfissaqanngilaq, suliffimmi pissutsit isumannaallisaaaneq peqqinnissarlu eqqarsaatigalugit illersorneqarsinnaanersut sulisitsisoq misissuissariaqarpat, Sullivinnik Nakkutilliisoqarfik misissuinissamik peqqusummik tunniussaqaassalluni pilersaarpat. § 60 a, imm. 2, nr. 1-mi aalajangersakkap malitsigaa, Sullivinnik Nakkutilliisoqarfiup pissutsit paasippagit isumaqatigiisummik atsioqatigiittoqarsinnaasoq piffissaq aalajangersimasoq qaangiutsinnagu

aaqqiivigineqartussat (nalinginnaasumik peqqussuteqarneq).

Isumaqatigiissummik atsioqatigiinnissaq siunertaanngilaq suliffeqarfiup aallartereersimappassuk Suliffimmi avatangiisit pillugit ajornartorsiummik aaqqiissuteqarneq siusinnerusukkut Sullivinnik Nakkutilliisoqarfiup aalajangiinera tunngavigalugu.

Sulisitsisup nammineq piumassutsini malillugu, kissaammik tassangga Sullivinnik Nakkutilliisoqarfik isumaqatigiissuteqarfigisinnaavaa. Peqatigitillugu Sullivinnik Nakkutilliisoqarfiup nalilissavaa, sullivimmi avatangiisit pillugit ajornartorsiummik aaqqiinissamut isumaqatigiissuteqarneq naleqquttuunersoq. Illuatungeriit marluullutik isumaqatigiissusiunnginnerminni isumaqatigiissut aaqqiinissamut naleqquttuunersoq isumaqatigiissutigissavaat. Isumaqatigiissummik atsioqatigiinnissaq isumaqatigiissutigineqarpat, suliffeqarfimmi pisussaataasooq pisinnaatitaasorlu atsioqatigineqassaaq.

Sulisitsisoq pasillummut isumaqataanngippat, ima paasillugu, ilimagineqarpat sulinermi avatangiisit pillugit ajornartorsiuteqartoq, sulisitsisoq toqqaasinnaavoq isumaqatigiissummik atsioqatigiinneq piumanagu. Taamaattoq sulisitsisoq isumaqatigiissummik atsiornissaq naaggaarnissaanut tamatigut periarfissaqarpoq, sulisitsisup isumaqatigiissut aqputigalugu ingerlaarneq soqutiginnippagu. Sullivinnik Nakkutilliisoqarfiup nalilerpagu peqqussuteqarneq naleqqunnerusoq peqqussuteqarsinnaaneq siunertaralugu Sullivinnik Nakkutilliisoqarfik sullivimmi avatangiisit pillugit ajornartorsiuteqarneranik pasitsaasaqarnermi tamatigut qulaajaanermik ingerlatitseqqiisinnaavoq.

Sullivinnik Nakkutilliisoqarfiup sulisitsisullu akornanni isumaqatigiissut allakkatigut pissaaq, aamma suliffeqarfimmi sullivimmi avatangiisit pillugit ajornartorsiuteqarfiusut, isumaqatigiissummi allaqqasut, aaqqiiviginissai pillugit sulisitsisoq pisussaaffilerneqassaaq. Suliffimmi avatangiisit pillugit ajornartorsiut piffissaliineq qaangiutsinnagu aaqqiivigineqassasoq, Sullivinnik Nakkutilliisoqarfiup sulisitsisullu akornanni erseqqinnerusumik

isumaqatigiissutigineqassaaq. Sullivimmi avatangiisit pillugit ajornartorsiutip suunera annertussusaalu apeqqutaatillugit naliliineq aallaavigalugu piffissaliineq aalajangerneqassaaq. Sullivimmi avatangiisit pillugit ajornartorsiuteqarneranik pasitsaassaqarnermi isumaqatigiissummut piffissaliussamut allaaviusarpoq, sullivimmi avatangiisit pillugit ajornartorsiutit pineqartut pillugit peqqussuteqarnermi piffissaliunneqartartut, suliffeqarfimmili ajornartorsiut sumiiffinni arlalinniippat sulisitsisup aaqqiivigisassaa, isumaqatigiissutini piffissaliussaq sivisunerusinnaalluni. Suliffeqarfik aaqqiinissamut piffissaliussap sivitsorneqarnissaanik qinnuteqarpat, Sullivinnik Nakkutilliisoqarfik nalileereernerup kingorna piffissaliussamik sivitsuisinnaavoq.

Inatsissatut siunnersuut atorlugu nakkutilliinerni assigiinngitsuni tamani aamma sulitsisut assigiinngitsut isumaqatigiissutinik atsioqatigiissutigineqarsinnaapput.

Inatsisissatut siunnersuut atorlugu sullivimmi avatangiisit pillugit ajornartorsiummik ataatsimik arlalinnilluunniit aaqqiissuteqarnissaq pillugu isumaqatigiissummik atsioqatigiinneq pisinnaavoq, saniatigut suliffeqarfik sullivimmi avatangiisit pillugit ajornartorsiutit allat pillugit aalajangiiffigineqartoq, sullivimmi avatangiisit pillugit ajornartorsiummik ataatsimik arlalinnilluunniit aaqqiivigineqarnissai pillugit isumaqatigiissummi taaneqartuniit.

Isumaqatigiissummut naleqqiullugu pingaarutilimmik allannguisoqarpat Sullivinnik Nakkutilliisoqarfik attavigineqassasoq, isumaqatigiissummut ilaatinneqassaaq.

Sullivinnik Nakkutilliisoqarfik suliffeqarfimmi nakkutilliippat, sullivimmi avatangiisit pillugit ajornartorsiutip aaqqiivigineqarnissaa pillugu Sullivinnik Nakkutilliisoqarfimmik isumaqatigiissuteqartumik, taava Sullivinnik Nakkutilliisoqarfiup aallaavittut sullivimmi avatangiisit pillugit ajornartorsiut isumaqatigiissummi ilaatinneqartoq pillugu nakkutilliissanngilaq. Taamaattoq Sullivinnik Nakkutilliisoqarfik sullivimmi avatangiisit pillugit ajornartorsiuteqarneranik

tunnjavissaqarluni pasitsaassaqaqnermi, soorlu ajútoorneq imaluunniit naammagittaalliorneq pissutigalugu, tamatigut nakkutilliisinnaavoq. Isumaqaatigiissut sulisitsisumit malinneqanngitsoq pillugu sulisuniit naammagittaalliutit, sullivimmi avatangiisit pillugit naammagittaalliutit allatut suliarineqassapput.

Siunnersuummi § 60 a, *imm. 3-mi*, isumannaallisaanermut aqqissuussaq (allannguutissatut siunnersuutavoq imaalillugu sullivimmi avatangiisit pillugit aqqissuussaq tak. oqaaseqaatit nalinginnaasut, imm. 2.2.1.3.) imaluunniit suliffeqarfimmi sulisut sullivimmi avatangiisit pillugit aqqissuussamik peqanngitsut isumaqaatigiissusiortoqarneranik ilisimatinneqassapput. Ilanngullugu isumannaallisaanermut aqqissuussaq imaluunniit sulisut sullivimmi avatangiisit pillugit ajornartorsiummik, isumaqaatigiissutigineqartumi, aaqqiinernermit peqataatinneqassapput.

Siunnersuummi § 60 a, *imm. 4-mi*, Sullivinnik Nakkutilliisoqarfiup isumaqaatigiissut malitseqartissavaa, pissutsit misissorniarlugit. Malitseqartitsineq pisinnaavoq, Sullivinnik Nakkutilliisoqarfiup naliliinera malillugu, qarasaasiatigut imaluunniit oqarasuaatikkut. Qarasaasiakkut oqarasuaatikkulluunniit malitseqartitsineq ingerlanneqarpat, piunasaqaataavoq Sullivinnik Nakkutilliisoqarfik periarfissaqassasoq aqutsisut peqataaffingngisaannik sulisut sinniisuannik oqaloqateqarnissaq. Malitseqartitsinermit ukkatarineqassaaq sullivimmi avatangiisit pillugit ajornartorsiut, suliffeqarfiup piffissarititaasoq qaangiutsinnagu aaqqiiviginiarlugu pisussaaffigisaa. Isumaqaatigiissummi pineqarpat, suliffeqarfiup aaqqiivigisassaa suliffimmi avatangiisit pillugit ajornartorsiut pineqartoq suliffeqarfimmi sumiiffinni arlalinniippat taamaattumillu sumiiffinnut arlalinnut aaqqiissuteqarnissat pisariaqarluni, Sullivinnik Nakkutilliisoqarfiup naliliinermi kingorna toqqarsinnaavaa malitseqartitsineq sumiiffinni ikinneruni ingerlanneqassasoq.

Malitseqartitsineq takussutissaqarpat, sullivimmi avatangiisit pillugit ajornartorsiut aaqqiivigineqanngitsoq, Sullivinnik Nakkutilliisoqarfik aalajangiinissaq siunertaralugu ajornartorsiut qulaajarnissaanut periarfissaqarpoq. Siunertaavoq, sulisitsisoq sullivimmi avatangiisit pillugit ajornartorsiutit aaqqiivigineqarnissaat pillugu Sullivinnik

Nakkutilliisoqarfimmik nutaamik isumaqatigiisummik
atsioqatiginissaanut periarfissaqassanngitsoq, sullivimmi avatangiisit
pillugit ajornartorsiut isumaqatigiissut aqqutigalugu
aaqqiivigineqanngitsoqartillugu isumaqatigiissutip qaangiunnerata
kingorna piffissaq aalajangersimasoq qaangiutsinnagu.

§ 60 a, *imm.* 5-mut siunnersuut malillugu, isumaqatigiissut sulisitsisumiit
imaluunniit Sullivinnik Nakkutilliisoqarfimmiit taamaatinneqarsinnaavoq,
pissutsit isumaqatigiissutaasut pingaarutilimmik allannguuteqarpata.
Assersuutigalugu sullivimmi avatangiisit pillugit ajornartorsiut alla
pineqartoq isumaqatigiisummi allaqqasumut naleqqiullugu.
Taamaatitsineq piffissami sukkulluunniit pisinnaavoq. Isumaqatigiissut
Sullivinnik Nakkutilliisoqarfimmiit taamaatinneqarsinnaavoq, pissutsit
isumaqatigiissutaasut pingaarutilimmik allannguuteqarpata.
Imaassinnaavoq soorlu Sullivinnik Nakkutilliisoqarfik pasitsaassaqaruni,
isumaqatigiissut malillugu suliffimmi avatangiisit pillugit
ajornartorsiummik suliffeqarfik suliniuteqanngitsoq. Imaasinnaavorluunniit
ajornartorsiut isumaqatigiissutaasoq pillugu suliffeqarfiup
aaqqiissuteqarniarnera naleqqutinngitsoq. Isumaqatigiissut
taamaatinneqarpat, Sullivinnik Nakkutilliisoqarfik qulaajaassaaq,
peqqussummik nalunaaruteqarnissamut tunngavissaqarnersoq.

Isumaqatigiissut aalajangiiffiunngimmat, sulisitsisoq suliffeqarnermut
ministerimut naammagittaalliorsinnaangilaq (allannguutissatut
siunnersuutigineqarpoq uunga Sullivinnik avatangiisit pillugit
Naammagittaalliortarfik tak. oqaaseqaatit nalinginnaasut, *imm.* 2.6.7.)
isumaqatigiissut imaluunniit suliffeqarfiup isumaqatigiisummik
neqeroorfigineqannginnera pillugu. Isumaqatigiisummik taamaatitsineq
aamma aalajangiinerunngilaq, taamaattumik aamma Sullivinnik
avatangiisit pillugit Naammagittaalliortarfimmut
naammagittaalliutigineqarsinnaangilaq.

Sullivinnik avatangiisit pillugit Naammagittaalliortarfik suliffeqarfimmiit,
peqqussummik tunineqarsimasoq, naammagittaalliummik tigusaqaruni,
aamma suliffeqarfiup tunngavilersuutigalugu isumaqatigiisummik

atsioqatigiinnissamut tunngavissaqartoq, taava Sullivinnik avatangiisit pillugit Naammagittaalliortarfik isumaqatigiissut pillugu apeqqummut tunngatillugu suliamik suliaqarnissaq itigartitsissutigissavaa, innersuussissutigalugu Sullivinnik avatangiisit pillugit Naammagittaalliortarfik apeqqut suliarissallugu piginnaatitaanngimmat. Assinganik isumannaallisaanermut sinniisuniit (allanngortinnissaanik siunnersuutaasoq imaalillugu sullivimmi avatangiisit pillugit sinniisut tak. nalinginnaasumik oqaaseqaatit, imm. 2.2.1.3.) imaluunniit sulisuniit, isumaqatigiissummik atsioqatigiinnermut paarlaallugu peqqusummik tunniussisoqarnissaanik isumaqartuniit, naammagittaalliutit pillugit Sullivinnik avatangiisit pillugit Naammagittaalliortarfik itigartitsisinnaavoq. Ilanngullugu Sullivinnik avatangiisit pillugit Naammagittaalliortarfiup naammagittaalliutit itigartitsissutigisinnaavai, makkununga tunngasut, piffissaliinerup sivitsornissaannut, piffissaliinermik sivitsuinngitsoornermut, isumaqatigiissummik taamaatitsineq imaluunniit isumaqatigiissummik taamaatitsinngitsoorneq il.il.

Sullivinnik avatangiisit pillugit Naammagittaalliortarfimmut naammagittaanneq pisinnaangilaq, makkua pillugit isumaqatigiissummik atsiunngitsoorneq imaluunniit Sullivinnik Nakkutilliisoqarfimmiit isumaqatigiissummik taamaatitsineq. Taamaattoq suliffeqarfik suliffeqarnermut ministereqarfimmut naammagittaalliornissamut periarfissaqartuaannarpoq Sullivinnik Nakkutilliisoqarfiup oqartussaasutut suliai pillugit, soorlu nakkutilliisup suliffeqarfimmut pulaarnerup nalaani pissusilersuutaa pillugu.

Inatsisissatut siunnersuummut oqaaseqaatini nalinginnaasuni imm. 2.6.4 innersuutigineqarpoq.

Nr. 66-mut (§ 61)

Inatsimmi § 61, imm. 1, 1986-mi eqqunneqartoq aalajangersagaq atuuttoq malitseqarpoq, suliffeqarnermut ministeri malittarisassiorsinnaasoq, suliffeqarfimmi nakkutilliinermut allattuiffimmik imaluunniit

uppernarsaatiniq assigusunik nakkutilliisoqarfiup nakkutilliinerinut, peqqussuteqarnerinut aamma sullivimmi avatangiisit pillugit pissutsit allat pillugit nalunaaruteqarnerinut kiisalu nakkutilliinermut allattuiffiup atorneqarneranut toqqartarineqarneranullu imaluunniit uppernarsaatinut.

Nakkutilliinermut allattaavik Sullivinnik Nakkutilliisoqarfimmiit pulaarneqarnermi aalajangiinernullu il.il. uppernarsaasiornernut atorneqassaaq. Aalajangersagaq nalunaarutitut piviusunnigortinneqanngilaq.

§ 61, *imm. 2* atuuttoq malitseqarpoq, Sullivinnik Nakkutilliisoqarfiup allakkatigut peqqussutit il.il. pillugit piffissaliussaq qaangiutsinnagu akissuteqarnissamik piumasaqaat sulisitsisup eqquutsissavaa.

Siunnersuutigineqarpoq § 61 atorunnaarsinneqassasoq.

Sullivinnik Nakkutilliisoqarfik ullumikkut Kalaallit Nunaanni suliffeqarfinnut allakkatigut e-mailikkut attaveqartarpoq. Suliffeqarfiit pulaarnermi nalunaarusiat, peqqussutit aamma allakkatigut ilisimatitsissutit allat tamarmik e-mailikkut tigusarpaat. Piffissaliinernut, peqqusinerit pillugit akissuteqarnerit aamma peqqussutinik eqquutsisinerit e-mail aqqutigalugu attaveqarneq aamma pisarpoq.

61, *imm. 2*-mut aalajangersagaq, inatsimmi § 61, *imm. 1*-itut nutaatut ikkunneqassaaq.

Oqaaseqaatini nalinginnaasuni *imm. 2.3.5.* innersuussutigineqarpoq.

§ 61, *imm. 1* nutaaq malitseqarpoq, Sullivinnik Nakkutilliisoqarfiup aalajangiineranik sulisitsisoq allakkatigut akissuteqassasoq, Sullivinnik Nakkutilliisoqarfimmit tamanna noqqaassutigineqarpat. Tamanna § 61, *imm. 2* assigivaa, Sullivinnik Nakkutilliisoqarfimmit piffissaliussaq aalajangerneqartoq qaangiutsinnagu allakkatigut peqqussutit il.il. pillugit sulisitsisup akissuteqarnissaanut piumasaqaat, una allaanerussutigaa, akissuteqarneq pissammat Sullivinnik Nakkutilliisoqarfiup noqqaassutigippagu. Siunnersuut inatsimmi maannakkut atuuttumi § 61 atorunnaarsinneqarnissaa pillugu siunnersuummut ataqatigiissinneqassaaq.

Ilanngullugu § 61, *imm. 2* nutaaq siunnersuutigineqarpoq, sulisitsisup qulakkiissagaa nalunaarutigalugulu, isumannaallisaanermut aaqqissuussaq (allannguutissatut siunnersuutigineqartoq sullivimmi avatangiisit pillugit aaqqissuussaq, tak. oqaaseqaatit nalinginnaasut, *imm. 2.2.1.3.*) imaluunniit suliffeqarfinni, isumannaallisaanermut aaqqissuussamik pilersitsinissamut pisussaaffeqanngitsuni, sulisunut sinniisoq akissuteqarnissamut piffissarititaasoq qaangiutsinnagu akissuteqaatip imarisaanik ilisimatinneqarsimanera.

Inatsisissatut siunnersuummut oqaaseqaatini nalinginnaasuni *imm. 2.3.6.* aamma immikkut oqaaseqaatini nr. 64 innersuussutigineqarput.

Nr. 67-mut (§ 62, *imm. 1*)

§ 62, *imm. 1*, atuuttoq malitseqarpoq, inatsinni kapitali 10-12 malillugit suliassat sularineqartut nipangiussisussaataaneq, Kalaallit Nunaanni pinerluttulerinermut inatsimmi § 29-ittumik malinnittussaataavoq.

Inatsimmi kapitali 10 naleqqussaavoq, nakorsamik misissortinnernut tunngasuni sulianut, sulinerni sulisut peqqinnissaannut ulorianartorsiortitsisuni. Kapitali 11 Kalaallit Nunaanni Suliffigissaasut suliaannik aamma katitigaanerannik naleqqussaavoq. Kapitali 12 Sullivinnik Nakkutilliisoqarfiup suliaanik aamma atuunneranik naleqqussaavoq.

Siunnersuutigineqarpoq § 62, *imm. 1*-mi allannguuteqassasoq »kapitali 10-12« uunga »kapitel 10-13«-nngorlugu, aamma »§ 29« allangortissasoq »§§ 50-54«-nngorlugu.

Tamanna isumaqarpoq, nipangiussisussaataaneq maannakkut aamma atuummat, naammagittaalliorsinnaaneq pillugu inatsimmi kapitali 13 malillugu suliaanik suliaqarnermi. Siunnersuut isigineqassaaq, naammagittaalliorsinnaaneq allanngortinniarlugu siunnersuutigineqarmat, taamaalilluni Sullivinnik Nakkutilliisoqarfimmit aalajangiinerit pillugit siunissami Sullivinnik avatangiisit pillugit Naammagittaallioarfimmut apuunneqartassammata, suliffeqarnermut ministerimiikkunnaarluni.

Allannguut § 29-miit §§ 50-54-mut naqqiinernik kinguneqarpoq, Kalaallit Nunaanni pinerluttulerinermut inatsimmi nipangiussisussaataaneq pillugu aalajangersakkat allannguuteqarnerata malitsigisaanik.

Inatsisissatut siunnersuummut oqaaseqaatini nalinginnasuni imm. 2.6.5.3. innersuussutigineqarpoq.

Nr. 68-mut (§ 62, imm. 2)

§ 62, imm. 2 atuuttoq immikkut nipangiussisussaataanermut aalajangersagaavoq, ingerlatsinermut inatsimmi pinerluttulerinermullu inatsimmi nalinginnaasumik nipangiussisussaataanernik annertusaanerulluni.

§ 62, imm. 2 atuuttup Sullivinnik Nakkutilliisoqarfimmut suliffeqarfimmi sullivimmi avatangiisinut pissutsit pillugit sulisut naammagittaalliuteqartut illersorpai, paasissutissat Sullivinnik Nakkutilliisoqarfiup sulisitsisumut taassumaluunniit sinniisuanut ingerlateqqinneqarnissaannut.

Allannguutissatut siunnersuut § 62, imm. 2, kinguneqarpoq, sulisoq naammagittaalliortoq aamma maannakkut illersugaalermat, Sullivinnik Nakkutilliisoqarfiup allat pillugit naammagittaalliutit pillugit paasissutissanik ingerlatitseqqiineranut sulisitsisoq imaluunniit taassuma sinniisaata avataatigut.

Aalajangersakkami ilaatinneqarpoq naammagittaalliutip imarisaa, paasissutissat naammagittaalliortup kinaanernik ilisarititsisut, naammagittaalliummut paasissutissat, aamma naammagittaalliornerup kingunerisaanik nakkutilliilluni pulaarneqarnissamik paasissutissat.

Nakkutilliinernut nalinginnaasunut atatillugu, aalajangersagaq isumaqarpoq, Sullivinnik Nakkutilliisoqarfimmi sulisut paasissutisseeqqusaanngillat, naammagittaalliuteqarnerup kingunerisaanik nakkutilliilluni pulaartoqartoq, imaluunniit Sullivinnik Nakkutilliisoqarfik naammagittaalliummik tigusaqarsimasoq. Paasissutissanik taamaattunik qinnuteqartoqarpat Kalaallit Nunaanni ingerlatsinerne inatsimmi, pisortat ingerlatsinerat pillugu paasitinneqarsinnaataaneq pillugu inatsimmi aamma paasissutissat inummut tunngassuteqartut pillugit inatsimmi malittarisassat malillugit suliarineqassaaq.

Paasissutissanik paasitinneqarsinnaaneq pillugu qinnuteqarneq Sullivinnik Nakkutilliisoqarfik tigusaqaruni allaninggaaniit illuatungerisap avataatigut, paasissutissat immikkut nipangiussisussaataaerermut § 62, imm. 2-mi ilaatinneqartut, Sullivinnik Nakkutilliisoqarfimmiit itigartitsissutigineqarsinnaavoq pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 8, 13. juni 1994-imeersumi § 14 tunngavigalugu, uunga innersuussilluni, sullivimmi avatangiisit pillugit inatsimmi § 62, imm. 2.

Paasissutissanik paasitinneqarsinnaatitaaneq pillugu qinnuteqarnermut attuumassuteqartillugu, pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq, paasissutissat inummut tunngassuteqartut pillugit inatsit nr. 429, 31. maj 2000-meersoq, inatsisitigut allannguuteqartoq nr. 1245, 18. december 2012-ikkut, § 62, imm. 2 tigussaasumik nalilersuinerermut ilaatinneqassaaq, aalajangersakkallu attuumassuteqartut malillugit suliaq ingerlanneqassalluni.

Tamatuma saniatigut aalajangersagaq oqaatsitigut paasiuminarsarneqarpoq, tassunga ilagitillugu "sulisisisumut sinniisoq" maannakkut "allat"-nut ilaatinneqalermat. Paasiuminarsaaneq siunertaqarpoq, taamaallaat inuit eqimattat annertusineqarnerannik, napingiussisussaataaerermut atuuttumi piviusunnigortussanik allannguinerataqanngilaq.

Inatsisissatut siunnersuummut oqaaseqaatini nalinginnaasuni imm. 2.6.5. innersuussutigineqarpoq.

Nr. 69-mut (§ 63)

§ 63-mi atuuttumi qallunaatut taaguusersuinerermut atorneqarput, »landsstyret« aamma »minister«.

Tamanna allannguutissatut siunnersuutaavoq, kalaallisut taaguusersuineq »Naalakkersuisut« aamma »naalakkersuisoq«, aalajangersagaq ullutsinnut naleqqussarlugu.

Oqaaseqaatini nalinginnaasuni imm. 2.8.1.2. innersuussutigineqarpoq.

Nr. 70-72-mut (§ 64, imm. 1-5)

§ 64, *stk. 1*-mi aalajangersakkami atuuttumi takuneqarsinnaavoq, Sullivinnik Nakkutillisoqarfimmit aalajangiineq pillugu naammagittaalliorneq, suliffeqarnermut ministerimut sapaatip akunneri arfinillit qaangiutsinnagit tunniunneqarsinnaasoq, aalajangiineq pineqartumut nalunaarutigineqareerneranit.

§ 64, *imm. 2*-mi aalajangersakkami atuuttumi takuneqarsinnaavoq, naammagittaalliut Sullivinnik Nakkutillisoqarfimmut nassiunneqassasoq – aalajangiineq aalajangiusimaneqarpat – naammagittaalliut suliffeqarnermut ministerimut ingerlateqqinneqassalluni.

Aamma takuneqarsinnaavoq, § 64, *imm. 3* atuuttoq, piffissaq eqqorlugu naammagittaalliteqarneq kinguartitsinermik sunniuteqassaaq suliffeqarnermut ministerimit aalajangiisoqarnissaata imaluunniit suliffeqarnermut ministerimit allamik aalajangiussaqaarnissaata tungaanut.

§ 64, *imm. 4*-mi atuuttumi takuneqarsinnaavoq, immikkut peqquteqartoqarnerani, suliffeqarnermut ministerimit naammagittaalliut suliarineqarsinnaavoq, naammagittaalliut piffissaq eqqorlugu takkussimanngikkaluarpuunniit kinguartitsisoqarsinnaalluni.

Kingullertut takuneqarsinnaavoq, § 64, *imm. 5*-mi atuuttumi, naammagittaalliut pillugu aalajangiinnginnermi Suliffigissaasut oqaaseqaateqarnissaat suliffeqarnermut ministerimit pissarsiarinissagaa.

Siunnersuutigineqarpoq § 64, *imm. 1-4* allanngortinneqassasoq, imaalillugu ”suliffeqarnermut ministeri” taarserneqassasoq ”Sullivimmi avatangiisit pillugit Naammagittaalliortarfik”, aamma *imm. 3*-mi ”suliffeqarnermut ministerip”, imaalillugu allanngortinneqaarnissasoq ”Sullivimmi avatangiisit pillugit Naammagittaalliortarfiup”.

Tamanna isumaqarpoq, Kalaallit Nunaanni Sullivinnik avatangiisit pillugit inatsit naapertorlugu Kalaallit Nunaanni Sullivinnik Nakkutillisoqarfimmiup aalajangiineri pillugit naammagittaalliutit, siunissami Danmarkimi Sullivimmi avatangiisit pillugit Naammagittaalliortarfimmut ingerlanneqartalernissaat.

Danmarkimi Sullivimmi avatangiisit pillugit Naammagittaalliortarfiup qal-lunaat sullivimmi avatangiisit pillugit inatsisaat naapertorlugu, ilaatigut qal-lunaat sullivinnik Nakkutillisoqarfianit aalajangiinerit pillugit naammagittaalliutit suliarisarpai.

1999-mi Sullivimmi avatangiisit pillugit Naammagittaalliortarfik pilersinneqarmat, naammagittaalliuteqarfik sullivimmi avatangiisit pillugit inatsisip iluani annertuumik ilisimasaqarneq ineriartortinneqarpoq. Taamaattumik naleqqunnerpaatut isigineqarpoq, sullivimmi avatangiisit pillugit naammagittaalliutit naammagittaalliortarfiup suliarippagit suliffeqarnermut ministerimiunngitsoq. Kalaallit Nunaanni pissutsit immikkut ittut pillugit ilisimasaqarneq qulakkeerlugu, Kalaallit Nunaanni Suliffigissaasut naammagittaalliut pillugu aalajangiisoqartinnagu oqaaseqartinneqartarnissaanut piumasagaat allanngortinneqanngilaq. Taamaalilluni Sullivimmi avatangiisit pillugit Naammagittaalliortarfik inatsit atuuttoq naapertorlugu Kalaallit Nunaanni Sullivinnik Nakkutilliisoqarfimmit aalajangiineq pillugu naammagittaalliut suliarisinnaanngilaa, Kalaallit Nunaanni Suliffigissaasunit oqaaseqaateqarsimatinnagit. Naleqqunnerpaatut nalilerneqarpoq, Sullivinnik Nakkutilliisoqarfiup Kalaallit Nunaanni Suliffigissaasut oqaaseqaateqarnissaat pissarsiarippagu, naammagittaalliut Sullivimmi avatangiisit pillugit Naammagittaalliortarfimmut ingerlateqqinnginnerani. Tamatuma malitsigaa § 64, *imm.* 5-p atorunnaarsinneqarnera.

Inatsisissatut siunnersuummut oqaaseqaatini nalinginnaasuni *imm.* 2.6.7. innersuussutigineqarpoq.

Nr. 73-mut (§ 65, *imm.* 1)

Kalaallit Nunaanni sullivimmi avatangiisit pillugit inatsimmi § 65, *imm.* 1-mi aalajangersagaq atuuttoq malillugu, Kalaallit Nunaanni pinerluttulerinermut inatsit malillugu pineqaatissiisoqassaaq:

1) § 11, § 11 a, *imm.* 1-3, § 12, § 13, *imm.* 1 aamma 2, §§ 14-17, §§ 19-28, § 31, *imm.* 1 aamma 2, § 32, *imm.* 1, § 34, *imm.* 1, § 36, *imm.* 1, § 38, *imm.* 1, § 58, *imm.* 2 aamma 3, § 59, *imm.* 1, aamma § 61, *imm.* 2-nik unioqqutitsisoq.

2) sulianik kapitali 8 aamma 9-mut akerliusuni ingerlataqartitsisoq, sulianik taamaattunik aqutsisoq imaluunniit nakkutiginnittoq imaluunniit suliamik kapitali 8-mut akerliusumik ingerlatsisoq,

3) § 60 malillugu peqqussummik malinninnginneq imaluunniit

4) § 17 a, imm. 2 malillugu paasissutissanik nalunaaruteqanngitsoq

Siunnersuutigineqarpoq § 65, imm. 1 allanngortinneqassasoq, siunnersuutigineqartorlu § 17 c aalajangersakkamut ilanngunneqassasoq.

Taamaalilluni suliffeqarfinnik aqutsisut aalajangersakkamut ilanngunneqarput, Kalaallit Nunaanni pinerluttulerinermut inatsit malillugu pineqaattissiisoqarsinnaanngorluni.

Allannguut § 65, imm. 1-mi aamma naatsorsuutigineqarpoq, atortutigut unioqquitsinernut tunngaviusumik akiliisitsineq aalajangersagaq malillugu qaffanneqarmat.

Sulisitsisunut isumaqarpoq, tunngaviusumik akiliisitsissutip qaffassissusaa 20.000 kr.-iniit 24.600 kr.-inut, aamma 40.000 kr.-iniit 44.600 kr.-inut qaffanneqarnissat piunasaqaataasoq.

§ 65, imm. 1 malillugu tunngaviusumik akiliisitsissutaasup 24.600 kr.-iunissaanut imaluunniit 44.600 kr.-iunissaanut unioqquitsinerup sakkortusaa suli aalajangiisuussaaq.

Tunngaviusumik akiliisitsissummut 24.600 kr.-inut tunngaviussaaq, sulivimmi avatangiiisit pillugit inatsimmik unioqquitsinerit, isumannaallisaanermut peqqinnissamulluunniit toqqaannartumik aarlerinartut, ilaatinneqarnissaannut. Tamatuma assigaa unioqquitsinerit, ullumikkut tunngaviusumik akiliisitsissutit 20.000 kr.-inik amerlassusillit. Assersuutitut nassuiaat inatsimmi atuuttumi immikkoortoq 2.7.1.1. innersuussutigineqarpoq.

Tunngaviusumik akiliisitsissummut 44.600 kr.-inut tunngaviussaaq, sulivimmi atavatangiisit pillugit inatsimmik unioqquitsinerit, ima sakkortutigisut allaat inuunermut peqqinnissamulluunnuut ulorianartorsiortitsisut imaluunniit atortutigut unioqquitsinerni nalinginnaasuniit ajoqusiisinaanerat annertunerusut ilaatinneqarnissaannut. Tamatuma assigaa unioqquitsinerit, ullumikkut tunngaviusumik akiliisitsissutit 40.000 kr.-inik amerlassusillit. Assersuutitut nassuiaat inatsimmi atuuttumi immikkoortoq 2.7.1.1. innersuussutigineqarpoq.

§ 65, imm. 1-mik allannguinnisaaq pillugu inatsisissatut siunnersuummi siunertarineqarpoq taamaallaat akiliisitsissutip qaffassissusaanut

naleqqiullugu allannguinnissaq imm. 1 malillugu atortutigut unioqquitsinerni. Sulisunut tunngaviusumik akiliisitsissutip qaffasissusaanik atuuttuni allannguisoqarnissaa siunertaanngilaq.

Sulisitsisup ingerlatsinermi unioqquitsinernut tunngaviusumik akiliisitsissut 10.000 kr.-iusoq allanngortinneqassanngilaq.

Pinerluttulerinermi inatsisitigut pineqaatissiinermi ataasiakkaanut aalajangiinermi, suliame pisut tamaasa pillugit suli eqqartuussiveqarfiup naliliisarina tunngavigineqassaaq, tak. pineqaatissiinermik toqqaaneq aalajangiinerlu pillugit pinerluttulerinermi inatsimmi kapitali 24-mi malittarisassat nalinginnaasut.

Inatsisissatut siunnersuummi oqaaseqaatini nalinginnaasuni imm. 2.7. innersuussutigineqarpoq.

Nr. 74-mut (§ 65, imm. 2)

Kalaallit Nunaanni sullivimmi avatangiisit pillugit inatsimmi § 65, imm. 2-mi aalajangersagaq atuuttoq malillugu, imm. 1 malillugu pinerluttulerinermut inatsisitigut pineqaatissiinermik aalajangiisoqarnerani isigineqassaaq, immikkorluinnaq sukannernerulersitsissutaasut, unioqquitsineq ajutoornermik kinguneqarpat inummik ajoquseerujussuarnermik imaluunniit inuup inuuneranik nassataqartumik.

Aalajangersakkamut allannguutissatut siunnersuummi § 65, imm. 2-mi »kinguneqarsimappat« allanngortinneqassaaq til »kinguneqarpat«.

Allannguinerne inatsimmi allaqqanerani oqaasertai kisimik pineqarput, sullivimmi avatangiisit pillugit inatsimmi atortutigut unioqquitsinernut akiliisitsissutip qaffasissusaanik allannguisinnaanermut periarfissaliineq siunertarineqarluni.

Oqaatsitigut allannguinerne siunertaavoq, tunngaviusumik akiliisitsinermut akiliisitsissummut tapiliussamik qaffaanermi tunngaviusumik akiliisitsissut marloriaatinngortinneqarnissaa, unioqquitsineq ajutoornermik kinguneqarsimappat inuup ajoquserujussuarneranik imaluunniit toquneranik nassataqartumik.

Sulisitsisunut isumaqarpoq, § 65, imm. 2 malillugu unioqutitsinerni tunngaviusumik akiliisitsineq qaffanneqassasoq katillugit 49.200 kr.-inik tapiliussa q ilanngullugu qaffanneqarnissaanik (2 x 24.600 kr.), unioqutitsinerni tunngaviusumik akiliisitsineq 24.600 kr. aamma, tapiliussa q ilanngullugu katillugit 89.200 kr. (2 x 44.600 kr.), unioqutitsinerni tunngaviusumik akiliisitsissut 44.600 kr.-inik.

§ 65, imm. 2-mi inatsisissatut siunnersuummi allannguinnissamut akiliisitsissutip qaffasissusaanik allannguinnissaq kisimi pineqarpoq. Inatsisissami siunnersuummi aalajangersakkap atuuffiinik allannguinnissaq pineqanngilaq.

Pinerluttulerinermi inatsisitigut pineqaatissiinermi ataasiakkaanut aalajangiinermi, suliame pisut tamaasa pillugit suli eqqartuussiveqarfiup naliliisarnera tunngavigineqassaaq, tak. pineqaatissiinermik toqqaaneq aalajangiinerlu pillugit pinerluttulerinermi inatsimmi kapitali 24-mi malittarisassat nalinginnaasut.

Inatsisissatut siunnersuummut oqaaseqaatini nalinginnaasuni imm. 2.7-mi innersuussutigineqarpoq.

Nr. 75-mut (§ 65, imm. 4)

Kalaallit Nunaanni sullivimmi avatangiisit pillugit inatsimmi § 65, imm. 4-mi aalajangersakkami atuuttuni imm. 3-mi pisut taaneqareersut saniatigut, imm. 1 aamma 2 malillugu pinerluttulerinermut inatsisitigut pineqaatissisutininik aalajangiisoqarnerani sukannerulersitsissutaasutut isigineqassaaq,

1. unioqutitsineq piaaraluni imaluunniit mianersuaalliorujussuarnikkut unioqutitsineruppat,
2. unioqutitsinermi inuup inuunera peqqissusaaluunniit ajoquserneqarsimappat imaluunniit taamatut ajoquserneqarnissaa navialisinneqarsimappat, pisoq imm. 2-mut ilaangikkaluartoq,
3. § 60, imm. 1 imaluunniit 2 malillugu pisoq taannarpiaq imaluunniit tamatumunnga assingusoq pillugu siornatigut peqqussuteqartoqareersimappat, imaluunniit
4. Unioqutitsinermi pineqartoq nammineq allaluunniit aningaasatigut iluanaarruteqarsimappata imaluunniit iluanaarruteqarnissaat siunertarineqarsimappat.

§ 65, imm. 4-mi aalajangersakkami allannguutissatut siunnersuut, malitseqarpoq, »taaneqartut« imaalillugu allanngortissasoq »allanneqartut«.

Inatsimmi oqaatsit allaqqanerinit taamaallaat allannguineruvoq, siunertarineqarluni oqaaseqaatinut periarfissiinissaq, sullivimmi avatangiisit pillugit inatsimmik atortutigut unioqquitsinermut akiliisitsissutip qaffasissusaanik allannguisinnaanermut.

Oqaatsitigut allannguinermut siunertaaavoq, akiliisitsissutip qaffasissusaanik, sukannernerulersitsissutaasumut ataatsimut 5.000 kr.-iniit 10.000 kr.-inut qaffaaneq.

Inatsisissatut siunnersuummi § 65, stk. 4-mi allannguutaanut siunertaaavoq, akiliisitsissutip qaffasissutaanut tunngasuinnaat pineqarmata. Inatsisissatut siunnersuut aalajangersakkap atuuffianik allannguinermik siunertaqanngilaq.

Pinerluttulerinermi inatsisitigut pineqaatissiinermi ataasiakkaanut aalajangiinermi, suliame pisut tamaasa pillugit suli eqqartuussiveqarfiup naliliisarnera tunngavigineqassaaq, tak. pineqaatissiinermik toqqaaneq aalajangiinerlu pillugit pinerluttulerinermi inatsimmi kapitali 24-mi malittarisassat nalinginnaasut.

Oqaaseqaatini nalinginnaasuni imm. 2.7 innersuussutigineqarpoq.

Nr. 76-mut (§ 65, imm. 5)

Sullivimmi avatangiisit pillugit inatsimmi § 65, imm. 5-mi aalajangersagaq atuuttoq malillugu, immikkut sukannernerulersitsissutaasutut isigineqassaaq, inuusuttut 18-it inorlugit ukiullit, inuup inuunera peqqissusaaluunniit ajoquserneqarsimappat imaluunniit taamatut ajoquserneqarnissaa navialisinneqarsimappat, tak. imm. 4, nr. 2.

§ 65, imm. 5 siunnersuutigineqartumi pisut sisamat taaneqarput, pineqaatissiisummik aalajangiinermi immikkut sukannernerulersitsissutaasutut isigineqassasoq.

§ 65, imm. 5-itut siunnersuutigineqartoq peqatigitillugu siunnersuutigineqarpoq, akiliisitsissut immikkut sukannernerulersitsissutaasutut pisunut, tak. § 65, imm. 5, 10.000 kr.-iniit

20.000 kr.-inut qaffanneqarnissaa immikkut sukannernerulersitsissutaasutut pisumut ataatsimut.

§ 65, imm. 5, *nr.* 1-mi siunnersuutigineqartumi immikkut sukannernerulersitsissutaasutut pisoq erseqqissarneqartoq isumaqarpoq, § 65, imm. 2 malillugu unioqutitsinerit, inuusuttumillu 18-ít inorlugit ukiulimmik ajoqusertoqarpat, akiliisitsissut maannakkut saniatigut 20.000 kr.-inik qaffaqinneqassaaq.

§ 65, stk. 5, *nr.* 2 siunnersuutigineqartoq, maannamut atuuppoq, kingornalu suli immikkut sukannernerulersitsissutaasutut pisoq isigineqassaaq, inuusuttut 18-it inorlugit ukiullit, inuup inuunera peqqissusaaluunniit ajoquserneqarsimappat imaluunniit taamatut ajoquserneqarnissaa navialisinneqarsimappat, tak. imm. 4, *nr.* 2.

§ 65, imm. 5, *nr.* 3-p siunnersuutigineqarnerata kingorna – nutaatut – immikkut sukannernerulersitsissutaasutut pisoq isigineqassaaq, inuit arlallit inuunerannik peqqissusaaluunniit ajoquserneqarsimappat imaluunniit taamatut ajoquserneqarnissaa navialisinneqarsimappat, tassa imaappoq, inuit marluk arlallilluunniit pineqarput.

§ 65, imm. 5, *nr.* 4-p siunnersuutigineqarneranut – assigisaanik nutaajussaaq – immikkut sukannernerulersitsissutaasutut pisoq isigineqassaaq, inummut piginnaatitaasumut pisinnaatitaasumullu siusinnerusukkut ukiut sisamat iluini ataasiarluni arlaleriarluniluunniit sullivimmi avatangiisit pillugit inatsimmik sakkortuumik unioqutinneqarnerani pinerluttulerinermut inatsit malillugu pineqaatissinneqarsimasoq.

Piumasaqaataaavoq, siornatigut sakkortuumik unioqutitsineq sunaagaluartulluunniit, sullivimmi avatangiisit pillugit inatsimmik unioqutitsinerimut pinerluttulerinermut inatsisitigut pineqaatissiinermik kinguneqartoq siornatigut ukiut sisamat iluini unioqutitsinerimut piffissamiit, maannakkut unioqutitsinerimi akiliisitsissutip aalajangernerani uteqqiinertut atuunneranik ilaneqassasoq. Taamaalilluni siornatigut suliaasoq, unioqutitsinerimiit ukiut sisamat iluini unioqutitsineq pineqartoq aalajangiivigineqarsimassaaq.

Apeqqutaanngilaq, siornatigut pineqaatissiissutinut assinguppat, imaluunniit sullivimmi avatangiisit pillugit inatsimmik allatigut unioqutitsineruppat. Aalajangiisuussaarli, siornatigut inatsimmik unioqutitsineq maannakkullu inatsimmik unioqutitsineq

pineqaatissiissutaasussaq, § 65, imm. 5, nr. 4 malillugu, sakkortuumik unioqqutitsinertut isigineqassammat.

Suliffeqarfiup nalilersornerani – apeqqutaatinnagu ingerlatseqatigiiffittut suliffeqarfiuppat imaluunniit inummik ataatsimik pigineqarpat – siornatigut sullivimmi avatangiisit pillugit inatsimmik unioqqutitsinermi pinerluttulerinermut inatsisitigut pineqaatissinneqarsimappat, pinerluttulerinermut inatsisitigut pineqaatissiinerit aalajangiiffigineqartut inatsisitigut immikkuullarissiq tamakkerlugu tunngavigineqassapput. Pinerluttulerinermut inatsisitigut pineqaatissiissutaasut ukiut sisamat qaangiutsinnagit, unioqqutitsinermi pineqaatissiissutaasussaq sioqqullugu, uteqqiinnermut atuuffilimmik ilassutilerneqarsinnaavoq.

Uteqqiinnermut atuuttoq sullivimmi avatangiisit pillugit inatsimmik sakkortuumik unioqqutitsinernut atorneqartarpoq, ima paasillugu, peqqussuteqaqqaarani pinerluttulerinermut inatsisitigut pineqaatissiissutissat toqqaannartumik eqqartuussivikkut suliassanngortitsinermi. Sakkortuumik unioqqutitsinerit pinerluttulerinermi inatsisitigut pineqaatissiisarnerit assersuutigalugu makkuunerupput:

- Nakkaattoornissamik ulorianaatilik, ajalusoornissamik ulorianaatilik,
- betonimik sanaat ajagutaqartinneqanngitsut,
- nunamik assaanermi nakkaattoornissamik ajalusoornissamillu ulorianaatillit,
- atortussianik atortunillu ulorianaatilinnik suliaqarneq, isumannaallisaaanermi illersuutini atortoqarani,
- teknikkikkut atortorissaarutini ulorianaatilinnik suliaqarneq, kigginneq pinngitsoorniarlugu iliuseqarfigineqanngitsuni,
- maskiinat pisatai aalasinnaasut, pisuni allani navianartuni, teknikkikkut atortorissaarutit passunneqarsimappata, isumannaallisarneqarnera atorunnaarsinneqartuni,
- isumannartumik qaleriiaakkat/issorarneqartut sisusoornissaanik ilimanaatillit,
- illersorneqarsinnaanngitsumik inummik kivitsineq,
- atortussiat neriuisinnaasut, ikuallanneq, ipitinneqarneq, toqunartutortitaaneq, qaartoorneq pillugit ulorianartorsiorneq aamma
- inatsisit unioqqutillugit inuusuttunik sulisitsineq.

Ilanngullugu § 65, imm. 5, nr. 4-mik siunnersuummi tunngaviuvoq, sullivimmi avatangiisit pillugit inatsimmik unioqqutitsinermi akiliisitsinerup qaffaavigineqaqqinnissaannik, piginnaatitaasoq

pisinnaatitaasorlu ukiut sisamat iluini, siusinnerusukku *arlaleriartumik* sullivimmi avatangiisit pillugit inatsimmik unioqqutitsinerit sakkortuumik pinerit tamaasa pineqaatissinneqarpat.

Sulisitsisumut isumaqarpoq, akiliisitsissut 10.000 kr.-inik qaffanneqartassasoq ukiut sisamat iluini, siusinnerusukku *arlaleriartumik* sullivimmi avatangiisit pillugit inatsimmik sakkortuumik unioqqutitsinerit pinerit tamaasa pineqaatissinneqassasoq. Tamanna isumaqarpoq, akiliisitsissut 20.000 kr.-inik qaffanneqarneranik siusinnerusukku ataasiarluni pineqaatissinneqarnermi, 30.000 kr.-inik siusinnerusukku marloriarluni pineqaatissinneqarnerni, 40.000 kr.-inik siusinnerusukku pingasoriarluni pineqaatissinneqarsimanerni, 50.000 kr.-inik siusinnerusukku sisamariarluni pineqaatissinneqarnerni il.il.

Assigisaanik pinerluttulerinermik inatsisitigut tallimariarnikkut amerlanerusunilluunniit pineqaatissiinernut siuaritaatissaasut siunertaavoq.

Pinerluttulerinermi inatsisitigut pineqaatissiinermi ataasiakkaanut aalajangiinermi, suliame pisut tamaasa pillugit suli eqqartuussiveqarfiup naliliisarina tunngavigineqassaaq, tak. pineqaatissiinermik toqqaaneq aalajangiinerlu pillugit pinerluttulerinermi inatsimmi kapitali 24-mi malittarisassat nalinginnaasut.

Inatsisissatut siunnersuummut oqaaseqaatini nalinginnaasuni imm. 2.7 innersuussutigineqarpoq.

Nr. 77-mut (§ 66, imm. 1, oqaaseqatigiit siulliit)

§ 66, imm. 1, oqaaseqatigiit siulliit atuuttut malitsigaa, § 11, § 11a, imm. 1-3, §12, § 32, imm. 1, § 34, imm. 1, § 36, imm. 1 aamma § 38, imm. 1-mik unioqqutitsinerit kiisalu § 65, imm. 1, nr. 2 og nr. 3-mi pisut ilaatinneqartut sulisitsisumut akiliisitsineq pillugu peqqusinermut atorsinnaapput, naak unioqqutitsineq sulisitsisumit piaarinaatsoornerunngikkaluartoq imaluunniit mianersuaalliornerunngikkaluartoq, taamaattoq tak. imm. 3.

Inatsisissatut siunnersuummi siunnersuutigineqarpoq, sullivimmi avatangiisit pillugit inatsimmi § 66, imm. 1-mi allanngortinneqassasoq »sulisitsisoq« imaalillugu »sulisitsisusoq«. Inatsisip allaqqanerani oqaasertaata allanngortinneqarnissaa kisimi pineqarpoq, oqaaseqaatinik allannguinikkut sullivimmi avatangiisit pillugit inatsimmik atortutigut

unioqutitsineq pillugu akiliisitsinerup qaffasissusaanik allannguisinnaanermut.

Allannguummi piumasaqaataavoq, atortunik unioqutitsinermit tunngaviusumik akiliisitsissut malittarisassat malillugit qaffanneqassasoq.

Tamanna sulisitsisunut isumaqarpoq, piumasaqaataammat tunngaviusumik akiligassiissut 20.000 kr.-iniit 24.600 kr.-inut aamma 40.000 kr.-iniit 44.600 kr.-inut qaffanneqarnissaat.

Unioqutitsinerup sakkortussusaa suli apequtaassaaq § 66, imm. 1 malillugu tunngaviusumik akiliisitsissut 24.600 kr.-iussanersoq imaluunniit 44.600 kr.-iussanersoq.

Tunngaviusumik akiliisitsissummut 24.600 kr.-inut piumasaqaataavoq Sullivimmi avatangiisit pillugit inatsimmik unioqutitsillunerni isumannaallisaaneq imaluunniit peqqinnissaq toqqaannartumik navianartorsiortitsineq. Ullumikkut unioqutitsinernut taamaaqataanut akiligassiissut 20.000 kr.-iuvoq. Immikkoortoq 2.7.1.1-imi inatsisip atuuttup nassuiaatiginerani assersuutit innersuussutigineqarput.

Tunngaviusumik akiliisitsissutip 44.600 kr.-iusup atuuffianut piumasaqaataavoq, sullivimmi avatangiisit pillugit inatsiseqarnermik unioqutitsinerit pineqartut ima sakkortutigisut, inuunermik peqqinnissakkulluunniit ulorianartorsiornermi kingunerisinnaasai atortutigut unioqutitsinernut naleqqiullugu annertunerussasut. Unioqutitsinerit taamaattut tunngaviusumik akiliisitsinerup ullumikkut 40.000 kr.-it assigai. Immikkoortumi 2.7.1.1.-mi inatsisip atuuttup nassuiarneqarnera innersuussutigineqarpoq.

§ 66, imm. 1-mik inatsisissatut allannguinissamik siunnersuummi, atortutigut unioqutitsinernut akiliisitaaneq imm. 1 malillugu allannguinissaq siunertaavoq. Aalajangersakkap atuuffiitut allannguinissaq siunertarineqanngilaq.

Tunngaviusumik akiliisitsissut sulisitsisumut sullivimmi ingerlatsinikkut unioqutitsinernut piumasaqaataasut allanngortinneqassanngillat, imaappoq, 10.000 kr.-it.

Pinerluttulerinermi inatsisitigut pineqaatissiinermi ataasiakkaanut aalajangiinermi, suliami pisut tamaasa pillugit suli eqqartuussiveqarfiup naliliisarina tunngavigineqassaaq, tak. pineqaatissiinermik toqqaaneq aalajangiinerlu pillugit pinerluttulerinermi inatsimmi kapitali 24-mi malittarisassat nalinginnaasut.

Oqaaseqaatini nalinginnaasuni imm. 2.7 innersuussutigineqarpoq.

Nr. 78-imut (§ 66, imm. 1, oqaaseqatigiit pingajui)

§ 66, imm. 1, oqaaseqatigiit pingajuanni atuuttumi takuneqarsinnaavoq, Kalaallit Nunaanni pinerluttulerinermi inatsimmi akiliisitaanermut akisussaaffik § 91, imm. 4-mi atorineqarsinnaannginnera § 66, imm. 1 malillugu.

§ 91, imm. 4-mut innersuussineq § 128, imm. 4-nngorlugu allanngortinneqassaaq, tak. Kalaallit Nunaanni pinerluttulerinermi inatsimmi aalajangersagaq atuuuttoq.

Kalaallit Nunaanni pinerluttulerinermi inatsimmi atuuttumi § 128, imm. 4-mi malitseqarpoq, akilisiitsitsineq akilertinneqarsinnaanngippat, naatsorsuutigineqassaaq eqqartuussaasup akiliinissaq akerliuffigalugu akileerusunngitsoq, eqqartuussivimmiit, suliani tamanut ammasuni unnerluutiginnissinnaanikkut, politiiniit noqqaassutigineqarneratigut, eqqartuussaasoq piffissaq killilimmi isertitsivimmut inissinneqassasoq aalajangiivigineqarsinnaavoq.

Nr. 79-mut (§ 67, imm. 1, oqaaseqatigiit sisamaat)

§ 67, imm. 1, oqaaseqatigiit sisamaanni atuuttumi takuneqarsinnaavoq, Kalaallit Nunaanni pinerluttulerinermi inatsimmi § 91, imm. 4-mi atuuffiini takuneqarsinnaasuni, § 67, imm. 1. malillugu akiliisitsinermut atorineqarsinnaannginnera.

§ 91, imm. 4-mut innersuutaasoq, § 128, imm. 4-mut allanngortinneqassaaq, tak. Kalaallit nunaanni pinerluttulerinermut inatsisit aalajangersagaat atuuuttoq.

Kalaallit Nunaanni pinerluttulerinermi inatsimmi atuuttumi § 128, imm. 4-mi malitseqarpoq, akilisiitsitsineq akilertinneqarsinnaanngippat, naatsorsuutigineqassaaq eqqartuussaasup akiliinissaq akerliuffigalugu

akileerusunngitsoq, eqqartuussivimmiit, suliani tamanut ammasuni unnerluutiginnissinnaanikkut, politiiniit noqqaassutigineqarneratigut, eqqartuussaasoq piffissaq killilimmi isertitsivimmut inissinneqassasoq aalajangiivigineqarsinnaavoq.

Nr. 80-mut (§ 67 a)

§ 67 a-mi takuneqarsinnaavoq, § 66, imm. 1, oqaaseqatigiit siulliit, aamma § 67, oqaaseqatigiit aappaat malillugit Kalaallit Nunaannut pinerluttulerinermi inatsimmi suliffeqarfanni aqutsisunut il.il. pineqaatissiissutigineqarsinnaannginneri, tak. § 17 b.

§ 17 b maannamut atuuttoq suliffeqarfimmi aqutsisup akisussaaffiit tunngasut siunnersuutigineqarpoq nuunneqarnissaanik §-imut.

Taamaattumik § 67 a-mi § 17 b allanngortinneqassaaq § 17 c-nngorlugu.

Nr. 81-mut (§ 70)

§ 70-mi atuuttumi takuneqarsinnaavoq, Nunatta Eqqartuussisuuneqarfiani suliassat siullermeertumik suliarineqartussaasut.

Siunnersuutigineqarpoq, § 70-p allanngortinneqassasoq, Kalaallit Nunaanni Eqqartuussivimmi sullivimmi avatangiisit pillugit suliat siullermeertumik suliarineqartassasut, tak. Kalaallit Nunaanni eqqartuussisarnermi inatsit § 57, tak. § 749.

Kalaallit Nunaanni Eqqartuussivik qallunaat nunaani illoqarfimmi eqqartuussiviup assigaa. Danmarkimi illoqarfimmi eqqartuussivinnit sullivimmi avatangiisit pillugit suliat, siullermeertumik suliarineqartarput. Kalaallit Nunaanni Eqqartuussivimmi suliat aallartinneqartarneri, maannakkumut suleriaasiusoq allanngortinneqarnissaa eqqarsaatigineqanngilaq.

§ 2-mut

Imm. 1. Siunnersuutigineqarpoq inatsit 1. juli 2023-miit atuutilissasoq.

Imm. 2. Kalaallit Nunaanni sullivimmi avatangiisit pillugit inatsit, tak. inatsit nr. 1048, 26. oktober 2005-meersut atuunneri ingerlaannassapput naapertorlugu, malittarisassat atuutilersinneqartut, inatsimmi matumani

tungavissamik aalajangersarneqartumit atorunnaarsinneqarnissaata
imaluunniit taarserneqarnissaata tungaanut.

Ilanngussaq 1

Inatsisissatut siunnersuutip katiterneqarnerani inatsimmi atuuttumi

<i>Oqaasiliorneq atuuttoq</i>	<i>Inatsisissamik siunnersuut</i>
	<p>§ 1</p> <p>Inatsimmi suliffimmi Kalaallit Nunaanni suliffimmi isumannaallisaanikkut pissutsini tak. inatsisitigut nalunaarummi atuuttumi nr. 1048 26.oktober 2005-meersumi, allannguuteqartumi inatsimmi nr. 1382 23. december 2012-meersumi aamma inatsimmi nr. 461, 15. maj 2017-meersumi, ataani allanngortinneqartussatut suliarineqassapput:</p>
<p>§ 1. Inatsisikkut tunngavissinniarneqarput</p> <p>1) isumannaatsunik peqqinnartunillu sulinermi avatangiiseqarnissaq, qanoq ilisukkulluunniit inuiaqatigiinni kalaallini teknikikkut inuttullu atugarisatigut ineriartortitsinermut naapertuuttumik, aamma</p> <p>2) ---</p>	<p>1. § 1, nr. 1-mi ikkunneqassaaq »peqqinnartunillu« kingorna: »timikkut tarnikkullu«</p>
<p>§ 2. Inatsimmi pineqarpoq Kalaallit Nunaanni sulisitsisumi sulineq. <i>Imm. 2.</i> Pineqanngillat</p> <p>1) Sulineq, sulisitsisup nammineq inuunermini aningaasartornera, tak. § 45 d, d,</p> <p>2) Sulineq, sulisitsisup ilaqutaaniit ingerlanneqartoq,</p>	<p>2. § 2, imm. 1-mi, »sulineq« kingorna ikkunneqassaaq: », ingerlanneqartoq«, aamma »sulisitsisumi« kingorna ikkunneqassaaq: », taamaattoq tak. imm. 2 aamma 3.«</p> <p>3. § 2, imm. 2, nr. 1 aamma 2-mi, allanngortinneqassaaq: », taamaattoq tak. § 45 d«</p>

<p>illoqatigiit iluinnut tunngasoq, tak. § 45 d,</p> <p>3) ---</p> <p><i>Imm. 3.</i> Aalajangersakkat suliat makkua imaritinneqarput, sulisitsisumiit suliaasaanngitsut, suliallu imm. 2-mi taaneqartut:</p> <p>1) suliffigisami ataasiusumi sulisitsisut il.il. arlaliusut pillugit § 15, pilersuisut allallu pillugit §§ 24-30 aamma sanaartortitsisut il.il. pillugit § 31,</p> <p>2-3) ---</p> <p>4) §§ 38 aamma 39 akuutissanut atortussanullu,</p> <p>5-6) ---</p> <p><i>Imm. 4.</i> ---</p>	<p>imaalillugu: »§ 45 d-mi inuusuttut 18-it inorlugit ukiullit pillugit killersuinernit malitseqartut.«</p> <p>4. § 2, <i>imm. 3</i>-mi, allanngortinneqassaaq »Aalajangersakkani makkunani aamma pineqarput sulineq, sulisitsisumi ingerlanneqanngitsuq, aamma imm. 2-mi taaneqartut sulineq:« imaalillugu: »sulineq, sulisitsisumi ingerlanneqanngitsuq, kiisalu sulineq sulisitsisumi ingerlanneqartoq imm. 2-mi taaneqartut, taamaattoq aalajangersakkat makkua atuupput:«.</p> <p>5. § 2, <i>imm. 3, nr. 1</i>-mi, ikkunneqassaaq »§ 15,«-ip kingorna: »§ 15 a sanaartortitsisup pilersaarusiornernat killilersuutaanut, ataqatigiissaarineranullu siunertarisaminnut naapertuuttumik sunniuteqarnissaat pillugu sulisitsisoq qulakkeerinneqataassasoq«, aamma <i>nr. 4</i>-mi, allangussaaq »aamma 39« imaalillugu: », 39, 39 a aamma 39 b«.</p> <p>6. § 2, <i>imm. 3, nr. 4</i>-mi, »38 aamma 39« allanngortinneqassaaq imaalillugu: »38-39 b«.</p>
--	--

	<p>7. § 2 -mi ikkunneqassaaq imm. 3-p kingorna, immikkoortoq nutaatut:</p> <p>»Piumassutsimik sulineq, sunngiffimmi sammisatut isikkulik, sullivimmi isumannaallisaaneq peqqinnissarlu pillugit suleqatigiinneq kiisalu sullivimmi avatangiisit pillugit aaqqissuussaaneq pillugit §§ 4-10-ni aamma sullivimmik nalilersuineq pillugu § 11 a-mi pineqanngilaq.«</p> <p>Imm. 4 kingorna imm. 5-inngussaaq.</p>
	<p>8. § 2-p kingorna ikkunneqassaaq:</p> <p>»§ 2 a. Suliffeqarnermut ministeri malittarisassorsinnaavoq, kapitalini 2-4 aamma 12-14-ini aalajangersakkami ataatsimi arlalinnilluunniit naleqqussaanerit pisariaqartut ilanngullugit, sulisitsisumi sulinerup avataani suliffimmut tunngatissutilimmik nakuuserfigineqarnissamut, siorasaarfigineqarnissamut aamma allatut kannгуттаatsuliorfigineqarnissamut aarlerinaateqartuni.</p> <p><i>Imm. 2.</i> Suliffeqarnermut ministeri sulisitsisup pisussaaffia pillugu malittarisassorsinnaavoq, imm. 1-mi pissutsinut ilaatinneqartunut najoqqutassa-</p>

	<p>nut sulisunillu ilitsersuussiner- mut aamma sulinerup avataani suliffimmut tunngassutilimmik nakuuserfigitinnerit pillugit poli- tiinut nalunaarutiginninnermi su- lisut ikiorneqarnissaannik neqer- ooruteqarnermut.</p> <p><i>Imm. 3. Suliffeqarnermut mi- nisteri ilanngullugu malittarisas- siorsinnaavoq, kapitalini 2-4 aamma 12-14-imi aalajangersak- kami ataatsimi arlalinniluunniit imm. 2 malillugu malittarisassa- nut atuutsinneqassasut.«</i></p>
<p>Kapitali 2 – Sulliviit isumannaal- lisaanikkut peqqinnissakkullu su- linerat</p>	<p>9. Kapitali 2-mut <i>qulequtaq</i> imatut allanneqassaaq: »Kapitali 2 <i>Isumannaallisaaneq peqqinnissarlu pillugit suleqatigiinneq«.</i></p>
<p>§ 3 a. ---</p>	<p>10. Kapitali 2-mi § 3 a-p kingorna ikkunneqassaaq: »<i>Suleqatigiinneq</i> § 3 b. Suliffeqarfinni ataasiak- kaani isumannaallisaaneq peqqinnissarlu pillugit sulineq sulisitsisup, sulisunik aqutsisut sulisullu akornanni suleqatigiin- nikkut isumagineqassaaq.«</p>
<p><i>Inuttut attaveqatigiinneq</i></p> <p>§ 4. I suliffeqarfinni ataatsimiit qulin- giluanik amerlassusilinnik sulisulin-</p>	<p>11. § 4 sioqqullugu <i>qulequtaq,</i> imatut allanneqassaaq: »<i>Sullivimmi avatangiisit pillugit aaqqissuussaqaq«</i></p> <p>12. § 4 imatut allanneqassaaq: »§ 4. Suliffeqarfinni ataatsimiit qulingiluanut amerlassusilinnik</p>

<p>nisulisulimmi, suliffeqarfiup isumannaallisaanermut- peqqissutsimullu aaqqissuussaanaera, sulisitsisup, sulisunillu aqutsisup akunnerminni ataveqatigiinnikkut suliarineqassaaq, tak. § 18, sulisuniillu tamanit. Beskæftigelsesministerimiilli isumannaallisaanerup sananeqarnerinik malittarisassaliisoqarsinnaavoq, tamannalu pingaaruteqartutut piumasarineqartusatut isigineqarpoq.</p>	<p>sulisulinni sulisulinni, sullivimmi isumannaallisaanikkut peqqinnissakkullu suleqatigiinneq sulisitsisup, sulisut sulisunillu aqutsisoqarpat toqqaanartumik ataavartumillu ataveqatigiinnikkut ingerlanneqassaaq. Suliffeqarnermut ministeri sullivimmi aaqqissuussinerup anertusarnissaa pillugu erseqqarinnerusumik malittarisassiorsinnaavoq, assigiiaanik suliaqarfinnut imaluunniit suliffeqarfinnut aalajangersimasunut.«</p>
<p><i>Isumannaallisaaneq pillugu aaqqissuussineq</i></p>	<p>13. <i>Qulequtaq § 5</i> sioqqullugu atorunnaarsinneqassaaq.</p>
<p>§ 5. Suliffeqarfinni 10-nik amerlanerusunilluunniit sulisulinni, suliffeqarfik isumannaallisaanermut- peqqissutsimullu aaqqissuussaavigineqassaaq</p> <p><i>Imm. 2.</i> immikkoortortami sullivimiluunniit sulisunik aqutsisumiit, sullivimmi isumannaallisaanermut sinniisi peqatigalugu, immikkoortortamut, sullivimmulluunniit, sullivimmi isumannaallisaanermut eqimattamik pilersitsissapput.</p> <p><i>Imm. 3.</i>, immikkoortortamut sullivimmulluunniit tamanut, isumannaallisaanermut sinniisissamik sulisuniit toqqaaneqassaaq, isumannaallisaanermut peqqissutsimullu atuuf-</p>	<p>14. § 5, imatut allanneqassaaq: »§ 5. Suliffeqarfinni quliniit 34-nut amerlassusilinnik sulisulinni, sullivimmi isumannaallisaanikkut peqqinnissakkullu suleqatigiinneq, sullivinni avatangiisit pillugit aaqqissussineq sulisunik aqutsisunik ataatsimik arlalinnilluunniit, sullivimmi avatangiisit pillugit sinniisutut toqqakkanik ataatsimik arlalinnilluunniit sulisitsisumik taassumunngaluunniit sinniisumik inuttalerneqartoq. Sullivimmi avatangiisit pillugit aaqqissuussinermi isumannaallisaanermut peqqinnissamullu tunngasut ulluinnarni pingaarnertullu suliassat isumagineqassapput.«</p>

<p>figiligassamik, isumannaallisaanermut atuuttussanik eqimattamik. Sulisunut sinniisoq, isumannaallisaa-nermut sinniisutut qinerneqarsinnaavoq.</p>	
<p>§ 6. Sullivinni 20-nik sinnerlugillunniit, taamaattoq tak. § 7, imm. 7, sulisulinni isumannaallisaa-neq pillugu ataatsimiititaliortoqassaaq. Sullinermi isumannaallisaa-neq ataatsinik marluusunillunniit suleqatigiissitaqareerpat, suleqatigiissitaliami imaluunniit suleqatigiissitaliani ilaasortat sulliviullu pisortaa imaluunniit sullivimmuut akisussaa-sutut sinniisuutitaq isumannaallisaa-neq pillugu ataatsimiititaliaassapput. Isumannaallisaa-neq pillugu suleqatigiissitalianik arlalinnik pilersitsisoqarsimappat taakkunani sinniisuutitat akunnerminni ilaasortanik marlunnik aamma isumannaallisaa-neq pillugu suleqatigiissitaliani sulisunik siulersuisut akunnerminni ilaasortanik marlunnik ataatsimiititaliamik pilersitsinissamut qinersissapput, ataatsimiititaliamut tassunga sulliviup pisortaa imaluunniit sullivimmuut akisussaasutut sinniisuutitaq ilanngutissallutik. Isumannaallisaa-neq pillugu ataatsimiititaliaq sulliviup iluani isumannaallisaa-neq peqqinnissarlu pillugit sulinissamut pilersaarusiussaaq, siulersuissalluni, siunnersuisassalluni ilisimatitsisuteqartassallunilu aamma taamatut sulinermik nakkutiginnittuussalluni.</p>	<p>15. § 6, imm. 1, imatut allanneqassaaq: »Suliffeqarfinni 35-nik amerlanerusunillunniit sulisulinni, suleqatigiinneq imatut aqqissuunneqassaaq, sullivimmi avatangiisit pillugit aqqissuussinerit marlunnik qaffasissusillit pilersinneqarlutik:</p> <ol style="list-style-type: none"> 1. Suleqatigiissitamit ataatsimit arlalinniillunniit isumannaallisaa-neq peqqinnissarlu pillugit ulluinnarni suliassat isumagineqassapput. Suleqatigiissitaq ataaseq sulisunik aqutsisumik ataatsimik sullivimmilu avatangiisit pillugit sinniisumik ataatsimik toqqaasoqassalluni. 2. Ataatsimiititaliap ataatsip arlallillunniit isumannaallisaa-neq peqqinnissarlu pillugit pingaarnertut suliassat isumagissavaat. Suliffeqarfimmi suleqatigiissitamik ataatsimik arlalinnillunniit pilersitsisoqarsimappat nr. 1 malillugu, suleqatigiissitami suleqatigiissitanilunniit toqqaagasut ataatsimiititaliami ilaasortaassapput. Suleqatigiissitanik marlunnik

<p><i>imm. 2.</i> Sullivinnik Nakkutilliisoqarfimmiit nakkutiginnittuutitaq sullivimmut akuttunngitsunik takusaa-jartornermini sulliviup siulersorneqarneranut aamma isumannaallisaanermi sinniisuutitanut susasaqartunut, isumannaallisaaneq pillugu suleqatigiissitalianut ataatsimiitalianullu akuliuttassaaq. Taakku pisinnaatitaassapput apeqqutinik isumannaallisaanermut peqqinnissamullu tunngassutilinnik Sullivinnik Nakkutilliisoqarfimmut saqqummissisarnissamut.</p>	<p>amerlanerusunik pilersitsisoqarsimappat, sullivimmi avatangiisit pillugit sinniisut akornanni ilaasortat marluk aamma sulisunik aqutsisut akornanni marluk ataatsimiititaliamut toqqarneqassapput. Ataatsimiititaliami siulittaasoq sulisitsisumit taassumunngaluunniit sinniisumit isumagineqassaaq.«</p> <p>16. § 6, imm. 2, oqaaseqatigiit siullerni, allanngortinneqassaaq »isumannaallisaanermut sinniisut« imaalillugu: »sullivimmi avatangiisit pillugit sinniisut« aamma »isumannaallisaanermut eqimattat aamma isumannaallisaanermut ataatsimiisitaliami sinniisut« allanngortinneqassapput imaalillugu: »sullivimmi avatangiisit pillugit suleqatigiissitat aamma sullivimmi avatangiisini ataatsimiisitaliami sinniisut«.</p>
	<p>17. § 6 -p kingorna ikkunneqassaaq: »§ 6 a. Sulisitsisoq, sulisut sulisunillu aqutsisut suleqatigalugit, sullivimmi avatangiisit pillugit sinniisut aamma sulisunik aqutsisut amerlassusaannik aalajangiissaaq, § 5 imaluunniit § 6 malillugit pilersinneqartoq, suliffeqarfik sullivimmilu avatangiisit pillugit pissutsit mianeralugit. Amerlassutsinik aalajangerneqassapput sulisut</p>

sullivimmi avatangiisit pillugit
aaqqissuussami sullivimmi
avatangiisit pillugit sinniisut
aamma sulisunik aqutsisut
sulinerup nalaani sullivimmi
avatangiisit pillugit pissutsit
oqallisiginissaannut
periarfissaqartissallugit.
Sullivimmi avatangiisit pillugit
aaqqissuussami sullivimmi
avatangiisit pillugit sinniisut
amerlassuseqassapput
minnerpaamik sulinermik
aqutsisut amerlaqataannik.

§ 6 b.

Sulisitsisoq ukiut tamaasa
sulisut sulisunilu aqutsisut
suleqatigalugit ukiumut
tulliuttumut isumannaallisaaneq
peqqinnissarlu pillugit
suleqatigiinnerup imarisassai
aaqqissuunneqartassapput,
tamannalu qanoq
ingerlanneqassanersoq
aalajangiiffigineqarluni.
Suliffeqarfinni sullivimmi
avatangiisit pillugit
aaqqissuussiffiusuni, taanna
suleqatigalugu aaqqissuussineq
pissaaq.

Imm. 2. Sulisitsisoq ukiut
tamaasa sulisut sulinermilu
aqutsisut peqatigalugit,
suliffeqarfinni sullivimmi
avatangiisit pillugit

	<p>pisariaqartumik piginnaasaqartoqarnerseq pillugu oqallisigineqartassaaq. <i>Imm. 3.</i> Suliffeqarnermut ministeri imm. 1-2 malillugit kiisalu tamatuminnga naammassinninnermut uppernarsaatnik sulisitsisup pisussaaffianut erseqqinnerusunik malittarisassanik aalajangersaasinnaavoq.«</p>
<p>§ 7. Beskæftigelsesminister-i tassunga tunngasunik malittarisassanik pilersitsissaaq, suliffeqarfimmi sulinermi malittarisassanut sannai aammalu atuuffissai isumannaallisaanermut peqqinnissamullu, malittarisassani takuneqarsinnaasuni isumannaallisaanermi aqutsisunik toqqaanermik, pisinnaatitaaffiini pisussaaffiinilu, isumannaallisaanermi eqimattanik pilersitsinermi aammalu isumannaallisanermi ataatsimiiittaliamik taakkualu suliarisassaannik kiisalu ulluinnarni isumannaallisaanermut sulianik aqutsinermi. <i>Imm. 2.</i> Beskæftigelsesminister-i taakkununga tunngasunik</p>	<p>18. § 7, <i>imm. 1</i> aamma 2 atorunnaarsinneqassapput, taarsiullugulu ikkunneqassaaq: »<i>Imm. 1.</i> Suliffeqarnermut ministeri erseqqinnerusunik malittarisassiorsinnaavoq, suliffeqarfinni sullivimmi avatangiisit pillugit aaqqissuussaanerup qanoq annertusarneqarnissaanut atuunniissaanullu, sullivimmi avatangiisit pillugit aaqqissuussinermut ilaasortat amerlassusaat qanoq aalajangerneqarnissaannut, sullivimmi avatangiisit pillugit sinniisut toqqarneqarnissaannut aamma sullivimmi avatangiisit pillugit aaqqissuussinermi sulisunik aqutsisunik toqqaanissamut kiisalu</p>

<p>malittarisassanik atuutsitsilissaaq sulinermi isumannaallisaanermi ilinniakkamik, takuneqarsinnaasumi sullivimmi isumannaallisaanerup ataqatigiissaarneranut ilinniagaq, sanaartornermi- illuliornermulu, ilinniakkamut neqeroortuniit, iliniartitsisuniit pitsaassutsimik qulakkeerneqarsimasunik.</p> <p><i>Imm. 3.</i> Isumannaallisaanermut aaqqissuussami suliassat, sullivimmi sulisut suleqatiginerisigut, avatangiisinut sulliviup atassuteqarnerani annertusineqarsinnaavoq beskæftigelsesministerimiit malittarisassanik aalajangersaasoqarsinnaavoq, sulliviup sullivimmi isumannaallisaanermut apeqquserneqarneranik qulakkiiniarnermut.</p> <p><i>Imm. 4</i> Sulliviup isumannaallisaanermut-peqqissutsimullu aaqqissuussaananik pitsanngorsarneqarneranut, atukkani beskæftigelsesministerimiit § 5 aamma § 6, imm. 1 tunniunneqarsinnaavoq.</p> <p><i>Imm. 5.</i> ---</p> <p><i>Imm. 6.</i> ---</p> <p><i>Imm. 7.</i> Beskæftigelsesminister-miit, sulianut tunngasuni, imaluunniit sullivinni isumannaallisaanermut</p>	<p>sullivimmi avatangiisit pillugit aaqqissuussaanerup suliassanut aamma sullivimmi avatangiisit pillugit aaqqissuussami ilaasortat pisinnaatitaaffiitut pisussaaffiinullu tunngasunik.« Imm. 3-8 tamatuma kingorna imm. 2-7-nngussapput.</p> <p>19. § 7, imm. 3, oqaaseqatigiit siullerni, allanngortinneqartoq imm. 2, oqaaseqatigiit siullernut, »Isumannaallisaanermik aaqqissuusseqatigiit« allanngortinneqassaaq imaalillugu: »Sullivimmi avatangiisit pillugit aaqqissuussap«.</p>
--	--

aaqqissuussaannermik
piumasaqarfigissalugit
naleqqutinngitsuni, malittarisassat
§ 5, § 6, imm. 1 aamma § 8, stk. 3,-
miittut malillugit, malittarisassanik
taakkunanga
pinngitsuuisinnaanermik
ilanngussinermilluunniit pissutsinut
immikkuullarissunut
atorneqarsinnaapput.

Imm. 8. ---

20. § 7, *imm. 4*, imm. 3-
nngortinneqartumi,
»isumannaallisaaneq peqqinnis-
sarlu pillugit sulinerat«
allanngortinneqassaaq
imaalillugu:
»isumannaallisaaneq
peqqinnissarlu pillugit
suleqatigiinneq«.

21. § 7, *imm. 4*, imm. 3-
nngortinneqartumi, »§ 5 aamma
§ 6, imm. 1«
allanngortinneqassaaq
imaalillugu: »§ 5, § 6, imm. 1, §
6 a aamma § 6 b, imm. 1«.

22. § 7, *imm. 7-mi*, imm. 6-
nngortinneqartumi,
»isumannaallisaaneq«
allanngortinneqassaaq
imaalillugu:
»isumannaallisaaneq
peqqinnissarlu pillugit
suleqatigiinneq«, »1,«-p
kingorna ikkunneqassaaq: »§ 6 a,
§ 6 b, imm. 1,« aamma
»imaluunniit pissutsit immikkut
ittut malillugit sakkukillilerivigi-
nmissinnaalluni.«
atorunnaarsinneqarpoq.

<p>§ 8. Sulisitsisumiit pisussaaffigineqarpoq, sulisitisoq isumannaallisaanermut ataatsimiisitaliami ilaasortaangippat, akisussaaffilikkamik sinniiseqassaaq.</p> <p><i>Imm. 2.</i> Sulisitsisumiit isumagineqassaaq, isumannaallisaanermut eqimattani ilaasortat aamma isumannaallisaanermut ataatsimiisitaliat, isumannaallisaanermut suliainnut pisussaaffimminnik isumaginninnerminnut piffissaqartitaanissaat.</p> <p><i>Imm. 3.</i> Sulisitsisumiit isumannaallisaanermut ataatsimiisitaliaq, isumannaallisaanermullu eqimattami ilaasortat, isumannaallisaanermut tunngasuni pisariaqartuni ilinniagaqarnermik periarfissiisaaq.</p> <p><i>Imm. 4.</i> isumannaallisaanermut eqimattat, isumannaallisaanermullu ataatsimiisitaliap, suliffeqarfimmi sullivimmi isumannaallisaanermut peqqissutsimullu aaqqissuussinermi pilarsaarusiornermut, sulisitsisumiit peqataanissaannut periarfissiisoqassaaq.</p> <p><i>Imm. 5.</i> Suliffeqarfinni, § 5 malillugu isumannaallisaanermut</p>	<p>23. § 8, <i>imm. 1,</i> »isumannaallisaaneq pillugu ata- atsimiititaliami« allanngortinneqarpoq imaalillugu: »sullivimmi avatangiisit pillugit ataatsimiititaliaq«.</p> <p>24. § 8, <i>imm. 2,</i> »isumannaallisaaneq pillugu su- leqatigiissitaliani aamma ataatsi- miititaliani« allanngortinneqassaaq imaalillugu: »sullivimmi avatangiisit pillugit suleqatigiissitaliani aamma ata- atsimiititaliani«, »isumannaallisaaneq pillugu ataatsimiititaliaq« imaalillugu allanngortinneqassaaq: »sullivimmi avatangiisit pillugit ataatsimiititaliaq« aamma »isumannaallisaaneq pillugu sulis- suteqarnerminni« imaalillugu allanngortinneqassaaq: »sullivimmi avatangiisit pillugit sulinerminni«.</p> <p>25. § 8, <i>imm. 3-mi,</i> »isumannaallisaaneq pillugu ata- atsimiititaliami aamma su- leqatigiissitaliani« allanngortinneqassaaq imaalillugu: »sullivimmi avatangiisit pillugit</p>
--	---

<p>eqimattanik ataatsimik arlalinnilluunniit pilersitsisimasuni, isumannaallisaanermulli ataatsimiisitaliamik pilersitsiffiunngitsumi § 6 malillugu, isumannaallisaanermut ataatsimiisitalianiit suliassat isumagineqartussat, isumannaallisaanermut eqimattat suleqatiginerisigut pitsaassusilimmik isumagineqartussaasut, isumannaallisaanermut eqimattat peqatigalugit imaluunniit-eqimattanit isumagineqarnissai sulisitsisumiit isumagineqassaaq.</p>	<p>ataatsimiisitaliami aamma suleqatigiissitami«.</p> <p>26. § 8, imm. 4-mi, »isumannaallisaaneq pillugu suleqatigiissitaliat« allanngortinneqassaaq imaalillugu: »sullivimmi avatangiisit pillugit suleqatigiissitaliat«, »isumannaallisaaneq pillugu ataatsimiisitaliaq« imaalillugu allanngortinneqassaaq: »sullivimmi avatangiisit pillugit ataatsimiisitaliaq« aamma »isumannaallisaaneq peqqinnis-sarlu« imaalillugu allanngortinneqassaaq: »sullivimmi avatangiisit«.</p> <p>27. § 8, imm. 5, imatut allanneqassaaq: »Imm. 5. Sullivimmi avatangiisit pillugit suleqatigiissitaliat aamma ataatsimiisitaliaq suleqatigiinnerup ataqatigiissarnissanut sulisitsisup periarfissaqartissavai.«</p>
<p>§ 9. sulisitsisumiit isumannaallisaanermut sinniisup suliagarnera aningaasartuutigineqassaaq, isumannaallisaanermut sinniisip isertitaminik annaasaqarneranut ajunngitsorsiatut,</p>	<p>28. § 9, imm. 1, oqaaseqatigiinni <i>siullerni,</i> »isumannaallisaaneq pillugu sinniisup« allanngortinneqassaaq imaalillugu: »sullivimmi avatangiisit pillugit sinniisup«,</p>

<p>takuneqarsinnaasumi, aningsartuutit, isertitanillu annaasaqarneq, isumannaallisaanermut pikkorissartariaqarnermi il.il. assigisaanik atuuppoq, sulisunut aqutsisumiit isumannaallisaanermut pikkorissartariaqarnerani il.il.</p> <p><i>Imm. 2.</i> Beskæftigelsesministerimiit aalajangersaasoqarsinnaavoq, naalagaaffimiit tapiissutinik tamakkiisumik ilaannakortumilluunniit, ilaasortattut isumannaallisaanermut aaqqissuusaanermut ilinniarnermut aningsartuutinut matussusisussanik,</p> <p><i>Imm. 3.</i> Isumannaallisaanermut aaqqissuusaanermi ilaasortat soraarsitaanissamut, allatulluunniit millisaaffiginninnissamut illersugaavoq, assigisaanik, sulisunut sinniisunut oqaaseqartartunullu pineqartuni sulialluunniit assigisaanni.</p> <p><i>Imm. 4.</i> ---</p>	<p>»isumannaallisaaneq pillugu sinniisoq« imaalillugu allanngortinneqassaaq: »sullivimmi avatangiisit pillugit sinniisoq« aamma »isumannaallisaaneq pillugu pikkorissarnerit« imaalillugu allanngortinneqassaaq: »sullivimmi avatangiisit pillugit pikkorissarnerit«.</p> <p>29. § 9, imm. 1, oqaaseqatigiit aappaanni, »isumannaallisaaneq pillugu pikkorissarnerit« allanngortinneqassaaq imaalillugu: »sullivimmi avatangiisit pillugit pikkorissarnerit«.</p> <p>30. § 9, imm. 2-mi, »isumannaallisaanermut aaqqissuusaanerup« allanngortinneqassaaq imaalillugu: »sullivimmi avatangiisit pillugit aaqqissuussami«.</p> <p>31. § 9, imm. 3-mi, allanngortinneqassaaq »isumannaallisaaneq pillugu aaqqissuusaaneq« imaalillugu: »sullivimmi</p>
---	--

	<p>isumannaallisaaneq pillugu aaqqissuussaaneq«.</p>
	<p>32. § 9-p kingorna ikkunneqassaaq: »§ 9 a. Sullivimmi avatangiisit pillugit aaqqissuussamut ilaasortat, sullivinnik avatangiisit pillugit ilinniarsimasuunissaat, sulisitsisup isumagissavaa. <i>Imm.</i> 2. Sullivinnik avatangiisit pillugit ilinniartitaanerup pinngitsuugassaangitsup imarisassai, peqataanissamut nalunaarneq, neqerooruteqarneq naammassinninnerlu, aamma sanaartornermut suliaasaqarfiup iluani isumannaallisaaneq peqqinnissarlu pillugit ataqatigiissarisunut immikkut sullivinnik avatangiisit pillugit ilinniartitaaneq, sullivinnik avatangiisit pillugit ilinniartitaanermut pinngitsuugassaangitsumut aamma ataqatigiissarusunut immikkut sullivinnik avatangiisit pillugit ilinniartitaanermut tunngatillugu ilinniartitsisut</p>

	<p>piginnaasaat kiisalu akuersissuteqarneq pitsaassusaannillu qulakkeerineq pillugit suliffeqarnermut ministerip erseqqarinerusumik malittarisassiussaaq.«</p>
<p>§ 10. Beskæftigelsesministerimiit malittarisassanik aaljangersaasoqarsinnaavoq, suliffeqarfimmi isumannaallisaanermut ilisimasalimmik pissarsiornissamut, sulisunut isumannaatsuunissaq pineqarpat.</p>	<p>33. § 10 imatut allanneqassaaq: »§ 10. Suliffeqarfimmi isumannaallisaaneq peqqinnissarlu pillugit sulinermi paasisimasanut pisariaqartunut tunngatillugu sulisitsisumit isumagineqarsinnaanngippat, sulisunut sullivimmi avatangiisit tamakkiisumik illersorneqartuarnissaat qulakkeerniarlugu sulisitsisoq avataaniit suliamik immikkut paasisimasalimmik pissarsissaaq. Tamatumingga suliffeqarnermut ministeri erseqqarinnerusumik malittarisassiorsinnaavoq.«</p>
<p>§ 11 a. --- <i>Imm. 2.</i> Suliffeqarfimmik naliliineq suliffeqarfimmi takussaasuussaaq suliffeqarfimmilu aqutsisunit, sulisunit aamma Sulinermi nakkutilliisuniit takuneqariaannaalluni inissisimassalluni . [... .] <i>Imm. 3.</i> Sulisitsisumiit isumannaallisaanermut aaqqissuussaneq sulisunilluunniit piareersaasioorneq</p>	<p>34. § 11 a, imm. 2, <i>oqaaseqatigiinni siullerni,</i> »qanorlu iliornikkut tamakkua aaqqiivigineqarnissaannik« kingorna ikkunneqassaaq: » sullivimmi avatangiisit pillugit inatsimmi pitsaaliuinermi tunngaviusut mianerineqassapput.«</p>

<p>pilersaaruserlu, suliarineqarnerilu kinguneranillu malinnaaviginera suliffeqarfimmi nalilersuinerussaaq, tamannalu sulisunit peqataaffigineqassaaq, tak. imm. 1. aamma 2.</p> <p><i>Imm. 4. ---</i></p>	<p>35. § 11 a, imm. 3-mi, »isumannaallisaaneq pillugu aaqqissuussineq« imaalillugu allanngortinneqassaaq: »sullivimmi avatangiisit pillugit aaqqissuussaaneq«.</p>
<p>§ 15. ---</p>	<p>36. § 15 -p kingorna ikkunneqassaaq § 15 a: »§ 15 a. Sulisitsisut sanaartorfinni sulianik suliaqartitsisut, sanaartortitsisup pilersaarusernera, killiliinera ataqatigiissaarineralu siunertaq malillugu ingerlanneqarnerannut sulisut eqqarsaatigalugit isumannaallisaanermut peqqinnissamullu tunngatillugu annertusaanermut qulakkeerinninnissamut peqataassapput. Tamatumunnga sanaartortitsisut ataqatigiissarisuannit innersuussutit sulisitsisup pingaartissavai. <i>Imm. 2. Imm. 1 malillugu</i> suliffeqarnermut ministeri sulisitsisup pisussaaffii pillugit</p>

	<p>erseqqinnerusumik malittarisassiorsinnaavoq.«</p>
<p>§ 16. Sulisitsisumiit pisussaaffigineqarpoq, sulisunut isumannaallisaanermut sinniisut, sulisunullu sinniisut, sumiiffimminni peqqussutinik ilisimatitsinissaq, Sullivinni nakkutilliisuniit imaluunniit § 57-mi oqartussaasoq, suliffilluunniit taaneqartoq, allaganngorlugu tunniunneqarnikuusoq. Isumannaallisaanermut sinniisunut, sulisunullu sinniisunut, naalakkiummik ilisimatitsinissamut noqqaassutigineqarneratigut saqqummiunneqarnera, assigisaanik pisussaaffik, sulisitsisumiippoq.</p> <p><i>Imm. 2.</i> suliffeqarfimmi isumannaallisaanermut sinniisoqanngippat, sulisunulluunniit sinniiseqanngippat, sulisut tamatumunnga naalakkiummik ilisimatinneqassapput, imm. 1, 1. naggat. malillugu.</p>	<p>37. § 16, imm. 1, <i>oqaaseqatigiinni siullerni aappaannilu aamma § 16, imm. 2-mi »isumannaallisaaneq pillugu sinniisut«</i> imaalillugu allanngortinneqassaaq: »sullivimmi avatangiisit pillugit sinniisut«.</p> <p>38. § 16, imm. 1, <i>oqaaseqatigiit siullerni »taaneqartutut«</i> kingorna ikkunneqassaaq: »aalajangiinerit aamma«.</p> <p>39. § 16, imm. 1, <i>oqaaseqatigiit aappaanni, » allanut,«</i> kingorna ikkunneqassaaq: » aalajangiinernik imaluunniit«.</p> <p>40. § 16, imm. 2-mi, »malillugit« kingorna ikkunneqassaaq: »aalajangiinernik aamma«.</p>
<p>§ 17. Suliffeqarfinnut nakkutilliisu- miit piumasarineqarpat, imaluunniit pissutsit pillugit piumasaqaateqar- pata, sulisitsisumiit misissuititsiso- qassaaq, misiligutinik tigusinertigut,</p>	<p>41. § 17-mi ikkunneqassaaq oqaaseqatigiit aappaattut: »Sullivinnik Nakkutilliisoqarfiup piumasarisinnaavaa, misissuineq nukingertumik</p>

<p>imaluunniit paasiniaanertigut, im- maqalu sullivimmi isumannaallisaa- nermut peqqissutsimullu pissutsit tamakkiisumik isumannaatsuuneri- nik, immikkut ilisimasalimmiit paa- sititsinikkut.</p>	<p>piffissaliussarluunniit atorlugu ingerlanneqassasoq.«</p>
<p>§ 17 b. Inatsisit aalajangersagaanni, sulisisisup pisussaaffiini atuuttuni, aqutsisuusumiillu, imaluunniit sulif- feqarfimmi aqutsisooqataasumiit, pineqarput.</p>	<p>42. § 17 b imatut allanneqassaaq: »§ 17 b. Suliffeqarfimmi napparsimaneq peqquataalluni sulinnitsoortarnerit appartinnissaat siunertaralugu suliffeqarfimmi isumannaallisaaneq peqqinnissarlu pillugit suliffeqarfiup sulineranut napparsimalluni sulinnitsoortarneq ilanngutitinniarlugu, sulisisisup pisussaaffia pillugu suliffeqarnermut ministeri erseqqinnerusumik malittarisassiorsinnaavoq.«</p>
	<p>43. § 17 b -p kingorna, qulequt- tap siorna ikkunneqassaaq § 18: »Sullivimmi aqutsisut il.il. § 17 c. Sulisisisup pisussaaffii pillugit inatsimmi aalajangersakkaniittut, suliffeqarfimmi aqutsisumut aqutsinermiluunniit peqataasumut aamma atuupput.«</p>
<p>§ 21 --- <i>Imm. 2.</i> sulisuniit kukkunerit amigaatilluunniit maluginiarneqar- pata, isumannaallisaanermut peqqis- sutsimullu millisaataasinnaasunik,</p>	<p>44. § 21, <i>imm. 2</i>-mi, »isumannaallisaaneq pillugu suleqatigiissuni« allanngortinneqassaaq imaalillugu: »sullivimmi</p>

<p>namminnerlu aaqqiivigisinnaasaminik, isumannaallisaanermut eqimat-tanut, sulisunut aqutsisumut sulisitsi-sumulluunniit nalunaarutigissavaat.</p> <p><i>Imm. 3. ---</i></p>	<p>avatangiisit pillugit suleqatigiissitat«.</p>
<p>§ 28. Malittarisassat §§ 24, 25, 27 aamma 29, imm. 2-miittut, akuutissanik atortussanillu piginnaaffilinnik, isumannaallisaanermut peqqissutsimullu ulorianarsinnaasumik pisiffigisartakkanut il.il. aamma atuupput.</p>	<p>45. § 28-p »aarlerinaateqarsinnaasunik« kingorna ikkunneqassaaq: »imaluunniit ajornerulersitsisinnaasunik«.</p>
<p>§ 33. Beskæftigelsesministerimiit piunasaqaatinut malittarisassalineqarsinnaavoq, suliap tamakkiisumik isumannaatsumillu pilersaarusiorneqarneranut, piareersarneqarneranut, naammassineqarneranullu malittarisassanik, takuneqarsinnaasumi</p> <p>1) --- 2) Inummut illersuutit sullisillu immikkuullarissut,</p> <p>3) Sulinikkut annertuumik ulorianartorsiornermik ajutoornernillu imaluunniit napparsimalernermik kinguneqarsinnaasunut, takuneqarsinnaasumi sulinikkut qaartitsineq, inummiit</p>	<p>46. § 33, imm. 1, nr. 2-mi, »pillugit,« kingorna ikkunneqassaaq: » tassunga ilagitillugit taakkununnga aningaasartuutit kimit isumagineqassanersut«.</p> <p>47. § 33, imm. 1, nr. 3-mi, atorunnaarpoq »kiisalu«.</p>

<p>taamaaliorsinnaanermut up- pernarsaatilimmiit taamaal- laat suliarineqarsinnaasuni, imaluunniit misilitsinnikkut, aammalu</p> <p>4) ---</p> <p><i>Imm. 2. ---</i></p>	<p>48. § 33, imm 1, nr. 3-p kingorna, normut nutaat ikkunneqassapput: »4) timikkut tarnikkullu ikiueqqaarneq pillugu suliniuteqarnissat pisariaqartut pillugit, 5) inunnik timikkut tarnikkulluunniit innarluutilinnik sulisoqarnermi, ajutoornissamut sulinermiluunniit nappaateqalernissamut annertunerusumik ulorianartorsiornermik kinguneqarsinnaasunik, 6) sulisut kisimiitillugit sulisisinnaaneq pillugu killiliinernut tunngasut kiisalu«. Nr. 4 tamatuma kingorna nr. 7- nngortinneqassaaq.</p>
<p>§ 35. Beskæftigelsesminister-imiit, aalajangersakkanik aalajangersaasoqarsinnaavoq, inissitsiterinermut, aalajaatsuunissaannut, taamaakkallarnissaannut, paarlakaattumillu silami suliffinnut, takuneqarsinnaasumi immikkut, qaqqani ingerlatsinernut suliniutinut.</p> <p><i>Imm. 2. ---</i></p>	<p>49. § 35, imm. 1 -mi, oqaaseqatigiit suilliit kingorna, oqaaseqatigiit nutaatut ikkunneqassaaq: »Tamatumunnga tunngatillugu suliffeqarnermut ministeri malittarisassiorsinnaavoq makkununga 1) sullivimmi isersimaartarfik, ilanngullugit qilaamut portussuseq, qilaani init, natit, iikkat, qilaat, qaammaqqutit, kiassuseq/nillissuseq,</p>

<p><i>Imm. 3. Beskæftigelsesministerimiit aamma malittarisassanik atuutilersitsisoqarsinnaavoq, ataani pineqartunut,</i></p> <ol style="list-style-type: none"> 1) Suliniutit pilersitsinerit suliffeqarfimmilluunniit allanngorsaaneq Sullivimmi nakkutilliisuniit oqaaseqarfigineqassaaq, sulianik aallartitsinnginnermi, 2) Inini inissitsiterinermut pilersaarutitik, ininilluunniit allanngortititerinerni, taknikkikkut ikkussukkanut il.il. Sullivimmi nakkutilliisuniit oqaaseqaateqarfigineqassap put imaluunniit akuerineqarlutik, suliat aallartinneqannginnerini, aamma 3) Illut, init, areal-it il.il. inuussutissarsiornermut suliffeqarfimmut attartoqqusaanngillat, ininut assigisaannullu apeqqutit, 	<p>silaannarissarneqarnera nipiliornerlu,</p> <ol style="list-style-type: none"> 2) atugarissaarnermut suliniutit il.il., ilanngullugit isersimaartarfik nerisarfillu, atisaasivik, atisaajartarfik, perusuersartarfiit, errorsisarfiit uffarfiillu kiisalu siniffigisinnaasat issiaviillu, aamma 3) anisarfinnut tunngasut, ilanngullugit aqqusernit, majuartarfiit anisarfiillu.« <p>50. § 35-mi, immikkoortoq 3 nutaatut ikkunneqassaaq:</p> <p>» Imm. 1 naapertorlugu illuutitik, ininik, nunaminertanik il.il. attartornermut atuuttunik malittarisassiorortoqarsinnaavoq.</p> <p>«</p> <p><i>Imm. 3 tamatuma kingorna imm. 4-nngussaaq.</i></p>
--	--

<p>siunertarisamut atorneqarsinnaanerinit Sullivinni isumannaallisaanermiit oqaaseqarfigeqqaartinnagit imaluunniit akuerseqqaartinnagit.</p>	
<p>Kapitali 6 – Teknikkikkut atortut</p>	<p>51. Kapitali 6-mut <i>qulequtaq</i> »Teknikkikkut atortut« kingorna ikkunneqassaaq: »il.il.«</p>
<p>§ 36. teknikkikkut atortorissaarutit isumannaallisaanermut- peqqissutsi- mullu tunngasunut illersorneqarsin- naasumik inissitsitigaassapput ator- neqarlutillu. atorneqarnissaannut as- erfallatsaalineqarnissaannut, eqqiarneqarnissaannut iluarsartuun- neqarnissaannut assigisaannullu ma- littarisassat atuupput.</p> <p><i>Imm. 2. ---</i></p>	<p>52. § 36, <i>imm. 1, oqaaseqatigiit</i> <i>siullerni</i>, »Teknikkikkut atortut« allanngortinneqassaaq imaalillugu: »Maskiinat, maskinat atortui, immiussiviit, sanaartukkat ilusilersoriikkat, atortorissaarutit, sannatit, sanaartornermut atortunik pisiassat, teknikkikkut atortut allat inumnullu illersuutit«.</p>
<p>§ 37. Beskæftigelsesministerimiit teknikkikkut atortorissaarutinut ma- littarisassanik aalajangersaasoqarsin- naavoq, takuneqarsinnaasumi,</p> <p>1-5) ---</p> <p><i>Imm. 2. ---</i></p>	<p>53. § 37, <i>imm. 1-mi</i> »teknikkikkut atortut« kingorna ikkunneqassaaq: »il.il.«</p>
<p>§ 39. ---</p>	<p>54. § 39-p kingorna, <i>kapitali 7-</i> <i>imut</i> ikkunneqassaaq: »§ 39 a. Sulinermi peqqinnissamut ajutoornermilu ajoqusernissaq pitsaaliornissaa naammattoornissaalu siunertaralugu, atortussianik atortunilluunniit nioqutissiortumiit eqqussuisunilluunniit</p>

	<p> misissorneqareersunik misissuisoqarnissaanik imaluunniit uppersaatinik pisariaqartinneqartunik pissarsinissaq nalunaarutiginnissarlu pillugit suliffeqarnermut ministeri malittarisassiorsinnaavoq. Ilanngullugu atortussianut atortunullu tamanut, atortussianut atortullu ataasiakkaanut, atortussianut atortunullu aalajangersimasunut imaluunniit atortussianut atortunullu immikkut atorneqartussanut malittarisassiorsinnaavoq. <i>Imm. 2.</i> Malittarisassiortoqarsinnaavoq nalunaarutiginninneq imaqartinneqassasoq: 1) Atortussiap atortussalluunniit piginnaasai sunniutaanillu nalilersuiner mut pingaaruteqartunik pissutsinut paasissutissat, ilanngullugu taakkua piginnaasaat isumannaallisaaneq peqqinnissarlu eqqarsaatigalugit ulorianarsinnaaner inik imaluunniit ajorseriaataasinnaaner inik. </p>
--	---

	<p>2) Immikkoortiterinermut, poortorneqarnerinut meqqilerneqarnerinullu siunnersuutinik.</p> <p>3) Isumannaallisaaneq peqqinnissarlu eqqarsaatigalugit sulisut ajornerulernissaannut pitsaaliuinermi suliniutigineqartut patajaatsumik qulakkeerinninneq pillugu paasissutissat.</p> <p><i>Imm. 3.</i> Ilanngullugu malittarisassiorsinnaavoq atortussiat atortullu nutaat nalunaarutigineqarneraniit siusinnerpaamik qaammatip ataatsip qaangiunnerani atuisoqarsinnaaneraniik.</p> <p>Piffissaliussaq sivitsorneqarsinnaavoq, nalunaarutiginninneq amigartumik kukkusumilluunniit imaqarpat, taamaalilluni nalunaarut paasissutissanik imarisasaanik imaqartoq tiguneraniit qaammatip ataatsip qaangiunnerani, atortussiaq atortorluunniit aatsaat atorneqarsinnaalluni.</p>
--	--

	<p>§ 39 b. Atortussianik atortunilluunniit nioqqutissiortunit eqqussuisunilluunniit teknikkkut allatigullu paasissutissanik saqqummiinerini, atortussiap atortulluunniit sullivimmi avatangiisini isumannaallisaanermut peqqinnissamullu sunniutai pillugit paasissutissanik pingaaruteqartunik tamanik imaqartussaaneri pillugit suliffeqarnermut ministeri malittarisassiorsinnaavoq«.</p>
<p>§ 42. [...] saneqqutaarineq Nakkutilliinermut allattaavimmut allanneqassaaq, allatulluunniit uppersarsarneqarluni.</p>	<p>55. § 42, oqaaseqatigiit <i>aappaanni</i>, »nakkutilliinermut allattaavinnut allanneqartassaaq imaluunniit allatut taamatulli uppersarsaasarneqartassaaq« allanngortinneqassaaq imaalillugu: »allaganngorlugu uppersarsarneqassaaq«.</p>
<p>§ 49 a. ---</p> <p><i>Imm. 2.</i> malittarisassani aalajangersarneqarsinnaavoq, atuarfimmi nakorsamiit, misissuinissaq tunngavigalugu, atuartumiit atuarfik qimanneqannginnerani, akuersissutigineqaqqaassaaq, atuartoq napparsimanersoq, anniarnersorluunniit, atuartumut sullinneqarfimmini isumannaallisaanikkut</p>	<p>56. § 49 a, imm. 2-mi, »atuarfimmi nakorsaq« allanngortinneqassaaq imaalillugu: »peqqinnissaqarfik«.</p>

<p>peqqissutsikkullu tamanna sunniuteqarnersoq. [...]</p> <p><i>Imm. 3. ---</i></p>	
<p>§ 50. Kalaallinut sullivimmi isumannallisaaneq pilersinneqassaaq, suliffeqarnermi isumannaatsumik peqqisumillu sullivimmi avatangiisit suliutigineqarnerinut sunniuteqartumik. Siunnersuisoqatigiinniit makkua suliarineqassapput:</p> <ol style="list-style-type: none"> 1. --- 2. Siunnersuisoqatigiit piumasutsiminnik, pingaartutut isigisaminnut tunngasunik, sullivimmut avatangiisinut pingaaruteqartunut, beskæftigelsesministerimut, landstyremut, Sullivinnilu nakkutilliisunut, pingaaruteqartutut isigisaminnik, oqaaseqarfigineratigut 3. siunnersuisoqatiit oqaaseqarfigissavaat, inatsisinillu allannguinnissamik siunnersuuteqarlutik, malittarissanillu ataasiakkaanik, kisalu sulianut ataasiakkaanut, beskæftigelsesministerimut, landstyremut Sullivinnilu nakkutilliisunut siunnersuisoqatigiinniit saqqumiunneqarnerisigut. 4. --- <p><i>Imm. 2-4. ---</i></p>	<p>57. § 50, <i>imm. 1, nr. 2</i> aamma <i>3-mi</i>, aamma § 51, <i>imm. 1-mi</i>, qallunaatuuani allanngortinneqassaaq »landsstyret« imaalillugu: »Naalakkersuisut«.</p>

<p>§ 51. sullivinni avatangiisinilu siunnesuisoqatigiit siulersuisoqarput, landstyrimii toqqarneqartumik, suliffeqarnermiit allaniillu ilaasortaniit oqaaseqaateqarfigineriniit pisumik:</p> <p>1-4) ---</p> <p>5) ilaasortaq 1-q Kalaallit sulisitsisuiiniit (GA).toqqarneqartoq</p> <p>6) ilaasortaq 1-q, Kalaallit Nunaanni kommuuneqarfinniit toqqarneqartoq</p> <p>Nuna tamakkerlugu peqatigiiffik (KANUKOKA).</p> <p>7) Kalaallit landstyrianniit aningaasaqarnermut ministeri peqatigalugu ilaasortaq 1-q toqqagaq.</p> <p><i>Imm. 2-6. ---</i></p>	<p>58. § 51, <i>imm. 1, nr. 5-mi</i>, »Kalaallit Nunaanni Sulisitsisut peqatigiiffiat (GA)« allanngortinneqassaaq imaalillugu: »Sulisitsisut«.</p> <p>59. § 51, <i>imm. 1, nr. 6-mi</i>, »Kalaallit Nunaanni Kommuneqarfiit Kattuffiat (KANUKOKA)« allanngortinneqassaaq imaalillugu: »Kalaallit Nunaanni Kommuneqarfiit Ataatsimoortut«.</p> <p>60. § 51, <i>imm. 1, nr. 7-mi</i>, allanngortinneqassaaq »Kalaallit Nunaanni landstyr-i« imaalillugu: »Naalakkersuisut«.</p>
<p>§ 55. ---</p> <p>1-6) ---</p>	<p>61. § 55-mi, <i>imm. 2-tut</i> ikkunneqassaaq 4: »Imm. 2. Sullivinnik Nakkutilliisoqarfik paasissutissanik katersuisinnaavoq suliaqarlunilu, ilanngullugu oqartussaniit allaniit ataatsimut ingerlatsitsineq, nakkutilliisoqarfiup suliaminik naammassisaqarnissaa</p>

eqqarsaatigalugu pisariaqarpat,
ilanngullugu Sullivinnik
Nakkutilliisoqarfiup
nakkutilliinermini aamma
misissuinermini kiisalu
misissueqqissaarinermini,
pitsaaliuinermini
naatsorsueqqissaarnerminilu
anguniakkaminik tunaartassatut
atugassamik suliffeqarfiit
suussusersinissaannut.

Imm. 3. Sullivinnik

Nakkutilliisoqarfik
paasissutissanik nammineq
pigisanik paasissutissanillu,
imm. 1-mi 2-milu
ilaatinneqartuni, oqartussanut
allanut, oqartussat suliaminnik
ingerlatsinissaat
eqqarsaatigalugu pisariaqarpat,
ilanngullugu nakkutilliinermik
misissuinermillu suliassat,
ingerlatitseqqiisinnaavoq.

Imm. 4. Sullivinnik

Nakkutilliisoqarfiup
paasissutissanik imm. 2 aamma
3-mi malillugit katersineranut,
suliaqarneranut
ingerlatitseqqiinernullu
tunngatillugu suliffeqarnermut
ministeri erseqqinnerusumik
malittarisassiorsinnaavoq,
ilanngullugu paasissutissanik
katersukkat suliarineqarnerini
qaqugukkut, siunertarlu sorleq
suliassallu, qaqugukkut
paasissutissanik
piiiaasoqassanersoq aamma
teknikikkut aqqissugaanikkullu

	<p>suliniutaasut pillugit suliaqarnermut mianerineqartussat.«</p>
<p>§ 59. ---</p> <p><i>Imm.</i> 2-3. ---</p> <p><i>Imm.</i> 4. [...] Sulisitsisoq, taassumaluunniit <i>Imm.</i> 2-3. ---</p> <p>sinniisaatamatuminnga paasitineqassaaq, tak. § 17 b amma § 18.</p>	<p>62. § 59, <i>imm.</i> 4, <i>oqaaseqatigiit aappaanni</i>, »tamatuminnga ilisimatinneqartassaaq, tak. § 17 b aamma § 18.«</p> <p>allanngortinneqassaaq imaalilugu: », tak. §§ 17 c aamma § 18, tamatuminnga ilisimatinneqartassaaq.«.</p> <p>63. § 59 -mi ikkunneqassaaq <i>imm.</i> 5 og 6-tut: »<i>Imm.</i> 5. Sullivinnik Nakkutilliisoqarfimmi sulisut nakkutilliinermut atasumik sulisunik allanik peqateqartinnagit oqaloqatigineqarsinnaapput. <i>Imm.</i> 6. Sullivinnik Nakkutilliisoqarfimmi sulisut nakkutilliinermut atasumik sulisunik eqimattanik oqaloqateqartoqarsinnaapput, taamaaliorneq sullivimmi avatangiisinut tunnngassuteqarpat. Sulisut eqimattaatillugit oqaloqatigineqarneranni, sulisitsisoq tassunga sinniisoq, tak. §§ 17 c aamma 18, sulisitsisumilluunniit inuk</p>

	<p>toqqarneqartoq peqataanissamut pisinnaatitaavoq, Sullivinnik Nakkutilliisoqarfimmi sulisunit eqimattanik oqaloqateqarnermut siunertaasup asuliinnartinneqannginnissaani k nalilerneqarpat.«</p>
<p>§ 60. Sullivimmi nakkutilliisuniit naalakkiutaasinnaavoq, pissutsinik inatsisinut akersuuttoqarpat, imaluunniit malittarisassanut, inatsisilluunniit malillugit inerniliussanut, tuaviortumik piffissaliussaasoq naatinnagu iluarsineqarnissaannik.</p> <p><i>Imm. 2-3. ---</i></p>	<p>64. § 60, <i>imm. 1-mi</i>, al- lanngortinneqassaaq »peqqus- sutigisinnaavaa« imaalissaaq: »aalajangiiffigisinnaavaa« aamma »inatsit naapertorlugu« kingorna ikkunneqassaaq: »aamma ilanngullugu peqqus- sutigisinnaavaa, pissutsit«.</p>
	<p>65. § 60 -p kingorna ikkun- neqassaaq: »§ 60 a. Sullivimmi avatangiisit pitsanngorsarnissaat aamma sullivimmi avatangiisit pillugit ajornartorsiummik ataatsimik aralinnulluunniit aalajangersimasunik piffissap isumaqatigiissutaasup iluani aaqqiiviginissaat pillugu Sullivinnik Nakkutilliisoqarfiup sulisitsisoq allaganngorlugu isumaqatigiissuteqarfigisinnaav aa.</p>

	<p><i>Imm. 2. Isumaqatigiissut</i> pisinnaavoq, 1) Sullivinnik Nakkutilliisoqarfimmit paasineqarpat, pissutsit inatsimmut malittarisassanulluunniit imaluunniit inatsit naapertorlugu aalajangiinernut akerliusut, piffissaliussap iluani aaqqiivigineqartussat, aamma sulisitsisoq sullivinni avatangiisinut tunngasumik ajornartorsiut sullivimmi aralinni aaqqiiviginiarlugit kissaateqarpat, imaluunniit 2) Sullivinnik Nakkutilliisoqarfimmit pasitsaassippat, pissutsit inatsimmut malittarisassanulluunniit imaluunniit inatsit naapertorlugu aalajangiinernut akerliusut, aamma sulisitsisoq pissutsit pasitsaassutaasut aaqqiiviginiarlugit kissaateqarpat. <i>Imm. 3. Imm. 1 amma 2</i> malillugu isumaqatigiissusiortoqarpat, sullivimmi avatangiisit pillugit aaqqissuussaq imaluunniit, suliffeqarfimmi sullivimmi avatangiisit pillugit</p>
--	--

	<p>aaqqissuussamik pilersitsinissamik pisussaaffeqanngitsoq pineqartillugu, sulisut isumaqatigiissusiorneq pillugu ilisimatinneqassapput, sullivimmilu avatangiisit pillugit aaqqissuussa sulisulluunniit pissutsit aaqqiivigineqarnissaannik sulinermut peqataatinneqarnissallutik. <i>Imm. 4.</i> Isumaqatigiissuteqarneq Sullivinnik Nakkutilliisoqarfimmit nakkutilliinikkut malitseqartinneqassaaq. <i>Imm. 5.</i> Isumaqatigiissut sulisitsisumit imaluunniit Sullivinnik Nakkutilliisoqarfimmit atorunnaarsinneqarsinnaavoq, pissutsit isumaqatigiissummut aallaaviusut pingaarutilimmik allanngorsimappata.«</p>
<p>§ 61. Beskæftigelsesminister-i ma- littarisassanik atuutsitsilersinnaavoq, suliffigisami Nakkutilliinermut allat- taavimmik peqarnissaanik imaluun- niit tassunga assingusumik upper- narsaammik nakkutilliisup paasiniaa- nerinut, naalakkiutinut allanullu</p>	<p>66. § 61 imatut allanneqassaaq: »§ 61. Sulisitsisoq Sullivinnik Nakkutilliisoqarfiup aalajangiineri pillugit allakkatigut akissuteqassaaq, tamanna Sullivinnik</p>

<p>nalunaarutinut nakkutilliinermi atuakkamut imaluunniit upper- narsaatinut toqqorsivimmik.</p> <p><i>Imm. 2.</i> Sulisitsisumit allaganngor- lugu utertiffigininnissanik pi- umasagaataasunik il.il. Sullivimmi nakkutilliisuniit piffissaliussaq naatinnagu.</p>	<p>Nakkutilliisoqarfiup qinnutigippagu.</p> <p><i>Imm. 2.</i> Aalajangiinerit pillugit akissuteqarnermi sulisitsisup qulakkiissavaa, sullivimmi avatangiisit pillugit aaqqissuussaq imaluunniit suliffeqarfinni, sullivimmi avatangiisit pillugit aaqqissuussamik pilersitsinissamik pisussaaffeqanngitsoq pineqartillugu, sulisut sinniisaat, akissuteqarnissamut piffissaliussap naatinnagu, akissutaasup imarisaanik ilisimatinneqarnissaat. Tamatuminnga sulisitsisoq uppernarsaammik tunniussissaaq.«</p>
<p>§ 62. oqartussa qarfiit inuillu, kapitali 10-12 malillugu suliamik ingerlatsi- sut, kiisalu kikkulluunniit tamatu- munnga ikiorsiisut, nipangersima- sussaaitaapput, Kalaallit Nunaanni pinerluttulerinermut inatsit § 29 ma- lillugu.</p> <p><i>Imm. 2.</i> Sullivinni nakkutilliisoqar- fimmi sulisuni ikiortimiit sulisitsi- sumut taassumaluunniit sinniisaanut paasititseqqusaanngilaq, maalaaru- teqarnerup kingunerisaanik nakkuti- lliartorlutik pulaarneqarnissaannik.</p>	<p>67. § 62, <i>imm. 1</i>-mi, allanngortissaaq »kapitali 10-12« imaalillugu: »kapitali 10-13« aamma »§ 29« imaalillugu allanngortissaaq: »§§ 50-54«.</p> <p>68. § 62, <i>imm. 2</i>-mi, »taassumaluunniit sinniisuanut« allanngortinneqassaaq imaalillugu: »allat«, aamma »naapertorlugu nakkutilliisoqar- fiup misissuiartornissaanik«</p>

	<p>imaalillugu allanngortinneqassaaq: »Sullivinnik Nakkutilliisoqarfimmit tiguneqartoq«.</p>
<p>§ 63. lansstyremiit ministeri pineqartoq isumaqatigiissutiginniarnaniit, , Sullivinni nakkutilliisoqarfiup oqartussaasullu allat suleqatigiinnerannut, beskæftigelsesministerimiit malittarisassanik aalajangersaasoqarsinnaavoq</p>	<p>69. § 63-mi, allanngortinneqassaaq »landsstyret« imaalillugu: »Naalakkersuisut«, aamma »ministerip susassaqartup« allanngortissaaq imaalillugu: » naalakkersuisup susassaqartup«.</p>
<p>§ 64. Sullivinni nakkutilliisoqarfimmiit inerniliussamut maalaaruteqarneq, sapaatit akunneri 6-t qaangiutinnginnerinni, pineqartumut inerniliussaq nalunaarutigineqassaaq, beskæftigelsesministerimut tunniunneqarneratigut.</p> <p><i>Imm. 2. Maalaarut Sullivinni nakkutilliisunut nassiunneqassaaq. Sullivinni nakkutilliisuniit inerniliussaq aalajangiusimaneqarpat, beskæftigelsesministerimut maalaarut ingerlateqqinneqassaaq.</i></p> <p><i>Imm. 3. piffissaq eqqorlugu maalaarummik kinguartitsineq, beskæftigelsesministerimiit inerniliussinissap tungaanut, beskæftigelsesministeriluunniit allamik aalajangiussaqqarpat.</i></p>	<p>70. § 64, imm. 1 aamma 2-mi, imm. 3, oqaaseqatigiinni siullerni aamma imm. 4-mi, »suliffeqarnermut ministeri« allanngortinneqassaaq imaalillugu: »Sullivinni Avatangiisit pillugit Naammagittaalliuteqartarfik«, aamma imm. 3, oqaaseqatigiinni siullerni »sulinermit ministerip« allanngortinneqassaaq imaalillugu: »Sullivinni Avatangiisit pillugit Naammagittaalliuteqartarfiup«.</p> <p>71. § 64, imm. 2-mi, <i>oqaaseqatigiit pingajuattut ikkunneqassaaq:</i></p>

<p>Maalaarutit § 60, imm. 1 malillugu inerniliussinerit, pissutsinut piaartumik aaqqiivigineqarnissaannik, kiisalu inerniliussinerit § 60, imm. 2 aamma 3 malillugu, tuaviuussatut atuuffeqanngilaq.</p> <p><i>Imm. 4.</i> immikkut peqquteqartoqarpat, beskæftigelsesministerimiiit maalaarutigineqartoq suliarineqarsinnaavoq, tuaviuussatullu ilassuserneqarluni, maalaarulluunniit piffissaq eqqorlugu takkussimagaluarpat.</p> <p><i>Imm. 5.</i> Maalaarut beskæftigelsesministerimiiit inerniliivigineqannginnerani, Sullivimmi avatangiisinut siunnersuisoqatigiinniit oqaaseqaammik pisoqaqqaassaaq .---</p>	<p>»Sullivinni Avatangiisit pillugit Naammagittaalliuteqartarfimm ut naammagittaalliut nassiutinnginnerani, Sullivinnik Nakkutilliisoqarfik Suliffigissaasuniit oqaaseqaammik pissarseqqaassaaq.«</p>
---	---

	<p>72. § 64, imm. 5, atorunnaassaaq.</p>
<p>§ 65. Kalaallit nunaannut pinerluttulerinermut inatsit malillugu pineqaatissinneqassaaq,</p> <p>1-4) ---</p> <p><i>Imm. 2.</i> imm. 1 malillugu, pinerluttulerinermut inatsisitigut pineqaatissiineq pissaaq naatsorsuusiornikkut, isigineqassaarlu immikkut pisutut sukateriffigineqartutut, unioqutitsineq ajutoornikkut ilungersunartumik inummik aqqunaanikkut, toqumilluunniit kinguneqartumik.</p> <p><i>Imm. 3.</i> ---</p> <p><i>Imm. 4.</i> imm. 3 -p avataatigut, pisuni taaneqartuni, inatsisitigut pineqaatissiissummik naatsorsuusiornermi imm. 1 aamma 2 malillugu, immikkut pisumut sukaterinertut isigineqassaaq,</p> <p>1-4) ---</p> <p><i>Imm. 5.</i> tamanna immikkut pisutut sukaterinertut isigineqassaaq,</p>	<p>73. § 65, imm. 1-mi, »§§ 14-17« allanngortinneqassaaq imaalillugu: »§§ 14-17 c«</p> <p>74. § 65, imm. 2-mi, »kinguneqarsimappat« allanngortinneqassaaq imaalillugu: »kinguneqarpat«.</p>

inuusuttunut 18-nit inorlugit
ukiulinnut, inuunermik
peqqissutsimilluunniit,
ulorianartorsiornermilluunniit
kinguneqartumik, tak.imm. 4, nr. 2.

Imm. 6-8. ---

75. § 65, imm. 4-mi,
»taaneqartut«
allanngortinneqassaaq
imaalillugu: »allanneqartut«.

76. § 65, imm. 5, imatut
allanneqassaaq:

»Imm. 5. Immikkut ittumik
sukannerulerulersitsissutaasutut
isigineqassaaq,

1) inuusuttut 18-it inorlugit
ukiullit ajutoornermik kin-
guneqarsimappat inuup ajo-
quserujussuarneranik imaluunniit
toquneranik nassataqartumik,
tak. imm. 2,

2) inuusuttut 18-it inorlugit
ukiullit inuunerat peqqissusaal-
luunniit ajoquserneqarpat
imaluunniit ajoquserneqarnissaa
navialisinneqarsimappat, tak.
imm. 4, nr. 2,

3) inuit arlallit inuunerat
peqqissusaalluunniit ajoquser-
neqarpata imaluunniit ajoquser-
neqarnissaat navia-
lisinneqarsimappata,
imaluunniit

	<p>4) pineqartoq inatsisitigut pisinnaatitaasoq pisussaataitaasorlu ukiut sisamat iluini sullivimmi avatangiisit pillugit inatsimmi ataasiarluni arlaleriarluniluunniit sakkortuumik unioqqutitsisutut pineqaatissinneqarnermik eqqartuussaasimappat.«</p>
<p>§ 66. § 11, § 11 a, imm. 1-3, § 12, § 32, imm. 1, § 34, imm. 1, § 36, imm. 1, aamma § 38, imm. 1, ki-isalu, pissutsinut § 65, stk. 1, nr. 2 og 3, - mi pineqartunut unioqqutitsinermut, sulisitsisumut akiliisitaanermut akisussaaffimmik tunniussisoqarsinnaavoq, unioqqutitsinerluunniit sulisitsisumiit mianersuaalliornerunngikkaluarpata piaarinerunngikkaluarpalluunniit, tak. imm. 3. [...] akiliisitaanermik akisussaaffimmut, aalajangersagaq § 91, imm. 4 malillugu, Kalaallit Nunaanni pinerluttulerinermut inatsisitigut.</p>	<p>77. § 66, imm. 1, <i>oqaaseqatigiinni siullerni</i>, »sulisitsisoq« allanngortinneqassaaq imaalillugu: »sulisitsisusoq«.</p> <p>78. § 66, imm. 1, <i>oqaaseqatigiit pingajuanni</i>, » § 91, imm. 4« allanngortinneqassaaq imaalillugu: »§ 128, imm. 4«.</p>
<p>§ 67. [...] akiliisitaanermut akisussaaffik taamaattoq § 91, imm. 4-miippoq, Kalaallit Nunaanni pinerluttulerinermut inatsimmiittoq tassunga atorneqarsinnaanngitsoq.</p>	<p>79. § 67, imm. 1, <i>oqaaseqatigiit sisamaanni</i>, »§ 91, imm. 4« allanngortinneqassaaq imaalillugu: »§ 128, imm. 4«.</p>
<p>§ 67 a. Kalaallit Nunaanni pinerluttulerinermut inatsit malillugu pineqaatissiinerit, suliffeqarfinnut allanullu, naalakkiutigineqarsinnaanngilaq § 66, stk. 1, 1. pkt., og § 67, 2. pkt., jf. § 17 b. malillugu</p>	<p>80. § 67 a-mi, »§ 17 b« allanngortinneqassaaq imaalillugu: »§ 17 c«.</p>

§ 70. eqqartuussinerit Nunatta Eqqartuussisuuneqarfianiit pingaarnertut 1.-tut suliarineqartarput.	81. § 70-mi, allanngortinneqassaaq »Nunatta Eqqartuussisuuneqarfia« imaalillugu: »Nunatsinni Eqqartuussivik«.